

ভারতবর্ষ

কাঙ্ক্ষিক-১৩৪৬

প্রথম খণ্ড

সপ্তবিংশ বর্ষ

পঞ্চম সংখ্যা

বঙ্গীয় কুলশাস্ত্রের ঐতিহাসিক মূল্য*

অধ্যাপক শ্রীরমেশচন্দ্র মজুমদার এম-এ, পি এচ্-ডি, ভাইস-চ্যান্সেলার, ঢাকা বিশ্ববিদ্যালয়

১। কুলশাস্ত্রের পরিচয়

বিগত পঁচিশ বৎসর যাবৎ পাশ্চাত্য প্রণালীতে শিক্ষিত বাঙ্গালী ঐতিহাসিকগণ কুলশাস্ত্র সম্বন্ধে আলোচনা করিতে-ছেন। পরলোকগত নগেন্দ্রনাথ বসু বহু অল্পসন্ধানপূর্বক যে কুলশাস্ত্র আবিষ্কার করেন এবং তৎসমুদয়ের সাহায্যে ঐতিহাসিক সম্বন্ধে বহু গ্রন্থ রচনা করেন; প্রথমতঃ তাঁহাকে

কেন্দ্র করিয়াই ঐতিহাসিকগণের মধ্যে কুলশাস্ত্র আলোচনার সূত্রপাত হয়। তৎকালে অক্ষয়কুমার মৈত্রেয়, ঙরাখালদাস বন্দ্যোপাধ্যায়, শ্রীযুক্ত রমাপ্রসাদ চন্দ প্রভৃতি আধুনিক বিচারমূলক পদ্ধতিতে শিক্ষিত বাঙ্গালী ঐতিহাসিকগণ প্রায় একবাক্যে কুলশাস্ত্রের ঐতিহাসিকতার বিরুদ্ধে মত প্রকাশ করেন। ইহাতে কিছুমাত্র বিচলিত না হইয়া ঙনগেন্দ্রনাথ বসু কুলশাস্ত্রকে ঐতিহাসিক প্রমাণরূপে গ্রহণ করিয়া

* এই পত্রিকায় ধারাবাহিকভাবে প্রকাশিত পাঁচটি প্রবন্ধে এই বিষয়টি আলোচিত হইবে। এই প্রবন্ধগুলির পাদটীকায় নিম্নলিখিত সাক্ষাতিক চিত্রগুলি ব্যবহৃত হইয়াছে।

১ = ঙনগেন্দ্রনাথ বসু প্রণীত বঙ্গের জাতীয় ইতিহাস, প্রথম ভাগ, ব্রাহ্মণকাণ্ড, প্রথম অংশ। (গ্রন্থ প্রকাশের তারিখ নাই। ১৩১৮ বঙ্গাব্দে প্রকাশিত দ্বিতীয় সংস্করণের ভূমিকা হইতে জানা যায়, ইহা ১৩০৫ বঙ্গাব্দে প্রকাশিত হইয়াছিল)।
২ = ঙই ব্রাহ্মণ কাণ্ডের দ্বিতীয় অংশ (১৩৩৫)।
৩ = ঙই দ্বিতীয় ভাগ, ব্রাহ্মণকাণ্ড, তৃতীয়াংশ হইতে পঞ্চমাংশ

বহুসংখ্যক সামাজিক ইতিহাস রচনা করিয়াছেন। খ্যাতনামা ঐতিহাসিক ৩৭রপ্রসাদ শাস্ত্রী ও সাহিত্যিক শ্রীযুক্ত দীনেশচন্দ্র সেন ৩নগেন্দ্রনাথ বসুর মতের পৃষ্ঠপোষক ছিলেন।

এককালে এই বাদানুবাদ কিরূপ উগ্রভাব ধারণ ও ব্যক্তিগত বিরোধের সৃষ্টি করিয়াছিল তাহা এখনও আমাদের স্মৃতিপটে জাগরুক আছে। সেই সমুদয় বিরোধী দলের অনেকেই এখন লোকান্তরিত এবং যে কয়েকজন জীবিত আছেন তাঁহারাও রণক্ষেত্র হইতে অপস্থত। বাঙ্গালী সাহিত্যিকের সেই গ্লানিকর দ্বন্দ্বের কাহিনীও ধীরে ধীরে বিলুপ্ত হইতেছে। সুতরাং কুলশাস্ত্র সম্বন্ধে নিরপেক্ষ বিচারের সময় আসিয়াছে। কুলশাস্ত্রের আলোচ্য বিষয়কে মোটামুটি তিন ভাগে বিভক্ত করা যাইতে পারে :—

(১) এ দেশে যে কয়টি উচ্চজাতি—ব্রাহ্মণ, বৈষ্ণব, কায়স্থ প্রভৃতি বিদ্যমান, সাধারণ ভাবে তাহাদের ও তাহাদের প্রধান প্রধান শাখার উৎপত্তি ও বিস্তৃতির ইতিহাস।

(২) উক্ত জাতি বা শাখাসমূহের মধ্যে কালক্রমে যে কারণে বহুসংখ্যক ক্ষুদ্র ক্ষুদ্র বিভাগের সৃষ্টি হয় এবং এই সমুদয় বিভাগের মধ্যে পরস্পর আহার ও বৈবাহিক সম্বন্ধ প্রভৃতি বিষয় পরিচালনা করিবার জন্ত ভিন্ন ভিন্ন সময়ে যে সমুদয় রীতিনীতি ও নিয়মপ্রণালীর উদ্ভব হয় তাহার ধারাবাহিক ইতিহাস।

(৩) বধাসম্ভব উক্ত বিভাগসমূহের অন্তর্গত বিভিন্ন পরিবারের বংশাবলী ও তাহাদের প্রধান প্রধান ব্যক্তির সম্বন্ধে প্রচলিত আখ্যান বর্ণন। ইহার মধ্যে কেবলমাত্র প্রথমটাই বর্তমান প্রবন্ধের মূল আলোচ্য বিষয়। কারণ কুলশাস্ত্রের এই অংশেই প্রসঙ্গক্রমে প্রাচীন বাংলার হিন্দু রাজা ও রাজবংশের ইতিহাস বিবৃত হইয়াছে। কুলশাস্ত্র

ঐতিহাসিক ভিত্তির উপর প্রতিষ্ঠিত কি না এবং বাংলার প্রাচীন ইতিহাসের উপাদান হিসাবে তাহার মূল্য কি, একমাত্র এই অংশ আলোচনা করিলেই তাহা নির্ণয় করা যাইবে।

কুলশাস্ত্র সম্বন্ধে বৈজ্ঞানিক প্রণালীতে বিচারমূলক আলোচনায় যে একটি গুরুতর বাধা আছে প্রথমেই তাহার উল্লেখ করা আবশ্যিক।

কুলশাস্ত্র নামে পরিচিত গ্রন্থের সংখ্যা অনন্ত। ঘটক উপাধিধারী এক শ্রেণীর ব্রাহ্মণ বিভিন্ন স্থানে ও কালে এই সমুদয় গ্রন্থের রচনা করিয়াছেন এবং বংশানুক্রমে তাঁহাদের সন্তানসন্ততিগণ এই সমুদয় গ্রন্থের রক্ষণাবেক্ষণ ও আবশ্যিক মত পরিবর্তন ও পরিবর্দ্ধন করিয়াছেন। পরবর্ত্তী লেখকগণ কেবল যে নূতন নাম ও বংশাবলী যোজনা করিয়াছেন তাহা নহে, অনেক স্থলে অজ্ঞতাবশত পুরাতন পুঁথি নকল করিতে ভুল করিয়াছেন; অথবা নূতন তথ্যের সম্মান পাইয়া তাহা সংযোগ করিয়াছেন। তৎকালে সামাজিক মর্যাদা লাভ যেরূপ আকাঙ্ক্ষনীয় ছিল, সামাজিক গ্লানি ও অপবাদও সেইরূপ মর্শ্বপীড়াদায়ক ছিল। বস্তুত মুসলমান-যুগে বাঙ্গালী হিন্দুর সম্মুখে উচ্চতর কোন জাতীয় জীবনের আদর্শ বা উদ্দেশ্য না থাকায় সামাজিক শ্রেণীবিভাগ ও তৎসম্পর্কিত বিচারবিতর্কই জাতীয় জীবনের চরম ও গরম লক্ষ্য এবং জাতীয় ধীশক্তির প্রধান ক্রীড়ামঞ্চে পরিণত হইয়াছিল। সুতরাং ইহা খুবই সম্ভব এবং স্বাভাবিক যে, ঘটকগণকে অর্থদ্বারা বা অন্য কোন প্রকারে বন্দীকৃত করিয়া ব্যক্তি বা সম্প্রদায়বিশেষ নিজেদের আভিজাত্য-গৌরব বৃদ্ধি অথবা বিরুদ্ধ পক্ষের সামাজিক গ্লানি ঘটাইবার জন্ত প্রাচীন কুলশাস্ত্রের মধ্যে অনেক পরিবর্তন করাইয়াছেন অথবা নূতন কুলশাস্ত্র লিখিয়া পুরাতন কোন ঘটকের নামে চালাইয়াছেন। কুলশাস্ত্র গ্রন্থ সাধারণত ঘটকদিগের গৃহেই

বহু ৪, ৫ (চতুর্থ ও পঞ্চমাংশের পৃষ্ঠাঙ্ক পৃথক হওয়ায় উহা যথাক্রমে বহু—৪, বহু—৫ নামে উল্লিখিত হইবে)।

সং নিং = ৩লালমোহন বিদ্যালয়িণি ভট্টাচার্য্য কৃত সম্বন্ধনির্ণয়, ৩য় সংস্করণ, ১৩১৫ (ইং ১৯০৯) [ইং ১৮৭৪ সালে প্রথম প্রকাশিত]।

গৌ—বা = ৩মহিমাচন্দ্র মজুমদার কৃত গৌড়ে ব্রাহ্মণ, দ্বিতীয় সংস্করণ (ইং ১৯০০), [১৮৮০ সালে প্রথম প্রকাশিত]।

তদ্ব = শ্রীকালীপদভট্টাচার্য্য কৃত রাঢ়ীয় ব্রাহ্মণকুলতত্ত্ব (ইং ১৯৩৪)।

আদিপুর = ৩ক্ষিতীন্দ্রনাথ ঠাকুর কৃত আদিপুর ও ভট্টনারায়ণ (১৯৩৩)।

কুল = কুলতত্ত্বার্ণব, সর্বানন্দ মিশ্র কৃত, মেদিনীপুর ব্রাহ্মণ সভা হইতে প্রকাশিত (১৯২৭)।

মো—মু = বল্লাল মোহমুদার, শ্রীউমেশচন্দ্র গুপ্ত কর্তৃক প্রণীত (১৩১২, ইং ১৯০৫)

থাকিত এবং লোকের মুখে মুখে আবৃত্তি হইত। সুতরাং এই সমুদয়ের পরিবর্তন অপেক্ষাকৃত সহজসাধ্য ছিল।

এমতস্থলে কোন্ কোন্ কুলশাস্ত্র গ্রন্থকে প্রাচীন ও প্রামাণিক বলিয়া গ্রহণ করা যায় তাহাই প্রথম ও প্রধান সমস্যা। এই সমস্যার কোন প্রকার সমাধান না হইলে কুলশাস্ত্র সম্বন্ধে বৈজ্ঞানিক ভাবে আলোচনা সম্ভব নহে। ছুপের বিষয় বাহারা ইতিপূর্বে কুলশাস্ত্র সম্বন্ধে বিশেষ ভাবে আলোচনা করিয়াছেন তাঁহারা এই গুরুতর বিষয়টির দিকে বিশেষ মনোযোগ দেন নাই। শতাধিক বৎসর আগে এই কার্য্যটি যতদূর সহজসাধ্য ছিল, এখন আর তাহা নাই। কারণ বিগত একশত বৎসরের মধ্যে একদিকে প্রধানত ৩নগেন্দ্রনাথ বসুর অধ্যবসায় ও যত্নে যেমন বহু পুঁথি কুলশাস্ত্রের উদ্ধার হইয়াছে, তেমনি আবার নিয়মিত ভাবে কুলশাস্ত্র জাল করার রীতিও এদেশে প্রবর্তিত হইয়াছে। অভিযোগটি খুবই গুরুতর, সুতরাং ইহার সমর্থনকল্পে কয়েকটি দৃষ্টান্ত দিতেছি।

১। বঙ্গের জাতীয় ইতিহাস—দ্বিতীয় ভাগে বহু মহাশয় ঈশ্বর বৈদিকের কুলপঞ্জী সম্বন্ধে নিম্নলিখিত রূপ মন্তব্য করেন :—

“কলিকাতার পার্শ্ববর্ত্তী টালা নিবাসী গোরাণীয় রশিষ্ঠ গুরুচরণ বিদ্যালয়গরের নিকট হইতে এই জীর্ণ শীর্ণ তালপত্রে লিখিত ঈশ্বর বৈদিকের যে কুলপঞ্জী পাইয়াছি এইখানি দেখিলেই দিশতাধিক বর্ষের পূর্ববর্ত্তী হস্তলিপি বলিয়া মনে হইবে। সামন্তসারের সমাজদার বংশীয় পণ্ডিত শ্রীযুক্ত কালীচন্দ্র বিদ্যালয়গর মহাশয়ের মতে ঈশ্বর বৈদিকের কুলপঞ্জীই সর্বপ্রাচীন।” (পৃঃ ১০)

উক্ত গ্রন্থের ১৪ পৃষ্ঠায় এই বৈদিক কুলপঞ্জী হইতে শ্রামল বর্ষার পরিচায়ক যে অংশ উদ্ধৃত হইয়াছে তাহার মারমর্শ্ব এই :

“স্বর্ণরেখা নদীতটে কালীপুরী নগরীতে মহারাজ ত্রিবিক্রম রাজ্য করিতেন। তাঁহার মহিষী মালতীর গর্ভে বিজয়সেন নামক এক পুত্র জন্মে। রাজা বিজয়সেন তাঁহার পত্নী বিলোনার গর্ভে মল্লবর্ষা ও শ্রামলবর্ষা নামে দুইটি পুত্র উৎপাদন করেন। শ্রামলবর্ষা গৌড়দেশের রাজা হন।”

রামদেব বিদ্যালয়গরের বৈদিক কুলপঞ্জরী দ্বারাও উক্ত বিবরণ সমর্থিত হয়।

তেইশ বৎসর পরে বঙ্গের জাতীয় ইতিহাস (ব্রাহ্মণ-কাণ্ডের দ্বিতীয়াংশ) গ্রন্থের মুখবন্ধে উল্লিখিত অংশ সম্বন্ধে বহু মহাশয় মন্তব্য করেন :

“অষ্টাদশ বর্ষ পূর্বে রচিত এই গ্রন্থের প্রথম্যাংশে..... বিজয় সেন ও শ্রামলবর্ষাকে একই বংশীয় বলা হইয়াছে; কিন্তু নবাবিস্কৃত তাম্রশাসন দ্বারা তাহা ভ্রমাত্মক স্থির হইয়াছে। বাস্তবিক শ্রামলবর্ষা বর্ষাবংশীয় জাতবর্ষার পুত্র হইতেছেন।” (পৃঃ [৩])

কিন্তু কিছুকাল পরেই ঈশ্বর বৈদিককৃত কুলপঞ্জীর নূতন এক পুঁথি বহু মহাশয়ের হস্তগত হইল। ইহাতে শ্রামল বর্ষার যে পরিচয় আছে তাহার সহিত তাম্রশাসনের কোন অসঙ্গতি নাই। কিন্তু প্রথম ও দ্বিতীয় পুঁথির পার্থক্য অতি গুরুতর। এ সম্বন্ধে ৩রাখালদাস বন্দ্যোপাধ্যায় লিখিয়াছেন : “তুলনা করিলে দেখিতে পাওয়া যায় যে, ঈশ্বর বৈদিকের কুলপঞ্জিকার দ্বিতীয় পুঁথিতে “কালীপুর” স্থানে “দেশে কালী”, “স্বর্ণরেখা নদী” স্থানে “স্বর্ণরেখা পুরী”, “বিজয়সেনকং” স্থানে “কর্ণসেনকং”, “পত্নী তন্ত্র বিলোলা” স্থানে “কল্যা তন্ত্র বিলোলা”, “স্মিরাং” স্থানে “শ্রিরাং” পরিবর্তিত হইয়াছে। এই সকল পরিবর্তন সমেত দ্বিতীয় পুঁথিখানি বেলাবো তাম্রশাসন আবিষ্কারের অল্পদিন পরেই বহু মহাশয়ের হস্তগত হইয়াছিল। বেলাবো তাম্রশাসনে শ্রামল বর্ষার মাতামহ চেদিরাজ কর্ণদেবের নাম আছে, সুতরাং উক্ত তাম্রশাসন আবিষ্কারের পরে ঈশ্বর বৈদিক কৃত দ্বিতীয় পুঁথি আবিষ্কার হওয়ার সন্দেহ হইতেছে যে কোন ছুঁট ব্যক্তি ইচ্ছা পূর্বক কতকগুলি কুলশাস্ত্র রচনা করিয়া বারংবার বহু মহাশয়কে প্রতারিত করিয়াছে।” (বাংলার ইতিহাস, দ্বিতীয় সংস্করণ, ১৬০ পৃঃ)। নিরপেক্ষ ব্যক্তি নাহলেই রাখালবাবুর উক্তির যথার্থ স্বীকার করিবেন। কারণ নূতন তাম্রশাসন আবিষ্কারের ফলে যখন ইহা নিঃসন্দেহে প্রমাণিত হইল যে, ঈশ্বর বৈদিক কৃত কুলপঞ্জীর ঞায় প্রাচীন ও প্রামাণিক গ্রন্থোক্ত ঐতিহাসিক তথ্য সম্পূর্ণ ভ্রমাত্মক, তখনই নূতন পুঁথির আবিষ্কারের ফলে কুলশাস্ত্রের ঐতিহাসিকত্ব প্রতিষ্ঠিত হওয়ায় মনে স্বভাবতই সন্দেহ জাগে যে, কুলশাস্ত্রের মহিমা ও প্রতিষ্ঠা বজায় রাখিবার জন্তই এই নূতন পুঁথি জাল করা হইয়াছে। পরলোকগত রাখালদাস বন্দ্যোপাধ্যায় স্পষ্টত

এই অভিযোগ আনয়ন করা সত্ত্বেও ৩বঙ্গ মহাশয় নবাবিকৃত পুঁথিখানি জন সাধারণ্যে উপস্থিত করিয়া তাহার প্রামাণিকতা প্রতিপন্ন করিতে কোন প্রয়াস করেন নাই।

২। দলুজমর্দনদেবের মুদ্রা যখন প্রথম আবিষ্কৃত হয় তখন তাহার প্রকৃত তারিখ পড়িতে পারা যায় নাই। তখন ৩নগেন্দ্রনাথ বঙ্গ মহাশয় লিখিয়াছিলেন যে, কেশব সেনের পৌত্র দনোজমাধবের নাম এডুমিশ্র, হরিশ্র, ব্রহ্মানন্দ মিশ্র, মহেশ্বর প্রভৃতি কুলাচার্য্যগণের কোন কোন গ্রন্থে দলুজমর্দনরূপে লিখিত হইয়াছে। কিন্তু পরে দলুজমর্দনদেবের নূতন মুদ্রা আবিষ্কার হওয়ায় নিঃসন্দেহে জানা যাইতেছে যে, তিনি খৃষ্টীয় পঞ্চদশ শতাব্দীর লোক। সুতরাং তিনি ও দনোজমাধব এক ব্যক্তি হইতে পারেন না। এমতাবস্থায় যে সমুদয় কুলগ্রন্থে দনোজমাধবের পাঠান্তর দলুজমর্দন পাওয়া যায়, তাহা দলুজমর্দনের মুদ্রা আবিষ্কারের পরে রচিত একরূপ সন্দেহ করা যাইতে পারে।

৩। অস্পষ্ট একটি নবাবিকৃত পাণ্ডু নগরের টাঁকশালে প্রস্তুত মুদ্রার তারিখ পড়িতে ভুল হওয়ায় পূর্বে সাধারণের বিশ্বাস ছিল যে উক্ত মুদ্রায় উল্লিখিত মহেন্দ্রদেব দলুজমর্দনদেবের পূর্ববর্তী। এই সংবাদ বাহির হইবার পরেই নয়মনসিংহ জিলার পুড্যা গ্রামে বটু ভট্ট রচিত “দেববংশ” নামক একখানি প্রাচীন কুলগ্রন্থ আবিষ্কৃত হয়। ৩রাখালদাস বন্দ্যোপাধ্যায় বলেন যে, ‘গ্রন্থখানি খৃষ্টীয় সপ্তদশ শতাব্দীতে লিখিত, কিন্তু ইহার অক্ষর দ্বাদশ বা ত্রয়োদশ শতাব্দীর স্থায়’ (বাংলার ইতিহাস, ২য় সংস্করণ, পৃঃ ১৫৪)। এই গ্রন্থে দলুজমর্দনদেব পাণ্ডু নগরের রাজা মহেন্দ্রদেবের পুত্র বলিয়া কথিত হইয়াছেন। পরবর্তীকালে নূতন কতকগুলি মুদ্রা আবিষ্কার হওয়ায় নিঃসংশয়ে জানিতে পারা গিয়াছে যে, মহেন্দ্রদেব দলুজমর্দনের পরবর্তী। সমস্ত অবস্থা পর্যালোচনা করিলে বটুভট্টের “দেববংশ” আধুনিক কালের রচিত, সুতরাং জাল পুঁথি একরূপ মনে করার যথেষ্ট কারণ আছে।

৪। ৩নগেন্দ্রনাথ বঙ্গ মহাশয় ব্রাহ্মণডাঙ্গা নিবাসী বংশীবদন বিচারক ঘটকের বাড়ীতে একখানি কুলগ্রন্থের কতকগুলি শ্লোক উদ্ধৃত করিয়া আদিশুরের সময় নিরূপণ করিয়াছিলেন। এই গ্রন্থ পরীক্ষা করিবার নিমিত্ত বরেন্দ্র অল্পসন্ধান সমিতি তাঁহাদের সহকারী পুস্তক রক্ষক শ্রীযুক্ত

পুরন্দর কাব্যতীর্থকে ব্রাহ্মণডাঙ্গায় পাঠাইয়াছিলেন। তাঁহার পরীক্ষার ফলে জানিতে পারা যায় যে, ৩বঙ্গ মহাশয় কর্তৃক উদ্ধৃত অষ্টাশ্লোকগুলি একখানি কুলগ্রন্থে আছে, কিন্তু আদিশুরের কালজ্ঞাপক শ্লোকটি উহাতে নাই; তাহার স্থানে অষ্ট একটি শ্লোক আছে। আদিশুর ও জয়ন্তের অভিন্নত্বজ্ঞাপক যে শ্লোকের পাঠান্তরের কথা ৩বঙ্গ মহাশয় উল্লেখ করিয়াছেন তাহাও উক্ত ঘটকের গৃহস্থিত কোন কুলগ্রন্থে পাওয়া যায় নাই। ৩বঙ্গ মহাশয়ের জীবিতকালে শ্রীযুক্ত রমাশ্রমাদ চন্দ (মানসী, মাঘ ১৩২১) ও ৩রাখালদাস বন্দ্যোপাধ্যায় এই সমুদয় বৃত্তান্ত প্রকাশিত করেন। বিষয়টির গুরুত্ববোধে ইহা আলোচনা করিবার জন্ত কলিকাতায় একটি বিতর্ক সভার আয়োজন করা হয় এবং ৩বঙ্গ মহাশয়কে বিশেষভাবে ইহাতে যোগদান করিবার জন্ত আমন্ত্রণ করা হয়। কিন্তু ৩বঙ্গ মহাশয় এই সভায় যোগদান করেন নাই। ৩বঙ্গ মহাশয় ইহার পরেও প্রায় চব্বিশ বৎসর জীবিত ছিলেন, কিন্তু আত্মপক্ষ সমর্থনের জন্ত কোন কথা বলেন নাই।

এই সমস্ত বৃত্তান্ত ষাঁহার সর্বেশেষ জানিতে চাহে তাঁহার ৩রাখালদাস বন্দ্যোপাধ্যায় প্রণীত বাংলার ইতিহাস (দ্বিতীয় সংস্করণ, পৃঃ ১৩৩-১৩৮, ১৫২-১৬১) ও দ্য সাময়িক মাসিকপত্র পাঠ করিতে পারেন। বাহুল্য ভয়ে আমরা এ বিষয়ে আর অধিক কিছু বলিতে চাহি না। কিন্তু এই সমুদয় বিবেচনা করিলে সহজেই সন্দেহ জন্মে যে ঐতিহাসিক প্রমাণ দ্বারা কুলশাস্ত্রের মর্যাদা বৃদ্ধির জন্ত এবং সাম্প্রদায়িক কারণে বর্তমান যুগে বহু কৃত্রিম কুলশাস্ত্রের আমদানি হইতেছে।

একরূপ কৃত্রিমতার কথা ৩নগেন্দ্রনাথ বঙ্গ নিজে ক্ষেত্রান্তরে স্বীকার করিয়াছেন। তিনি নিজে কুলশাস্ত্র বিশেষ শ্রদ্ধাবান। সুতরাং তাঁহার নিজের উক্তি এ বিষয়ে মূল্যবান বিবেচনা করিয়া আমরা কয়েকটি দৃষ্টান্ত দিতেছি। কায়স্থ জাতির উৎপত্তিসূচক প্রাচীন গ্রন্থোদ্ধৃত অল্পসন্ধানী বচন এবং অনেক তথাকথিত প্রাচীন সংহিতার তন্ত্রগ্রন্থ যে প্রকৃতপক্ষে আধুনিককালে রচিত ইহা উক্ত রাজেন্দ্রলাল মিত্র ও ৩নগেন্দ্রনাথ বঙ্গ নিজেই স্বীকার করিয়াছেন। আমরা তাঁহাদের কয়েকটি মাত্র স্বীকারোক্তি উদ্ধৃত করিতেছি।

(ক) “আদৌ প্রজাপতে জাতা মুখাদ্ বিপ্রাঃ সদারকাঃ” ইত্যাদি কতকগুলি শ্লোক “অগ্নিপুরণ” হইতে উদ্ধৃত বঙ্গ কুলাচার্য্যকারিকার বচন বলিয়া শব্দকল্পক্রমে স্থান গাইয়াছিল। উক্তর রাজেন্দ্রলাল মিত্র অগ্নিপুরণের কোন পুঁথিতে ইহাদের সন্ধান পান নাই। এগুলি যে জাল পুঁথি বিষয়ে কোন সন্দেহ নাই। (জাতিতত্ত্ব বারিষি, ৪০১ পৃষ্ঠায় রাজেন্দ্রলালের এই বিষয়ক পত্র প্রকাশিত হইয়াছে)।

(খ) “আচারনির্ণয় তন্ত্র” নামক গ্রন্থ সম্বন্ধে নগেন্দ্রবাবু বলেন উহা “কোন বিশেষ উদ্দেশ্যে আধুনিক সময়ে রচিত হইয়াছে।” (বিশ্বকোষ, কায়স্থ শব্দ)।

(গ) ভবিষ্যপুরণ, পদ্মপুরাণ, বগম্ভূতি, মহাকাল-মহিমা হারীত, আপস্তম্ব, মেরুতন্ত্র, ব্যোমসংহিতা, বৃহৎসংহিতা প্রভৃতি গ্রন্থ হইতে উদ্ধৃত বলিয়া পরিচিত বহু শ্লোক যে আধুনিককালে রচিত এবং ঐ সমুদয় গ্রন্থে অজ্ঞাত, তাহা নগেন্দ্রবাবু বিশ্বকোষ কায়স্থ শব্দে এবং কায়স্থের বর্ণনির্ণয় গ্রন্থে স্বীকার করিয়াছেন।

(ঘ) “বিচিত্রো জগতাং হেতুর্ভগবাংচ সদাশ্রয়ঃ” ইত্যাদি কায়স্থোৎপত্তি বিষয়ক কতকগুলি শ্লোক সম্বন্ধে নগেন্দ্রবাবু লিখিয়াছেন—“পদ্মপুরাণীয় পাতাল খণ্ডের দোহাই দিয়া অনেকে এই বিবরণটি উদ্ধৃত করিয়াছেন। আমাদের কোন বন্ধু একখানি জাল পাতালখণ্ডের পুঁথি দেখাইয়া আমাদেরকেও প্রবঞ্চিত করিয়াছিলেন। তাহারই ফলে বিশ্বকোষে উক্ত শ্লোকগুলি উদ্ধৃত হইয়াছে। এখন পুনর আনন্দাশ্রম হইতে প্রকাশিত পদ্মপুরাণ ও নানাস্থানের বারখানি পুঁথি অল্পসন্ধান করিয়াও ঐ বচনগুলি বা বিবরণটির সন্ধান পাইলাম না।” (কায়স্থের বর্ণনির্ণয়—২৯ পৃঃ)। পরবর্তীকালে উক্তগ্রন্থের দ্বিতীয় সংস্করণের পরিশিষ্টে বঙ্গ মহাশয় এইমত কিঞ্চিৎ পরিবর্তিত করিয়াছিলেন। কিন্তু এই পরিবর্তনের যে কারণ দেখাইয়াছেন তাহা যুক্তিসহ নহে।

যেখানে জাতির মাহাত্ম্য বাড়াইবার জন্ত সুপরিচিত পুরাণ ও সংহিতার নামে প্রক্ষিপ্ত বচন চালান এবং প্রাচীন তন্ত্র ও সংহিতার নামে নূতন গ্রন্থ রচনা সম্ভব হইয়াছে, সেখানে অল্পরূপ উদ্দেশ্যে কুলশাস্ত্র যে পরিবর্তিত, পরিবর্ধিত ও আধুনিক যুগে রচিত হইবে তাহার বিচিত্রতা

কি? সুতরাং এই কয়েকটি দৃষ্টান্ত আলোচনা করিলে সহজেই প্রতীতি হইবে যে ৩বঙ্গ মহাশয় যে সমুদয় কুলগ্রন্থের উপর নির্ভর করিয়া বঙ্গের জাতীয় ইতিহাস রচনা করিয়াছেন তাহার মধ্যে অনেক কৃত্রিমতা আছে। ক্ষেত্রবিশেষে কৃত্রিমতার প্রকারভেদ আছে। হয় আগাগোড়া পুঁথিখানাই হালের লেখা, নয় ত কয়েকটা পাতা অদল বদল, নয় ত প্রাচীন গ্রন্থের প্রতিলিপিতে নূতন শ্লোক প্রক্ষিপ্ত হইয়াছে।

প্রায় পঁচিশ বৎসর পূর্বে ঢাকা হইতে পাবনা সাহিত্য সম্মিলনীতে গিয়াছিলাম। পথে ষাঁহার এক ভদ্রলোকের সঙ্গে আলাপ হয়। প্রসঙ্গক্রমে তিনি পুরাতন পুঁথি (বিশেষত, কুলশাস্ত্র) প্রস্তুত করিবার প্রণালী আমার নিকট বিশদভাবে ব্যাখ্যা করিলেন। লেখা কাগজের উপর কি গ্যাসিড দিয়া মাসখানেক বাবুর নীচে রাখিলে নূতন পুঁথি ঠিক কীটদষ্ট পুরাতন পুঁথির মত দেখায়। যেভাবে তিনি প্রত্যক্ষদর্শীর স্থায় এই সমুদয় বর্ণনা করিলেন তাহাতে আমার সন্দেহ হইল। জিজ্ঞাসা করিলাম তিনি নিজেই এই কার্য করিয়াছেন কি-না। বলিলেন, অর্থাভাবে তাঁহাকে একরূপ কার্য করিতে হইয়াছে। কে তাঁহাকে এই কার্যে নিযুক্ত করিয়াছিল তাহাও বলিলেন।

সুতরাং একথা অবশ্যই স্বীকার করিতে হইবে যে, ঊনবিংশ শতাব্দীর পূর্বে যে সমুদয় কুলশাস্ত্র অজ্ঞাত ছিল এবং যাহা এক্ষণে ৩বঙ্গ মহাশয়ের সংগ্রহে স্থান পাইয়াছে, তাহার অকৃত্রিমতা সম্বন্ধে সন্দেহ করার যথেষ্ট কারণ আছে। এমতস্থলে কেবলমাত্র এই সমুদয় পুঁথির উপর নির্ভর করিয়া কোন সিদ্ধান্ত করা যায় না। ৩বঙ্গ মহাশয় অসীম অধ্যবসায় ও অক্লান্ত শ্রম সহকারে বহু কুলগ্রন্থ সংগ্রহ করিয়াছেন। কিন্তু তাঁহার নিজের স্বল্প বিচার-শক্তি না থাকায় এবং তাঁহার পুঁথিসংগ্রহকারীদের সততা ও সত্যনিষ্ঠার অভাবে এই বিপুল গ্রন্থরাজি বাংলার ইতিহাসের বিশেষ কোন কাজে লাগিল না ইহা নিতান্তই পরিতাপের বিষয়।

ঊনবিংশ শতাব্দীর পূর্বে যে কোন কুলগ্রন্থ জাল হয় নাই একথা বলিতেছি না। বরং ব্যক্তিগত স্বার্থের উদ্দেশ্যে একরূপ কৃত্রিমতা যে খুবই সম্ভব ও স্বাভাবিক তাহা পূর্বেই বলিয়াছি। তবে ঊনবিংশ শতাব্দীর পূর্বে ব্যাপক ও

বিধিবদ্ধভাবে এবং কোন বিশেষ ঐতিহাসিক তথ্য সমর্থনের জন্ত কুলগ্রন্থ জাল করা হইয়াছে; এরূপ কোন প্রমাণ পাই নাই। স্মরণ্য যে সমুদয় প্রাচীন কুলগ্রন্থের বহুল প্রচলন ছিল এবং ঊনবিংশ শতাব্দীর পূর্বে যাহার পুঁথি আবিষ্কৃত ও পরিচিত হইবার বিশিষ্ট প্রমাণ বিদ্যমান আছে, প্রধানত সেই সমুদয় গ্রন্থ অবলম্বন করিয়াই কুলশাস্ত্রের ঐতিহাসিকতা বিচার করিতে হইবে।

কিন্তু স্মরণ রাখিতে হইবে যে, ঊনবিংশ শতাব্দীর পূর্বেই গ্রন্থমাত্রই যে অকৃত্রিম তাহাও নিঃসন্দেহে বিশ্বাস করা কর্তব্য নহে। এ বিষয়েও ঊনগেন্দ্রনাথ বসুর নিজের উক্তিই উদ্ধৃত করিতেছি :

“পুরাণের দোহাই দিয়া কতশত বচন রচিত হইয়াছে তাহার ইয়ত্তাই নাই। কমলাকর ভট্টের সময় হইতে আরম্ভ করিয়া আন্দুলের রাজা রাজনারায়ণ ও রাজা রাধাকান্ত দেবের সময় পর্য্যন্ত ঐ সকল শ্লোকের প্রাদুর্ভাব। তৎপর যজ্ঞোপবীতপ্রার্থী কতিপয় কায়স্থের আগ্রহেও দেশীয় কোন কোন ব্রাহ্মণ পণ্ডিত অর্থোপার্জননের চেষ্টায় দুই-একটি শ্লোক গড়িয়াছেন ও উপবীতপ্রিয় কায়স্থগণের মনোরঞ্জে অগ্রসর হইয়াছেন। সে সকল কথার উল্লেখ করাই নিশ্চয়োজন।” (কায়স্থের বর্ণনির্ণয়, ১৮ পৃঃ)।

‘পুরাণ’, ‘যজ্ঞোপবীতপ্রার্থী (উপবীতপ্রিয়) কায়স্থ’ ও ‘রাধাকান্ত দেব’ ইহার পরিবর্তে যথাক্রমে ‘কুলশাস্ত্র’, ‘ব্যক্তিগত বা সামাজিক মর্যাদাপ্রার্থীগণ’ ও ‘ঊনগেন্দ্রনাথ বসু’ এই তিনটি শব্দ বসাইলেও উল্লিখিত মন্তব্য তুল্যরূপে সত্য বলিয়া গ্রহণীয়। বর্তমান কালে কুলগ্রন্থ জালের দৃষ্টান্ত পূর্বে দিয়াছি—আরও অনেক দেওয়া যায়। “চন্দ্রদ্বীপের রাজা প্রেমনারায়ণের সভাপণ্ডিত ধ্রুবানন্দকৃত গৌড়বংশাবলী” অথবা গৌড়কায়স্থ বংশাবলী (বিশ্বকোষ, ৪১৩৪১) নামে একখানি কুলগ্রন্থ হইতে নগেন্দ্রবাবু তাঁহার জাতীয় ইতিহাসে অনেক প্রমাণ সংগ্রহ করিয়াছেন। কিন্তু পাতালখণ্ডের “বিচিহ্নো জগতাং হেতুঃ” প্রভৃতি যে সমুদয় জাল শ্লোক দ্বারা নগেন্দ্রবাবু প্রচারিত হইয়াছিলেন বলিয়া স্বীকার করিয়াছেন, এই কুলগ্রন্থের প্রারম্ভেই সেই সমুদয় শ্লোক “পাদে পাতালখণ্ডে” এই দোহাই দিয়া উদ্ধৃত করা হইয়াছে। এই গ্রন্থখানি যে (নগেন্দ্রবাবুর ভাষায়)

“কোন বিশেষ উদ্দেশ্যে আধুনিক সময়ে রচিত হইয়াছে” তাহার অত্যাশ্চর্য্য অনেক প্রমাণ আছে।

আধুনিক যুগে লিখিত যে সমুদয় গ্রন্থে কুলশাস্ত্র সম্বন্ধে আলোচনা আছে তন্মধ্যে লালমোহন বিদ্যানিধি ভট্টাচার্য্য কৃত সম্বন্ধনির্ণয়ই বোধ হয় সর্বাপেক্ষা প্রাচীন। ইং ১৮৭৪ সালে ইহা প্রথম মুদ্রিত হয়। গ্রন্থমধ্যে তিনি কুলগ্রন্থগুলির কোন প্রকার বিবরণ দেন নাই, কিন্তু তাঁহার উক্তির পোষকতার জন্ত অনেক কুলগ্রন্থ হইতে অংশবিশেষ উদ্ধৃত করিয়াছেন। ইং ১৮৮৫ খৃষ্টাব্দে মহিমচন্দ্র মজুমদার রচিত ‘গৌড়ে ব্রাহ্মণ’ নামক গ্রন্থ প্রকাশিত হয়। এই গ্রন্থের উপক্রমণিকায় রাঢ়ীয় ও বারেন্দ্র ঘটকদিগের নিকট যে “কুলগ্রন্থসকল সচরাচর দৃষ্ট হয়” গ্রন্থকার তাহার নিম্নলিখিত তালিকা দিয়াছেন :

রাঢ়ীয়

- ১। ধ্রুবানন্দ মিশ্রকৃত মহাবংশাবলী
- ২। মিশ্রাচার্য্যকৃত মিশ্রগ্রন্থ
- ৩। ধ্রুবানন্দমতব্যাখ্যা
- ৪। ফুলিয়া কুলবর্ণন
- ৫। বাচস্পতি মিশ্র ঘটককৃত কুলরাম
- ৬। রামহরি তর্কালঙ্কার কৃত মেলমালা

এতদ্ব্যতীত কুলার্ণব, সাগরপ্রকাশ, কুলচক্রিকা, কুলদীপিকা প্রভৃতি আরও ক্ষুদ্র ক্ষুদ্র গ্রন্থ আছে।

বারেন্দ্র

- ১। কুলপঞ্জিকা
- ২। গাঞিমালা
- ৩। ভাতুড়ি কুলব্যাখ্যা
- ৪। কুলীনগণের বংশাবলী
- ৫। শ্রোত্রিয়গণের বংশাবলী
- ৬। চাকুর অর্থাৎ করণাদির গ্রন্থ
- ৭। নিগূঢ় গ্রন্থ

এতদ্ব্যতীত ঊনবিংশ শতাব্দীর শেষার্ধ্বে রাজা রাজেন্দ্রলাল মিত্র, পার্ব্বতীশঙ্কর রায়চৌধুরী প্রভৃতির ঐতিহাসিক রচনায় এবং শব্দকল্পদ্রুম প্রভৃতি গ্রন্থে অনেক কুলগ্রন্থের উল্লেখ আছে এবং অংশবিশেষ উদ্ধৃত হইয়াছে। ঊনগেন্দ্রনাথ বসু তাঁহার গ্রন্থাবলীতে অনেক নূতন কুলগ্রন্থের উল্লেখ

করিয়াছেন। কিন্তু যে কারণে এগুলি বিশ্বাসযোগ্য ও অকৃত্রিম বলিয়া গ্রহণ করা যায় না তাহা পূর্বেই উল্লেখ করিয়াছি। বর্তমান যুগে যে সমুদয় নূতন কুলগ্রন্থের সন্ধান পাওয়া যায় তাহাও ঠিক ঐ একই কারণে বিশিষ্ট প্রমাণ ব্যতীত অকৃত্রিম ও প্রামাণিক বলিয়া গ্রহণ করা যায় না।

ঠিক কুলগ্রন্থের শ্রেণীভুক্ত না হইলেও কয়েকখানি গ্রন্থে কুলশাস্ত্রোক্ত বিষয় আলোচিত হইয়াছে। আনন্দ ভট্টকৃত বল্লালচরিত বোধ হয় এই শ্রেণীর সর্বপ্রাচীন গ্রন্থ। নবদ্বীপাধিপতি রাজা কৃষ্ণচন্দ্রের সময়ে তাঁহার কোন সভাসদ কর্তৃক সংস্কৃত ভাষায় রচিত ক্ষিতীশবংশাবলী-চরিত নামক গ্রন্থে অনেক কুলগ্রন্থোক্ত বিষয় উদ্ধৃত হইয়াছে। এই গ্রন্থ ১৮৫২ অব্দে বার্লিন নগরে মূল ও ইংরেজী ভাষায় মুদ্রিত হয়। পরে ঊনবিংশ শতাব্দীর শেষভাগে নবদ্বীপের রাজবাটীর দেওয়ান শ্রীকার্ত্তিকের রায় কর্তৃক সংস্কৃত আকারে বাঙ্গালা ভাষাতে ক্ষিতীশবংশাবলী চরিত মুদ্রিত হইয়াছে। (১ক)

কুলগ্রন্থগুলির মধ্যে যেগুলি প্রাচীন ও প্রামাণিক, ঐতিহাসিক উপাদান হিসাবে তাহাদের ব্যবহার করা বিষয়েও একটি গুরুতর বাধা আছে। যে সমুদয় প্রাচীন লেখক এইগুলির উল্লেখ করিয়াছেন তাঁহারা আলোচ্য পুঁথির কোনরূপ বিবরণ দেন নাই। যে সমুদয় পুঁথির উপর তাঁহারা নির্ভর করিয়াছেন তাহা কোথায় কাহার নিকট হইতে প্রাপ্ত এবং বর্তমানে কোথায় রক্ষিত, পুঁথির লেখার আনুমানিক প্রাচীনতা, ভাষা ও বর্ণশুদ্ধি, পৃষ্ঠা, পংক্তি প্রভৃতি যে সমুদয় বিবরণ থাকিলে কোন পুঁথির সম্বন্ধে সঠিক ধারণা করা যায় এবং একই নামে প্রচলিত অল্প পুঁথি উহার সহিত অভিন্ন কি-না তাহার নির্ণয় সম্ভব হয় সে সমুদয় বিবরণ প্রায় কেহই দেন নাই। ফলে অনেক কুলগ্রন্থের আর সন্ধান পাওয়া যায় না এবং ঊনবিংশ শতাব্দীতে পরিচিত কোন কুলগ্রন্থ ও বর্তমানকালে ঐ নামে প্রচলিত কুলগ্রন্থের সহিত সাদৃশ্য ও বিভিন্নতার পরিমাণ নিরূপণ করা যায় না। ঊনবিংশ ও বিংশ শতাব্দীতে সুপরিচিত ধর্মশাস্ত্র ও কুলগ্রন্থের অংশবিশেষের পরিবর্তন ও পরিবর্দ্ধন করার দৃষ্টান্ত পূর্বেই দিয়াছি। স্মরণ্য প্রাচীন

- (১ক) গৌ—বা
(২) বসু ১ (১২৫)

কুলগ্রন্থের নামের দোহাই দিলেই তাহার কোন উক্তি প্রামাণিক বলিয়া গণ্য করা সম্ভব নহে। এই সমুদয় উক্তি গ্রহণ করিবার পূর্বে মূল পুঁথিখানি পরীক্ষা করা আবশ্যিক এবং ঐ গ্রন্থের অত্যাশ্চর্য্য পুঁথিতে এরূপ উক্তি আছে কি-না তাহাও দেখা কর্তব্য।

এডুমিশ্রের কারিকা ও হরিমিশ্রের কারিকা নামক দুইখানি প্রাচীন ও প্রামাণিক বলিয়া গৃহীত কুলগ্রন্থের বিবরণ দিলেই আগাদের বক্তব্য পরিষ্কৃত হইবে।

এডুমিশ্রের কারিকা

ঊনগেন্দ্রনাথ বসু লিখিয়াছেন যে, এডুমিশ্র মহারাজ কেশব সেনের সভায় বিদ্যমান ছিলেন। কিন্তু হুলো পঞ্চাননের গোষ্ঠী কথা অল্পসারে এডুমিশ্র (লক্ষণ সেনের সমসাময়িক) রোবাকরের পৌত্র ও দহুজমাধু রাজার সমসাময়িক অথবা পরবর্তী এবং হরিমিশ্রের মতে এই দহুজমাধু অথবা দনোজামাধব মেনবংশ ধবংসের পর রাজা হন। (প্রাতুরভবং ধর্ম্মাত্মা সেনবংশাদনন্তরম্। দনোজা মাধবঃ সর্বভূপেঃ সেব্যপদান্বজঃ ॥) (৩)। গোষ্ঠী কথার এই অংশ ঊনগেন্দ্রনাথ বিদ্যানিধি তাঁহার সম্বন্ধনির্ণয়ের উপসংহারে উদ্ধৃত করিয়াছেন। (৪) ঊনগেন্দ্রনাথ এই মতখণ্ডনের কোন প্রয়াস পান নাই। তবে অত্যাশ্চর্য্য এডুমিশ্রের কারিকা হইতে একটি অংশ উদ্ধৃত করিয়াছেন। তাহাতে যখনহস্তে পরাজিত কেশব সেন স্বীয় রাজ্য হইতে পলায়ন করিয়া কুলপণ্ডিত এডুমিশ্র সহ অল্প রাজার রাজ্যে আশ্রয় গ্রহণ করেন এইরূপ উক্তি আছে। (৫) এই উক্তির সত্যতা সম্বন্ধে সন্দেহ করার যথেষ্ট কারণ আছে।

এডুমিশ্র কুলার্চার্য্যদের মধ্যে সর্বপ্রাচীন। তাঁহার

- (৩) সং—নিং (৭১১)। দনোজামাধব যে খৃষ্টীয় ত্রয়োদশ শতাব্দীর শেষভাগে বর্তমান ছিলেন তাহা পরে প্রমাণিত হইয়াছে। স্মরণ্য তিনি কেশব সেনের সমসাময়িক হইতে পারেন না।
(৪) “এডুমিশ্র গিরিস্ত, রোবাকর পৌত্র”,
“এডুমিশ্র হবিজ লেপে সমাজকথা।
তার সময় বা ছিল সমাজপ্রথা ॥
তিনি বলেন দহুজমাধু যদা রাজা।
কামরূপ আদি কানী পর্য্যন্ত বে প্রজা ॥” সং নিং (৭১৩)
(৫) বসু—১ (১৫৬—৭)। কুলতর্নাবর্গ মতে এই রাজার নাম দনোজামাধব (৬৯ পৃঃ)।

কারিকার কোন কোন অংশ সম্বন্ধনির্ণয়ে উদ্ধৃত হইয়াছে, কিন্তু এই গ্রন্থের কোন পরিচয় নাই। ৮নগেন্দ্রনাথ বসু বলেন যে এডুগিশ্বের “কারিকা” মধ্যে অলৌকিক ও অবিদ্বান্ধ ঘটনার সমাবেশ এবং মধ্যে মধ্যে আধুনিক কুলাচার্যের লিখিত বিবরণাদি প্রক্ষিপ্ত থাকায় তাঁহার কারিকা হইতে তৎসাময়িক মৌলিকংশ নিঃসন্দেহে নির্দেশ করা অতীব কঠিন। (৬) বসু মহাশয় যাহাকে অলৌকিক ও অবিদ্বান্ধ বলিয়াছেন তাহার কোন কোন ঘটনা বল্লাল সেনের সময়কার অর্থাৎ এডুগিশ্বের জীবিতকালে বা তাহার কিঞ্চিৎ পূর্বে সংঘটিত হইয়াছিল। প্রায় সমসাময়িক ঘটনা সম্বন্ধে যদি কাহারও উক্তি অলৌকিক ও অবিদ্বান্ধ হয় তবে অবশ্যই স্বীকার করিতে হইবে যে, হয় গ্রন্থখানি কৃত্রিম, নয় ত গ্রন্থকার বিচারশক্তিহীন। সর্ব প্রাচীন কুলশাস্ত্র সম্বন্ধে এই সিদ্ধান্ত অস্বাভাবিক কুলশাস্ত্র সম্বন্ধেও প্রযোজ্য হইতে পারে।

বসু মহাশয় এডুগিশ্বের কারিকার যে অসম্পূর্ণ পুঁথি পাইয়াছেন তাহার কোন বিশিষ্ট পরিচয় দেন নাই। বিদ্বান্ধি মহাশয় এডুগিশ্বের কারিকার কোন পুঁথি দেখিয়াছেন কি-না সন্দেহ; সম্ভবত অল্প কোন গ্রন্থে উদ্ধৃত এডুগিশ্বের কারিকার বচন তিনি স্বীয় গ্রন্থে সন্নিবিষ্ট করেন। এডুগিশ্বের কারিকার কোন পুঁথি সন্ধান করিয়া পাই নাই।

হরিশ্বের কারিকা

হরিশ্ব নামে দুইজন কুলাচার্য ছিলেন। হুলো পঞ্চানন (ষোড়শ শতাব্দী) ইহাদের দুই জনেরই পরিচয় দিয়াছেন। হুলো পঞ্চাননের নিম্নলিখিত ও অন্যান্য বচনগুলি সম্বন্ধনির্ণয়ে উদ্ধৃত হইয়াছে। (৭) বন্দ্যবংশীয় হরিশ্ব কুলাচার্য ঋগবান্দের বৃদ্ধ প্রপিতামহ এবং বল্লাল পূজিত মহেশ্বর বন্দ্যার প্রপৌত্র। স্তুরাং তিনি খৃষ্টীয় ত্রয়োদশ অথবা চতুর্দশশতকে বর্তমান ছিলেন এরূপ অনুমান করা যাইতে পারে।

পঞ্চানন মুখোবংশীয় হরিশ্বের যে বংশ পরিচয় দিয়াছেন

(৬) বসু—১ (১২৫)

(৭) সং নিং (৭১২, ৭২৬—৭)

তাহা হইতে মনে হয় তিনি বল্লালের নিকট কৌলীকপ্রাপ্ত উৎসাহ নামক ব্রাহ্মণের অধস্তন অষ্টম পুরুষ। স্তুরাং তিনি সম্ভবত পঞ্চদশ শতকে বর্তমান ছিলেন। ঋগবান্দের মহাবংশে ইনি অষ্টমস্তম সমীকরণে উল্লিখিত হইয়াছেন। ঋগবান্দের মতে একষষ্ঠিতম সমীকরণ সম্ভবত পঞ্চদশ শতাব্দীর মধ্যভাগে হয় এবং অষ্টমস্তম সমীকরণ হয় তাহার এক-পুরুষ পরে। স্তুরাং এই হিসাবেও মুখোবংশীয় হরিশ্বের সময় পঞ্চদশ শতাব্দীর শেষার্ধ্বে।

হুলো পঞ্চানন গোষ্ঠীকথায় লিখিয়াছেন—

“পঞ্চাননে বলে কিবা দিব পরিচয়
এডু হরি জানে কুলকথা সমুদয়।”

এই শ্লোকেও হরি উল্লিখিত মুখোবংশীয় হরিশ্ব।

হরিশ্ব নামক এই দুই কুলাচার্য যথাক্রমে পূর্ব ও পশ্চিম বঙ্গে আদৃত হইতেন। উক্ত গোষ্ঠীকথায় পঞ্চানন লিখিয়াছেন :

“বন্দ্য হরিশ্ব বাক্য পূর্বদেশে ধৃত।
মুখমিশ্র হরি গাথা গঙ্গাতীরে গীত ॥”

৮নগেন্দ্রনাথ বসু যে হরিশ্ব কারিকাকে সর্বাঙ্গী প্রামাণিক কুলগ্রন্থ বলিয়া গ্রহণ করিয়াছেন, তাহা কোন হরিশ্বের রচিত সে সম্বন্ধে স্পষ্টত কিছুই বলেন নাই। পূর্ববর্তী যে সমুদয় লেখকেরা হরিশ্বের বচন উদ্ধৃত করিয়াছেন তাঁহারাও এ সম্বন্ধে কোন আলোচনা করেন নাই। শ্রীলালমোহন মুখোপাধ্যায় বন্দ্যহরিশ্বকৃত ‘বংশাবলী’ এবং মুখহরিশ্বকৃত ‘সারাবলী’ নামক গ্রন্থের উল্লেখ করিয়াছেন। (৭ক) ইহার কোনটি ৮নগেন্দ্রনাথ বসুর মতে হরিশ্ব “খৃষ্টীয় ত্রয়োদশ শতাব্দীর শেষভাগে মহারাজ দনৌজামাধবের সভায় বিদ্যমান ছিলেন।” (৮) কিন্তু তিনি ইহার সপক্ষে কোন প্রমাণ দেন নাই।

হরিশ্বের কারিকা সম্বন্ধে ৮নগেন্দ্রনাথ বসু বলেন যে, এডুগিশ্বের কারিকা ইহা অপেক্ষা প্রাচীন হইলেও “সৌভাগ্যক্রমে হরিশ্বের কারিকায় আধুনিক কুলাচার্যের

(৭ক) বন্দ্যবংশ—(৩৬ পৃঃ)

(৮) বসু ১ (১২৫)

হস্তক্ষেপের কোন নিদর্শন না থাকায় এই কারিকাখানি সর্বপ্রাচীন ও মৌলিক বলিয়া গ্রহণ করিলাম। (৯)

৮নগেন্দ্রনাথ বসু মহাশয় হরিশ্বের কারিকা ও এডুগিশ্বের কারিকা পুঁথি পাইয়াছেন এবং এ দুইখানি অতি প্রাচীন ও প্রামাণিক কুলগ্রন্থ এইরূপ মত প্রকাশ করিয়াছেন। ৮নগেন্দ্রনাথ মহাশয়ের পূর্ববর্তী আধুনিক কোন লেখক এই দুইখানি গ্রন্থের সন্ধান পাইয়াছেন বলিয়া মনে হয় না। স্তুরাং সাধারণের নিকট এই দুইখানি গ্রন্থের পরিচয় দেওয়া ৮নগেন্দ্রনাথ মহাশয়ের অবশ্য কর্তব্য ছিল। পূর্বোল্লিখিত কয়েকটি ঘটনায় তাঁহার সংগৃহীত কুলগ্রন্থের অকৃত্রিমতা সম্বন্ধে সন্দেহ করার যথেষ্ট ও যুক্তিসঙ্গত কারণ ছিল। অতীত পুনঃ পুনঃ অনুসন্ধান ও প্রকাশ সংবাদপত্রে আন্দোলন দ্বারা ৮নগেন্দ্রনাথ মহাশয় তৎসংগৃহীত এই দুইখানি গ্রন্থ কাহারও সমক্ষে উপস্থিত করেন নাই এবং ইহাদের বিশিষ্ট কোন বিবরণও প্রকাশ করেন নাই।

কয়েকশাস পূর্বে বসু মহাশয় তাঁহার সংগৃহীত কুলগ্রন্থগুলি সন্ধান করিবেন শুনিয়া আমি ঢাকা বিশ্ববিদ্যালয়ের গৃহ হইতে উহা ক্রয় করার উদ্দেশ্যে আমাদের পুঁথিরক্ষক শ্রীমান্ সুরাধচন্দ্র বন্দ্যোপাধ্যায়কে কলিকাতায় পাঠাই ও বসু মহাশয়ের গ্রন্থাগারে রক্ষিত কুলগ্রন্থগুলির একটি তালিকা প্রস্তুত করিতে উপদেশ দেই। উক্ত তালিকায় হরিশ্ব বা এডুগিশ্বের কারিকার নাম নাই। ঐ দুইখানি গ্রন্থ বসু মহাশয়ের গ্রন্থাগারে নাই—কোথায় আছে তাহারও কোন সন্ধান মিলিল না। ইহার কিছুদিন পরে বসু মহাশয়ের মৃত্যু হয়। মরণকাল পর্যন্ত যক্ষের ধনের ভ্রাতৃ এই গ্রন্থ দুইখানি বসু মহাশয় কি কারণে লোকচক্ষুর অন্তরালে গোপন করিয়া রাখিয়াছিলেন তাহা বুঝিতে পারিলাম না। কিন্তু সমুদয় অবস্থা পর্যালোচনা করিলে বসু মহাশয় সংগৃহীত এই দুইখানি গ্রন্থ সম্বন্ধে স্বতই সন্দেহ জন্মে। এই সন্দেহের সমর্থন কল্পে বলা যাইতে পারে যে, দনৌজামাধব সম্বন্ধে হরিশ্বের যে বচন ব্রাহ্মণ-গ্রন্থের প্রথমভাগে (১৫৬ পৃঃ) উদ্ধৃত হইয়াছে, তাহার লিখিত বিশ্বকোষে (৪১৩৪৩) উল্লিখিত হরিশ্বের কারিকার উক্তির সামঞ্জস্য করা কঠিন। যদি বাস্তবিকই

(৯) বসু ১ (১২৬)

এই গ্রন্থ দুইখানি অকৃত্রিম হয় তবে বসু মহাশয়ের আচরণে তাহা কোন দিন বঙ্গদেশের ইতিহাসের উপকরণস্বরূপ ব্যবহৃত হইতে পারিল না, ইহা অপেক্ষা পরিতাপের বিষয় আর কিছুই হইতে পারে না।

হরিশ্ব ও এডুগিশ্বের কারিকার কোন বিশুদ্ধ পুঁথি না পাওয়া পর্যন্ত এই দুইখানি কুলগ্রন্থকে প্রাচীন ও প্রামাণিকরূপে ব্যবহার করা যায় না।

এই দুইখানি গ্রন্থ অপেক্ষা প্রাচীন কোন কুলগ্রন্থের সন্ধান পাওয়া যায় নাই। মহিমাচন্দ্র মজুমদার ‘গোড়ে ব্রাহ্মণ’ গ্রন্থে লিখিয়াছেন যে, “বল্লাল সেন কর্তৃক শ্রেণীবিভাগ এবং ঘটকনিয়োগ হইবার পূর্বে রাঢ়দেশগামী শ্রীহর্ষতনয় শ্রীনিবাস গোড়ে পঞ্চব্রাহ্মণ আগমন বিষয়ে একখানি গ্রন্থ লেখেন।” (১০) কিন্তু এই গ্রন্থের কোন সন্ধান পাওয়া যায় না।

কুলতত্ত্বার্ণবে উক্ত হইয়াছে যে রাজা বল্লাল সেন ১১০৩ শকে ক্ষিতীশাদি পঞ্চব্রাহ্মণের কুলবর্ণনা করিয়া একখানি কুলগ্রন্থ রচনা করিয়াছিলেন। এই কুলগ্রন্থ এ পর্যন্ত আবিষ্কৃত হয় নাই। কুলতত্ত্বার্ণবে বল্লাল সেনের রচিত বলিয়া যে বংশাবলী উদ্ধৃত হইয়াছে অল্প সমর্থক প্রমাণ অভাবে তাহা বিশ্বাসযোগ্য বলিয়া গ্রহণ করা যায় না। (১১)

মহেশ্বরকৃত নিদোষ কুলপঞ্জিকা আর একখানি প্রাচীন গ্রন্থ। হুলো পঞ্চাননের গোষ্ঠীকথা অনুসারে মহেশ্বর লক্ষ্মণ-সেনের সমসাময়িক। (১২) কিন্তু ইহা সত্য কি-না এবং সত্য হইলেও এই দুই মহেশ্বর অভিন্ন কি-না এ সম্বন্ধে বিশিষ্ট কোন প্রমাণ নাই। ঢাকা বিশ্ববিদ্যালয়ে ইহার একখানি পুঁথি আছে, কিন্তু তাহা বিশেষ প্রাচীন বলিয়া মনে হয় না। এই গ্রন্থে আদিশুরের কোন উল্লেখ নাই।

বস্তুত যে সকল কুলগ্রন্থ সচরাচর প্রচলিত এবং যাহাদের উপর নির্ভর করিয়া কুলশাস্ত্র আলোচিত হয় তাহাদের কোন খানিই খৃষ্টীয় পঞ্চদশ শতকের পূর্বে রচিত নহে।

(১০) গৌ বা, উপক্রমণিকা (পৃঃ ১০)

(১১) কুল(২৪৩—৩০২ শ্লোক)। শব্দকল্পদ্রুমস্থ রাঢ়ীয় ঘটকারিকায় এবং রামজীবন কৃত কুলপঞ্জিকায় বল্লাল সেন কর্তৃক কুলশাস্ত্র-নিরূপণের উল্লেখ আছে (সং নিং ১২৭ পৃঃ, ২১৯ পৃঃ)।

(১২) সং নিং (৭১০)

উপসংহারে কয়েকখানি কুলগ্রন্থের পরিচয় নিয়ে প্রদত্ত হইল। এইগুলিতে প্রধানত রাঢ়ীয় ও বারেন্দ্র ব্রাহ্মণগণের বংশপরিচয় আছে। বৈদিক প্রভৃতি অত্যন্ত ব্রাহ্মণশ্রেণীর ও ব্রাহ্মণতর জাতির বংশপরিচায়ক কুলগ্রন্থ তত্তৎপ্রসঙ্গে আলোচিত হইবে।

১। ঙ্গবানন্দমিশ্রকৃত মহাবংশাবলী

মহাবংশাবলী সংস্কৃত ভাষাতে লিখিত। ১৩২৩ সনে 'মহাবংশ বা মিশ্রগ্রন্থ' নামে ৩নগেন্দ্রনাথ বসু কর্তৃক ইহা মুদ্রিত ও প্রকাশিত হয়। ৩বসু মহাশয়ের মতে "মহাবংশ রাঢ়ীয় কুলীন ব্রাহ্মণ সমাজের সর্বপ্রধান ও সর্বশ্রেষ্ঠ কুলপরিচায়ক গ্রন্থ।" ইহাতে আদিশুরের এবং কাণ্ডকুজ হইতে পঞ্চব্রাহ্মণ আনয়নের কোন উল্লেখ নাই। কিন্তু বল্লাল সেনের সভায় ষাঁহার কৌলীভ লাভ করিয়াছিলেন তাঁহাদের বংশপরিচয় ও প্রত্যেকের আদানপ্রদানের বিবরণ এই গ্রন্থে আছে। এই গ্রন্থ 'মিশ্রগ্রন্থ' নামেও পরিচিত। (১৩) ৩বসুমহাশয় গ্রন্থের ভূমিকায় লিখিয়াছেন যে, ৩বংশীবদন বিচারঙ্গ সংগৃহীত 'কুলকারিকা' অনুসারে "দেবীবর ১৪০২ শকে রাঢ়ীয় ব্রাহ্মণসমাজে মেল প্রচার করেন এবং ১৪০৭ শকে ঙ্গবানন্দ মহাবংশ রচনা করেন।" (১৪)

ঙ্গবানন্দের পুত্র সর্বানন্দকৃত কুলতত্ত্বার্ণবের (২নং দেখ) উপসংহার ভাগ হইতে জানা যায় যে, দেবীবরের পর ১৪০৭শকে (১৪৮৫ খৃষ্টাব্দে) ঙ্গবানন্দ কুলাচার্য্যপদে প্রতিষ্ঠিত হন এবং মেলী কুলীনদিগের মেল ব্যতিক্রম দেখিয়া ব্রাহ্মণদিগের অনুরোধে তিনি মেলকারিকা রচনা করেন। (১৫)

৩বসুমহাশয় লিখিয়াছেন, "মহাবংশের একষষ্ঠিতম সমীকরণ-কারিকায় ঙ্গবানন্দ লিখিয়াছেন যে, ১৩৭৭ শকে অর্থাৎ ১৪৫৫ খৃষ্টাব্দে পুতি শোভাকরের মৃত্যু হয়।" ইহা ঠিক নহে। কারণ ৩বসুমহাশয় কর্তৃক মুদ্রিত গ্রন্থের ৭৭ পৃষ্ঠায় "সম্প্রস্তুতীতে শাকে পুতিশোভাকরে মূতে" মাত্র এই

(১৩) ৩বসু সম্পাদিত গ্রন্থের ভূমিকা (পৃ: [২])। মহিমাচন্দ্র মজুমদার মিশ্রাচার্য্যকৃত মিশ্রগ্রন্থ নামে একখানি স্বতন্ত্র গ্রন্থের উল্লেখ করিয়াছেন (গো বা, উপক্রমণিকা, পৃ: ১/০)।

(১৪) ভূমিকা (পৃ: ১—২)

(১৫) কুল (৬৬৩—৫ শ্লোক)

শ্লোকটি আছে। ইহাতে অল্পলিখিত শতাব্দীর সাতাত্তর বর্ষের উল্লেখ আছে, ১৩৭৭-এর উল্লেখ নাই। অবশ্য বংশীবদন বিচারঙ্গের কারিকা ও সর্বানন্দের উক্তির সহিত সামঞ্জস্য করিতে গেলে ইহাকে ১৩৭৭ বলিয়াই গ্রহণ করিতে হয়। ঙ্গবানন্দ অষ্টসপ্ততম সমীকরণে শোভাকরের পুত্র ও ভ্রাতৃ-পুত্রের কুলপরিচয় দিয়াছেন। কিন্তু তাঁহাদের পুত্রগণের উল্লেখ করেন নাই। ইহা হইতে অনুমান করা যাইতে পারে যে, ঙ্গবানন্দ শকাব্দের পঞ্চদশ শতকের প্রথমভাগে তাঁহার গ্রন্থ লিখিয়াছেন।

৩লালমোহন বিদ্যানিধি বলেন—"ঙ্গবানন্দ হরিশ্রের পৌত্র ও বিষ্ণুমিশ্রের পুত্র। ইঁহার প্রপিতামহ চুর্কলী ও বৃদ্ধপ্রপিতামহ প্রসিদ্ধ মহেশ্বর বন্দ্যো, যিনি মহাভাজাধিরাজ বল্লালের নিকট বন্দ্যবংশের শ্রেষ্ঠ বলিয়া পরিচিত হয়েন।" (১৬) কিন্তু বিদ্যানিধি মহাশয় ভট্টনাথায়ণবংশের যে তালিকা দিয়াছেন (১৭) এবং ৩নগেন্দ্রনাথ বসু 'মহাবংশের' উপক্রমণিকায় ঙ্গবানন্দের গ্রন্থ সম্বন্ধীয় যে বংশাবলী দিয়াছেন, তদনুসারে তিনি বল্লাল পুত্রকৃত মহেশ্বর বন্দ্যার সপ্তম অধস্তন পুরুষ। সাত পুরুষ তিনশত বৎসরের অধিক ব্যবধান কল্পনা করা কঠিন। সুতরাং এই বংশাবলীও গ্রহণযোগ্য নহে। এই একটি দৃষ্টান্ত হইতেই দেখা যাইবে যে, প্রামাণিক গ্রন্থোক্ত প্রাচীন বংশাবলীও সর্বত্র সঠিক বলিয়া গ্রহণ করা সম্ভব নহে।

সর্বানন্দমিশ্রকৃত কুলতত্ত্বার্ণব

এই গ্রন্থখানি ১৯২৭ সনে মেদিনীপুর ব্রাহ্মণ-সভা কর্তৃক মুদ্রিত ও প্রকাশিত হইয়াছে। সর্বানন্দমিশ্র ঙ্গবানন্দমিশ্রের পুত্র। তিনি গ্রন্থারম্ভে লিখিয়াছেন যে বহু কুলগ্রন্থের সারসঙ্কলন পূর্বক তিনি এই গ্রন্থ রচনা করিতেছেন। এই গ্রন্থের অকৃত্রিমতা সন্দেহ করার যথেষ্ট কারণ আছে। অতএব তাহা আলোচিত হইবে। এ পর্য্যন্ত প্রাচীন বা বর্তমান কোন লেখক এই গ্রন্থের উল্লেখ করেন নাই। ইহাতে এমন অনেক উক্তি আছে যার

(১৬) সং নিং (৭২৫)

(১৭) সং নিং (৪৩১)

আর কোন কুলগ্রন্থে নাই। ৩নগেন্দ্রনাথ বসুর অনেক নূন মতবাদ (যে সম্বন্ধে তিনি কোন বিশিষ্ট প্রমাণ দেন নাই) এই গ্রন্থদ্বারা সমর্থিত হয়। কিন্তু ৩বসুমহাশয় এই গ্রন্থের উল্লেখ করেন নাই।

বাচস্পতিমিশ্রকৃত কুলরাম

এই কুল গ্রন্থখানি বর্তমানে বিশেষ প্রসিদ্ধ। বাচস্পতি মিশ্র দেবীবরের পরবর্তী অর্থাৎ ষোড়শ বা সপ্তদশ শতাব্দীতে বর্তমান ছিলেন। ৩নগেন্দ্রনাথ বসু লিখিয়াছেন, "বাচস্পতি মিশ্রের গ্রন্থ ষাঁহার দেখিয়াছেন তাঁহারাই বলিবেন মেলবন্দন হইবার পর কুলরাম রচিত হয়।...হরিশ্রের প্রায় আড়াইশত বৎসর পরে বাচস্পতি মিশ্র কুলরাম প্রকাশ করেন।" (১৮) প্রবাদ আছে যে, বাচস্পতি মিশ্র বৃদ্ধ ঙ্গবানন্দের নিকট কুলশাস্ত্র অধ্যয়ন করেন। (১৯)

বারেন্দ্রকুলপঞ্জিকা

ভিন্ন ভিন্ন গ্রন্থ এই নামে প্রচলিত। ইহাদের গ্রন্থকর্তার নাম নাই, গ্রন্থেরও কোন নাম নাই। শ্রীযুক্ত রমাপ্রসাদ চন্দ্র লিখিয়াছেন, "বারেন্দ্রকুল পঞ্জিকার ঐতিহাসিক অংশ 'আদিশুর রাজার ব্যাখ্যা' নামে পরিচিত। লালোর নিবাসী শ্রীযুক্ত মনোমোহন মুকুটমণির, মাঝগ্রামের শ্রীযুক্ত জানকীনাথ সার্বভৌমের এবং রামপুর বোয়ালিয়ার শ্রীযুক্ত মৃতগোপাল রায় মহাশয় সংগৃহীত পুষ্টিয়ানিবাসী ৩মহেশচন্দ্র শিরোমণির ঘরের পুস্তক মধ্যে পাঁচ প্রকার 'আদিশুর রাজার ব্যাখ্যা' পরিচয় প্রাপ্ত হওয়া যায়, তন্মধ্যে দুইখানিতে বল্লাল সেন আদিশুরের দৌহিত্রবংশোদ্ভব বলিয়া কথিত।" (২০)

৩লালমোহন বিদ্যানিধি, ৩মহিমাচন্দ্র মজুমদার ও ৩নগেন্দ্রনাথ বসু বারেন্দ্রকুলপঞ্জিকা হইতে আদিশুর সম্বন্ধে যে বিভিন্ন ও পরস্পরবিরোধী শ্লোক উদ্ধৃত করিয়াছেন তাহা আদিশুরের প্রসঙ্গে আলোচিত হইবে। শেষোক্ত দুইজন বারেন্দ্রকুলপঞ্জিকা হইতে আদিশুরের সময়জ্ঞাপক যে সকল বচন উদ্ধৃত করিয়াছেন তৎসম্বন্ধে শ্রীযুক্ত রমাপ্রসাদ

(১৮) বসু ১ (১২৮—৯)

(১৯) লালমোহন মুখোপাধ্যায়—বন্দ্যবংশ (পৃ: ৩৬)।

(২০) গোড়রাজমালা (পৃ: ৫৮)

চন্দ বলেন যে "যে যে কুলজগণের সহিত আলাপ করিয়াছি তাঁহার এই সকল বচনের কোনটির বিষয়ই অবগত নহেন।" (২১) ৩নগেন্দ্রনাথ বসু বলেন—"বারেন্দ্র কুলাচার্য্যের নিকট হইতে এখন যে সকল কুলীনবংশাবলী পাওয়া যায়, তাহার প্রায় সমস্তই আধুনিক।" (২১ক) এই সমুদয় হইতে স্পষ্টই প্রতীত হইবে যে 'বারেন্দ্রকুলপঞ্জিকা' নামে পরিচিত কুলগ্রন্থের উপর নির্ভর করা সমীচীন নহে।

হুলো পঞ্চাননকৃত গোষ্ঠীকথা

পঞ্চানন দেবীবর ও ঙ্গবানন্দের সমসাময়িক, কিন্তু তাঁহাদের অপেক্ষা কনিষ্ঠ। সুতরাং তিনি ষোড়শ শতাব্দীর প্রথমভাগে অথবা পঞ্চদশ শতাব্দীর শেষভাগে বিদ্যমান ছিলেন। তাঁহার হস্তে শক্তির অন্ততা ছিল বলিয়াই প্রথম বয়সে হুলো বলিয়া উপহাসিত হইতেন, কিন্তু শেষকালে উহাই তাঁহার গৌরবান্বিত উপাধি হইয়াছিল। ৩লালমোহন বিদ্যানিধি তাঁহার সম্বন্ধ-নির্ণয়ে ইঁহার সংক্ষিপ্ত জীবনী লিপিবদ্ধ করিয়াছেন এবং ইঁহার গ্রন্থাদি হইতে বহু শ্লোক উদ্ধৃত করিয়াছেন। (২২)

হুলো পঞ্চানন, এডুমিশ্র, হরিশ্র ও ঙ্গবানন্দের কুলগ্রন্থের সহিত পরিচিত ছিলেন এবং তাঁহাদের সংক্ষিপ্ত পরিচয় দিয়াছেন। এ সম্বন্ধে কয়েকটি বচন পূর্বে উদ্ধৃত হইয়াছে।

- ৬। দেবীবরের মেলপর্য্যায় গণনা
- ৭। ধনঞ্জয় কৃত কুলপ্রদীপ
- ৮। কুলার্ণব
- ৯। রামানন্দ শর্যকৃত কুলদীপিকা
- ১০। কুলচন্দ্রিকা
- ১১। সাগরপ্রকাশ

সাত হইতে এগার সংখ্যক গ্রন্থের বিশিষ্ট কোন পরিচয় সংগ্রহ করিতে পারি নাই। সুতরাং ইহাদের রচনাকাল ও বিশ্বস্ততা সম্বন্ধে কোন কথা বলিতে পারি না। তবে হুলো পঞ্চানন কৃত কুলার্ণব, ধনঞ্জয় কৃত কুলপ্রদীপ ও

(২১) গোড়রাজমালা (পৃ: ৫৮)

(২১ক) বিশ্বকোষ, চতুর্থ ভাগ (৩১১ পৃ:)

(২২) সং নিং (৬৭৫, ৬৯০, ৬৯৫, ৭০০, ৭০৮, ৭১২— ৭২৬—৭৩২, ৭৩৪—৭৩৯)

কুলদীপিকা—এই সমুদয় গ্রন্থোক্ত শ্লোক ৩লালমোহন বিদ্যানিধি 'সম্বন্ধনির্ণয়ে' উদ্ধৃত করিয়াছেন। কুলচন্দ্রিকা ও সাগরপ্রকাশ এই দুই গ্রন্থোক্ত শ্লোক ৩নগেজনাথ বসুর 'বঙ্গের জাতীয় ইতিহাস' ১ম ভাগে উদ্ধৃত হইয়াছে, কিন্তু ইহাদের সম্বন্ধে কোন বিবরণ নাই। গোড়ে ব্রাহ্মণ নামক গ্রন্থেও কুলার্ণব, সাগরপ্রকাশ, কুলচন্দ্রিকা, কুলদীপিকা প্রভৃতি গ্রন্থের নাম আছে, কিন্তু কোন বিবরণ নাই। ৩উমেশচন্দ্র গুপ্তের মতে কুলার্ণবের প্রণেতা ধনঞ্জয় (২৩) ও কুলচন্দ্রিকার প্রণেতা বৈষ্ণব চর্জ্জয় দাস (২৪)। কিন্তু এ সম্বন্ধে বিশিষ্ট কোন প্রমাণ পাই নাই।

এই বিস্তৃত আলোচনা হইতে ইহা সহজেই প্রতিপন্ন হয় যে, যে সমুদয় কুলগ্রন্থ সাধারণ্যে পরিচিত তাহার কোনখানিই খৃষ্টীয় পঞ্চদশ শতকের পূর্বে রচিত হইয়াছিল—একপ মনে করিবার কোন বিশ্বাসযোগ্য কারণ নাই। হরিমিশ্রের কারিকা ও এড়ুমিশ্রের কারিকা প্রাচীন গ্রন্থ বলিয়া স্বীকৃত হইলেও বর্তমানে তাহাদের কোন পুঁথি পাওয়া যায় নাই—যাহা পাওয়া গিয়াছে তাহার উপরেও বিশ্বাস স্থাপন করা যায় না। প্রাচীন আরও অনেক কুলগ্রন্থ হয় ত ছিল, কিন্তু তাহা আর এখন পাওয়া যায় না।

বৈষ্ণুকুলপঞ্জিকার মধ্যে সর্বপ্রাচীন ও প্রামাণিক বলিয়া গৃহীত মাত্র দুইখানি গ্রন্থ আছে—রামকান্ত দাস প্রণীত কবিকর্ণহার ও ভরত মল্লিক কৃত চন্দ্রপ্রভা। সৌভাগ্যক্রমে দুইখানি গ্রন্থেরই রচনাকাল গ্রন্থমধ্যে উল্লিখিত হইয়াছে। প্রথমখানি ১৫৭৫ শকে অর্থাৎ ১৬৫৩ খৃষ্টাব্দে প্রণীত (পঞ্চসপ্ততিথৌ শাকে ক্রিয়তে কুলপঞ্জিকা)। দ্বিতীয় খানির রচনাকাল ১৫৯৭ শকাদ অর্থাৎ খৃষ্টীয় ১৬৭৫ অব্দ। সপ্তদশ শতাব্দীর পূর্বে রচিত কোন বৈষ্ণুকুলপঞ্জিকার সন্ধান পাওয়া যায় নাই। ইহার পূর্বে কোন কায়স্থ কুলপঞ্জিকা রচিত হইয়াছিল একপ প্রমাণও পাই নাই।

সুতরাং যে সমুদয় কুলগ্রন্থ অবলম্বন করিয়া আমরা প্রাচীন হিন্দুযুগের সামাজিক ইতিহাস রচনা করিতে প্রবৃত্ত হই, তাহার সমস্তই হিন্দু রাজত্বের অবসানের তিন-চারি

শত বৎসর পরে রচিত। এই সুদীর্ঘ ব্যবধান ও জাতীয় জীবনের অবসাদ ও অবনতির ফলে প্রাচীন ঐতিহাসিক ধারার সহিত বাঙ্গালী জীবন কিরূপ বিচ্ছিন্ন হইয়াছিল সংস্কৃত রাজাবলী নামক গ্রন্থ তাহার প্রকৃষ্ট দৃষ্টান্তস্বল (২৫)। এই গ্রন্থে বাংলার রাজগণের পরিচয় দেওয়া হইয়াছে। অঞ্চ ইতিহাসে সুপরিচিত সম্রাট শশাঙ্ক, ধর্মপাল, দেবপাল, মহীপাল প্রভৃতি কাহারও নাম নাই এবং বিজয় সেন, বল্লাল সেন দিল্লীতে রাজত্ব করিতেন—এইরূপ বর্ণিত হইয়াছে। এই গ্রন্থোক্ত অনেক শ্লোক দেবীধর্ম ঘটকের বচন বলিয়া পরিচিত। সুতরাং এই গ্রন্থখানিতে কুলশাস্ত্র-গুলি রচনার কালে (পঞ্চদশ হইতে সপ্তদশ শতাব্দীতে) প্রচলিত জনশ্রুতি স্থান পাইয়াছে—একপ অনুমান করা যাইতে পারে। যে সময় প্রাচীন রাজনৈতিক ইতিহাসের ঘটনা সম্বন্ধে সাধারণ জ্ঞান এতদূর বিকৃত ও ভ্রান্ত ছিল, সে সময় প্রাচীন সামাজিক ইতিহাস সম্বন্ধে যে লোকের মনে সঠিক ধারণা ছিল, বিশিষ্ট কারণ ব্যতীত তাহা স্বীকার করা যায় না। সুতরাং বিগত তিন-চারি শত বৎসরে রচিত কুলগ্রন্থের উপর নির্ভর করিয়া প্রাচীন হিন্দুযুগের সামাজিক বা রাজনৈতিক ইতিহাস সম্বন্ধে কোন তথ্য নির্ধারণ করা কর্তব্য নহে। এগুলির মধ্যে যে কোন সত্য নাই এমন কথা বলিতেছি না। কিন্তু ইহার কোনটি সত্য, কোনটি মিথ্যা তাহা নিরূপণ করিবার উপায় নাই। সুতরাং স্বতন্ত্র ও বিশ্বস্ত প্রমাণ ব্যতিরেকে ইহাদের কোন উক্তিই সত্য বলিয়া গ্রহণ করা যায় না।

ইহা সত্ত্বেও যে পাঁচটি সুদীর্ঘ প্রবন্ধে কুলশাস্ত্রে বর্ণিত সমাজবিধির ও সামাজিক ইতিহাসের আলোচনার প্রবৃত্তি হইয়াছে তাহার প্রধান কারণ তিনটি। প্রথমতঃ সাধারণ মনে কুলশাস্ত্রের প্রতি যে আস্থা ও শ্রদ্ধা আছে তাহা কি পরিমাণ যুক্তিযুক্ত ও ঞায়সঙ্গত নিরপেক্ষ বিচার ও বিশ্লেষণ দ্বারা তাহা প্রতিপন্ন করা। ইহাতে অনেক ভ্রান্ত মত নিরাকৃত হইয়া ঐতিহাসিক সত্যের প্রতিষ্ঠা সহজসাধ্য হইবে এবং বর্তমানে প্রচলিত অনেক সামাজিক রীতিনীতির

অসারতা প্রতিপন্ন হইয়া তাহাদের পরিবর্তন সম্ভবপর হইবে। দ্বিতীয়তঃ, খৃষ্টীয় পঞ্চদশ হইতে সপ্তদশ শতাব্দীর মধ্যে বাংলাদেশে প্রাচীন হিন্দুযুগের সামাজিক ইতিহাস সম্বন্ধে কিরূপ ধারণা গড়িয়া উঠিয়াছিল তাহার বথার্থ বিবরণ পাওয়া যাইবে। এই ধারণা প্রাচীন হিন্দুযুগের দিক দিয়া সত্য না হইলেও পঞ্চদশ হইতে সপ্তদশ শতাব্দীর মধ্যবর্তী যুগের বাংলার কৃষ্টি ও সভ্যতার ইতিহাসের পক্ষে বিশেষ মূল্যবান। তৃতীয়তঃ বাংলার প্রাচীন ইতিহাসের নব নব তথ্য ক্রমশই আবিষ্কৃত হইতেছে। পঞ্চদশ হইতে সপ্তদশ শতাব্দীতে প্রচলিত জনশ্রুতির সহিত সম্যক পরিচয় থাকিলে এই নবাবিষ্কৃত তথ্যের প্রকৃত মূল্য নির্ধারণ কোন কোন স্থলে সহজসাধ্য হইবে এবং ইহার সাহায্যে উক্ত জনশ্রুতির কতটুকু সত্য কতটুকু মিথ্যা তাহা নির্ণয় করিয়া প্রাচীন ইতিহাস গঠনে অধিকতর অগ্রসর হওয়া যাইবে।

এই সমুদয় উদ্দেশ্য লইয়াই কুলশাস্ত্র আলোচনায় প্রবৃত্ত হইয়াছি। ৩রাখালদাস বন্দ্যোপাধ্যায়, শ্রীযুক্ত রমাপ্রসাদ চন্দ্র প্রভৃতি ঐতিহাসিকগণ কুলশাস্ত্রের ঐতিহাসিকতা স্বীকার করিয়া বাংলার ইতিহাস প্রণয়নে তাহার উপর নির্ভর করেন নাই। কিন্তু তাঁহারা কখনও বিস্তারিত ভাবে কুলশাস্ত্রের আলোচনা ও বিশ্লেষণ করেন নাই। সুতরাং অনেকের মনে এমন বিশ্বাস জন্মিয়াছে যে, তাঁহারা যথোচিত বিচার না করিয়াই কুলশাস্ত্র বর্জন করিয়াছেন। এইরূপ মত অনেকেই প্রকাশ্যে ব্যক্ত করিয়াছেন। জনসাধারণের এই প্রকার মনেহ দূর করাও আমার কুলশাস্ত্র আলোচনার আর একটি উদ্দেশ্য। বর্তমান এবং পরবর্তী চারিটি প্রবন্ধে

আমি যে আলোচনা করিয়াছি তাহাতে আশা করি নিরপেক্ষ ব্যক্তি মাত্রেই স্বীকার করিবেন যে বর্তমান কালে যে সমুদয় কুলগ্রন্থ প্রচলিত আছে তাহা প্রাচীন হিন্দু যুগের প্রকৃত রাজনৈতিক বা সামাজিক ইতিহাসের উপাদানস্বরূপ গ্রহণ করা যায় না।

উপসংহারে বক্তব্য এই যে, কুলগ্রন্থগুলি অধিকাংশই অপ্রকাশিত ও সুদূর্লভ। সুতরাং অনেক স্থলেই অল্প আধুনিক গ্রন্থের বিবরণের উপর নির্ভর করিতে হইয়াছে। এমতস্থলে এই প্রবন্ধগুলিতে অনেক ভুলভ্রান্তি নিশ্চয়ই ঘটিয়াছে। যে কেহ অল্পগ্রহপূর্বক এই সমুদয় ভুলভ্রান্তির দিকে আমার দৃষ্টি আকর্ষণ করিবেন অথবা নূতন তথ্যের সন্ধান দিবেন তিনিই আমার বিশেষ কৃতজ্ঞতাভাজন হইবেন। সমুদয় কুলগ্রন্থগুলি স্বয়ং যথোচিত পরীক্ষা ও আলোচনা করিবার সুবিধা না থাকা সত্ত্বেও আমি এই প্রবন্ধগুলি লিখিতে প্রবৃত্ত হইয়াছি; কারণ ইহাতে বিতর্ক ও আলোচনা দ্বারা প্রকৃত তথ্য নির্ণয়ের সহায়তা হইবে। বাংলাদেশের বিভিন্ন স্থানে কুলগ্রন্থগুলি রক্ষিত আছে এবং অনেক স্থলেই যাহা আমার পক্ষে দৃশ্যপ্য তাহা অল্পের পক্ষে স্থলভ। সুতরাং একটু আয়াস স্বীকার করিলেই অনেকে নূতন কুলগ্রন্থের সন্ধান অথবা এই সমুদয় প্রবন্ধে আলোচিত কুলগ্রন্থের সম্বন্ধে কোন নূতন অথবা ভিন্ন বিবরণ আমাকে জানাইতে পারেন। কুলশাস্ত্রের আলোচনা ও অধ্যয়ন পূর্বাক্রম করিতে হইলে এইরূপে দেশের সাহায্য প্রয়োজন। এই দিকে সাধারণের দৃষ্টি আকর্ষণ করাও এই প্রবন্ধগুলি রচনার অন্ততম উদ্দেশ্য।

প্রহিবিশন

(হাক্ফিজ্)

শ্রীঅচ্যুত চট্টোপাধ্যায়

সুখ যদিও আনন্দ দেয় বটে এবং
বায়ুতে নিস্তত হয় গোলাপের বাস,
শান্ত বীণার মত—
পূর্ণমাত্রায় সুরাপান কোরো না বন্ধু,
কারণ প্রহরী রয়েছে সজাগ।

ওরা মণ্ডলালার দ্বার দিয়েছে রুদ্ধ ক'রে,
হা ভগবান!
ছুখ কোরো না বন্ধু,
ওদের উন্মুক্ত করতেই হ'বে—
ঐ প্রতারণা এবং আত্মপ্রবঞ্চনা-গৃহের দ্বার!

(২৩) মো মু (পৃ: ২০)

(২৪) ঐ (৩১ পৃ:)। কিন্তু ১৭০ পৃষ্ঠায় তিনি জয়বিধাস কৃত কুলচন্দ্রিকার বচন উদ্ধৃত করিয়াছেন।

(২৫) এই গ্রন্থখানি এখনও অপ্রকাশিত। বঙ্গীয় সাহিত্য পরিষদ পত্রিকায় আমি ইহার বিবরণ প্রকাশ করিতেছি।

মোহ-মুক্তি নাটক

শ্রীকেশবনাথ বন্দ্যোপাধ্যায়

চতুর্থ দৃশ্য

স্থান—রমণ মিত্রের বহিরাট

সময়—সকাল

ভাইপো শ্রীপতি মিত্র-মশার সহিত সাক্ষাতের জন্ত অপেক্ষা করছেন

(পদচারণ)

শিরোনাম-মশার কাছে থেকে আহত মনে বাড়ী ফিরে, সামনেই ভাইপো শ্রীপতিকে দেখে—

রমণ। ‘হরেণ্যমৈব কেবলম্’, ‘হরেণ্যমৈব কেবলম্’—একি, সকালে তুমি আবার এখানে কেনো! যাদের মিথ্যা না কোয়ে পেট চলে না, সকালে তাদের সঙ্গে কথা কোয়ে দিনটা নষ্ট করতে চাই না...

শ্রীপতি। কখন আসি বলুন কাকাবাবু! গিয়েই তো কাছারি ছুটতে হবে, ফিরতে রাত আটটা। মিথ্যে কোয়ে পেট চালাবার মত’ কেস্ পেলেও এখন আসতুম না, তাও যে পাচ্ছি না কাকাবাবু। ছু’মাসের ভাড়া পড়ে গিয়েছে, আমাকে দয়া করুন—পশ্চিম দিকের ছুখানা ঘর আর বাইরের একখানা—বাবা যা ব্যবহার করতেন—ছেড়ে দিলে আমি তাগাদা আর দুর্ভাবনা থেকে বাঁচি। সেগুলো তো আপনার ব্যবহারে আসছে না।

রমণ। এই যে, উকীল হয়ে বেশ কথা কইতে শিখেছ। ব্যবহারে না থাকলেই বুঝি অপরকে বিলিয়ে দেওয়াই বিধি!

শ্রীপতি। অত্নকে কেনো দেবেন—ভাইপো তো আর অপর নয়—

রমণ। তোমার বাবাই তো অপর কোরে গেছেন।

শ্রীপতি। বাবাকে এর মধ্যে টানছেন কেনো কাকা। আমি উত্তরাধিকারহত্রে যেটুকু পাই তার বেশী তো চাচ্ছি না।

রমণ। তাহলে তাঁর দেনাটাও উত্তরাধিকারহত্রে তোমায় বর্তেছে—স্বীকার করো তো? তার কি করছো?

শ্রীপতি। (আশ্চর্য হ’য়ে) বাবার দেনা! এ কথা তো এই শুনছি। তিনি দেনা করবেন কেনো? না মেয়ের বিয়ে না...

রমণ। তোমার জ্ঞান হ’য়েছে, সে সব কথা শুনলে লজ্জা পাবে, অসুখী হবে, তাই কোনো দিগ প্রকাশ করিনি। না বলেই ভুল করেছি! যাও—আর বাঁচ না—

শ্রীপতি। যে এখন রাস্তার লোক, তার তাঁর লজ্জা সরম কি? দেনাটা কেনো, কতো, কার কাছে আমার যে জানা দরকার—

রমণ। আমি যেটা চাপতে চাচ্ছি, সেটা যাতে প্রকাশ হয় তার চেষ্টা করবে বই-কি! বাপ লেখাপড়া শিখিয়ে গিয়েছেন—সার্থক হওয়া চাই তো,—বাবার সম্মান, বংশের সুনাম, হানি করা চাই তো?

শ্রীপতি। আমার জানা আবশ্যক বলেই জানতে চাচ্ছি—

রমণ। (বিরক্তভাবে)—শুনবে! তোমার বাবা আপিসের ক্যাস্ ভেঙেছিলেন! কেউ সে কথা জানে কি, না আমি কা’কেও তা জানতে দিয়েছি! সাহেব পুলিশে দিতে প্রস্তুত। আমি সেই দেড় হাজার টাকা পুরো কোরে দিয়ে—সাহেবকে ঠাণ্ডা করি। দাঁদা বাড়ী এসে তোমার খুড়িমাকে আভরণ শূন্য দেখে—শব্দা নিলেন।

তাঁর পর আর ওঠেন নি। শেষ সময় বলে’ গেলেন—

“আমার অংশের বাড়ী ঘর, জমি সব তোমার রইলো।” বললুম—“করছেন কি—ও কি বলছেন?—শ্রীপতি”...

বললেন—“তার জন্তে চিন্তা রেখ না, স্বশুর বড়-লোক, তাঁর সঙ্গে আমার” এই পর্যন্ত বলে’ তাঁর কথা বন্ধ হ’য়ে যায়। সেখানে একা আমিই ছিলাম না। শুনলে!

এইবার বাপের নাম জাহির করবার চেষ্টা পাও—ছেলের কাজ করো—

শ্রীপতি। আমি অভাবে পড়েই আপনার কাছে প্রার্থনা জানিয়েছি। ছ’মাস আগেও বলেছিলেন—“অতো ব্যস্ত হযো না, বাড়িটা মেরামত করবার ইচ্ছা রয়েছে; সম্ভ্রান্ত লোকেরা মধ্যে মধ্যে এসে থাকেন। এখন তুমি এলে বাড়ির কাজে হাত দেওয়ার অসুবিধে হবে—সবুর করো।”

রমণ। বংশের ছু’মাস প্রকাশ করতে চাইনি—তাই বলেছিলাম—

শ্রীপতি। যদি তাই হয়, আপনি এতো করেছেন, ঘর দু’খানা ভাইপোকে দানই করুন না। আমার যে বড় অভাব—

রমণ। (বিকৃত কণ্ঠে) “যদি তাই হয়” মানে কি? আমার কথা বিশ্বাস করতে পারছো না বুঝি—বেইমান! এখানে আর মুখ দেখাতে এসো না! ভেবেছিলুম...নাঃ আর নয়! জেনে বুঝে শত্রু ঢোকাতো...

শ্রীপতি। (আহত প্রাণে) জেনে বুঝে বাড়িতে শত্রু কেউ ঢোকার না কাকাবাবু, শত্রু আপনিই এসে ঢোকে...

রমণ। (রাগে কাঁপতে কাঁপতে)—বেরও এখন থেকে—দূর হও রাস্কেল! বেইমানের মুখ দেখতে চাই না।

বাড়ির মধ্যে চলে গেলেন। পত্নী তাড়াতাড়ি উপরের জানলা থেকে সরে গেলেন

পঞ্চম দৃশ্য

শ্রীপতি দ্বারে দ্বারে চিন্তাকুল, অচমনস্ক ও হতাশভাবে রাস্তায় পা বাড়ালে।

চন্দ্র চৌধুরী মশাই রমণ মিত্রের কাছে আসছিলেন, শ্রীপতিকে হৃদয় দেখে—

চন্দ্রবাবু। একি! তোমাকে এমন দেখছি কেনো?

শ্রীপতি। (চমকে ফিরে চন্দ্রবাবুর পায়ের ধুলো নিয়ে) কাকাবাবুর কাছে গিয়েছিলুম জ্যাঠামশাই—

চন্দ্রবাবু। ডেকেছিলেন বুঝি—দেখা হোলো?

শ্রীপতি। ডাকবেন কি—আমাকে এড়াতেই চান। দেখা হ’লে বিরক্তই হন! কি করবো জ্যাঠামশাই—বড় কষ্টে পড়েছি। ছু’মাসের বাসা-ভাড়া ৬০০ টাকা চেয়েছে। তাই আমার অংশের ঘর দু’খানা আর বাইরের একখানা

চাইতে গিয়েছিলুম। ছ’মাস পূর্বে বলেছিলেন—“বাড়িটা আগে মেরামত করি।” কিন্তু আজ যা শোনালেন, সে যে ভয়ঙ্কর কথা! বাবা নাকি আপিসের ক্যাস্ ভেঙে...

চন্দ্রবাবু। কে—চণ্ডী? নারায়ণ, নারায়ণ! এমন কথা মুখে আনতে কেউ পারে না। তার মত মানুষ কি আর দেখতে পাবো! কি শুনতে কি শুনেছ...

শ্রীপতি। না জ্যাঠামশাই—আমি ঠিকই শুনেছি। কাকাবাবু নাকি দেড় হাজার টাকা দিয়ে—তাঁকে বাঁচান। তাই তিনি তাঁর অংশ—কাকাবাবুকে দিয়ে গেছেন—

চন্দ্রবাবু। (সহাস্ত্রে)—তোমার কাকাবাবুকে চেন না শ্রীপতি—গাঁয়ের অনেকেই চেনেন না! এখন তাঁর জপের সময়—এ-তো আমাদের জপ্ নয়! তাই ও-সব বৈষয়িক কথা শুনে বিরক্ত হয়ে থাকবেন।—(চিন্তিত-ভাবে ইতস্তত কোরে)—তোমায় বলি—আরো কারণ আছে বাবা, তার কিছু কিছু আভাস আমি পেয়েছি; স্পষ্ট বলতে পারেন না তো। ধর্মপ্রাণ লোক, আপনি বাড়ির ছেলেপুলের স্বভাব চরিত্র—নিশ্চয় দেখতেই চান।

পাপ-কথা যে আর উচ্চারণ পর্যন্ত করতে পারেন না—নইলে নিজেই বলতেন। তাই বিরক্ত দেখে থাকবে...

শ্রীপতি। (আশ্চর্য হয়ে) আমি যে কিছু বুঝতে পারলুম না জ্যাঠামশাই! আপনিও কি তাহ’লে...

চন্দ্রবাবু। (স্নেহের হাসি টেনে) আরে পাগল—তাঁর মত উচ্চ অবস্থার লোকের কথায় কি আমাদের প্রতিবাদ চলে!

শ্রীপতি। আপনার মত’ সরল উদার প্রকৃতির লোক তো আমার নজরে পড়ে না...

চন্দ্রবাবু। (ব্যস্তভাবে) ও সব কথা থাক শ্রীপতি। তা বাই হোক, ব্রজ লাহিড়ীর বাড়ির বি কদমের সঙ্গে তুমি কথা কও, সম্পর্ক রাখো, তাতে যে তোমার কাকাবাবুর মর্যাদার কতটা হানি করা হয় ও হ’তে পারে, সেটা কি তুমি বুঝতে পার না? কলকোতার সব বড় বড় শিক্ষিত সম্ভ্রান্ত লোকেরা ঘাঁর পায়ের মাথা ঠাকায়, তাঁর সেই মাথা হেঁট করা হয় যে তাতে! তুমি যে তাঁর বংশের ছেলে—

শ্রীপতি। কদম সম্বন্ধে আমি বিশেষ কিছু শুনি নি জ্যাঠামশাই, জানবার দরকারও মনে করিনি। আমি এই নতুন ওকালতী আরম্ভ করেছি; আমার কাছে যাঁরা আসেন,

প্রায়ই সব অপরিচিত। কদম ব্রজবাবুর বিধবা পত্নীকে দেখা শোনার জন্তে তাঁর সাহায্যের জন্তে আছে—এইমাত্র শুনেছি। আমরা ব্রজবাবুর একপ্রকার বন্ধুই ছিলাম—নিকট প্রতিবাসীও। তাই তাঁর কিছু জানবার দরকার হ'লে—কদমকে পাঠান, সে আসে। তাতে এমন কি...

চন্দ্রবাবু। তোমার কাকাবাবুর মুখেই শুনেছি—কদমের স্বভাব চরিত্র ভালো ছিল না—

শ্রীপতি। অনেকের বাড়িতেই তো থি আছে—কে কি ছিল সে খবর কয়জন রাখেন জ্যাঠামশাই? আর কাকাই বা এসব—

চন্দ্রবাবু। তোমরা আজকালের ছেলে—বুঝবে না শ্রীপতি। ওঁর এখন যে অবস্থা—ওঁর অগোচর কিছু আছে কি! সব যে ওঁর এখন নখদর্পণে! গ্রামের শুভ চিন্তার ভার যে ওঁর উপর আপনিই গিয়ে পড়েছে! যাক—তুমি বাবা কদমের কোনো সংশ্রব রাখ না। দেখবে সব ঠিক হয়ে যাবে। বাড়ী-ঘর তো ওঁর এখন বন্ধন—তুচ্ছ কথা! কোন্ দিন কোন্ ফাঁকে বেরিয়ে পড়বেন কেউ জানতেও পারবে না। আমরা পালা কোরে—চোখে চোখে রেখেছি—

শ্রীপতি। আপনার মত জ্ঞানী লোকের (ক্ষমা করবেন) এ কাজটি কি ভালো হচ্ছে জ্যাঠামশাই! টেনে রেখে ওঁর অনিষ্ট করাই কি আমাদের উচিত? শুনেছি—বংশের একজন তাঁর কৃপা পেলে—উপর নীচের সাত পুরুষ উদ্ধার হয়ে যায়—

চন্দ্রবাবু। কথা ঠিক বটে! কিন্তু আমরা ঘোর সংসারী, স্বার্থপর, তাই নিজেদের মঙ্গলের জন্তই ওঁকে রাখা। যাক—সে অনেক কথা। তুমি কিন্তু বাবা—যা বললুম তা শুনো—ভালো হবে। ওসব স্ত্রীলোকের সঙ্গে মেলামেশায় ভদ্র সন্তানদের—বুঝলে...অপযশ আছে—

শ্রীপতি। (একটু স্তম্ভিত থেকে) আজ কি কুক্ষণেই বেরিয়েছিলুম! কাকাবাবু শোনালেন—বাবা আপিসের ক্যাস্ ভেঙে ছিলেন! আপনিও আমার চরিত্রের উপর—

চন্দ্রবাবু। না—না—আমি কেনো তোমার কাকাবাবুর কাছে—

শ্রীপতি। হ্যাঁ—তাই হলো—এবং আপনি তা—

চন্দ্রবাবু। আহা—ওকথা ভাবচো কেনো? তাঁর বাক্য অগ্রাহ—

শ্রীপতি। করা যখন যায় না, তখন তাই তো হলো জ্যাঠামশাই—

চন্দ্রবাবু। না—না, আমি বলছি—কাজ কি দুশ্চরিত্রের সঙ্গে কথা কোয়ে! গুরুজন যা চান না—বুঝলে—

হাঁপাতে হাঁপাতে কদমের দ্রুত প্রবেশ

চন্দ্রবাবু। (বেশ সহজভাবে) এই যে—এস না।

কদম। বাবা! (পদানতভাবে প্রণাম) মা, ছেলে-মেয়েরা সব ভালো আছেন বাবা? এমন ফুরমা পাই না যে গিয়ে দেখে আসি। (শ্রীপতির প্রতি) বাবা—বাবা! এত ছোটাতেও পারেন—

চন্দ্রবাবু। বউমা কেমন আছেন কদম?

কদম। সে আর কি শুনবেন বাবা! শরীরের উপর মানুষের এমন অবস্থা—কখনো দেখিনি। খেতে হয় তাই তিন-পোর বেলায় এক-মুঠো ভাতে-ভাত ফোটান। কিছু বললে—তাঁর চোখে জল গড়িয়ে আসে—

চন্দ্রবাবু। (ব্যস্তভাবে) থাক্ কদম থাক্! (দীর্ঘনিশ্বাসের সহিত) নারায়ণ!—শ্রীপতিকে খুঁজছি?

শ্রীপতি। না—আমাকে খোঁজবার কোনো দরকার নেই; আমার দ্বারা কিছু হবে না—

কদম। (আশ্চর্য হয়ে) আমি মরছি ছুটোছুটি কোরে, আমারি তুল হয়েছে! দাদাবাবু উকীল মানুষ—শুধু হাতে কাজ করতে ওঁদের আইন্ যে মাথার দিব্য দেয়!

চন্দ্রবাবু। (সহাস্ত্রে) বেশ বলেছ কদম—ঠিক কথা বলেছ—

শ্রীপতি। না জ্যাঠামশাই, আপনিই ওঁকে বাধা কোরে দিন। আমার কাছে আসবার কোনো দরকার নেই। তাতে আমার অনিষ্ট আছে—

চন্দ্রবাবু। ওকি শ্রীপতি! ও এলো হাসতে হাসতে—তাকে এমন রূঢ় কথায়—

কদম। (সহসা অভাবনীয় আঘাতে, সবিম্বয়ে) না বাবা, দাদাবাবু ঠিকই করেছেন। ভগবান যাদের দুর্দশায় ফেলেছেন, তাদের সাহায্য করা মানুষের উচিত কি!

কদমের চক্ষু জলে ভেসে গেল

চন্দ্রবাবু। (কথা খুঁজে না পেয়ে) কি কাজ ছিলো কদম? অতো ছুটতে ছুটতে এলে—

কদম। (চোক মুহূর্তে মুহূর্তে সামলে) নিজের বুদ্ধির দোষে বড় কষ্ট পেয়েছি বাবা—অবস্থার কথা মনে থাকে না! আগেকার অভ্যাস যায় না—আপনাদের পায়ে পায়ে ঘুরি, দুটো গিষ্টি কথা পেলে বর্তে যাই। আপনারাও ভালবাসেন—‘দূর ছাই’ করেন না, তাই আবদারও বেড়ে গিয়েছে। নিজের অবস্থার কথা মনে পড়ে না। দুটো গিষ্টি কথা আর বামুন-বাড়ির দু'মুঠো অন্ন ছাড়া আর তো কিছুই চাই না বাবা! বউদি সে ছুই-ই আমাকে দেন—নিজের ঘোনের মতো দেখেন। যতটুকু পারি তাঁর কাজ করার চেষ্টা পাই। অনেক দেখলুম, অমন মেয়ে দেখিনি বাবা। তাঁর যে এ-দশা ঘটেছে, সেটা ভগবানের পরীক্ষা বলেই মনে হয়। (মুখে হাসি এনে) কি সব বলে' চলেছি—মনের ঠিক নেই! হ্যাঁ—উকীল দাদা আজ আমাকে শুধু চেতিয়ে দেন নি, শিউরে দিয়েছেন! আমি তাঁর কাছে দরকারে এলে—তাঁর অনিষ্ট আছে! সর্বনাশ!

চন্দ্রবাবু। না, না, কদম—ও কি সত্যই তা মনে করে! শ্রীপতি। (দৃঢ়ভাবে) হ্যাঁ জ্যাঠামশাই, আমি আজ থেকে সত্যই তা করি—

চন্দ্রবাবু। সত্য হলেও, এমন রূঢ় কথা কদমের মুখের উপর তুমি বলো কি কোরে?

কদম। আপনারা দয়া কোরে ভালোবাসায় দিন দিন আমার স্পর্ধা সত্যিই বেড়ে যাচ্ছিলো। ভাবিনি যে আমি কি-চাকর বই আর কিছুই নই! দাদাবাবু, আমার উপকারই করলেন—

চন্দ্রবাবু। না না, তোমাকে কোনোদিন কেউ—ঝি-গাকর ভাবে নি—ভাবতে পারে না। তোমাকে আমি মেয়ের মতো দেখি। যাক্ ও-সব কথা। শ্রীপতির মনটা আজ নানা কারণে ক্ষুব্ধ অশান্ত রয়েছে। ও-কথা তুমি ভেব না কদম—হ্যাঁ কি কাজ ছিল বললে না?

কদম। (চোখ মুছে) সে কাজ আমার গিটে গিয়েছে বাবা, আর দরকার হবে না। বউদির ব্রত আছে, এক খান ধুতির দরকার—তাই...। এখন আমিই তা কিনে নিতে পারবো। আমার আবার লজ্জা সরম কি! কথাটা তুলে গিয়েই তো—

চন্দ্রবাবু। (সে কথায় কান না দিয়ে)—টাকা এনেছো—দাও। (কদমের অনিচ্ছা দেখে)—না, আমি কোনো কথা শুনব না—দাও... (হাত পাতলেন)

কদমের জিদ রইল না; চন্দ্রবাবুর হাতে ছুটি টাকা দিতে হলো শ্রীপতি। দিন—আপনি কোথায় যাবেন! আমার রাস্তাই ওই—

কদম চোখ মুহূর্তে মুহূর্তে চলে গেল

চন্দ্রবাবু। নাও—আমি তোমাকেই দিতুম—

শ্রীপতির হাতে টাকা দিলেন

দেয় হয়ে' গেল—প্রভুর দেখা পেলে হয়। জপে না বসে' পড়েন—

দ্রুত রমণ শ্রীপতির বাড়ির দিকে চললেন

শ্রীপতি। (অবাক হয়ে তাঁর দিকে চেয়ে) আশ্চর্য্য লোক! ডুবতে আর বিলম্ব নেই দেখছি। একেবারে গ্রহের গ্রাসে গিয়ে পড়েছেন! জমিদার বংশে এমন সাদাসিদে আত্মভোলা উদার লোক, কোথা থেকে এসে যে জন্মেছিলেন—ভেবে পাই না। ধর্মের আবরণে কাকাবাবু ওঁকে মন্ত্রমুগ্ধ কোরে রেখেছেন! ভগবান ওঁকে রক্ষা করুন।

এখন আমিই বা করি কি (চিন্তা)—নন্দকে জানানো তো দরকার! সে কি বলে শুনি—তার পর...

চলে গেলেন

বর্ষ দৃশ্য

স্থান—ব্রজ নাহিড়ীর বাড়ী

সময়—বৈকাল

উপস্থিত—বাড়ীর দ্বার বন্ধ

বহির্দ্বারে চন্দ্র চৌধুরী মশাই

চন্দ্রবাবু। কদম, কদম! বাড়ী আছে কি?

কদম। কে গা?

চন্দ্রবাবু। আমি গো—একবার দোরটা খোলো—

কদম। তুমি কে গা—কি দরকার?

বলিতে বলিতে ভিতর হইতে দ্বারোদ্ঘাটন। চৌধুরী মশাইকে

দেখিয়া সলজ্জ মাথার কাপড় টানা

কদম। চৌধুরী মশাই আপনি! মাপ করবেন, আমি বুঝতে পারিনি—

পদধূলি গ্রহণ

চন্দ্রবাবু। তুমি তো ঠিকই করেছ কদম। বাড়িতে তো পুরুষ কেউ নেই—ডাকলেই তো যাকে তাকে দোর খুলে দিতে পার না। তোমাকে অবলম্বন করেই বউমা রয়েছেন—সাবধান হওয়াই তো উচিত—

কদম। বউদিকে কিছু বলবেন কি? তিনি এই দোরের পাশেই আছেন—

চন্দ্রবাবু। না—বিশেষ কিছু নয় মা; এই দিক দিয়ে যাচ্ছিলুম, একবার খবরটা নেবার জন্তেই ডাকলুম। নেওয়া তো ছবেলাই উচিত—পেরে উঠিনা মা—মনে সর্বদাই থাকে। বলাই তো আছে—যখন কিছু দরকার পড়বে বা কিছু বলবার থাকবে—আমাকে জানাতে সঙ্কেচ কোরো না। ব্রজ চলে' গেছে—আমার আপন ভাই গিয়েছে। ভগবান যা ভালো বুঝেছেন—করেছেন! তার উপর তো মানুষের কোনো হাত নেই মা। এখন মানুষ যেটুকু পারে, তা খেন করতে পারি। যাক—দিন তো কাটাতেই হবে মা, সেটা শ্রীহরির নাম, ধর্ম কर्म, সেবা, এই সব নিয়েই থাকবার চেষ্টা কোরো। পরকালটাই মা হিজুর প্রধান লক্ষ্যের জিনিষ। গ্রামে কিছুই ছিল না, এখন শ্রীভক্তিবৃষণের রূপায় তার উপায়ও দিন দিন হচ্ছে...

কদম। আজ আবার একখানা ছাপানো কাগজ দিয়ে গেলো—সিদ্ধি-সভায় সংকীর্তন, আরো কি সব আছে। সেখানে কি মেয়েরাও যেতে পারবে বাবা! কই কাগজ বিলি করতে তো কখনো দেখিনি...

চন্দ্রবাবু। শ্রীহরির রূপায় দিন দিন উন্নতিই দেখবে। ওই সম্বন্ধেই তো বলে' যাবো ভেবেছিলুম। মেয়েরা থাকেন বই কি। আমাদের বড় ভাগ্য যে শ্রীভক্তিবৃষণকে পেয়েছি! উনি যে ভিতরে ভিতরে এতটা বেড়ে গেছেন—কেউ বুঝতে পারিনি মা। হঠাৎ কাল যে ভাব তাঁর দেখলুম...

কদম। কার কথা বলছেন বাবা?

চন্দ্রবাবু। (বাধা দিয়ে) মন দিয়ে শোনো—আপনিই বুঝবে। তারপর শুনলুম—বউমার ওই বাগান বাড়ি বিক্রির চেষ্টায় ক'দিন—কোথায় ভদ্রেস্বর, বরাকর, কোথায় কোতোলপুর অনবরত ঘুরেছেন। বলেন—ভার নেওয়ার চেয়ে বড় দায়িত্ব আর নেই—কথা দেওয়া কি—না—

শব্দ যে ব্রহ্ম! ফেরবার সময়—কলকেতার এক ব্যারিষ্টার শিষ্যের বাড়ী রাত কাটান। কলকেতায় যে ওঁর এত সব বড় বড় শিষ্য আছেন, সে কথা কোনোদিন মুখে আনেননি। কি ত্যাগ, কি আত্মগোপন!

কদম হাত জোড় কোরে মাথায় ঠেকালে

চন্দ্রবাবু। তারপর শোনো—সেই ব্যারিষ্টারের স্ত্রী আর মেয়ে কীর্তন গান করেন। শ্রীভক্তিবৃষণ—ভাব চাপতে গিয়ে অজ্ঞান হয়ে পড়েন—

কদম। ওমা কি হবে গো।

চন্দ্রবাবু। বড়লোক ভয় পেয়ে ডাক্তার ডাকেন। সেই অবস্থায় প্রভু নানা আশ্চর্য কথা ক'ন। সবই মনে কোনো অদৃশ পুরুষের সঙ্গে কথা—“আমায় কেনো এ ভার দিলে—আমি তাদের কি বলবো—কে বিশ্বাস করবে—সবাই যে মর্তের ময়লা মাথা...”

কদম। গা যে শিউরে ওঠে গো!

চন্দ্রবাবু। শিউরোবারই কথা যে! তখনো তাঁর সংজ্ঞা নেই। ডাক্তার ভয় পেয়ে বুদ্ধ যত্নস্বয় কবিরাজ ও আরো প্রবীণদের আনান। তাঁরা দেখেই তাঁর পায়ে ধুলো নিয়ে বলেন—“এ যে সমাধি—তোমরা কি এঁকে চিনতে না! এটা যে এখন ওঁর সমাধি ভদের অবস্থা। এমনটা হবার পূর্বে ভগবৎপ্রসঙ্গ কিছু হয়েছিল কি?” শুনে সবাই অবাক।

কদম। হবে না—ব্যাপারখানা কি!

চন্দ্রবাবু। ডাক্তার-কবিরাজকে ভিজিট দিতে যাওয়া, তাঁরা বলেন—“যা পেয়েছি তা এ জন্মের জন্তে যথেষ্ট। এ রোগের ভিজিট মহাপুরুষের পায়ের ধুলো—ভাগ্যে তা মিলেছে।—সেই সব ব্যারিষ্টার, ডাক্তারেরাই তো—এই সভার ব্যয় আর নোটস্ ছাপিয়ে পাঠিয়ে দিয়েছেন। এ সব কথা কি চাপা থাকে মা—

কদম। (বউয়ের প্রতি) এখন বুঝলে—আমাদের মিত্তির মশাই—ভক্তিবৃষণ...

চন্দ্রবাবু। ‘শ্রী’ বলতে হয়—শ্রীভক্তিবৃষণ। তুমি ঠিকই বুঝেছ কদম। কিন্তু এখানকার লোক এখনো ধারণা করতে পারেনি—দোষ নেই—যে রূপ গোপন সাধনা, আমরাই ধরতে পারি নি! যাক—যার ভাগ্যে আছে

এইবার দিন কিনে নেবে। যেও, বউমাকেও নিয়ে যেও— তাঁর মনটা শান্তি পাবে।

কদম। শুনেই গায়ে কাঁটা দিচ্ছে—যাব না আর!

চন্দ্রবাবু। যাবে বই কি, যেও যেও—

কদম। (বিষম মুখে) পাপ যে ছাড়ে না বাবা। কবে আবার আপনাকে পাবো—তাই...

চন্দ্রবাবু। কেনো? কিছু বলবার থাকে—বল না।

কদম। সংসারে জড়িয়ে থাকলে—চাই তো সবই। ওই পাপ বাগান-বাড়িটার কথা...

চন্দ্রবাবু। প্রভু সবে এই ফিরেছেন, একবার মাত্র দেখা। উদাস হয়েই রয়েছেন—বড় আঘাত পেয়েছেন—

কদম। (উৎকর্ষার সহিত)—আহা—পড়ে' গিছলেন নাকি? অবস্থায় আর একা—

চন্দ্রবাবু। (একটু হাসি টেনে) না রে পাগলি। ও অবস্থায় যে তিনিই আগলে বেড়ান—সঙ্গে সঙ্গে থাকেন।

তানয়। বললেন—“চন্দোর, বিষয়ের কথা আর আমাকে শুনও না—বিষ—বিষ, কান ছুটো জ্বালে যায়!—বউয়ের বাড়ির ভার আমার উপর পড়েছে কেনো—তা জানো?

জানলে আমিই কি ওতে মাথা পাততুম!—ওটা রাধারাণীর পরীক্ষা চন্দোর—আর এই অধমের অগ্নিপরীক্ষা! শুনে আশ্চর্য হয়ো না—জগতে আশ্চর্য কিছু নেই চন্দোর—কিছু নেই। মানুষ সব পারে!—যেখানে যাই শূনি—“ওটা নাকি ভূতের বাড়ী!” কেউ টেকতে পারে না—ব্রজরও তাই ময় নি। তাই নিতে কেউ সাহস পায় না। আজ

মনে হয়, জানি না কেনো—বাবা আমাকে ও জমিতে খেলতে যেতে বারণ করতেন। অন্য কারণও থাকতে পারে। আমার মনে হয়—এ সব মন্দ লোকের কাজ—

শিরোমণির পুকুর-সংলগ্ন কি না—বুঝতে পারছো? কিন্তু আমিও দেখবো—কে কি করতে পারে! রাধারাণীকে দিন রাত জানাচ্ছি—আমি ও-বাড়ী শোধন কোরে দেখিয়ে দেবো! যখন ভারই পড়েছে—কারো ছুরতিসন্ধি খাটবে না!” এর বেশী আর ভাংলেন না—

কদম। (চিন্তামাথা মুখে) তবে কি হবে বাবা!

চন্দ্রবাবু। উনি যখন হাতে নিয়েছেন, জেদও পড়েছে, এখন তোমরা নিশ্চিত থাকো। যার তার হাতে পড়ে নি

কদম। এখনো আত্ম-প্রকাশ করেন নি—তাই! বউমা

যেন উত্তলা না হন। উনি যেমন যেমন বলেন—কোরে যাওয়া চাই। না হয় ছ দিন দেরিই হ'বে—বুঝলে?—

কদম। বউদি বলছেন—আপনি ছাড়া ওঁর ভার কেউ নেই—

চন্দ্রবাবু। আমাদের কিছু বলতে হবে না মা। আমি ওর উপায়—ওঁকে দিয়েই করাবো। (এক পা এগিয়ে, নিম্ন কণ্ঠে) কারকে বোলো না কদম—রাধারাণী ওঁর হাত-ধরা, এ আমি বিশেষ জানি।—আচ্ছা মা, এখন আমি চললুম।

কদম। বউদি প্রণাম করছেন।

চন্দ্রবাবু। ধর্ম মতি হোক—শান্তি পান—

অপর্ণা। (বেরিয়ে এসে, বিষম মুখে)—এ সব কি শুনছি কদম!

কদম। ভেব না—ও সব ভক্তদের লীলা আশ্বাদন...

অপর্ণা। লীলা কি বল!

কদম। ওই ভূতের কথা গো! সত্যি তো আর ছিল না...

অপর্ণা। (ক্ষোভে-দুঃখে) কিছু খোঁজ খবর না নিয়ে, সাত তাড়াতাড়ি বাড়ী কোরে—আমার একি দশা কোরে গেলেন! (চোখে আঁচল দিলেন)—মিত্তির মশাই নিজেই তো বললেন—ওঁর বাপও ওঁকে ওদিকে যেতে মানা করতেন।

কদম। আমার বিশ্বাস হয় না।

অপর্ণা। সাধু দেবতার কথায় বিশ্বাস হয় না কি বল! তোর তবে বিশ্বাস হয় কা'কে?

কদম। কাকেও হয় না।

অপর্ণা। ওমা—অমন কথা বলিস নি কদম! কা'কেও বিশ্বাস না কোরে কি মানুষ থাকতে পারে? করতেই হয়। তা—এখন সে কিছু বুঝতে পারলুম না...

কদম। নাই বা বুঝলে? ওতে বোঝবার আর বড় কিছু দেখতে পাচ্ছি না। চৌধুরী মশাই—সাধুবাক্যই শুনিয়ে গেছেন।—বাকিটা সভায় গিয়ে শুনে আসবার নেমন্তন্ন কোরে গেলেন।

অপর্ণা। আগে থেকে মনটাকে অতো ময়লা কোরে রাখিস নি কদম। যাকে সকলে ভক্তি করছেন...

কদম। (হাসি টেনে)—আর বলতে হবে না গো। এই ময়লা কাচতে চললুম। বাপরে—তোমার যে একটু ময়লা ময়না!

আনলা থেকে কাপড় গামছা নিয়ে বেরিয়ে গেলো

সপ্তম দৃশ্য

স্থান—মধু মোদকের দোকান

সময়—বেলা ১০টা

উপস্থিত—মধু মোদক

হারান ভট্টাচার্যের প্রবেশ

হারু। আজ তোমার সূপ্রভাত মধু। তাতে আজ একাদশী তিথো—ফলং রাশি রাশি—

মধু মোদকান ছেড়ে উঠে এসে মেরুদণ্ড বক্র করে প্রণাম

আশীর্বাদ করি, এখন তোমার প্রভাতগুলো সব সূপ্রভাত হয়ে দেখা দিক। ব্রহ্মা বাক্য—দেবেও তাই, নিশ্চিত থাকো...

মধু। আপনার শ্রীমুখে ফুল চন্নন পড়ক। এক ঘর কাচা-বাচা নিয়ে কুলিয়ে-উঠতে পারি না দেবতা—

হারু। কোনো চিন্তা নেই—ব্রহ্মা বাক্য, দেখে নিও। সন্দেহ রাখ না মধু। তোমার ছেলেপুলে কয়টিই বা!

মধু। সে কি ঠাকুর মশাই! এর চেয়ে বেশি হল যে দেশে মন্তোত্তর হবে! এখন সেটা বাড়িতেই ভোগ করছি!

হারু। ওকি বলতে আছে মধু, মা-যজ্ঞীর রূপা। কতগুলি শুনি?

মধু। গণ্ডা হিসেবেই বলতে হয়—পউনে তিন পুরবে এই বোশেকে। আহা মাগী আর বাঁচে না দেবতা—তার শরীর আর বয়না ঠাকুর। কতো করে, তার কতো সাধের ঘর বানালাম—ছ'দিন পা-মেলে, শুতে পেলে না;—আঁতুড়েই তার কাটছে! (দীর্ঘনিশ্বাস) গঙ্গা পিসি বলে,—“ওকে ছ'বচর ওর বাপের বাড়ী থাকতে দাও!” শুনলেন জেতের কথা? দেবতা-বামুনে বিশেষ থাকলে আর ও-কথা কয়! সবই তো তাঁদের ইচ্ছে—তাঁদের রূপায় হয়।

হারু। ও-সব নাস্তিকদের কথায় কান দিও না—কান দিও না।

মধু। বলুন তো দেবতা! (চিন্তিত ভাবে) কিন্তু এদিকে যে আওলাদ অশুভি দাঁড়িয়ে আছে.....

হারু। না না, ও কথা মুখে এনো না, দ্বিধা রাখ না, যে আসে সে ভাগ্য সঙ্গে করে' আসে। ওদিকে যেমন বিশ্বাস রেখেছো—এদিকেও রেখো। দেখলে না, আমার ভূতোও ভূমিষ্ট হল, সিদ্ধি সভাও উত্তিষ্ট হ'ল—আবার ঘেঁচিও জন্মেছে প্রভুও পেকে উঠেছেন। এতদিন ভেতরে ভেতরে সব গোপনই ছিলো...

মধু। কার কথা বলছেন?

হারু। গ্রামে আর প্রভু-পদবাচ্য কে আছে? যাকে মিত্তির মশাই বলতে গো—সিদ্ধি সভার মাথা-মস্তক—মুণ্ড হে—মুণ্ড—

মধু। তাঁর এমন কি হল ঠাকুর—পিষ্টক? আর ভেতরে ভেতরে পেকে উঠেছে—কেউ নজর করেনি? আমারও বাকি সাড়ে পাঁচ টাকা, বায় যাক্গে তিনি বেঁচে উঠুন। নন্দবাবু ডাক্তার হোলো—আহা দেখে যান.....

হারু। কি পাগলের মতো বোঁক্চো? কষ্ট রাখে আর এত বড় ভীষণ খবরটা রাখ না। প্রভু সিদ্ধি সভা নিয়েই মেতে থাকেন—সবাই এই-ই জানতো! কাউকে ধরা দেন নি। ভেতরে মহা সমুদ্রের ঢেউ পালছিলো—চাপাচাপি হ'লে, ওপ্চাবেই, কে রুক্বে? আগে আগে ভর হোতো বটে—সেটা যে সমাধির গোড়া-পত্তন তা কি করে বুঝবো। ও বস্তু সেই কুম্ভকর্ণাদির পর আর তো কেউ দেখেনি। কিন্তু কলকেতা রাজধানী বটে, ইফিতে সব বুঝে নেয়। একদিন মাত্র ছিলেন, ধরে ফেলেছে!

সে তো তোমার হাবাতে অভিরামপুর নয়! তারা গুপের আদর জানে। কাগজ ছাপিয়ে পাঠিয়ে দিয়েছে। বৃহস্পতিবার সিদ্ধি সভায় জাকালো উৎসব। তুমি কাগজ পাওনি?

মধু। (অপরায়ী মত) তরফদার মশাই কি একখানা দিয়েছিলেন—তখন তেল মাখচি। সেগোটা তাতে সন্দেহ মুড়ে কাকে দিয়ে ফেলেছে.....

হারু। আ-হতভাগ্য।—যাক্ প্রভু কিন্তু তোমার ভোলেন নি। বললেন—“মধুকে বলে এসো, বৃহস্পতিবার সে যেন—সন্দেহ সওয়া পনের' সের, আর বাতাসা সওয়া পনের' সের বৈকালেই সিদ্ধি সভায় দিয়ে যার।” কই

পেগাদের নাম করলেন না তো! যাক্, চন্দোর বাবু হাজার হোক বিজ্ঞ সমজদার লোক, প্রভুর সমাধি-অংশ কিছু কিছু দেখে ফেলেছেন আর চাপতে পারছেন না—এইবার সকল ভাগ্যবানেই দেখবে। এ স্বেযোগ খুঁইও না মধু, যেও, ভাগ্যে থাকে.....

মধু। একি ছাড়তে পারি ঠাকুর, ভাগ্যে আপনি দয়া করে' পায়ে ধূলো দিলেন—তাই না শুনতে পেলুম। আর ও-সব কতো কতো বললেন?

হারু। (সহাস্ত্রে) তুমি তন্নয় হয়ে গেছ দেখছি—হারই কথা। হাঁ, সন্দেহ সওয়া পনেরো সের, আর বাতাসা সওয়া পনেরো সের। এখন ফি হপ্তা বাড়তেই যাবে। লোক এই ভেঙ্গে পড়ে দেখো না।

মধু। আপনি আমার অবস্থা সবই জানেন তো, কিছু

হারু। আহা, তোমাকে বলতে হবে কেনো, আমি আর কি না জানি। তবে এটা এই বোধন, আজ আর ও-কথা মুখে এনো না। লিখে রাখো, লেখার কড়ি বাবে খায় না, জান তো।

মধু। আজ্ঞে, আমার যে বাবেও ছাড়েনি দেবতা। যাক্ গে—আচ্ছা, সৈরব কি দেখতে পারে না দেবতা? (নিম্নকণ্ঠে) পোড়া কপালীর ওই ওটা আছে কি না... গর্ভ যে—

হারু। থাকলেই বা—তাতে কি হয়েছে? বারো

রাগিণীর পথে

শ্রীমতী জ্যোতির্মালা

অশুরাঙা পশ্চিমের কুহেলি-আলোয়

কোথা হতে ভেসে আসে বলাকার হিয়া!

দিগন্ত আঁধারে হারা—নিশার নিলয়,

তবু একি শুভ্রাঙ্গ উঠিল ছন্দিয়া!

মেসে জিনিবে পাপ নেই—কেনো পারবে না? হুঁঃ, কলিতে কার ভাগ্যে এ সৌভাগ্য বটে! তোমায় কি বোঝাবো—শাস্ত্র যে দেখনি। আরে শকুন্তলাও যে ওই নিয়ে রাজসভা পর্যন্ত দেখেছিলো। এ পারবে না? কত দিন হোলো?

মধু। এই তিন কবলাচ্ছে।

হারু। বেশ পারবে, খুব পারবে, ও-তো কিছুই নয়, ডাক্তার রায় বোলেন—পঞ্চমে গর্ভ—ও এখন গর্ভাঙ্ক মাত্র। সাহিত্যিকরা দৃশ্য বলেন। তবে ভক্তি থাকা চাই।

মধু। তা খুব আছে ঠাকুর। কিছুতেই অভক্তি নেই—যগ্নীতলা মনসাতলা, ইস্তোক আমার পাদোদক, পাঁকুই ধরিয়ে দিলে! আহা কবে মরবে, সমাধিতে দেখে রাখুক। আর তো কিছুই হ'ল না।

দীর্ঘনিশ্বাস

হারু। ভক্তি থাকলেই হোলো।—তবে আর চিন্তা কি? সন্দেহ আর বাতাসার সঙ্গে সৌরবকেও নিয়ে বেও। আমি আছি, শাস্ত্র তো আমার কাছে হে, ভয় কি? এখন চললুম—মনে থাকবে তো—কাল বৈকালে।

মধু। আজ্ঞে তা কি আর তুলি—

প্রণাম

হারু ভট্টাচার্যের প্রস্থান

ক্রমশঃ

এখনো কাঁপেনি নীল পাখার ঝঙ্কারে,

উৎসারিয়া ওঠে নাই স্বপ্নভোলা গান:

সন্ধ্যার অঞ্চলসুপ্ত হীরকের তারে

শিহরে...শিহরে তবু হংস-অভিযান!

ওই বুঝি ছিন্ন হ'ল নীহার-গুণ্ঠন—

সারি সারি ফটকের প্রস্থন-আরতি

জপিতেছে উধ্ব-মুখে অকূল গগন।

অল্পসরি' সেই শ্বেত-দীপালি-প্রণতি

তমসা যে ভেসে গেল ছন্দময় স্রোতে...

স্বর যথা ছুটে যায় রাগিণীর পথে!

বঙ্কিম সাহিত্যে প্রেম

অধ্যাপক শ্রীখগেন্দ্রনাথ মিত্র, রায় বাহাছুর

আমি যে বিষয়টি নির্বাচন করেছি সে-টা সকলের পক্ষে উপযোগী হবে কি না সে সন্দেহ যে আমার মনে নেই, তা নয়। তবুও আমি প্রেমের কথা লিখবো বলে সংকল্প করেছি। তার কারণ এ নয় যে আমি গুরুগভীর বিষয়ের আলোচনায় পরাজুখ, কারণ এই যে যদি কোথাও থাকে তবে বঙ্কিমচন্দ্রের অল্পরাগীদের কাছে প্রেমের কিছু মূল্য থাকলেও থাকতে পারে। আমাদের জগৎ এত দ্রুত পরিবর্তিত হচ্ছে যে মূল্যের বাজারে আগুণ লেগে গেছে। যারা 'জগৎ' নামটি উদ্ভাবন করেছিলেন, তাঁদের মস্তিষ্কের তারিফ করতে হয়। 'গতিশীল' বলেই তাঁরা আমাদের এই অচলপ্রতিষ্ঠ পৃথিবীর নাম দিয়েছিলেন জগৎ। এখনকার দিনে পৃথিবী যেন অস্থির হয়ে উঠেছে, চারিদিকেই 'মূল্য' টলমল করে উঠছে। এই ক্ষিপ্ত জগতে বাস করে মাঝে মাঝে সন্দেহ হয় আমাদের মস্তিষ্ক স্থির আছে ত? 'প্রেমের' মূল্য আগে যা ছিল, এখন যে আর তা নেই, সে সম্বন্ধে সন্দেহের অবকাশ নেই। পাতিব্রত্যা, সতীত্ব, লজ্জাশীলতা, কৌলীন্ড এ সব কথার সাবেক অর্থ আর নেই। Value বদলে গেছে বর্তমান সমাজে। সেদিন দেখেছি একজন বলেছেন যে রামায়ণে পিতার আদেশে রামের বনগমন উচিত হয় নি। বাপ বড় জোর বাপ হ'তে পারেন; কিন্তু তার কথায় বনে যেতে হবে, রাজ্য সিংহাসন সব ত্যাগ করে—এর কি মানে আছে? সমালোচক হয়ত ঠিক কথাই বলেছেন, কিন্তু তাঁর মতে একটু গোল হতো এই যে রাম বনে না গেলে রামায়ণ হতো না।

কিন্তু প্রেমের মূল্য যতই কম হয়ে থাক, মাঝে মাঝে এর সাবেক কদরটুকু এই বিংশ শতাব্দীতেও বিদ্যুচ্চমকের মত বলকে ওঠে এবং তখন তার দিকে এই অবিধ্বাসী জগৎ প্রকাণ্ড একটা জিজ্ঞাসার চিহ্নের মত চেয়ে থাকে অকূল বিশ্বয়ে। আমাদের ভূতপূর্ব সম্রাট যখন প্রেমের জন্ত সাম্রাজ্য, উচ্চ রাজসিংহাসন ত্যাগ করে অজ্ঞাতবাস বরণ করে নিলেন, তখন অর্ধজগৎ তাবলে 'কী বোকা'!

কুটবুদ্ধি বন্ডউইনের বিরলকেশ মস্তকে জাগতিক মূল্যের বোঝা গিস্গিস্ করছিল; তিনি বললেন, প্রেম এবং সিংহাসনের মধ্যে একটিকে ছাড়তে হবে, এ-ই রাজনীতি, রাজার নীতি, সাম্রাজ্যের নীতি। মন্ত্রী ভাবলেন, আমার মন্ত্রণা অব্যর্থ, স্বর্ঘ্যাস্ত-বিরহিত সাম্রাজ্য—আর সাম্রাজ্য রমণীর প্রেম—ছিঃ। তুলনা হয় না। রাজাধিরাজ! বেছে নাও, একদিকে সব, অত্ৰদিকে তোমার প্রেম। বিজয়ের হাসি মুখে মাথিয়ে তিনি যখন ১০ নম্বর ডাউনিং স্ট্রিটে ফিরে এলেন—আমি কল্পনায় সে চিত্র আঁকতে পারি, তখন তিনি ভাবলেন, half a second and the boy will come to his senses. কিন্তু সম্ভবতঃ আধ সেকেন্ডও তাঁর লাগে নি। তিনি প্রেমকেই গ্রহণ করলেন, তাঁর নতুন করে রাজ্যাভিষেক হলো। ছিলেন তিনি আপনীর রাজ্যে আপনি বন্দী সম্রাট, আর হলেন প্রেমিকের স্বর্গের অপ্রতিদ্বন্দ্বী ইন্দ্র। অগণিত সম্রাট, শাহানশাহ বাদশাহ, বিশ্বতির অতলে তলিয়ে যাবে, কিন্তু হে প্রেমিক সম্রাট! তোমার কথা জগৎ সহজে ভুলবে না। সম্রাট পোপালিয়ন রাজনীতির হাঁড়িকাঠে যখন জোসেফাইনকে বন্দী দিলেন, তাঁর উচ্চাশার অগ্নিশিখা যখন সেই অভাগিনীকে ভস্মীভূত করতে উদ্বৃত হলো, তখন জগৎ ত তাঁর প্রশংসায় শতমুখ হয়ে উঠে নি। কাজেই যেমন বলেছি যে, এই আত্ম-প্রতারিত জগতের সব মূল্যই যে খাঁটি মূল্য একথা কোন মতে বলা চলে না। আমরা যাকে অগ্রাহ্য করবো বলে মনে মনে কোমর বেঁধেছি, সে যে আবার কোন অসতর্ক মুহূর্তে আমাদের মনকে বেঁধে ফেলেছে, সে কথাটি আমরা সব সময়ে খেয়াল করে দেখি না। প্রেমকে আমরা ত্যাগ করলেও, প্রেম আমাদের সহসা ত্যাগ করে না।

তাই প্রেমের কথা বলবার দরকার আছে। বিশ্বের কানে কানে যে কথাটি বলা যায়, তা মর্মে গিয়ে প্রবেশ করতে পারে। যুদ্ধের জয়ঢাক, তুরীভেরী-নির্নাদও মনের মধ্যে এগন করে বিঁধে থাকে না। স্তুরাং বিশ্বের ভোঁধে প্রেমকে অপাংক্তেয় করতে গেলে, আমাদেরই হয়ত

অপাংক্তেয় হয়ে পড়ে থাকতে হবে। রবীন্দ্রনাথ তাঁর সম্রাতি প্রকাশিত বাংলা কাব্য-পরিচয়ের ভূমিকায় বলেছেন যে, তিনি তাঁর সংগ্রহ থেকে প্রেমের বা আদিরসের কবিতা বাদ দিয়েছেন। তিনি বলেছেন “মানুষের যে প্রবৃত্তি সহজেই অত্যন্ত প্রবল, পাঠকের মন অল্পেই তাতে সাড়া দেয়, তাকে স্বাহু করে তুলতে অধিক নৈপুণ্যের দরকার হয় না। এই কারণেই গৃহিণীর রক্ষন-বিচার যথার্থ গুণপনা প্রকাশ পায় তাঁর নিরামিষ রান্নায়।” কিন্তু কথা এই, বাংলা দেশের কোনও ভোজে যদি কবি যেতেন, তা হলে দেখতে পেতেন নিরামিষ রান্না গৃহিণীর গুণপনা নিয়ে পাতার অনাদৃত কোণে আশ্রয় নিয়েছে। নিরামিষের পদের দু'দণ্ডজন—কিছা তাও নয়; যখন সেই বড়বাজারী সুলভ ব্যঞ্জন আঁসাদন করে গৃহিণীর গুণপনার তারিফ করছেন, তখন শত শত নিমন্ত্রিতের আমিষতর্পণে গৃহস্থ তাঁর আয়োজনের অন্নতার দিকে ব্যাকুলভাবে দৃষ্টিপাত করছেন। বিশ্বভোজেও মানুষ যা খোঁজে, তাই তাকে দিতেই হবে। না দিলে সে ভোজে বহুপংক্তি শূত্র পড়ে থাকবে এবং গৃহস্থকে মৌন ধিক্কার দেবে।

কিন্তু আদিরসকে বর্জন করতে হবে কেন? প্রেমের মূকজ্ঞ কি হঠাৎ মধুশূত্র হয়েছে? মানুষের হৃদয় কি একদিনে হঠাৎ নীরস শুষ্ক কাঠকঠিন হয়ে গেছে? হায় রবীন্দ্রনাথ! এতদিন যে গান শুনিয়ে বাঙ্গালীকে, বিশ্বকে মুগ্ধ করে রেখেছে, যে গীতে আজও সহস্র সহস্র নরনারী মুগ্ধ, বিম্বাস্ত, উচ্চকিত, সেই গীত ভুললে? যে প্রেম তোমাকে বিশ্ববরণ্য করেছে, আজ তাকে তুমি অর্ধচন্দ্র দিয়ে বিদায় করলে? করলে বটে, কিন্তু তাতে প্রেমের কিছুই এসে যাবে না, তোমার কাব্যপরিচয় Pisar সৌধের হায় চিরদিন কাৎ হ'য়ে থাকবে।

কিন্তু রবীন্দ্রনাথ যা-ই বলুন তিনি প্রেমিক। দৃষ্টান্ত দেবার প্রয়োজন নেই, তাঁর শত শত গল্প, কবিতায় ও গানে প্রেমের ছবি ফুটে উঠেছে। বঙ্কিমচন্দ্র তাঁরই পূর্বগামী। তিনিও প্রেমের বিজয়বাতী বহন করেছেন, তাঁর সাহিত্য ও উপন্যাসে। উভয়েরই পরিচয় প্রেম, উভয়েরই কল্পনার উৎকর্ষ প্রেম-চিত্রে। প্রেম বাদ দিলে রবীন্দ্রনাথের থাকে সম্ভবতঃ কয়েকটি ব্রহ্মসঙ্গীত এবং বিশ্ব-পরিচয় এবং বঙ্কিমের থাকে গীতাভাষ্য ও সমালোচনা।

বিশ্ব-পরিচয়ের রবীন্দ্রনাথকে আমরা ভুলতে পারি, বঙ্কিম-চন্দ্রের গীতাভাষ্য নিম্নয়োজন মনে করতে পারি, কিন্তু রবীন্দ্রনাথের স্মৃতি, চিত্রাঙ্গদা ও বিনোদিনী এবং বঙ্কিমচন্দ্রের আয়েষা, ভ্রমর বা প্রতাপকে আমরা সহজে ভুলতে পারব না।

কালিদাস থেকে আরম্ভ করে, নানা কবি, নানা ভাবুক প্রেমের ভিন্ন ভিন্ন ছবি এঁকেছেন। অল্পকরণ মানসিক দৈত্যের লক্ষণ। যারা স্রষ্টা, তাঁরা অল্পকরণ করেন না। তাঁদের ছবি নানা রঙের বিচিত্র সমাবেশে অভিনব হয়ে ওঠে। আমরা তাই দেখে পুনকে আত্মহারা হই, সৃষ্টির বৈচিত্র্যে গৌরব অল্পভব করি। বৈষ্ণব কবির অনবগুসৃষ্টি শ্রীরাধা শকুন্তলার স্থায় পতি কতক উপেক্ষিত হয়ে প্রেমের পবিত্র স্বর্গে প্রয়াণ করেন নাই, তিনি এই মাটির জগতেই দিনের পর দিন গণিয়া মাস এবং মাসের পর মাস গণিয়া বর্ষ অতিবাহিত করেছিলেন হ্রস্ব বিরহে।

বঙ্কিমচন্দ্রের প্রথম প্রেমচিত্রে আয়েষা। আয়েষা জগতে অতুলনীয়। এই মহীয়সী মুসলমান রমণীর চরিত্র-চিত্রণে বঙ্কিম যে শ্রদ্ধা ও সম্মানের তুলি ধরেছেন, তাতে কেউ বলতে পারে না যে বঙ্কিমচন্দ্রের মনে মুসলমান ধর্ম বা সমাজের প্রতি বিদ্বেষভাব ছিল। আয়েষার প্রেম আত্মত্যাগের দৃষ্টান্ত। এইখানে তুলির দুই একটি টানে তিনি যে ছবিটি এঁকেছেন, তার মূল্য দিতে কেউ রূপণতা করবে না। প্রেমের গতি কুটিল। অহেরিব গতি প্রেমঃ স্বভাবকুটীলা ভবেৎ। আলঙ্কারিক এই ইঙ্গিত করে দেখিয়েছেন যে প্রেমের চিত্র-সম্ভাবনা অফুরন্ত। অশোক বনে সীতা প্রেমের একটি দিক, আবার বীররমণী প্রমীলা প্রেমের অত্ৰদিক। পতিবিরহিণী বনবাসিনী সীতা, আর মৃতপতির অল্পগামিনী শ্বশান-বিলাসিনী প্রমীলা—দুইটি চিত্রেই আমাদের মন মুগ্ধ করে। আয়েষার প্রেম বিশ্বুদ্ধ হয়েছে আত্মত্যাগের হোমাগ্নিতে। প্রেম সুরের পর্দার মত মানুষের হৃদয়কে উচ্চ থেকে উচ্চতর গ্রামে নিয়ে যায়। লক্ষ্য করলে আমাদের জীবনে এর সব ক'টি পর্দার সুরসঙ্গতি দেখতে পাওয়া যায়। সুর যেমন সর্বোচ্চ সুরে গিয়ে অনন্তের মধ্যে আপনাকে আপনি হারিয়ে ফেলে—সেখানে গায়ক থাকে না, শ্রোতা থাকে না, থাকে শুধু সুরের লহরী। গায়ক সেই সুরের নিবিড় অল্পভূতিকে আপনার

সত্তা ভুলে যায়, শ্রোতাও সেই সুরের মধ্যে আপনার গনকে গলিয়ে বিলিয়ে দিয়ে ধ্বংস হয়, তেমনি উচ্চতম কোর্টে প্রণয়ীর সত্তা থাকে না, প্রণয়ীর কথা মনে থাকে না, জেগে থাকে শুধু প্রেম।

ন সো রমণ, ন হাম রমণী

ছুঁ মন মনোভব পেয়ল জনি।—রায় রামানন্দ

প্রেম যেন ছ'জনের মন পিশে মিলিয়ে দিয়েছেন। পৃথক সত্তা কারও নেই। প্রেমিকা তখন ধ্বংস হয়ে বলতে পারেন

হৃদয় মন্দিরে মোর

কাহ্ন ঘুমাওল

প্রেম প্রহরী রহ জাগি।—গোবিন্দ দাস

আমার হৃদয়দেবতা আমার হৃদয়ের নিভৃত মন্দিরে চিরস্থির হয়ে' ঘুমাচ্ছেন, আমিও সেই আনন্দে বিবশা, তন্নয়ী। জেগে আছে শুধু প্রেম—প্রেমই পাহারা দিচ্ছে—কেউ যে আমার প্রাণবন্ধকে চুরি করবে তার সাধ্য কি?

আয়েষা জগৎসিংহকে লিখছেন, “আমি তোমার প্রেমাকাজক্ষিনী নহি। আমি যাহা দিবার তাহা দিয়াছি; তোমার নিকটে প্রতিদান কিছুই চাহি না। আমার স্নেহ এমন বদ্ধমূল যে তুমি স্নেহ না করিলেও আমি স্থখী……” এই বন্ধিমের প্রেমের নিখুঁত ছবি। আয়েষা প্রতিদান চায় না, সে দেখতেও চায় না। কারণ দেখতে গেলে দেখা দিতে হয়। কিন্তু কি জানি কি হয়! ‘রমণী হৃদয় যেরূপ দুর্দমনীয়, তাহাতে অধিক সাহস অনুচিত’। অর্থাৎ সে তার চোখের পিপাসাকে গলা টিপে রুদ্ধ করতে চায়, কেননা তার হৃদয়কে যে বিশ্বাস নাই। তিলোত্তমার বিবাহ হয়ে গেল জগৎসিংহের সঙ্গে। সেই রাত্রিতেই আয়েষা তিলোত্তমাকে বলল, ‘তোমার সাররত্ন হৃদয়মধ্যে রাখিও।’ ‘তোমার সাররত্ন’ বলিতে আয়েষার কণ্ঠরুদ্ধ হ'ল। এষে আমার সাররত্ন, আমার প্রাণারাম, আমারই আরাধ্য ধন। তোমাকে দিলাম। এ রত্নের অমর্যাদা ক'র না। এই রকম যখন মনের ভাব, মনের মধ্যে প্রেম-সমুদ্র উদ্বেল হয়ে উঠেছে, তখন চোখের জল কি বারণ মানে? দরদরিত ধারায় আয়েষার নয়নবারি উচ্ছ্বসিত হয়ে উঠল। “তিনি আর তিলার্ধ অপেক্ষা না করিয়া গৃহত্যাগ করিয়া দোলাবাহন করিলেন।” তাঁর বিশ্বজিৎ যজ্ঞ সম্পূর্ণ হ'লো।

‘যজ্ঞং সর্বস্বদক্ষিণং’ এ যজ্ঞে সর্বস্ব দক্ষিণা দিতে হয়। আয়েষার প্রেমযজ্ঞে পূর্ণাছতি পড়লো।

কান্দাস দেখিয়েছেন তপোবনের সিংহশাস্তকচ্ছায়ায় যুবকযুবতীর মধ্যে যে স্বাধীন প্রেমসঞ্চারণ হয়, তার অগ্নি পরীক্ষা হয় অল্পতাপে, বিরহে, অবজ্ঞায়। বন্ধিমও স্বাধীন প্রেমের যবনিকা পাত করলেন বিরহে। তিনি প্রেমের বত চিত্র উদ্ঘাটিত করেছেন তাঁর উপত্যাসে, তাতে একটি কথা বিশেষ করে' চোখে পড়ে—সেটি সমস্ত সমাজশৃঙ্খলার মূলভিত্তি। বিবাহিত প্রেম বা দাম্পত্য প্রেমই প্রেমের চরম চরিতার্থতা। কিন্তু তিনি প্রেমের ঐশ্বর্যগতিকে অস্বীকার করেন নাই। তিনি দেখিয়েছেন যে রূপজমোহে যে প্রেমের অভ্যুদয়, তার পরিণাম শুভ নয়। কিন্তু রূপজমোহকে বাদ দিলে মানবিকতাকে অস্বীকার করতে হয়। মানব চিরদিনই মানুষ। ছুই এক স্থলে যে দেবের আভাস পাওয়া যায়, তাই মানুষের আদর্শ, তাই তার সাঙ্ঘনা। কুন্দনন্দিনী নগেন্দ্রকে ভালবাসিল। কিন্তু সে ভালবাসার মধ্যে আকাঙ্ক্ষার দুর্দমনীয় বেগ ছিল। কাজেই সে প্রবৃত্তি প্রেমের উচ্চতর কোঠায় পৌঁছতে পারল না। কমলমণি কুন্দকে জিজ্ঞাসা করলো: তুই দাদাবাবুকে বড় ভালবাসিস—না? কুন্দ উত্তর দিল না, কমলমণির বক্ষে মুখ লুকিয়ে কাঁদতে লাগলো। কমলমণি বলিল, “বুঝেছি—মরিয়াছ। মর, তাতে ক্ষতি নাই—কিন্তু সঙ্গে সঙ্গে অনেকে মরে যে?” কমলের রমণী-হৃদয় বুকিল, প্রেমের গ্রাসে পড়লে দুর্বলমতি নারীর নিস্তার নাই। কাজেই তর্ক করা বৃথা। হৃদয়ের বৃত্তি যুক্তির ধার ধারে না। তাই বলিল, মর তাতে ক্ষতি নাই। কিন্তু তার ফলাফল চিন্তা করে' কমলমণি বিচলিত হলেন এবং শুধু সেই কথাটি বললেন ‘সঙ্গে সঙ্গে অনেকে মরে যে’—

হরদেব ঘোষালের মুখ দিয়ে বন্ধিম যে কথা বলিয়েছেন, সে কথা বন্ধিমচন্দ্রের প্রেমতত্ত্বের একটি অংশ বলে' গ্রহণ করলে ভুল করা হবে না হয়ত। “মনের অনেকগুলি ভাব আছে, তাহার সকলকেই লোকে ভালবাসা বলে। কিন্তু চিত্তের যে অবস্থায়, অতের সুরের জন্ম আমরা আত্মপ্রত্য বিসর্জন করিতে স্বতঃ প্রস্তুত হই, তাহাকে প্রকৃত ভালবাসা বলা যায়।……স্বতরাং রূপবতীর রূপভোগলালসা ভালবাসা নহে। যেমন ক্ষুধাতুরের ক্ষুধাকে অন্নের প্রতি প্রণয় বলিতে

পারি না, তেমনি কামাতুরের চিত্তচাক্ষুণ্যকে রূপবতীর প্রতি ভালবাসা বলিতে পারি না।……প্রেম বুদ্ধিবৃত্তি-মূলক। প্রণয়স্পন্দের গুণ সকল যখন বুদ্ধিবৃত্তির দ্বারা পরিগৃহীত হয়, হৃদয় সেই সকলগুণে মুগ্ধ হইয়া তৎপ্রতি সমাকর্ষিত এবং তৎপ্রতি সঞ্চালিত হয়, তখন সেই গুণাধারের সংসর্গদ্বারা এবং তৎপ্রতি ভক্তি জন্মে। ইহার ফল মনোবৃত্তি এবং পরিণামে আত্মবিশ্বাসিত ও আত্মবিসর্জন।……গুণজনিত প্রণয় চিরস্থায়ী বটে, কিন্তু গুণ চিনিতে দিন লাগে! এইজন্য সে প্রণয় একেবারে হঠাৎ বলবান হয় না—ক্রমে সঞ্চারিত হয়। কিন্তু রূপজমোহ এককালীন সম্পূর্ণ বহান হইবে। তাহার প্রথম বল এমন দুর্দমনীয় যে যে অল্প সকল বৃত্তি তদ্বারা উচ্ছিন্ন হয়। এই মোহ কি—ইহা স্বাধীন প্রণয় কিনা—ইহা জানিবার শক্তি থাকে না। অনন্তকাল স্থায়ী প্রণয় বলিয়া তাহাকে বিবেচনা হয়।”

হরদেব ঘোষাল হয়ত একটু বেশী বলে' ফেলেছেন। মনকে হরত তাঁর এই বিশ্লেষণ বিনা বিতর্কে গ্রহণ করতে পারবেন না। শ্রীমতী যখন মানে মগ্না, কলহান্তরিতা অবস্থায় রূপবিরহে কাঁতরা—তখন সখীরাও এই কথাই বলেছিলেন!

বিধি গুণ পরখি পরশ-রস-লালসে

কাহে সোঁপলি নিজ দেহা।

দিনে দিনে খোয়বি ইহ রূপ লাবণি

জীবইতে ভেল মন্দেহা।—গোবিন্দ দাস।

অভিমানিনী যখন প্রণয় করেছিলে, তখন গুণ পরীক্ষা করে' দেখ নাই। সহজেই রূপ দেখে ভুলে' গেলে। এখন দিনে দিনে তোমার রূপ লাবণ্য ক্ষয়প্রাপ্ত হবে এবং জীবন ধ্বংস হলে দাঁড়াবে।

কথাটি হয়ত ঠিক। কিন্তু আবার দেখতে হবে, হিসাব করে' পরীক্ষা করে' যুক্তিতর্ক দিয়ে সম্মুখে বুঝে নিলে প্রেম হয়, তাকে প্রেম বলা যায় না। তাকে শ্রদ্ধা, ভক্তি, আস্থা—যা ইচ্ছে বলতে পারা যায়; ঠিক প্রেম বলা চলে না। You cannot make love by an act of Parliament. শুনতে বতই হাসির কথা হোক, কথাটির মূলে কিছু সত্য আছে। যুক্তিতর্ক দিয়ে ভালবাসা হয় না। আবার এ কথাও ঠিক যে—যখন প্রেমের

প্রথম জোয়ারে যুক্তিতর্কের হালটি ভেঙ্গে গেছে, সাধের তরণী সকাল বেলা ভাসতে ভাসতে অকূলে চলেছে, তখন সে প্রেমতরী ডুবেই মরে। তাকে বাঁচানো কঠিন।

সেইজন্য শৈবলিনীকে প্রায়শ্চিত্ত করতে হলো। সে মরতে মরতে বেঁচে গেল। কিন্তু প্রতাপকে বন্ধিম মেরে তবে ছাড়লেন। তার প্রেমের মূলে ছিল যুক্তি, কিন্তু সে যুক্তির জন্ম মরলো না, মরলো তার প্রেমের জন্ম। তার প্রেম ক্ষণিকের মোহ নয়, সে শৈবলিনীকে ভালবেসেছিল সমস্ত প্রাণমন দিয়ে। সংঘের জন্ম সে প্রেমের অগ্নি পরীক্ষায় উত্তীর্ণ হয়েছিল। কিন্তু তার পরে সে দেখলো যে সে বেঁচে থাকলে শৈবলিনী বাঁচে না।……“আমি বাঁচিয়া থাকিলে শৈবলিনী বা চন্দ্রশেখরের সুরের সন্তাবনা নাই। যাহারা আমার পরমপ্ৰীতির পাত্র, যাহারা আমার পরমোপকারী, তাহাদিগের সুরের কণ্টকম্বরূপ এ জীবন আমার রাখা অকর্তব্য বিবেচনা করিলাম।……আমি থাকিলে শৈবলিনীর চিত্ত কখন না কখনও বিচলিত হইবার সন্তাবনা। অতএব আমি চলিলাম।”

এখানে দ্রষ্টব্য এই যে প্রতাপ মরল তার নিজের জন্ম নয়। পাছে শৈবলিনীর চিত্ত বিভ্রম বটে—‘কখনও না কখনও বিচলিত’ হবার সন্তাবনা নহে—প্রতাপ জানতো শৈবলিনীর চিত্ত বিচলিত হবেই—তা নইলে মরবার কি প্রয়োজন ছিল? প্রতাপ নিজেকেও কি সম্পূর্ণ বিশ্বাস করতে পারছিলো? বলা যায় না। প্রেমিক প্রেমিকার প্রত্যেক কথাই তার নগদ মূল্য হিসাবে গ্রহণ করা চলে না। হৃদয়ের ভাব কথার পিছনে অনেক সময় উঁকি মারে। আমরা সহজেই বুঝতে পারি প্রতাপ ঠিক উদাসীনের মত কথা বলে নি। তার হৃদয় যে মধুরসে অভিযুক্ত ছিল, তা আমরা তার ছুই একটি কথার ভিতর থেকে অনায়াসে সংগ্রহ করতে পারি। তার মরবার সংকল্পের পশ্চাতে শুধু যে মঙ্গলের হস্ত দেখতে পাই তা নয়। তার হৃদয় ক্ষতবিক্ষত। প্রেমের সঙ্গে সংঘের সংগ্রামে সে জয়ী হয়েছে বটে; কিন্তু তার সংশয় ধুচে নি। কাজেই তার মরা আবশ্যক হয়েছিল। এ মরা philanthropic উদ্দেশ্যে মৃত্যু নয়, পরোপকারের মহৎ উদ্দেশ্যে মৃত্যু নয়। রমানন্দ স্বামীকে প্রতাপ সে কথা ভাল করে'ই বলেছিল। ‘আমার মৃত্যু ভিন্ন ইহার উপায় নাই বলিয়া মরিলাম।’ ‘এ জন্মে

এ অল্পবয়সে মঙ্গল নাই বলিয়া এ দেহ পরিত্যাগ করিলাম।
‘আপনি বলুন আমার পাপের কি প্রায়শ্চিত্ত? আমি কি
জগদীশ্বরের কাছে দোষী।’ রমানন্দ স্বামী এ প্রশ্নের উত্তর
দিতে পারিলেন না। তিনি শুধু বলিলেন ‘তাহা জানি
না। মানুষের জ্ঞান এখানে অসমর্থ, শাস্ত্র এখানে মুক।’
মানুষের সংস্কৃতিও সাধনার শেষ প্রশ্নের উত্তর এই বই আর
কি? গ্রন্থকার বলিলেন “যাও প্রতাপ, অনন্তধামে। যাও
বেখানে ইন্দ্রিয় জয়ে কষ্ট নাই, রূপে মোহ নাই, প্রণয়ে
পাপ নাই, সেইখানে যাও।” এইভাবে তিনি প্রশ্নটি
চাপা দিলেন।

বঙ্কিমচন্দ্র প্রেমের একটি পবিত্র আদর্শ প্রতিষ্ঠিত

করেছিলেন। সমাজের কল্যাণ, ব্যক্তির কল্যাণ, হৃদয়ের
প্রবৃত্তিসমূহের মধ্যে সামঞ্জস্য স্থাপন প্রভৃতি তাহার মন
প্রেমের কল্পনায় সাহায্য করেছিল—সেই উদ্দেশ্যে যে তিনি
লিখেছিলেন তা’ নয়। আর সর্বোপরি ছিল তাঁর দেশের
সংস্কৃতির প্রতি স্নগভীর, সীমাহীন শ্রদ্ধা। বা আমাদের
যুগযুগান্তব্যাপী সংস্কৃতির পরিপন্থী, তাকে প্রশ্রয় না দিয়েও
তিনি প্রেমের নানা বিচিত্র কাহিনী শুনিয়া বাঙ্গালীকে
মুগ্ধ করেছিলেন। তাই ঠানদি দিদিমারা স্তোত্র বা
চশমা নাকের উগায় নাগিয়ে পুরাণ পাঠ ত্যাগ করে তাঁর
উপাস্তাস পড়েছিলেন। তেমনটি আর কোনও লেখকের

ভাগ্যে ঘটে নি।

বিরহ

শ্রীঅশ্বিনীকুমার পাল এম-এ

নাগিছে সন্ধ্যা বরিতেছে জল
ডাকে দে’য়া গুরু গুরু,
আকাশ-কন্যা কাঁদে অবিরল
শ্রাবণ হইল সুর।
বিরহ ব্যাকুল সজল নয়ান
বাঁধন নাহি যে তার,
ঘনশ্যামরূপ মাতিয়া উঠিছে
নয়নসাগরপার।
গোপনে বালায় হৃদয় বিদরি’
দলে গেছে কোন্ রাজ;
কোথায় কে যেন হাঁরায়ে গিয়েছে
ধরিয়া মোহন সাজ।

আজিকে এমন ঘন বারি-পাতে
নীতল সন্ধ্যাকালে,
রাজার কুমার স্মরণে ভাসিয়া
লুকাল অন্তরালে।
মনে হয় তারে দেখেছে কোথায়,
ভুলেছে তাহার নাম;
নয়নে বাদল আজি তাই ঘন
বিরহের পরিণাম।
কে যেন তাহারে করেছে পাগল
এমনি নিবিড় দিনে;
আজি রে সকল অঙ্গ কাঁদিছে
তাহারি সঙ্গ বিনে।

এমনি বিশ্ব ঘনায়ে সেদিন
সেজেছিল দিক সীমা;
এমনি স্তূর নীলিম ধারায়
লভেছে তার মহিমা।

এ্যাণ্ড ফ্রেণ্ড্‌স্

শ্রীমৌরীন্দ্রমোহন মুখোপাধ্যায়

নতুন অফিস—বেঙ্গল-প্রোরি ইনসিওরান্স অফিস।

বেলা চারিটা বাজিয়া গিয়াছে। অনন্ত আসিয়া অবসন্ন-
ভাবে চেয়ারে বসিয়া পড়িল। তার ছ’ চোখে হতাশার
নিরুপায় দৃষ্টি!

পাশের চেয়ারে বসিয়া নীলাদ্রি খাতা দেখিয়া পলিশির
কাগজ লিপিতেছিল; অনন্তর পানে চাহিয়া প্রশ্ন করিল—
হলো কি অনন্ত?

অনন্ত বলিল—হোপ্‌লেস!...চৌধুরীর জুলুম।

চৌধুরী এ-অফিসের সেক্রেটারি।

অনন্তর কথায় নাটকের ইঙ্গিত! নীলাদ্রির কোতূহল
জাগিল। নীলাদ্রি কহিল—তার মানে?

অনন্ত বলিল—এক বছরের খাতা পেড়ে রাজ্যের
ভাউচারের সঙ্গে মিলিয়ে দেখতে হবে আজকের মধ্যে—বত
রাতিরই কে। কাল অভিটর আসবে।

নীলাদ্রি কহিল—কিন্তু ও তো মাণিকের কাজ।

অনন্ত বলিল—তা বললে কি হয়! মাণিক গুঁর বাড়ীতে
বিনা-মাইন্ডে টুইসনি করে। সন্ধ্যা ছটায় তাকে এ্যাটেণ্ড্যান্স
দিতে হবে; না হলে গিন্নী হবেন অগ্নিশর্মা!

চাপা গলায় চৌধুরীর উদ্দেশ্যে নীলাদ্রি একটা কটু
গালির ভাষা উচ্চারণ করিল।

নিখাস ফেলিয়া অনন্ত বলিল—আজ ছ’টায় আমার
ইমপোর্ট্যান্ট এনগেজমেন্ট। এক বন্ধুকে নিয়ে সিনেমায়
যাবো। কথা একদম পাকা। ছ’টাকা চার আনা খরচ
করে স’-ছটার শোয়ে দুখানি টিকিট কিনে এনেছি।

স্টাট রিজার্ভ—ঐ নতুন বাঙলা ছবি বেরিয়েছে “মন্দোদরী”
—তা যাখো একবার বিপদ!

অনন্ত আর-একটা নিখাস ফেলিল।

নীলাদ্রি বলিল—টিকিট দুটো চেঞ্জ করিয়ে নিয়ো...
বালকের জন্ত।

সখেদে অনন্ত বলিল—তা হবার নয়, বিশ্রী দেখাবে।
সব মানে মহিলা-বন্ধু!

মহিলা-বন্ধু! আবার নাটকের ইঙ্গিত! নীলাদ্রির ছই

চোখ বিস্ফারিত হইয়া উঠিল। বিস্ফারিত চোখের সে দৃষ্টিতে
একসঙ্গে এক হাজার প্রশ্ন ফুটিল।

নীলাদ্রি কহিল—মহিলা-বন্ধু! তার মানে?

অনন্ত কহিল—আমাদের পাড়ায় ছিলেন হরগোবিন্দ-
বাবু। বাবার বন্ধু। তিনি মারা গেছেন। বাড়ীতে আছেন
হরগোবিন্দবাবুর বিধবা স্ত্রী আর একটিমান মেয়ে নন্দিনী।
...ও বাড়ীতে প্রায় আসি বাই কি না। গুঁদের সঙ্গে
খুবই অন্তরঙ্গতা। নন্দিনী প্রায় বলে, একদিন সিনেমায়
নিয়ে চলুন... তাই আজ টিকিট কিনেছি। বলেছি,
স’ ছটার শোতে নিশ্চয়। এখন কি যে করি!

অনন্ত যেন অকুল পাথারে পড়িয়াছে! কুলের সন্ধান
যে-দৃষ্টিতে সে চাহিয়া রহিল—অনন্ত মনে মনে হাসিল;
বলিল—তাঁকে একটা খপর দাও যে, sorry...আপিসে
বড্ড কাজ পড়েছে।

অনন্ত কহিল—বিশ্বাস করবে না। তাববে, পরসা-
খরচের ভয়ে পাশ কাটাচ্ছি।...নন্দিনীকে তো জানো না!
সে ভারী স্পষ্ট কথা কয়...তার কথাগুলো হয় বেজায়
কড়া! অর্থাৎ বুঝেছি কি না, এই নন্দিনী হয়তো একদিন
হবে আমার...

ইঙ্গিত বুঝিয়া নীলাদ্রি বলিল—বুঝেছি, তোমার জীবন-
সঙ্গিনী! অর্থাৎ শুভবিবাহ!

—তাই!...

অনন্তর মাথায় চলিয়াছে তখন মহাযুদ্ধ! কাগান
দাগিতেছে...বোমা ফাটিতেছে...শেল্‌ ছুটিতেছে! চোখের
সামনে ধোঁয়ার রাশি কুণ্ডলী পাকাইয়া উঠিতেছে!

হঠাৎ একটা কথা মনে জাগিল।

অনন্ত কহিল—তুমি পারো এ বিপদে সাহায্য করতে।
মানে, টিকিট দুখানা তোমায় দেবো। তুমি যদি ছুটির
পরে নন্দিনীদের বাড়ীতে গিয়ে নন্দিনীকে নিয়ে সিনেমায়
যাও! স’ছটার শো...আমি অবশ্য চিঠি লিখে দেবো...
তোমার পরিচয় দিয়ে...ব্যাপার বুঝিয়ে।

এ অল্পরোগে মঙ্গল নাই বলিয়া এ দেহ পরিত্যাগ করিলাম।’
‘আপনি বলুন আমার পাপের কি প্রায়শ্চিত্ত? আমি কি
জগদীশ্বরের কাছে দোষী।’ রমানন্দ স্বামী এ প্রশ্নের উত্তর
দিতে পারিলেন না। তিনি শুধু বলিলেন ‘তাহা জানি
না। মানুষের জ্ঞান এখানে অসমর্থ, শাস্ত্র এখানে সুক।’
মানুষের সংস্কৃতিও সাধনার শেষ প্রশ্নের উত্তর এই বই আর
কি? গ্রন্থকার বলিলেন “যাও প্রতাপ, অনন্তধামে। যাও
বেখানে ইঞ্জিয় জয়ে কষ্ট নাই, রূপে মোহ নাই, প্রণয়ে
পাপ নাই, সেইখানে যাও।” এইভাবে তিনি প্রশ্নটি
চাপা দিলেন।

বঙ্কিমচন্দ্র প্রেমের একটি পবিত্র আদর্শ প্রতিষ্ঠিত

বিরহ

শ্রীঅশ্বিনীকুমার পাল এম-এ

নামিছে সন্ধ্যা ঝরিতেছে জল
ডাকে দে'রা গুরু গুরু,
আকাশ-কন্ঠা কাঁদে অবিরল
শ্রাবণ হইল সুর।
বিরহ ব্যাকুল সজল নয়ান
বাঁধন নাহি যে তার,
ঘনশ্রাগরূপ মাতিয়া উঠিছে
নয়নসাগরপার।
গোপনে বালায় হৃদয় বিদরি'
দলে গেছে কোন্ রাজ;
কোথায় কে যেন হাঁরায়ে গিয়েছে
ধরিয়া মোহন সাজ।

এমনি বিশ্ব বনায়ে সেদিন
সেজেছিল দিক সীমা;
এমনি স্নদূর নীলিম ধারায়
লভেছে তার মহিমা।

করেছিলেন। সমাজের কল্যাণ, ব্যক্তির কল্যাণ, হৃদয়ের
প্রবৃত্তিসমূহের মধ্যে সামঞ্জস্য স্থাপন প্রভৃতি তাঁহার মনে
প্রেমের কল্পনায় সাহায্য করেছিল—সেই উদ্দেশ্যে যে তিনি
লিখেছিলেন তা' নয়। আর সর্বোপরি ছিল তাঁর দেশের
সংস্কৃতির প্রতি স্নগভীর, সীমাহীন শ্রদ্ধা। যা আমাদের
যুগযুগান্তব্যাপী সংস্কৃতির পরিপন্থী, তাকে প্রশ্রয় না দিয়েও
তিনি প্রেমের নানা বিচিত্র কাহিনী শুনিয়ে বাঙ্গালীকে
মুগ্ধ করেছিলেন। তাই ঠানদি দিদিমারা স্মৃত্যায় বাঁধা
চশমা নাকের ডগায় নামিয়ে পুরাণ পাঠ ত্যাগ করে তাঁর
উপস্থাস পড়েছিলেন। তেমনটি আর কোনও দেশের
ভাগ্যে ঘটে নি।

আজিকে এমন ঘন বারি-পাতে
নীতল সন্ধ্যাকালে,
রাজার কুমার স্বরণে ভাসিয়া
লুকাল অন্তরালে।
মনে হয় তারে দেখেছে কোথায়,
ভুলেছে তাহার নাম;
নয়নে বাদল আজি তাই ঘন
বিরহের পরিণাম।
কে যেন তাহারে করেছে পাগল
এমনি নিবিড় দিনে;
আজি রে সকল অঙ্গ কাঁদিয়ে
তাহারি সঙ্গ বিনে।

নূতন অফিস—বেঙ্গল-গ্লোরি ইনসিওরান্স অফিস।

বেলা চারিটা বাজিয়া গিয়াছে। অনন্ত আসিয়া অবসন্ন-
ভাবের চেয়ারে বসিয়া পড়িল। তার ছ' চোখে হতাশার
নিরপায় দৃষ্টি!

পাশের চেয়ারে বসিয়া নীলাদ্রি খাতা দেখিয়া পলিশির
কাগজ লিখিতেছিল; অনন্তর পানে চাহিয়া প্রশ্ন করিল—
হলো কি অনন্ত?

অনন্ত বলিল—হোপ লেশ!...চৌধুরীর জুলুম।

চৌধুরী এ-অফিসের সেক্রেটারি।

অনন্তর কথায় নাটকের ইঙ্গিত! নীলাদ্রির কোতূহল
জাগিল। নীলাদ্রি কহিল—তার মানে?

অনন্ত বলিল—এক বছরের খাতা পেড়ে রাজ্যের
ভাউচারের সঙ্গে মিলিয়ে দেখতে হবে আজকের মধ্যে—যত
রাস্ত্রিই হোক। কাল অডিটর আসবে।

নীলাদ্রি কহিল—কিন্তু ও তো মাণিকের কাজ।

অনন্ত বলিল—তা বললে কি হয়! মাণিক গুর বাড়ীতে
বিনা-মাইনেয় টুইসনি করে। সন্ধ্যা ছটায় তাকে এ্যাটেণ্ড্যান্স
দিতে হবে; না হলে গিন্নী হবেন অগ্নিশর্মা!

চাপা গলায় চৌধুরীর উদ্দেশ্যে নীলাদ্রি একটা কটু
গালির ভাষা উচ্চারণ করিল।

নিখাস ফেলিয়া অনন্ত বলিল—আজ ছ'টায় আমার
ইমপোর্ট্যান্ট এনগেজমেন্ট। এক বন্ধুকে নিয়ে সিনেমায়
যাবো। কথা একদম পাকা। ছ'টাকা চার আনা খরচ
করে' স'-ছটার শোয়ে দুখানি টিকিট কিনে এনেছি।

গীট রিজার্ভ...ঐ নতুন বাঙলা ছবি বেরিয়েছে “মন্দোদরী”
...তা ছাখো একবার বিপদ!

অনন্ত আর-একটা নিখাস ফেলিল।

নীলাদ্রি বলিল—টিকিট দুটো চেঞ্জ করিয়ে নিয়ো...
কালকের জন্ম।

সখেদে অনন্ত বলিল—তা হবার নয়, বিস্ত্রী দেখাবে।
বন্ধু মানে মহিলা-বন্ধু!

মহিলা-বন্ধু! আবার নাটকের ইঙ্গিত! নীলাদ্রির ছই

এ্যাণ্ড ফ্রেণ্ড্‌স্

শ্রীসৌরীন্দ্রমোহন মুখোপাধ্যায়

চোখ বিস্ফারিত হইয়া উঠিল। বিস্ফারিত চোখের সে দৃষ্টিতে
একসঙ্গে এক হাজার প্রশ্ন ফুটিল।

নীলাদ্রি কহিল—মহিলা-বন্ধু! তার মানে?

অনন্ত কহিল—আমাদের পাড়ায় ছিলেন হরগোবিন্দ-
বাবু। বাবার বন্ধু। তিনি মারা গেছেন। বাড়ীতে আছেন
হরগোবিন্দবাবুর বিধবা স্ত্রী আর একটিমাত্র মেয়ে নন্দিনী।
...ও বাড়ীতে প্রায় আসি যাই কি না। ঙ্গদের সঙ্গে
খুবই অন্তরঙ্গতা। নন্দিনী প্রায় বলে, একদিন সিনেমায়
নিয়ে চলুন... তাই আজ টিকিট কিনেছি। বলেছি,
স' ছটার শোতে নিশ্চয়। এখন কি যে করি!

অনন্ত যেন অকূল পাথারে পড়িয়াছে! কুলের সন্ধান
যে-দৃষ্টিতে সে চাহিয়া রহিল—অনন্ত মনে মনে হাসিল;
বলিল—তাঁকে একটা খপর দাও যে, sorry...আপিসে
বড্ড কাজ পড়েছে।

অনন্ত কহিল—বিশ্বাস করবে না। তাববে, পয়সা-
খরচের ভয়ে পাশ কাটাচ্ছি।...নন্দিনীকে তো জানো না!
সে ভারী স্পষ্ট কথা কয়...তার কথাগুলো হয় বেজায়
কড়া! অর্থাৎ বুঝছো কি না, এই নন্দিনী হয়তো একদিন
হবে আমার...

ইঙ্গিত বুঝিয়া নীলাদ্রি বলিল—বুঝেছি, তোমার জীবন-
সঙ্গিনী! অর্থাৎ শুভবিবাহ!

—তাই!...

অনন্তর মাথায় চলিয়াছে তখন মহাযুদ্ধ! কামান
দাগিতেছে...বোমা ফাটিতেছে...শেল্‌ ছুটিতেছে! চোখের
সামনে ধোঁয়ার রাশি কুণ্ডলী পাকাইয়া উঠিতেছে!

হঠাৎ একটা কথা মনে জাগিল।

অনন্ত কহিল—তুমি পারো এ বিপদে সাহায্য করতে।
মানে, টিকিট দুখানা তোমায় দেবো। তুমি যদি ছুটির
পরে নন্দিনীদের বাড়ীতে গিয়ে নন্দিনীকে নিয়ে সিনেমায়
যাও! স'ছটার শো...আমি অবশ্য চিঠি লিখে দেবো...
তোমার পরিচয় দিয়ে...ব্যাপার বুঝিয়ে।

নীলাদ্রির গা ছুঁছুঁ করিয়া উঠিল। সে যেন ছুঁ করিয়া আকাশ হইতে পড়িয়াছে, এমনি ভাব!

নীলাদ্রি কহিল—তা কখনো হয়! ছুঁ! আমাকে চেনেন না, জানেন না! ইয়ং লেডি! আমার সঙ্গে হঠাৎ...

অনন্ত কহিল—আঃ, বুঝাচো না, নন্দিনী তেমন জড়ভরত মেয়ে নয় মোটে! খুব ফরোয়ার্ড, ফটিশে ইন্টার-মিডিয়েট পড়্চে...সেকেণ্ড ইয়ার। ট্রামে চড়ে' রোজ কলেজ যায়।...তাছাড়া ওদের বাড়ীতে সেকলে মাগুলি কুসংস্কারের নামগন্ধ নেই!...মানে, সে চায় সিনেমা দেখতে—তার মা চান্, একা না যায়—জানাশোনা একজন কম্পানিয়ন্ থাকবে সঙ্গে...তোমাকে তাঁরা চেনেন না, জানেন না, সত্যি! কিন্তু না চিনলেও তোমার নাম শুনেচেন আমার মুখে। তা থেকে জানেন, তুমি আমার বন্ধু! স্মরণ...

গর্ভে নীলাদ্রির বুকখানা দুলিয়া উঠিল। এ যুগের মেয়েদের কাছে তার কথা তবে হয়!

তবু চট্ করিয়া সে বলিতে পারিল না, বেশ, আমি হইব কম্পানিয়ন! এ-কথা বলিতে গিয়া আরো এত কথা কষ্টে আসিয়া ভিড় করিয়া দাঁড়াইল...

অনন্ত কহিল—তোমার অসুবিধা হবে?...আর কোথাও কোনো কাজ আছে?

নিখাস ফেলিয়া নীলাদ্রি বলিল—না। তবে...

অনন্ত কহিল—তবে আবার কি! না, কোনো ওজর নয়, নীলাদ্রি।...তুমি জানো না, নন্দিনী কি রকম ফিন্স-ম্যাড্। আশা করে' বেচারী বসে আছে...বদি যাওয়া বন্ধ হয়, তাহলে কিছুকাল আর ও বাড়ীতে আমার মাথা গলাবার উপায় থাকবে না।...লক্ষ্মীটি, তোমাকে এ সাহায্যটুকু করতেই হবে।...ভয় নেই...বলেছি তো, নন্দিনী খুব ফরোয়ার্ড। কথায়-বার্তায় তাকে মেয়ে বলে মোটে ফীল্ করবে না...পুরুষ-বন্ধু বলে' মনে হবে! তোমাকে মোটে সলজ্জ থাকতে হবে না।

তরুণ বয়সের প্রবল মোহ...

নীলাদ্রি কহিল—বেশ...তুমি চিঠি লিখে দাও...

অনন্তর চিঠি লইয়া নীলাদ্রি গিয়া দাঁড়াইল নন্দিনীদের গৃহে। বেশে-ভূষায় একটু পারিপাট্য করিয়া গিয়াছিল;

—জামায় ও রুগালে একটু সেণ্ট্, সেই সঙ্গে পার্শ্ব ছুঁচারিটা বেলী টাকা। গল্প-উপন্যাস পড়িয়া এ সমাজের সম্বন্ধে যে-ধারণা সঞ্চয় করিয়াছিল, সে-ধারণাকে মনে-মনে বার বার আওড়াইয়া লইতে ভোলে নাই।

নন্দিনীদের গৃহে পৌছিয়া বুকখানা একবার ছাঁৎ করিয়া উঠিল—কি বলিয়া? চিঠি দিবে এবং এ চিঠির উত্তরে কি কথা শুনিবে...

কিন্তু কোনো গোলযোগ ঘটিল না। নন্দিনী বে-রকম সহজে চিঠি এবং তাকে গ্রহণ করিল, তাহাতে সে আশ্চর্য হইয়া গেল। গল্প-উপন্যাসেও এমন হয় না।

অর্থাৎ গল্প-উপন্যাসে এমন অবস্থায় ছুঁচারিটা অপার হেঁয়ালিতে আদান-প্রদান চলে—সেই সঙ্গে নায়ক মনে দ্বিধা-সংশয়, নায়িকার মনে কোতুক-বাসনা...এক্ষেত্রে তার কিছু ঘটিল না। চিঠি পাইবামাত্র পড়িয়া নন্দিনী তাঁর মুখের পানে চাহিল...খুব সহজ দৃষ্টি। সঙ্গে সঙ্গে বলিল—ও, আপনি তাঁর বন্ধু...নীলাদ্রিবাবু। তার পরেই তার সঙ্গে বাহির হইয়া সিনেমায় আসিল।

ট্রাম! নীলাদ্রি শুনিয়াছে অনন্তর মুখে, ট্রামে চড়িয়া নন্দিনী কলেজে যায়!

ছবি দেখিতে দেখিতে এত রকমের আলোচনা করিল যে সে হাওয়ায় মনের উপর হইতে সঙ্কোচের পাথর সরিয়া গেল—বাতাসে পাংলা কাগজ যেমন উড়িয়া সরিয়া যায়, তেমনি ভাবে। নীলাদ্রির মনে হইল, নন্দিনীর সঙ্গে যেন তার কত কালের পরিচয়!

ইন্টারভালের সময় বেয়ারা আসিল একেবারে নন্দিনীর সামনে। তার হাতে ট্রে; ট্রেতে আইশক্রীম্। নন্দিনী লইল আইশক্রীম-পট্...নীলাদ্রিকেও একটা পট্ লইতে হইল; পার্শ্ব খুলিয়া দাম দিল নীলাদ্রি ছুটি পটের।

চকোলেট আসিল...সেন্টেড্ বাদাম...আলোচনা করিতে করিতে নন্দিনী চকোলেট লইল, সেন্টেড্ বাদাম লইল...অত্যন্ত অবলীলায় সহজ ভঙ্গীতে। দেখিয়া নীলাদ্রি বুঝিল, এগুলি নন্দিনীর অভ্যাসে দাঁড়াইয়াছে। সিনেমায় আসিয়া আইশক্রীম ও চকোলেট খাওয়া মজাগত, কাজেই নিখাস পড়িলেও নীলাদ্রি আবার দাম দিল নিজের পার্শ্ব খুলিয়া।

নাম দিবার এমন ভঙ্গী, সেও যেন দেখাইতে চায় সিনেমা দেখিতে আসিলে এ-সব কেনা নীলাদ্রির স্বভাব!

ছবি শেষ হইলে ছুজনে বাহিরে আসিল।

প্রচণ্ড ভিড়। ট্রামে-বাসে তিল-ধারণের স্থান নাই।

নন্দিনী বলিল—বাস্ রে, কি ভিড়! ওঠবার জো নেই!

নীলাদ্রির বুকখানা ধক্ করিয়া উঠিল।...জো নাই, ত্য!

নন্দিনী বলিল—ভেতরে কি গরম। মাথা যা ধরেছে! আপনার মাথা ধরেনি নীলাদ্রিবাবু?

নীলাদ্রি কহিল—ধরেছে একটু! মানে, সব সিনেমা-ট্রামে এসার-কুলিংয়ের বন্দোবস্ত থাকা উচিত।

নন্দিনী কহিল—নিশ্চয়!...

ফিটন্, ট্যাক্সি সামনে হাঁকিতেছে—বাবু...

নীলাদ্রি চাহিল ট্যাক্সির পানে; তার পর নন্দিনীর পানে।

নন্দিনী বলিল—ট্যাক্সিতে অনেক পড়বে। না হলে... বেতে আরাম ছিল!

এ-কথার পর টাকা-পয়সার হিসাব কষিতে মন মার-মূর্ত্তি ধারণ করে! মন বলিল, ভাবো একবার স্মর ওয়াল্টার র্যানের কথা...

মনের সেই স্মৃতিতে উৎসাহিত নীলাদ্রি ডাকিল—
ট্যাক্সি...

নন্দিনী বলিল—ট্যাক্সি ডাকছেন?

নীলাদ্রি বলিল—না হলে ছু'ঘণ্টা দাঁড়িয়ে থাকবেন কি? এই ভিড়ে?...ভালো দেখায় না!

ট্যাক্সিতে চড়িয়া বাড়ী। ভাড়া দিয়া নীলাদ্রি ভাবিল, এবারে সরিয়া পড়িবে।

নন্দিনী বলিল—এখনি চলে যাবেন? একটু বসবেন না? গল্প শুন করতুম!

এ-নিমন্ত্রণ নীলাদ্রির ভালো লাগিল! জীবনে নূতন অভিজ্ঞতা! যেন উপন্যাসের কল্পলোকের ফটক খুলিয়া গিয়াছে এবং সেই খোলা ফটক দিয়া সে প্রবেশ করিতেছে আলো-ছায়ায় মেশা কল্পলোকে!

অনন্তর কথা মনে পড়িল। অফিসে মোটা খাতার

পাতায় মুখ গুঁজিয়া এখনো টাকা-আনা-পয়সার হিসাব মিলাইতেছে। বেচারী অনন্ত!

নন্দিনী ডাকিল—মা...

মা আসিলেন।

নন্দিনী বলিল—ইনি নীলাদ্রিবাবু...অনন্তবাবুর বন্ধু। ছুজনে এক-অফিসে কাজ করেন। ভারী চমৎকার লোক ইনি। সিনেমায় আমাকে কি বন্ধুই করেছেন! আইশ-ক্রীম, চকোলেট খাওয়ানো! এক-শিশি সেন্টেড্ বাদাম দেছেন।...তার পর ট্রামে-বাসে খুব ভিড় বলে' ট্যাক্সিতে করে নিয়ে এলেন! অনেক পয়সা খরচ করেছেন!

নীলাদ্রি ভাবিতেছিল অনন্তর কথা। সিনেমার টিকিট কিনিয়াছে অনন্ত...সিনেমার এ আয়োজন সব সে করিয়াছে, অথচ তার নাম নাই!

মা নীলাদ্রির পরিচয় চাহিলেন!

সখেদে নীলাদ্রি জানাইল, মাতামো ভারী কঞ্জুস। অনেক টাকার মালিক। কাজেই নীলাদ্রিকে চাকরিতে ঢুকিতে হইয়াছে। তবে মাতামো'র শরীর ভালো নয়। বয়স প্রায় সাতাশি...ব্রড-প্রেশার। তিনি চক্ষু মুদিলে সকলকে নীলাদ্রি একবার দেখাইয়া দিবে, পয়সা কি করিয়া ইত্যাদি।

নন্দিনীও একাগ্র মনে এ কথা শুনিল।

এ-গল্প শুনিয়া মায়ের প্রাণ মমতায় গুলিয়া গেল। মা বলিলেন—রাত দশটা বাজে বাবা—এইখানে ছুটি থেয়ে যাও। 'বাবা' এ-কথায় না বলিতে পারিল না।

খাওয়া-দাওয়া চুকিতে রাত এগারোটা বাজিয়া গেল। নন্দিনী ইতিমধ্যে ছুখানা গান শুনাইয়া দিল।

নীলাদ্রি বলিল, এমন গান সে জীবনে শোনে নাই!

সেই সঙ্গে আরো অনেক কথা বলিল। বলিল—রেডিয়োতে আপনি গান গান্ না কেন? গ্রামোফোনে রেকর্ড দিতে আপনার আপত্তি আছে?

নীলাদ্রি বলিল, রেডিয়োর ছুঁচার-জন মুকুদ্ভিকে সে জানে। নন্দিনীর যদি আপত্তি না থাকে, নীলাদ্রি তাহা হইলে রেডিয়োর আসরে মাসে ছু' একটা প্রোগ্রামে নন্দিনীর গান গাহিবার ব্যবস্থা করিয়া দিতে পারে।

এ-কথায় নন্দিনী মাতিয়া উঠিল। বলিল—বেশ, গাইবো—আপনি ব্যবস্থা করে দিন। আধুনিক সঙ্গীত।

নীলাদ্রি কহিল—দেবো ব্যবস্থা করে'...
তার পর কথা শেষে একটু বিষ ঢালিয়া দিবার লোভ
নীলাদ্রি সম্বরণ করিতে পারিল না। বলিল—অনন্তও তো
তাদের জানে! কেন যে সে এ ব্যবস্থা করে নি এ্যাদ্দিন!
মা বলিলেন—তার কথা আর বলোনা বাবা! তার
ঐ রকম...কোনো-কিছুতে আগ্রহ নেই!

তারপর বিদায়ের পালা...
উঠিতে-উঠিতে আরো দশ-পনেরো মিনিট কাটিয়া গেল।
মা বলিলেন—মাঝে মাঝে এসো বাবা।
নন্দিনী বলিল—কানই আমবেন রেডিয়োগ্রাফ আংগার
প্রোগ্রামের ব্যবস্থা করে'—নিশ্চয়! কেমন?

নীলাদ্রি বলিল—বেশ।

অনন্ত আসিয়া দেখা দিল। কহিল—সিনেমা দেখা
হলো?

নীলাদ্রি কহিল—হ্যাঁ। তারপরে এই ছাখোনা কি
যত্ন! না খাইয়ে কিছুতে ছাড়লেন না! সত্যি, আমার
মা মারা গেছেন আজ সাত বছর...তারপরে এমন মেহ
আর কোথাও পাইনি!

কথার শেষে কণ্ঠকে নীলাদ্রি বেশ জমাট এবং গাঢ়
করিয়া তুলিল।

অনন্ত যে-দৃষ্টিতে তার পানে চাহিল, সে-দৃষ্টির কাঁটা
লইয়া নীলাদ্রি সেখানে আর এক-মুহূর্ত দাঁড়াইল না।

সে রাতে অনন্ত এখানে মোটে পাত্তা পাইল না। হাই
তুলিয়া নন্দিনী বলিল—বড্ড tired... ঘুম বা পাচ্ছে, ও!!

তারপর হইতে নীলাদ্রি এ গৃহে নিত্য-অতিথি...অনন্তর
সঙ্গে। গল্প বা জমে, তা নীলাদ্রিকে লইয়া।

মা প্রশ্ন করেন—দাদামশায় কেমন আছেন, বাবা?

নীলাদ্রি বলে—আর বলবেন না। কালই শরীর যা
হয়েছিল...ভাবলুম, বুঝি-বা...

অনন্ত আসরে বসিয়া থাকে বেচারী বিষুটের মতো।
নীলাদ্রির জন্ত চা আসে। নীলাদ্রির জন্ত গরম গরম
নিম্বু কি আসে। প্রশংসায় নীলাদ্রি উচ্ছ্বাসিত হয়, অনন্ত
শুম্ব হইয়া থাকে।

অনন্ত বুঝিল, এখানে তার আসন টলিয়াছে! তবু

আসে, আসিয়া বসিয়া থাকে। মন এখনো বলে,
ভাবিস কেন?

সেদিন নীলাদ্রি অফিসে আসিল না। চৌধুরীকে
চিঠি লিখিয়া পাঠাইল—

কাল রাতে দাদামশায় মারা গিয়াছেন। ছুটি চাই।

সন্ধ্যার পরে অনন্ত আসিল নন্দিনীদের বাড়ী।
সারাদিন অফিসের কাজে-অকাজে নীলাদ্রির মাতার
আত্মার মুক্তি সে কামনা করিয়াছে।

আসিয়া দেখে, নীলাদ্রি খালি-পায়ে আগে আসিয়া
আসর জমাইয়া বসিয়াছে।

নন্দিনী বলিল—নীলাদ্রি বাবুকে কনগ্রাচুলেট
না, কন্ডোলেস্ জানাবো, বুঝতে পারছি না! দাদামশায়
মারা গিয়ে গুঁর লাভ হয়েছে দশ-হাজার টাকার কোম্পানির
কাগজ, আর কলকাতায় একখানি বাড়ী।

মা বলিলেন—অনন্তর জ্যাঠামশাই উইল করেছেন—
তিনি মারা গেলে অনন্ত পাবে পাঁচ-হাজার টাকা। তা
তঁার যা শরীর অমন ইনফ্রুয়েঞ্জার হিড়িক গেল, তাতেও
একটি দিনের জন্তে জর কি মাথাব্যথা হয়নি তাঁর।

নীলাদ্রি বলিল—ও...মহেজুবাবু তো! হ্যাঁ, এখনো
তিনি ঘেরকম শক্ত আছেন...অনন্তকে তাই আমরা বলি,
তুমি গুঁর উইলের টাকা ভোগ করবে কি! উনিই তোমার
উইলের টাকা ভোগ করবেন, দেখে নিয়ো!

দশ-বারো দিন পরের কথা। অনন্ত আসিয়া শুভিল,
নীলাদ্রির সঙ্গে নন্দিনীর বিবাহের কথা পাকা হইয়া গেছে;
জু'মাস পরে বিবাহ।

মা বলিলেন, দাদামশায়ের শ্রাদ্ধ চুকিলে অনন্ত একটা
মাস কাটুক—নহিলে লোকে কি বলবে!
রাগে অনন্তর গা জলিয়া উঠিল। কিন্তু রাগ করিয়া

কি-বা করবে? অভিমান? কার উপরে অভিমান?
রাগিয়া কাঁপিয়া অনন্ত চলিয়া গেল।

অফিসে নীলাদ্রির সঙ্গে অনন্ত কথা কয় না। নীলাদ্রি
কথা কয়—অনন্ত কোনোমতে 'হ্যাঁ' 'হুঁ' বলিয়া কোনো-
মতে সারিয়া লয়। নীলাদ্রি হাসে; হাসিয়া অনন্তর

পাশের চেয়ারে বসিয়া রসিদের বই দেখিয়া পলিমির
কাগজ লেখে।

হঠাৎ সেদিন অনন্তর বুকের উপর হইতে পাথর সরিয়া
গেল অর্থাৎ তার জ্যাঠামশায় স্বর্গলাভ করিলেন।

শ্রাধান হইতে ফিরিয়া অনন্ত ছুটিল নন্দিনীদের গৃহে।
নীলাদ্রি নাই। মা ও মেয়ে দুজনে কাঠ হইয়া বসিয়া আছে।
অনন্ত বলিল—জ্যাঠামশায় মারা গেছেন।

মা নিশ্বাস ফেলিলেন—বটে!...টাকাটা তাহলে পাবে
এবার!

অনন্ত কহিল—হ্যাঁ। মানে, প্রোভেট নেওয়া হলেই!
ভাবছি, ঐ পাঁচ হাজার টাকা নিয়ে একটা সিনেমার ছবি
তুলবো। সিনেমার কারবারে অনেক লাভ।

মা বলিলেন—নীলাদ্রির টাকাকড়ি তো বিশ-বাঁও জলে!
আমাদের উকিল সন্ধান নিয়েছে। উকিল বলছে, ওর
মা মামো বাড়ীখানি বন্ধক দিয়ে গেছেন—স্বদে-আসলে
তাদের পাওনা বা দাঁড়িয়েছে, তাতে ও বাড়ী রক্ষা করা
যাবে না।

মা আবার নিশ্বাস ফেলিলেন। এবারের নিশ্বাস বেশ
বড় রকম!

নন্দিনী ডাকিল—অনন্তবাবু...

অনন্ত চাহিল নন্দিনীর পানে।

নন্দিনী বলিল—নীলাদ্রিবাবুর দাদামশায় নাকি কোম্পা-
নির কাগজ সব বেচে দিয়ে গেছেন?

মা বলিলেন—আমাদের উকিলের মুখে সব খবরই
শুনলুম। নীলাদ্রিকে এ কথা জিজ্ঞাসা করেছিলুম, সে
কোনো জবাব ছাওয়নি। তার পর কদিন আর এ-বাড়ীর
চৌকাঠ মাড়ায়নি।

নন্দিনী ফোঁশ করিয়া উঠিল; বলিল—আপনার বন্ধুর
এটা কি রকম ভদ্রতা, বলতে পারেন?

মা বলিলেন—তোমার সঙ্গে বরাবর যেমন কথা আছে
বাবা অনন্ত...এবারে ওদিককার ফাঁড়া যখন কাটলো,
টাকা পাচ্ছো—তখন সংসার-ধর্ম্মে মন দাও।...
নন্দিনীকে ডাগর বয়স অবধি এমনি রেখেছি, তার বিয়ে
দিইনি সে শুধু তোমার জন্তে!...না হলে পাত্র কি মিলতো
না? মিলতো।

অনন্ত মনে-মনে হাসিল।

ক'দিন পরের কথা।

দুই বন্ধুতে কথা হইতেছিল।

নীলাদ্রি বলিল—দাদামশায়ের টাকাটা উদ্ধার হয়েছে।
কোম্পানির কাগজ বেচে তিনি কিনেছিলেন আদর্শ-খাবার
কোম্পানির শেয়ার। শেয়ারের দাম কমে' অন্ধেকে
দাঁড়িয়েছে। সে সব শেয়ার বেচে আজ নগদ টাকা
পেয়েছি চার হাজার নশো বাহার টাকা এগারো আনা
পাঁচ পাই।

অনন্ত কহিল—জ্যাঠামশায়ের উইলের টাকাটা পাবো
সামনের মাসে।

নীলাদ্রি বলিল—তোমার নন্দিনী দেবী কি বলেন?

অনন্ত কহিল—আমার নন্দিনী দেবী? না, তোমার?

নীলাদ্রি হাসিল, কহিল—বেশ, তিনি দুজনেরই,
মানলুম। এখন বলো তাঁদের কথা...

অনন্ত কহিল—নন্দিনী কিছু বলে নি। তবে তার মা
বলেছেন, আমার সঙ্গে যখন অনেকদিনের কথা, তখন
নন্দিনীর ভার আমাকেই নিতে হবে। কিন্তু মাসখানেক
সবুর।

নীলাদ্রি কহিল—নিশ্চয়। মানে, টাকাটা হাতে পাও
কিনা, আগে গুঁরা দেখবেন।

অনন্ত কহিল—আমার মন খিচড়ে গেছে ভাই নীলাদ্রি।
এ বয়সে যে-মেয়ে টাকাটাকেই এত বড় করে' দেখতে
শিখেছে...

নীলাদ্রি পাদপূরণ করিয়া বলিল—তাকে অর্দ্ধাঙ্গিনী
করলে অঙ্গের সিকির-সিকিও বজায় রাখা যাবে না।...
অর্থাৎ গুঁদের যে-পরিচয় পেয়েছি...

অনন্ত কহিল—আমারো ঐ কথা, নন্দিনীকে বিবাহ?
নৈব নৈব চ!

টাকা মিলিয়াছে। আইন আদালতের দুই-চারিটা দ্বার
পার হইয়া দুই বন্ধুর টাকা এখন তাদের হাতে আসিয়াছে।

নীলাদ্রি ডাকিল—অনন্ত...

অনন্ত কহিল—নীলাদ্রি...

নীলাদ্রি কহিল—চৌধুরী ব্যাটা থাকতে এ অফিসে
উন্নতির কোনো আশা নেই। তাই আমি ভাবছি, তোমার
টাকা থেকে দু'হাজার, আমার টাকা থেকে দু'হাজার—

এই চার হাজার টাকা নিয়ে এসো আমরা ব্যবসা খুলি।
পার্টনারশিপ!

অনন্ত কহিল—বললে বিশ্বাস করবে না ভাই, কাল
সারা রাত ঘুমোতে পারিনি...বিছানায় পড়ে আমিও
এই কথা ভেবেছি।

নীলাদ্রি বলিল,—তার উপর জানো তো, বাণিজ্যে
বসতে লক্ষ্মী!

অনন্ত বলিল—আমারো ঠিক ঐ মত। তবে কিসের
বাণিজ্য করবো...

নীলাদ্রি বলিল—শোনো, এ টাকাটা দেহ বা মাথা
খাটিয়ে আমাদের রোজগার করতে হয়নি! এ টাকাটা দৈবেন
দেয়ৎ। কাজেই বুঝি, দৈব সহায় হবে। দশ-বারোটা
ব্যবসার নাম লিখে লটারি করা যাক, যে-কারবারের নাম
লটারিতে উঠবে, সেইটেই হবে আমাদের অবলম্বন!...
বুঝে না, দৈব সহায় না হলে একসঙ্গে দুজনের ভাগ্যে এমন
অঘটন ঘটবে কেন?

অনন্ত কহিল—তাই দৈবের উপরে নির্ভর করে'
জ্যাঠামশায়ের নাতীটির দিকে আমি চেয়ে বসেছিলুম! দৈব
সহায় না হলে এমন হয় না! দেখছো তো, কত শক্ত-শক্ত
অস্থুখে জ্যাঠামশায় সে-উঠেছেন আর এবারে একটি
বেলায় জরেই কুপোকাৎ!...মানে, ডাক্তার ডাকবার সময়
মিললো না!

নীলাদ্রি বলিল—কিন্তু এই ব্যবসাতে নামবার আগে
একটা প্রতিশ্রুতি...

অনন্ত বলিল—যাকে বলে word of honour?
বেশ, বলো...

নীলাদ্রি বলিল—বিবাহ আমরা করবো না কেউ!
নন্দিনীকে নিয়ে এ যুগের মেয়েদের যে-পরিচয় পাওয়া
গেছে, ভয় হয়...

অনন্ত কহিল—যা বলেছো! ভয় বলে ভয়। শাড়ী
দেখলে আমার গা ছমছম করে ওঠে!

নীলাদ্রি বলিল—একালের মেয়েরা টাকা-পয়সাটাকে
এত বেশী চিনেছে যে সে চেনার মধ্যে স্বামীকে চেনবার
স্বপ্নোগ বা সময় তাদের নেই! ও-জাতকে রয়কর্ট করা
উচিত। বিবাহে নৈব নৈব চ।

অনন্ত কহিল—নন্দিনীর মা কাল নেমন্তন্ন করেছিলেন।

রাতে ওখানে খাবার নেমন্তন্ন। বলেছিলেন, অনেকদিন
দেখিনি বাবা...এসে এইখানে খেয়ো! আমি বলে
পাঠিয়েছি, সময়ভাব!

নীলাদ্রি বলিল—পরশু রাতে আমাকে নেমন্তন্ন
করেছিলেন। আমি বলেছি, একটা ব্যবসার পত্তন করছি,
সেজন্ম নাবার-খাবার অবসর নেই!...কি বলো, প্রতিশ্রুতি
দিচ্ছ?

—নিশ্চয়।

নীলাদ্রি কহিল—আমরা কেউ বিয়ে করবো না।
প্রতিশ্রুতি ভেঙ্গে যে বিবাহ করবে, তাকে একহাজার টাকা
খেশারত দিতে হবে...নগদ একহাজার টাকা।

অনন্ত কহিল—রাজী।

নীলাদ্রি কহিল—Come...shake hands...

দুই বন্ধু হাতে হাত মিলাইল। দুজনে সম্মুখ
কহিল—O. K.

ব্যবসা খোলা হইয়াছে। লটারিতে নাম উঠিয়াছে
বজ্র। ফার্মের নাম হইয়াছে 'এ্যাণ্ড ফ্রেণ্ডস'।

দুজনে এক মেশে থাকে। একসঙ্গে দোকানে
দুপুরবেলায় একজন থাকে দোকানে, অপরজন মেশে বায়
স্নানাহার করিতে। তারপর সে ফিরিলে এ বায় স্নানাহার
করিতে। কাজে দুজনের নিষ্ঠা অসাধারণ।

ছ'মাস পরের কথা। ব্যবসায় শ্রীবৃদ্ধি ঘটয়াছে। ছোট
ঘর ছাড়িয়া বড় ঘর লওয়া হইয়াছে। দুজনে নাইবার-খাবার
অবসর পায় না।

বেলা প্রায় বারোটা। অনন্ত দোকানে আছে, নীলাদ্রি
মেশে আসিয়াছে স্নানাহার করিতে।

একখানা চিঠি পাইল। বিবাহের নিমন্ত্রণ-চিঠি।
নন্দিনীর বিবাহ।

আগামী শনিবার ১০ই আষাঢ় হাওড়া পঞ্চাননতলা
নিবাসী শ্রীযুক্ত বাবু গঙ্গাধর রায়ের জ্যেষ্ঠপুত্র শ্রীমান শ্রীধর
বাবাজীবনের সঙ্গে...

নীলাদ্রির মুখে অন্ন উঠিল না। কণ্ঠ কে যেন সবলে
চাপিয়া ধরিয়াছে! মনে হইতেছিল, এ নিমন্ত্রণ করার অর্থ?
নিশ্চয় ব্যঙ্গ...পরিহাস! অর্থাৎ চাখো, তোমাদের অভাবে
নন্দিনীর বিবাহ পড়িয়া রহিল না!

মাথার মধ্যে স্তম্ভর্শন-চক্র ঘুরিতে লাগিল!

নীলাদ্রি দোকানে আসিল। অনন্তকে এ-কথা বলিল
না...বলিতে পারিল না।

তারপর অনন্ত আসিল বাসায় উদ্দেশ্য ঐ স্নানাহার।
স্নান মারিয়া খাইতে বসিবে, নন্দিনীদের ভৃত্য আসিয়া
উপস্থিত। অনন্তর হাতে সে চিঠি দিল। নিমন্ত্রণের
চিঠি। দ্বিদিগির বিবাহ...আগামী শনিবার ১০ই
আষাঢ়।

ভৃত্য বলিল—নিশ্চয় যাওয়া চাই। মা আর দ্বিদিগির
...দুজনে অনেক করে বলে' দেছেন।

রাগে অনন্ত জলিয়া উঠিল। জলিয়া যে-চোখে ভৃত্যের
পানে চাহিল, সে-চোখে দেখিয়া ভৃত্যের মুখে আর দ্বিতীয়-
বাক্য নিঃসারিত হইল না। সে সরিয়া পড়িল—

অনন্ত দোকানে ফিরিল। কাজে মন নাই। খরিদদারকে
দেড়টাকা জোড়ার কাপড় দিয়া দাম বলিল সাত টাকা!
মন কেমন ভারী-ভারী! নিশ্বাসের ভারে বুকের খায়া যেন
কাটিয়া যাইবে, এমন!

সন্ধ্যার পরে দোকানে ভিড় একটু-কম।

নীলাদ্রি ডাকিল—অনন্ত...

শিখাস ফেলিয়া অনন্ত বলিল—নীলাদ্রি...

নীলাদ্রি বলিল—তোমার নন্দিনীর যে-বিয়ে হচ্ছে হে,
আসছে শনিবারে। মানে, ১০ই আষাঢ়!

অনন্ত বলিল,—আবার ঐ কথা! আমার নন্দিনী?
না, তোমার নন্দিনী!

নীলাদ্রি কহিল,—যারই হোক, মানে, সেই নন্দিনীর
বিয়ে...

অনন্ত কহিল,—জানি। নেমন্তন্নর চিঠি পেয়েছি।

নীলাদ্রি বলিল—আমিও পেয়েছি।...পেয়ে অবধি
চিন্তা করছি। চিন্তায় কি স্থির করেছে, জানো?

সোৎসাহে অনন্ত কহিল—কি?

নীলাদ্রি বলিল—আমরা দুজনেও যদি ঐ ১০ই আষাঢ়
তারিখে বিয়ে করতে পারি, তাহলেই এ নেমন্তন্নর রীতিমত
জবাব দেওয়া হয়।

অনন্ত কহিল—আশ্চর্য্য! আমার মনের কথা তুমি
জানলে কি করে?

নীলাদ্রি বলিল,—জানবো না! এ যে সাইকলোজি,
তাই...হিউম্যান সাইকলোজি!

অনন্ত কহিল—ঠিক!...কিন্তু আজ হলো সোমবার...
শনিবারের আর ক'দিন বা বাকী। এর মধ্যে মনের মতো
ছ'টি মেয়ে পাওয়া...

হাসিয়া নীলাদ্রি বলিল—কলকাতার সহরে...বলে,
শীতকালে বোম্বাই আম পাওয়া যায়,—বোম্বাই মাসে পাওয়া
যায় দ্বিবি ফুলকপি বাঁধাকপি! আর আমরা এ্যাণ্ড-
ফ্রেণ্ডস...উঠতি বয়স, চলতি ব্যবসা...আমরা মনের মতো
ছ'টি মেয়ে পাবো না?

দ্বিধা-সংশয়-জড়িত স্বরে অনন্ত কহিল,—পাবো?

নীলাদ্রি বলিল,—আলবৎ পাবো।...এখন আমি
ডাকিয়ে পাঠাচ্ছি প্রজাপতি লিমিটেডের সেক্রেটারী
বংশগোপালকে তার খাতাপত্র-সমত। হুঁঃ, দুজনে যদি
ঐ একই দিনে অর্থাৎ ১০ই আষাঢ় শনিবার স্নতহিবুক-
যোগে বিবাহ করি, তাহলে চুক্তি-মাফিক হাজার-টাকা
খেশারতীর দায় কারো থাকবে না...

অনন্ত কহিল—ঠিক বলেছো। তাহলে এখনি ডাকিয়ে
পাঠাও তুমি তোমার ঐ প্রজাপতি লিমিটেডের
বংশলোচনকে!...

নীলাদ্রি বলিল,—বংশলোচন নয়...গোপাল।...

অনন্ত বলিল—হ্যাঁ, হ্যাঁ, বংশলোচন নয়, গোপাল।
আগামী শনিবার ১০ই আষাঢ় মনের মতো ছ'টি মেয়ের সঙ্গে
আমাদের বিবাহ হোক! বিবাহ মানে, নন্দিনীর বিয়ের
নেমন্তন্নর জবাব...মুখের মতো জবাব!

নীলাদ্রি বলিল,—তুমি নিশ্চিত থাকো, অনন্ত!
প্রজাপতি-লিমিটেডের শক্তি সামান্য নয়! ছ'টি কেন,
চাও যদি চব্বিশ ঘণ্টার নোটিশে ওরা এক-ডজন মেয়ে
এনে সামনে ধরে দিতে পারে...মনের মতন...কাকে রেখে
কাকে ছেড়ে দেবে...ঠিক করতে পারবে না তুমি!

অনন্ত বলিল—না, এক-ডজন নয়...ছ'টির অর্ডার পাঠাও
...ঐ ১০ই আষাঢ় তারিখে দুজনে বিয়ে করে' ওদের এ
নেমন্তন্নর মুখের মতো জবাব দি'...

নীলাদ্রি বলিল—যাকে বলে রীতিমত জবাব।

‘শ্রীচৈতন্যচরিতের উপাদান’ সম্বন্ধে বক্তব্য

মহামহোপাধ্যায় শ্রীফণিভূষণ তর্কবাগীশ

(২)

পূর্ব প্রবন্ধে সার্কভৌম উদ্ধার কাহিনীর আলোচনা করিতে দেখাইয়াছি যে, “চৈতন্যভাগবতে” বৃন্দাবনদাস ঠাকুরের বর্ণনায় বাসুদেব সার্কভৌম ভট্টাচার্য পূর্ব হইতেই শ্রীকৃষ্ণ-ভক্ত পরমবৈষ্ণব ছিলেন। কিন্তু কবিরাজ গোস্বামী কবি কর্ণপুরের বর্ণনানুসারে ‘চরিতামৃত’ গ্রন্থে শ্রীচৈতন্যদেব ও সার্কভৌম ভট্টাচার্যের জিগীষামূলক বেদান্তবিচারের বর্ণন করিয়াছেন। এখন কবি কর্ণপুর উক্ত বিষয়ে কিরূপ বর্ণন করিয়াছেন এবং কবিরাজ গোস্বামী তাঁহার সমস্ত কথাই যথাযথ গ্রহণ করিয়াছেন কি না, ইহাও দেখা আবশ্যক। তিনি কবি কর্ণপুরের কোন কথা গ্রহণ না করিলে কেন তাহা করেন নাই, ইহাও বুঝা আবশ্যক। আর কোন গ্রন্থের সর্বংশে প্রামাণ্য পরীক্ষা করিতে হইলে অসংখ্য কথারও বিচার করা আবশ্যক হয়। পরে তাহাও কিছু বলিব। এখন প্রথমে পূর্বোক্ত বিষয়ে কবি কর্ণপুরের কথাই বক্তব্য।

কবি কর্ণপুর বলিয়াছেন,—“প্রভোঃ সন্নীপে ধরনী সুরাগ্র্যো বভূব সংপাঠয়িতুং প্রবৃত্তঃ।” (মহাকাব্য— ১২।২১), অর্থাৎ—ভূস্বরশ্রেষ্ঠ (ব্রাহ্মণশ্রেষ্ঠ) সার্কভৌম ভট্টাচার্য শ্রীচৈতন্য প্রভুর নিকটে নিজ শিষ্যদিগকে বেদান্ত শাস্ত্রের অধ্যাপনা করিতে প্রবৃত্ত হইয়াছিলেন। সার্কভৌম ভট্টাচার্য শ্রীচৈতন্যদেবকেই শিষ্যরূপে গ্রহণ করিয়া তাঁহাকেই বেদান্ত পড়াইয়াছিলেন, ইহা কিন্তু কবিকর্ণপুরও বলেন নাই।

এখানে এই প্রসঙ্গে বলা আবশ্যক যে, ১২২১ বঙ্গাব্দে কবিকর্ণপুরের উক্ত গ্রন্থের অনুবাদক ও প্রকাশক বহরমপুর নিবাসী প্রখ্যাত পণ্ডিত ৮রামনারায়ণ বিহারঙ্গ মহাশয় উক্ত শ্লোকের শেষে “বভূব সংপাঠয়িতুং প্রমত্তঃ” এইরূপ পাঠই মুদ্রিত করিয়া অনুবাদ করিয়া গিয়াছেন,—“দ্বিজবর সার্কভৌম এই কথা বলিয়া পুনর্বীর প্রভুর নিকট উন্মত্তের জায় পাঠ করাইতে প্রবৃত্ত হইলেন।”

বিহারঙ্গ মহাশয় তাঁহার প্রাপ্ত আদর্শ পুস্তকে উক্ত

শ্লোকের শেষে “প্রমত্তঃ” এইরূপ পাঠ দেখিয়া উহাই নির্বিচারে গ্রহণ করিয়াছেন, ইহা আমরা পূর্বেই বুঝিয়াছি। এ পর্যন্ত উক্ত পাঠের কোন প্রতিবাদের কথা শুনি নাই। কিন্তু “প্রমত্তঃ” এই পদের দ্বারা “উন্মত্তের জায়” এইরূপ অর্থ কিরূপে বুঝা যায় এবং তখন সার্কভৌম ভট্টাচার্যের উন্মত্তের জায় অধ্যাপনা কিরূপ, ইহা আমরা বুঝিতে পারি না। আর অনুবাদক বিহারঙ্গ মহাশয় উক্ত শ্লোকে “সংপাঠয়িতুঃ” এই একপদের দ্বারা “পাঠ করাইতে প্রবৃত্ত হইলেন”—এইরূপ ব্যাখ্যা কেন করিয়াছেন, ইহাও বুঝা আবশ্যক। বস্তুতঃ ইহা সহজেই বুঝা যায় যে, কবি কর্ণপুরের উক্ত শ্লোকের চতুর্থপাদে “বভূব সংপাঠয়িতুঃ প্রবৃত্তঃ” এইরূপ পাঠই প্রকৃত। এ বিষয়ে অধিক আলোচনা অনাবশ্যক।

কবি কর্ণপুর পরে শ্রীচৈতন্যদেবের উক্তি রূপে লিখিয়াছেন—

“কিমুচ্যতে কঃ খলু পূর্বপক্ষঃ

কিঞ্চাস্ত রাঙ্কান্তিতামাতনোষি।

বেদান্ত শাস্ত্রস্ত নচায়মর্থ

তচ্ছ যতাং যত্ন নিরূপয়ামঃ ॥ ২৩

অর্থাৎ শ্রীচৈতন্যদেব সার্কভৌম ভট্টাচার্যের বেদান্তব্যাখ্যা শ্রবণ করিয়া তাঁহাকে বলিয়াছিলেন,—“আপনি কি বলিতেছেন? পূর্বপক্ষই বা কি? আর ইহার সিদ্ধান্তই বা কি করিতেছেন? বেদান্ত শাস্ত্রের ইহা অর্থ নহে, আদি যাহা নিরূপণ বা ব্যাখ্যা করিতেছি, তাহাই শ্রবণ করুন।”

কিন্তু ‘চরিতামৃত’ গ্রন্থে কবিরাজ গোস্বামী ঐরূপ বর্ণন করেন নাই। সার্কভৌম ভট্টাচার্যের অধ্যাপনাকালে তাঁহার নিকটে সহসা শ্রীচৈতন্যদেবের ঐরূপ প্রগল্ভতা বা সগর্ভ উক্তি তিনিও বিশ্বাস করেন নাই। তাঁহার মতে সার্কভৌম ভট্টাচার্য শ্রীচৈতন্যদেবের সম্যাসধর্ম রক্ষার্থই

৬৯০

কার্তিক—১৩৪৬]

‘শ্রীচৈতন্যচরিতের উপাদান’ সম্বন্ধে বক্তব্য

৬৯১

সপ্তাহকাল পর্যন্ত তাঁহাকে শঙ্করভাষ্যসারে বেদান্তসূত্র ব্যাখ্যা শ্রবণ করাইয়াছিলেন। কিন্তু তখন সপ্তাহমধ্যে শ্রীচৈতন্যদেব কোন কথা বলেন নাই। পরে অষ্টম দিনে সার্কভৌম ভট্টাচার্যের প্রশ্নোত্তরে তিনি অতি বিনীতভাবে তাঁহার বক্তব্য বলিতে আরম্ভ করেন। তাই কবিরাজ গোস্বামী বর্ণন করিয়াছেন—

“সাতদিন পর্যন্ত ঐছে করেন শ্রবণে।

ভালমন্দ নাহি কহে বসিমাত্র শুনে ॥ ১১৫

অষ্টম দিবসে তাঁরে কহে সার্কভৌম।

সাত দিন কর তুমি বেদান্ত শ্রবণ ॥ ১১৬

ভালমন্দ নাহি কহ, রহ মৌন ধরি।

বুঝ কি না বুঝ—ইহা বুঝিতে না পারি ॥ ১১৭

প্রভু কহে—মুখ্য আমি নাহি অধ্যয়ন।

তোমার আজ্ঞাতে মাত্র করিয়ে শ্রবণ ॥ ১১৮

সম্যাসীর ধর্ম লাগি শ্রবণ মাত্র করি।

তুমি যে করহ অর্থ বুঝিতে না পারি ॥ ১১৯

ভট্টাচার্য কহে না বুঝি হেন জ্ঞান যার।

বুঝিবার তরে সেই পুছে আরবার ॥ ১২০

তুমি শুনি শুনি রহ মৌনমাত্র ধরি।

হৃদয়ে কি আছে তোমার বুঝিতে না পারি ॥ ১২১

প্রভু কহে সূত্রের অর্থ বুঝিয়ে নিশ্চল।

তোমার ব্যাখ্যা শুনি মন হয়ত বিকল ॥ ১২২

(মধ্যলীলা, ষষ্ঠ পঃ)

পরে কবিরাজ গোস্বামী সার্কভৌম ভট্টাচার্যের নিকটে শ্রীচৈতন্যদেবের নিজ সমস্ত বেদান্ত মত-ব্যাখ্যার বর্ণন করিয়াছেন এবং শ্রীচৈতন্যদেব যে, সার্কভৌম ভট্টাচার্যের “বিতণ্ডা” ও “ছল” প্রভৃতির খণ্ডন করিয়া নিজ মত স্থাপন করিয়াছিলেন, ইহাও পরে বলিয়াছেন। কবি কর্ণপুর শ্রীচৈতন্যদেবের অদ্বৈতবাদ খণ্ডন ও নিজমত স্থাপনের কথা লিখিলেও তাহা ঐরূপ ব্যক্ত করিয়া বর্ণন করেন নাই। কিন্তু তিনিও পরে বলিয়াছেন,—

“অসৌ বিতণ্ডা-ছল-নিগ্রহাতৌ

নিরস্ত ধীরপ্যথ পূর্বপক্ষঃ।

চকার বিপ্রঃ প্রভুনা স চাশু

স্বসিদ্ধসিদ্ধান্তবতা নিরস্তঃ ॥ ২৬

বিমানবাবু তাঁহার “শ্রীচৈতন্যচরিতের উপাদান” গ্রন্থে কবি কর্ণপুরের মহাকাব্যের দ্বাদশ সর্গের পূর্বোক্ত কোন শ্লোক উদ্ধৃত না করিয়া এবং তৎসম্বন্ধে কোন কথা না বলিয়া কেবল শেষোক্ত “অসৌ বিতণ্ডা-ছল,—ইত্যাদি শ্লোক উদ্ধৃত করিয়াছেন এবং তৎপূর্বে লিখিয়াছেন,—“বেদান্ত বিচারের কথা মহাকাব্যে আছে, নাটকে নাই। মহাকাব্যের নিম্নলিখিত শ্লোক কৃষ্ণদাস কবিরাজ অনুবাদ করিয়াছেন। ...ভট্টাচার্য পূর্বপক্ষ অপার করিল। বিতণ্ডা ছল নিগ্রহাদি অনেক উঠাইল” ইত্যাদি। (৩৬২-৬৩ পৃঃ)

কিন্তু কবি কর্ণপুরের উক্ত শ্লোকের দ্বারা বুঝা যায়,— ‘অসৌ বিপ্রঃ (সার্কভৌমঃ) বিতণ্ডা-ছল-নিগ্রহাতৌঃ নিরস্ত-ধীরপি (নিরস্তবুদ্ধিরপি) অথ (অনন্তরং) পূর্বপক্ষঃ চকার। সচ (পূর্বপক্ষঃ) স্বসিদ্ধসিদ্ধান্তবতা প্রভুনা (শ্রীচৈতন্য দেবেন) আশু (শীঘ্রং) নিরস্তঃ। তাহা হইলে বুঝা যায় যে, কবি কর্ণপুরের মতে শ্রীচৈতন্য মহাপ্রভুই ‘বিতণ্ডা’ ও ‘ছল’ প্রভৃতির দ্বারা সার্কভৌমকে নিরস্ত-বুদ্ধি করিয়াছিলেন। সার্কভৌম শ্রীচৈতন্যদেব কর্তৃক বিতণ্ডাদির দ্বারা নিরস্ত-বুদ্ধি হইয়াও পরে একটি পূর্বপক্ষ করিয়াছিলেন। শ্রীচৈতন্যদেব সেই পূর্বপক্ষেরও শীঘ্রই খণ্ডন করিয়াছিলেন। কিন্তু ‘চরিতামৃত’ কবিরাজ গোস্বামী লিখিয়াছেন,—

“এই মত কল্পনাভায়ে শতদোষ দিল।

ভট্টাচার্য পূর্বপক্ষ অপার করিল ॥ ১৬০

বিতণ্ডা ছল নিগ্রহাদি অনেক উঠাইল।

সব খণ্ডি প্রভু নিজ মত সে স্থাপিল” ॥ ১৬১

কবিরাজ গোস্বামীর উক্ত বর্ণনার দ্বারা স্পষ্ট বুঝা যায় যে, তাঁহার মতে সার্কভৌম ভট্টাচার্যই শ্রীচৈতন্যদেবের নিকটে বিতণ্ডাদি করিয়াছিলেন এবং শ্রীচৈতন্যদেব সেই সমস্ত খণ্ডন করিয়া নিজ মত স্থাপন করিয়াছিলেন। তাহা হইলে কবিরাজ গোস্বামী যে, কবিকর্ণপুরের পূর্বোক্ত “অসৌ বিতণ্ডা” ইত্যাদি শ্লোকেরই অনুবাদ করিয়াছেন, ইহা বলা যায় না। বিমানবাবু কিন্তু তাহাই বলিয়াছেন।

বস্তুতঃ পূর্বোক্ত কথা বুঝিতে হইলে “বিতণ্ডা” কি, “ছল” কি এবং “নিগ্রহ” কি, ইহাও বুঝা আবশ্যক। বঙ্গভাষায় ‘চরিতামৃত’ের ব্যাখ্যাকারগণ উক্ত স্থলে ঐ সমস্ত পদার্থের

প্রকৃত ব্যাখ্যা করিতে পরিশ্রম করেন নাই। কিন্তু শ্রায়-শাস্ত্রের কথা বলিয়া উপেক্ষা করিলে উক্ত স্থলে কবিরাজ গোস্বামীর কথার ব্যাখ্যা করা হয় না। আর কবিকর্ণপুর ও কবিরাজ গোস্বামীর ঐক্য উক্তিভেদের কারণও বুঝা যায় না। পরন্তু “বিতণ্ডা” পদার্থে অজ্ঞতাশয়তঃ অনেকদিন হইতে বঙ্গভাষায় কলহাদি নিন্দিত অর্থে “বিতণ্ডা” শব্দের অপপ্রয়োগ হইতেছে। এবং ‘বাদবিতণ্ডা’ ও ‘বাগ্‌বিতণ্ডা’ প্রভৃতি শব্দেরও প্রয়োগ হইতেছে। কিন্তু কবিরাজ গোস্বামী নিশ্চয়ই “বিতণ্ডা” শব্দের অপপ্রয়োগ করেন নাই। অতএব আবশ্যিক বোধে এখানে সংক্ষেপে পূর্বোক্ত ‘বিতণ্ডা’ প্রভৃতির স্বরূপও বক্তব্য।

শ্রায়ভাষ্যকার বাৎশ্রায়ন বলিয়াছেন, “তন্ত্রঃ খলু কথা ভবন্তি, বাদো জল্পো বিতণ্ডা চেতি।” অর্থাৎ বাদী ও প্রতিবাদীর যথানিয়মে বাদ প্রতিবাদরূপ যে ‘কথা’, তাহা তিন প্রকার। (১) ‘বাদ’ (২) ‘জল্প’ ও (৩) ‘বিতণ্ডা’। কেবল তত্ত্ব-নির্ণয়ার্থ জিগীষাশূন্য গুরুশিষ্য প্রভৃতির যে ‘কথা’, তাহার নাম ‘বাদ’। শ্রায়দর্শনে মহর্ষি গোতমোক্ত প্রমাণাদি ষোড়শ পদার্থের মধ্যে উহা দশম পদার্থ এবং “জল্প” ও “বিতণ্ডা” একাদশ ও দ্বাদশ পদার্থ। গোতমোক্ত ঐ “বাদ” পদার্থকেই গ্রহণ করিয়া শ্রীভগবান্ বলিয়াছেন,— “বাদঃ প্রবদতা মহং” (গীতা—১০।৩২)। উক্ত ‘বাদ’ ‘জল্প’ ও ‘বিতণ্ডা’র স্বরূপ ও ভেদ না বুঝিলে ভগবদ্গীতার ঐ কথাও বুঝা যায় না।

জিগীষু বাদী ও প্রতিবাদী মধ্যস্থ সদশ্রুগণের নিকটে যথানিয়মে নিজ নিজ পক্ষ স্থাপন ও পরপক্ষখণ্ডনরূপে বিচার করেন, তাহার নাম “জল্প”। আর জিগীষু প্রতিবাদী নিজ পক্ষের স্থাপন না করিয়া কেবল বাদীর পক্ষেরই খণ্ডন করিলে সেই বিচারের নাম ‘বিতণ্ডা’। শ্রায়দর্শনে মহর্ষি গোতম উহার লক্ষণসূত্র বলিয়াছেন, “স প্রতিপক্ষস্থাপনানীনো বিতণ্ডা।” (১।২।৩) যিনি ঐরূপ ‘বিতণ্ডা’ করেন তাঁহার নাম ‘বৈতণ্ডিক’। বাৎশ্রায়ন পূর্বে বলিয়াছেন,— “বিতণ্ডা প্রবর্তমানো বৈতণ্ডিকঃ।”

কিন্তু বিচারস্থলে যিনি বাদী, তিনি বৈতণ্ডিক হইতে পারেন না। কারণ, প্রথমেই কাহারই বিতণ্ডা করা সম্ভবই হয় না। প্রথমে কোন বাদী নিজ পক্ষ স্থাপন করিলেই পরে প্রতিবাদী তাহার খণ্ডন করিতে পারেন।

অতএব শ্রীচৈতন্যদেব ও সার্কর্ভৌম ভট্টাচার্যের সেই বিচারে বাদী কে এবং প্রতিবাদী কে, ইহা বুঝা আবশ্যিক। কবিকর্ণপুর পূর্বোক্ত শ্লোকের পরেই সপ্তবিংশ শ্লোকের প্রথমে বলিয়াছেন,— “অদ্বৈতবাদী প্রথমঃ”। অর্থাৎ অদ্বৈতবাদী সার্কর্ভৌম ভট্টাচার্যই বাদী এবং শ্রীচৈতন্যদেব প্রতিবাদী। অতএব বিতণ্ডা করিতে হইলে প্রতিবাদী শ্রীচৈতন্যদেবই তাহা করিতে পারেন। তাই কবিকর্ণপুর পূর্বোক্ত শ্লোকে বলিয়াছেন,— “অসৌবিতণ্ডা-ছল-নিগ্রহাণ্ডৈনিরস্তধীঃ”। অর্থাৎ বাদী সার্কর্ভৌম ভট্টাচার্য প্রতিবাদী শ্রীচৈতন্যদেব কর্তৃক ‘বিতণ্ডা’ ‘ছল’ ও ‘নিগ্রহাদি’র দ্বারা নিরস্তব্য হইয়াছিলেন।

শ্রায়দর্শনের প্রথম সূত্রে মহর্ষি গোতমোক্ত প্রমাণাদি ষোড়শ পদার্থের মধ্যে চতুর্দশ পদার্থের নাম ‘ছল’ এবং চরম ষোড়শ পদার্থের নাম ‘নিগ্রহস্থান’।* বক্তার অভিপ্রের্ত শকার্থ বা বাক্যার্থ হইতে ভিন্ন অর্থের কল্পনার দ্বারা কোন দোষ প্রদর্শক যে অসদ্ব্যবহারবিশেষ, তাহাকে ‘ছল’ বলা হইয়াছে। গোতম মতে সেই ছল ত্রিবিধ। (১) ‘বাক্‌ ছল’, (২) ‘সামান্ত ছল’ ও (৩) ‘উপচার ছল’। প্রাচীন চরক মতে ছল দ্বিবিধ, “বাক্‌ ছল” ও “সামান্ত ছল”। (“চরক সংহিতা”র বিনান স্থান অষ্টম অধ্যায় দ্রষ্টব্য)।

‘বাক্‌ ছল’র প্রসিদ্ধ উদাহরণ যথা,— কোন ব্যক্তি একখানা নূতন কঞ্চল পরিবেষ্টিত হইয়া উপস্থিত হইলে তাহাকে দেখিয়া কোন বাদী বলিলেন, “নেপালা দাগতোহু য় নবকঞ্চলবদ্বাং।” অর্থাৎ এই ব্যক্তি নেপাল হইতে আসিয়াছে,—যেহেতু ইহাতে নবকঞ্চলবস্ত্র আছে। উক্ত বাক্যে ‘নবকঞ্চল’ শব্দের দ্বারা নূতন কঞ্চল অর্থই বক্তার অভিপ্রের্ত। কিন্তু কোন প্রতিবাদী উক্ত ‘নবকঞ্চল’ শব্দের নবসংখ্যক কঞ্চল অর্থের কল্পনা করিয়া প্রতিবাদ করিলেন—

* কবিকর্ণপুরের উক্ত শ্লোকে “ছল শব্দের পরে “নিগ্রহ” শব্দের দ্বারা গোতমোক্ত “নিগ্রহস্থান”ই বুঝিতে হইবে। পরে “আজ্ঞা” শব্দের দ্বারা গোতমোক্ত পঞ্চদশ পদার্থ “জাতি” নামক অদ্বৈতবিশেষও তাঁহার বিবক্ষিত বুঝা যায়। পূর্বোক্ত ‘জল্প’ ও ‘বিতণ্ডা’র বাদী বা প্রতিবাদীর নিগ্রহের অর্থাৎ পরাজয়ের কারণবিশেষই ‘নিগ্রহস্থান’। শ্রায়দর্শনের পঞ্চম অধ্যায়ে চতুর্বিংশতি প্রকার “জাতি” ও দ্বাবিংশতি প্রকার ‘নিগ্রহস্থান’ বর্ণিত হইয়াছে। সংক্ষেপে তাহার ব্যাখ্যা করা যায় না।

“একোহন্ত কঞ্চলঃ কুতো নবকঞ্চলাঃ।” অর্থাৎ এই ব্যক্তির নবসংখ্যক কঞ্চল না থাকায় ইহাতে নবকঞ্চলবস্ত্র হেতু অসিদ্ধ। উক্তরূপ অসদ্ব্যবহারকে ‘বাক্‌ ছল’ বলে। এইরূপ অজ্ঞাত সমস্ত প্রকার ‘ছল’ই অসদ্ব্যবহার। কবিকর্ণপুরের উক্ত শ্লোকের দ্বারা বুঝা যায়, শ্রীচৈতন্যদেব ‘বিতণ্ডা’ করিতে কোন সময়ে কোন প্রকার ‘ছল’ও করিয়াছিলেন।

কিন্তু পূর্বোক্ত ‘জল্প’ ও ‘বিতণ্ডা’র প্রতিবাদী সদ্ব্যবহার করিতে অসমর্থ হইলেই তখন তিনি পরাজয় ভয়ে অগত্যা উক্তরূপ ‘ছল’ নামক অসদ্ব্যবহারও করেন, ইহাই শ্রায়শাস্ত্রের সিদ্ধান্ত। তাই কবিরাজ গোস্বামী উক্ত বিচারে শ্রীচৈতন্যদেবের সম্বন্ধে ঐরূপ কথা লিখিতে পারেন নাই, ইহা বুঝা আবশ্যিক।

পরন্তু শ্রীচৈতন্যদেব নিজ পক্ষেরও সংস্থাপন করায় তাঁহার সেই বিচারকে “বিতণ্ডা” বলা যায় না। কারণ নিজপক্ষ স্থাপন না করিয়া কেবল বাদীর পক্ষের খণ্ডন করিলেই সেই বিচারকে “বিতণ্ডা” বলে। তাই কবিরাজ গোস্বামী বর্ণন করিয়াছেন যে, প্রথমে শ্রীচৈতন্যদেব নিজপক্ষ স্থাপন করিলে প্রতিবাদী সার্কর্ভৌম ভট্টাচার্যই তাঁহার পক্ষে অনেক দোষ প্রদর্শন করিয়া “বিতণ্ডা” করিয়াছিলেন এবং তিনিই তখন কোন সময়ে সদ্ব্যবহার করিতে অসমর্থ হইয়া পরাজয় ভয়ে কোন প্রকার ‘ছল’ও করিয়াছিলেন। কিন্তু—

—“স্ব খণ্ডি প্রভু নিজ মত সে স্থাপিল।”
কিন্তু প্রশ্ন হয় যে, সার্কর্ভৌম ভট্টাচার্য মহানৈয়ায়িক হইয়াও মধ্যস্থব্যতিরেকে নিজগৃহে ঐরূপ অবৈধ “বিতণ্ডা” করিবেন কেন? পূর্বে বাদী ও প্রতিবাদীর সম্মানিত উপযুক্ত মধ্যস্থ নিযুক্ত না হইলে পূর্বোক্ত ‘জল্প’ ও ‘বিতণ্ডা’ নামক বিচার হইতে পারে না,—ইহা শ্রায়শাস্ত্রের যুক্তিসিদ্ধ সিদ্ধান্ত। কিন্তু শ্রীচৈতন্যদেব ও সার্কর্ভৌম ভট্টাচার্যের সেই বিচারে কাহারও মধ্যস্থ ছিলেন, ইহা কবিকর্ণপুরও বলেন নাই।

পরন্তু কবিরাজ গোস্বামী উক্ত স্থলে শ্রীচৈতন্যদেবের উক্তরূপে অতিরিক্ত যে সমস্ত কথা বলিয়াছেন,— তাহাতেও অনেক প্রশ্ন হয়। সংক্ষেপে তাহাও কিছু এখানে বলিতেছি। কবিরাজ গোস্বামী বলিয়াছেন,—

“স্বাভাবিক তিন শক্তি যেই ব্রহ্ম হয়।

নিঃশক্তি করিয়া তাঁরে করহ নিশ্চয়?

॥ মধ্য যষ্ট ১৪৩ ॥

কিন্তু অদ্বৈতবাদী শঙ্করাচার্যও ত ব্রহ্মকে নিঃশক্তি বলেন নাই। ব্রহ্ম ও তাঁহার শক্তির স্বরূপ বিষয়ে মতভেদ থাকিলেও শঙ্করাচার্যও ব্রহ্মের পরিপূর্ণ শক্তিই বলিয়াছেন।* তথাপি বহু-বিজ্ঞ কবিরাজ গোস্বামী উক্ত পয়ারে “নিঃশক্তি” শব্দের প্রয়োগ করিয়াছেন কেন? “নিঃশক্তি” শব্দের অর্থ নিঃশূন্য, এইরূপ ব্যাখ্যা করা যায় না। আর তাহা হইলে কবিরাজ গোস্বামী উক্ত স্থলে ‘নিঃশূন্য’ শব্দের প্রয়োগ করেন নাই কেন? পরন্তু শঙ্করের ব্যাখ্যাত নিরীক্শেষ ব্রহ্মবাদের খণ্ডনে তিনি অনেক প্রাচীন কথা বলিয়াছেন। কিন্তু পূর্বে আদি লীলার পঞ্চম পরিচ্ছেদে তিনিও যে নিরীক্শেষ ব্রহ্ম বলিয়াছেন, তাহা কিরূপ? সেখানে “নিরীক্শেষ” শব্দের অর্থ কি? তিনি সেখানে বলিয়াছেন— “নিরীক্শেষ ব্রহ্ম সেই কেবল জ্যোতির্শয়। সায়ুজ্যের অধিকারী তাহা পায় লয় ॥

কবিরাজ গোস্বামী পরে বলিয়াছেন—

“ব্যাস ভ্রান্ত বলি সেই সূত্রে দোষ দিয়া।

বিবর্তবাদ স্থাপিয়াছে কল্পনা করিয়া ॥” ঐ ১৫৬

আদি-লীলার সপ্তম পরিচ্ছেদেও তিনি বলিয়াছেন,—

“ব্যাসের সূত্রেতে কহে পরিণামবাদ।

ব্যাস ভ্রান্ত বলি তাহা উঠাইল বিবাদ ॥ ১১৪

কিন্তু বিবর্তবাদী ভাষ্যকার শঙ্করাচার্য কি বেদান্তসূত্রকার বেদব্যাসকেও ভ্রান্ত বলিতে পারেন? যাহা অসম্ভব, তাহা ত বলা যায় না। তবে কেন বহু-বিজ্ঞ কবিরাজ গোস্বামীও ঐরূপ কথা লিখিয়াছেন? উক্ত স্থলে কোন ব্যাখ্যাকার অগত্যা কষ্ট কল্পনা করিয়া “ব্যাসসূত্রের পরিণামবাদমূলক অর্থ ভ্রান্ত,” এইরূপ ব্যাখ্যা করিয়াছেন। কিন্তু কোন অর্থে ভ্রান্ত বলা যায় না। এই অর্থ ভ্রান্ত বা ভুল,

* বেদান্ত দর্শনের দ্বিতীয় অধ্যায়ের প্রথম পাদের ২৪শ সূত্রভাষ্যে শঙ্কর বলিয়াছেন,— “পরিপূর্ণশক্তিকন্তু ব্রহ্ম। ন তত্থাশ্চেন কেনচিত্ পূর্ণতা সম্পাদিতব্য। প্রতিশ্চ ভবতি, “ন তত্থ কাব্যং করণঞ্চ বিজ্ঞতে ন তৎসমশ্চাভ্যধিকশ্চ দৃশ্যতে। পরাত্ত শক্তি কিরিতৈব শ্রমতে স্বাভাবিকী জ্ঞান বলক্রিয়াচেতি।” (শ্বেতাশ্বতর—৬।৮) তন্মাদেকস্তাপি ব্রহ্মণো বিচিত্রশক্তিবোগাদ্ ফীরাদিব বিচিত্র পরিণাম উপপত্ততে।” পরেও (২।১।৩০ সূত্রভাষ্যে) বলিয়াছেন— “সর্কর্ভৌমশক্তিবৃদ্ধা চ পরা দেবতা ইত্যভ্যুপ গন্তব্যম্।” অজ্ঞাতও অনেকবার ঐরূপ কথা বলিয়াছেন।

এইরূপ কথা পূর্বকালে পণ্ডিতগণ বলিতেন না। আর কবিরাজ গোস্বামীর তাহাই বিবক্ষিত হইলে তিনি “ব্যাস ভ্রান্ত” এইরূপ কথা লিখিবেন কেন?

বস্তুতঃ শঙ্করাচার্য্যও বেদান্তসূত্রকার বেদব্যাসকে অত্যন্ত সর্বস্ব বলিয়া মাগ্ন করিয়াই তাঁহার সূত্রের ব্যাখ্যা করিয়া তদ্বারা ‘বিবর্তবাদের’ ব্যাখ্যা করিয়া গিয়াছেন। তিনি নিজে কল্পনা করিয়া উক্ত মত স্থাপন করিলে বেদান্ত-সূত্রের ভাষ্য করিবেন কেন? আর ঐ মত তাঁহার বুদ্ধি কল্পিত হইলে বৈষ্ণবাচার্য্যগণও উহার খণ্ডন করিতে নিজ নিজ সম্প্রদায়ের মতানুসারে উপনিষদ ও বেদান্তসূত্রের ব্যাখ্যা ও বিচার করিয়াছেন কেন? শ্রীবৈষ্ণবাচার্য্য রাধামুখ্য বহু বিচার দ্বারা নিজমত স্থাপন করিতে শ্রীভাস্করের প্রথমে শঙ্করের মতের বিশদ ব্যাখ্যা করিয়া উক্ত মতকেই মহা পূর্বপক্ষ বলিয়াছেন। পরে গৌড়ীয় বৈষ্ণবাচার্য্যগণও নিজ সম্প্রদায়ের বিশিষ্ট মতানুসারে বেদান্তসূত্রের ব্যাখ্যা করিয়াছেন। প্রাচীনকাল হইতেই সম্প্রদায়ভেদে বেদান্ত-সূত্রের ব্যাখ্যাভেদ হইয়াছে। পরে শ্রীচৈতন্যদেবের পরম ভক্ত নৈয়ায়িক বৈদান্তিক অনুপনারায়ণ তর্কশিরোমণি বেদান্ত-সূত্রের “সমঞ্জসা” নামে যে লঘুবৃত্তি রচনা করেন, তাহাতে শ্রীচৈতন্যদেবের মতানুসারে কোন কোন সূত্রের নূতন ব্যাখ্যাও পাওয়া যায়। ঐ বৃত্তির প্রকাশ অত্যাবশ্যক। কিন্তু বিমানবাবুর প্রদত্ত বহু সংস্কৃত বৈষ্ণব-গ্রন্থতালিকায় ঐ গ্রন্থের নাম দেখিলাম না।*

পরন্তু কবিরাজ গোস্বামী শ্রীচৈতন্যদেবের উক্তিরূপে বলিয়াছেন,—

* বঙ্গীয়-সাহিত্য-পরিষদের পুণ্ডিতশালায় ঐ বৃত্তির পুথি দৃষ্টব্য। উহার সংখ্যা—১৩৬৭। উহার শেষে শ্লোক দেখিয়াছি,—“কৃষ্ণ-প্রেম সুধাক্ষিমগ্নমনসো রূপধরপাদয়ো জাতা যৎকুপয়ৈব সমপ্রতি বয়ং সর্বের কৃতার্থা বতঃ। এষা বৃত্তিরনন্তবৈষ্ণবমনোমোদায় সাধীয়াসী, শ্রীচৈতন্যহরেন্দ্রয় ময়তনোস্ত্রাপহারায়তাং।”

“বেদনা মানিঞা বৌদ্ধ হয়ত নাস্তিক।
বেদাশ্রয় নাস্তিকবাদ বৌদ্ধেতে অধিক ॥”

(মধ্য যুগ ১৫২)

কিন্তু ইহাতেও প্রশ্ন হয় যে, শ্রীচৈতন্যদেব কি সত্যই শঙ্করাচার্য্যকেও নাস্তিক বলিয়াছিলেন? ইহা কি সম্ভব? পাণিনির “অস্তি নাস্তি দ্বিষ্টং মতিঃ”—এই সূত্রানুসারে “দ্বিষ্টং পরলোকো নাস্তি ইতি মতিবিশ্ব” এই অর্থে “নাস্তিক” শব্দ সিদ্ধ হইয়াছে। সূত্রাং পরলোকের নাস্তিত্ববাদই “নাস্তিক” শব্দের ব্যুৎপত্তি লভ্য অর্থ। আর মনু বলিয়াছেন, “নাস্তিকো বেদনিন্দকঃ।” কিন্তু পূর্বোক্ত কোন অর্থেই শঙ্করাচার্য্যকে নাস্তিক বলাই যায় না। অতএব কবিরাজ গোস্বামীর “বেদাশ্রয় নাস্তিকবাদ বৌদ্ধেতে অধিক”, এই কথার অর্থ কি?*

অনেক দিন হইতেই “চরিতামৃতে”র উক্ত স্থলে কবিরাজ গোস্বামীর ঐ সমস্ত কথার ঐরূপ অনেক প্রশ্ন হইতেছে। অনেক জিজ্ঞাসা সজ্জন আমার নিকটেও ঐরূপ অনেক প্রশ্ন করিয়াছেন। কিন্তু “চরিতামৃতে”র স্বাধীন সমালোচনার বহুলেখক বিমানবাবুও ঐ সমস্ত প্রশ্নের কোন অবতারণা করেন নাই।

(ক্রমশঃ)

* কোন প্রসিদ্ধ ব্যাখ্যাকার ঐকথার ব্যাখ্যা করিয়াছেন, “বেদাশ্রয় নাস্তিকবাদ—বেদের আশ্রয় স্বীকার করিয়াও (বেদের প্রামাণ্য স্বীকার করিয়াও) যাহারা নাস্তিকবাদ প্রচার করে, তাহারা বৌদ্ধেতে অধিক—বৌদ্ধ অপেক্ষাও যুগিত অধম।” কিন্তু বৈষ্ণবগণ সর্বদেই জানেন,—“সত্যং নিন্দা নামঃ প্রথমমপরাধং দিতনুতে।” আচার্য্যগণের নিন্দাই প্রথম নামাপরাধ। আর যিনি প্রথমে সার্বভৌমকে বলিয়াছিলেন—“মুর্খ আমি নাহি অধ্যয়ন,—সেই ‘তৃণাদপি সূনীচ’ নাম-ধর্ম প্রচারক লোকশিক্ষক ভগবান্ শ্রীচৈতন্যদেব কি তখন শঙ্করাচার্য্যেরও ঐরূপ অনাবশ্যক নিন্দা করিতে পারেন? উক্তরূপ বর্ণনার দ্বারা তাহার সেই জগৎ-পূজ্য আদর্শ চরিত্রের খর্বতারই প্রকাশ করা হয় নাকি?



জঞ্জম

‘বনফুল’

৯

শিয়ালদহ অঞ্চলে গলির মধ্যে ছোট একটি বাসা। সেই বাসার ক্ষুদ্র একটি ঘরে মৃগয় মুখোপাধ্যায় ওরফে মোমবাতি নিবিষ্ট চিত্তে একখানি পত্র লিখিতেছিলেন। ঘরটিতে আসবাবপত্রের মধ্যে ছোট একখানি সেক্রেটারিয়েট টেবিল, একটি দেওয়াল-ঘড়ি, একখানি চেয়ার এবং কাছেই একটি রিভলভিং বুক শেল্ফ রহিয়াছে। টেবিলের উপর একটি ইলেকট্রিক আলো। আলোর ডোগমটি গাঢ় রক্তবর্ণ, হঠাৎ দেখিলে মনে হয় যেন একটা প্রকাণ্ড রক্তজবা বাঁকা বৃত্তের উপর বিদ্যুৎতারিত হইয়া উঠিয়াছে। রঙীন চিঠির কাগজে গভীর মনোনিবেশ সহকারে মৃগয়বাবু যে পত্রখানি লিখিতেছিলেন তাহা এই :

প্রিয়তমাসু,

কাল নানা গোলমালের মধ্যে ছিলাম বলিয়া তোমাকে চিঠি লিখিতে পারি নাই। লক্ষ্মীটি, তুমি রাগ করিও না। কাল এক জায়গায় কীর্তন শুনিতে গিয়াছিলাম। শুনিতে শুনিতে এমন আত্মহারা হইয়া পড়িয়াছিলাম যে, শেষ পর্যন্ত আমি মুর্ছা ঘাই। রাধাকৃষ্ণের চিরন্তন বিরহ-কাহিনীর মধ্যে আমি তোমারই গভীর বেদনা অনুভব করিতেছিলাম। আমার মনে হইতেছিল যেন কীর্তনকার কণ্ঠে রাধার জ্বলন্তিত তোমারই অন্তরের আকুলতা তুমি নিবেদন করিতেছ। সে নিবেদন এত করুণ, এত মর্স্বস্পর্শী যে আমি নিজেকে ঠিক রাখিতে পারি নাই, জ্ঞান হারাইয়া-ছিলাম। জ্ঞান হইলে দেখিলাম ভট্ট আমাকে শুশ্রূষা করিতেছে। সে-ই আমাকে গভীর রাত্রে বাড়ি পৌঁছাইয়া দিয়া গেল। সেইজন্ম কাল আর আমি তোমাকে পত্র লিখিতে পারি নাই। কিন্তু সেই কীর্তন শুনিবার পর হইতে অহরহ তুমি আমার মন জুড়িয়া বসিয়া আছ। তোমার অশ্রু ছলছল ডাগর চক্ষু দুইটি আমার মনের মধ্যে অপলক দৃষ্টিতে চাহিয়া আছে। কোথায় তুমি? বিশ্বাস কর, আমি তন্ন তন্ন করিয়া তোমাকে খুঁজিয়াছি। এখনও

খুঁজিতেছি এবং চিরকাল খুঁজিব। তোমাকে খোঁজাই আমার জীবনের ব্রত। সেই জন্মই পুলিশ অফিসারের কণ্ঠকে বিবাহ করিয়া পুলিশে চাকুরি লইয়াছি—তোমাকে খুঁজিয়া আমি বাহির করিবই। ইহাই আমার জীবনের লক্ষ্য, পুলিশে চাকুরি করা অথবা পুনরায় বিবাহ করা উপলক্ষ মাত্র। এই কথাটি আমি প্রতিদিন লিখি, আজও আবার লিখিলাম। কারণ ইহাই আমার জীবনের মন্ত্র। মন্ত্রকে জাগ্রত রাখিতে হইলে প্রতিদিন তাহা জপ করিতে হয়। হাসিকে বিবাহ করিয়া তাহার প্রতি অবিচার করিয়াছি তাহা সত্য, কিন্তু আমি নিরুপায়। তোমাকে খুঁজিয়া বাহির করিতেই হইবে। আমি যে উপায় অবলম্বন করিয়াছি তাহাই আমাদের দেশে আমার মত মধ্যবিত্ত গৃহস্থ সম্ভানের পক্ষে এক্ষেত্রে সর্বশ্রেষ্ঠ উপায়। পুলিশে চাকুরি লইলে ভাল করিয়া তোমার সন্ধান করিতে পারিব। কিন্তু পুলিশ অফিসারের জামাই হওয়া ছাড়া এ লাইনে চুকিবার অন্য কোন প্রকার উপায় বা যোগ্যতা আমার ছিল না। হাসি নিদোষ তাহা জানি, কিন্তু উপায় নাই। দেবীপূজায় চিরকাল নিরীহ জীবহত্যা হইয়া আসিতেছে—ইহা সনাতন নিয়ম। ইহা পরিবর্তন করিবার সাধ্য আমার ছিল না। হাসিকে মন্ত্র পড়িয়া বিবাহ করিয়াছি বটে কিন্তু অন্তরে স্থান দিতে পারি নাই। কারণ সেখানে তুমি বিরাজ করিতেছ। এক মুহূর্তের জন্মও আমার অন্তর তুমি ত্যাগ কর নাই। হাসিকে স্থান দিব কোথায়? পাশের ঘরেই সে আমার অপেক্ষায় শুইয়া আছে। একটু পরেই আমিও তাহার পাশে গিয়া শয়ন করিব। উভয়ের মধ্যে ব্যবধান কিন্তু যুচিবে না। আমার এবং হাসির মধ্যে তুমি তোমার সমস্ত সত্তা লইয়া দাঁড়াইয়া আছ। তোমাকে অতিক্রম করে এমন সাধ্য হাসির নাই।

কিন্তু তুমি কোথায় আছ? এসো, আমার স্বপ্নের মধ্যে আজ। রোজই ত তোমার স্বপ্নে দেখা দিতে বলি, কই আস না ত! আমার জাগ্রত লোকের প্রতি মুহূর্তটি তুমি অধিকার করিয়া থাকো, স্বপ্নলোকে তোমায় তেমনভাবে

পাই না কেন? যুগের ঘোরে তোমাকে যেন হারাইয়া ফেলি। তাই মনে হয়, জাগিয়া বসিয়া থাকি। জাগিয়া বসিয়া তোমার কথা চিন্তা করি। আমার মনের আকুলতা লিখিয়া বোঝান অসম্ভব। তবু রোজ লিখি, না লিখিয়া পারি না। আজ স্বপ্নে নিশ্চয় দেখা দিও। তোমার জন্ত তৃষিত হইয়া আছি। কবে তুমি আসিবে? ইতি—

তোমারই
মুগ্ধ

পত্রখানি শেষ হইলে মুগ্ধবাবু একটি রঙীন খাম বাহির করিয়া পত্রখানি তাহার মধ্যে পুরিলেন এবং সেটি শিল করিয়া তাহার উপর লিখিলেন—শ্রীমতী স্বর্ণলতা দেবী। তাহার পর টেবিলের দেয়াজ খুলিয়া তাহার ভিতর হইতে একটি চন্দন কাঠের বাক্স বাহির করিলেন এবং সেই বাক্সের মধ্যে পত্রখানি রাখিয়া দিলেন। বাক্সে অনুরূপ আরও অনেক পত্র ছিল। চন্দনের বাক্সটি দেয়াজে পুনরায় বন্ধ করিয়া রাখিয়া মুগ্ধবাবু উঠিয়া পড়িলেন। ঘড়িতে ঢং ঢং করিয়া এগারোটা বাজিল। মুগ্ধবাবু অকুণ্ঠিত করিয়া একবার ঘড়িটার পানে চাহিলেন ও তৎপরে টেবিল ল্যাম্পটি নিভাইয়া দিয়া ধীরপদসঞ্চারে অন্তঃপুরের দিকে চলিয়া গেলেন। শুইবার ঘরে ঢুকিয়া দেখিলেন হাসি ঘুমাইতেছে। নিরীহ কিশোরী মূর্তি। বয়স বড় জোর চৌদ্দ কি পনের। পরনে একখানি রাঙা ডুরে শাড়ি। স্ক্রডোল হাতে সোনার চুড়ি। পাড় বসানো গোলাপী রঙের একখানি র্যাপার গায়ের উপর পড়িয়া আছে। নির্গমেষ নেত্রে মুগ্ধ কিছুক্ষণ তাহার দিকে চাহিয়া রহিলেন, তাহার পর ধীরে ধীরে ডাকিলেন।

হাসি, ওঠ, চল এবার খাওয়া দাওয়া করা যাক—

হাসি ধড়মড় করিয়া উঠিয়া বসিল ও চক্ষু দুইটি কচলাইতে কচলাইতে বলিল, ওই দেখ, হঠাৎ কখন মুগ্ধিয়ে পড়েছি। তাহার পর বিছানা হইতে নামিয়া বলিল, চল, নেচি কেটেই রেখেছি, শেকে দিতে আর কতক্ষণ যাবে? গরম গরম শেকে দিই গে চল। অনেক রাত হয়ে গেছে, নয়? কি করছিলে এতক্ষণ বাইরের ঘরে বসে?

মুগ্ধ অক্ষুট কণ্ঠে বলিলেন, আপিসের কাজকর্ম করছিলাম।

হাসি হাসিয়া বলিল, আর আমি শুয়ে কেমন যুগ্মিলুম! সত্যি ভারি স্বার্থপর আমরা, তোমরা মুখে রক্ত উঠিয়ে রোজগার করে আনবে আর আমরা দিবি মজা করে তা খরচ করব। তুমি বেচারি ওবরে খেটে মরছ আর আমি কেমন আরাম করে যুগ্মি! মুখে আঙুন আমাদের—

য়ান হাসি হাসিয়া মুগ্ধ বলিলেন, উপায় কি।

হাসি গা ভাঙিয়া সহাস্র মুখে বলিল, সত্যি, আমারও না মুগ্ধিয়ে উপায় নেই! বাপ মা বাঙলা লেখাপড়াটা পর্যন্ত শেখায় নি যে বইটাই পড়ে সময় কাটাই! নিজের বাপ মাই মেয়েদের লেখাপড়া শেখায় বড়, আমার এত পাতান বাপ মা—বলিয়া হাসি কাপড়টাকে বেশ করিয়া গায়ে জড়াইয়া বলিল, উঃ, শীত করছে, র্যাপার জড়িয়ে রান্নাবান্ন করা যে কি মুশ্কিল, তোমাকে ত বলে দিলে হার মানলাম, সোয়েটার একটা তুমি কিনে দিলে না! চল, উত্তুন ধারে যাই, বড় শীত করছে—


রোজই ভুলে যাই, কাল কিনে আনব ঠিক!

নিজের বাপ মা থাকলে শীতের তত্ত্ব করত, পাতানো বাপ মা কি-না তাই ওসব বাজে খরচের দিকে যেতে চায় না!

হাসি বড় পুলিশ অফিসারের কন্যা বটে, কিন্তু পলিতা কন্যা। আসলে ভদ্রলোক হাসির দূর সম্পর্কের পিসামহাশয়। অসহায় পিতৃগাতৃহীনা বালিকাটিকে মাল্লু্য করিয়াছিলেন এবং চাকুরির প্রলোভন দেখাইয়া মুগ্ধয়ের সহিত তাহার বিবাহ দিয়াছেন।

মুগ্ধের পূর্বপত্নী যে গৃহত্যাগ করিয়া গিয়াছে তাহা তিনি জানিতেন কিন্তু হাসিকে সে কথা ঘুণাঙ্করে জানান নাই। মুগ্ধ প্রপন্ন করিলেন, চিহ্ন খেয়েছে?

কোন সকালে খেয়ে নিয়েছে ঠাকুরপো নটা বাজতে না বাজতেই! কলেজে সমস্ত দিন থাকে, ছেলেমানুষ ত, খিদে পেয়ে যায়! চল, উত্তুনও বোধ হয় এতক্ষণ নিবে খুস হয়েছে! মুগ্ধের ভাই চিহ্ন মফঃস্বল হইতে ম্যাট্রিক পাশ করিয়া আসিয়া এই বছর কলেজে ভর্তি হইয়াছে। উপরের ঘরখানায় সে থাকে। সেইটাই তাহার পড়িবার ও শুইবার ঘর। হাসি ও মুগ্ধ ঘর হইতে বাহির হইয়া রান্নাঘরের দিকে অগ্রসর হইল। সাগাণ একফালি উঠানের পরই



ভারতবর্ষ চিত্রিত: ওয়ার্কস

সাগর কুলে

শিল্পী—শ্রীযুক্ত নতীশ সিংহ

রামাধর। রামাধরের ঢুকিয়াই হাসি বলিল, যা ভেবেছি তাই, এতক্ষণ কি আর আঁচ থাকে? আঁচের আর অপরাধ কি! স্টোভটা জ্বালি, খাম।

হাসি স্টোভ বাহির করিয়া জ্বালিতে বসিল এবং স্পিরিট ঢালিতে ঢালিতে বলিল, স্টোভে আবার রুটি ভাল হয় না।

মৃগয় নিকটস্থ একটি বালতি হইতে জল লইয়া হাতমুখ ধুইতে লাগিলেন, এ মন্তব্যের কোন উত্তর দিলেন না। কিছুক্ষণ নীরবেই কাটিল। তাহার পর হাসি জগন্ত স্পিরিটের দিকে চাহিয়া মৃগয়কে সম্বোধন করিয়া বলিল, হ্যাঁগা, একটা কথা রাখবে আমার?

কি কথা?

পরে শবাবুদের বাড়িতে এমন সুন্দর সুন্দর বেরালছানা হয়েছে! তুমি যদি বল—নিয়ে আসি একটা চেয়ে!

বেশ ত! এনো।

একটা ধপধপে সাদা বাচ্চা—এমন মিষ্টি হয়েছে দেখতে যে কি বলব!

তাই নাকি?

স্টোভটায় পাশ্প করিতে করিতে মহা উৎসাহে হাসি বলিল, দেখবে? নিয়ে আসব এখন? এই ত পাশের বাড়ি, ওরা ঠিক জেগে আছে এখনও—

এখন থাক, কাল এনো।

মাগের ল্যাজে ছোট ছোট খাবা মেরে মেরে এমন সুন্দর খেলা করছিল আজ হুপুরে, সে যদি দেখতে! কি ছষ্টু ছষ্টু চোখ!

হঠাৎ ছয়ারে কড়া নড়িল। এতরাত্রি কে আবার আসিল!

কে?

মৃগয় বাহির হইয়া গেলেন। কপাট খুলিতেই বড় বড় চুল গৌফ দাড়িওয়ালা একজন ভদ্রলোক সহাস্রমুখে বলিলেন, মৃগয় নাকি, ভাল আছ ত সব?

কে, মুকুজ্যে মশাই, আসুন, আসুন—এত রাত্রি হঠাৎ কোথা থেকে?

মুস্কিলে পড়ে এসেছি, চল ভেতরে, সব বলছি।

মৃগয়ের পশ্চাৎ পশ্চাৎ মুকুজ্যে মশাই আসিয়া প্রাঙ্গণে দাঁড়াইলেন।

হাসি একমুখ হাসি লইয়া বলিল, ওমা, আপনি!

তাড়াতাড়ি আসিয়া সে মুকুজ্যে মশায়ের পদধূলি লইল—তাহার দেখাদেখি মৃগয়ও প্রণাম করিলেন। মুকুজ্যে মশাই উভয়কে আশীর্বাদ করিয়া হাস্তমিষ্ণমুখে হাসির দিকে তাকাইয়া বলিলেন, ভাল আছিস ত পাগলি!

ভুলেও ত খোঁজ নেন না একবার! আজ যে কি ভাগ্যি এলেন!

হাসি অভিমান ভরে ঠোঁট দুইটি ফুলাইল। মুকুজ্যে মশাই একটু হাসিয়া বলিলেন, স্বামীর কাছে আছি—এখন আর খোঁজ নেবার দরকার নেই ত!

দরকার না থাকলে বুঝি আসতে নেই!

মুকুজ্যে মশাই সস্মিত মুখে চাহিয়া রহিলেন, কিছু বলিলেন না। মুকুজ্যে মশাইকে দেখিলেই আপনার জন বলিয়া মনে হয়। যদিও মুখময় কাঁচাপাকা গৌফদাড়ি, মাথায় তৈলবিহীন চুল—কিন্তু এমন একটি স্নিগ্ধ হাস্ত-শ্রী তাহার সমস্ত মুখমণ্ডলকে ও আয়ত রক্তাভ চক্ষু দুইটিকে মগ্নিত করিয়া রাখিয়াছে যে, দেখিবামাত্রই ভিতরকার স্নেহময় মাহুঘটিকে চিনিতে বিলম্ব হয় না।

হাসি বলিল, কোথায় এসে উঠেছেন আপনি? আজ আপনাকে ছাড়ছি না, এখানে খেয়ে যেতে হবে।

মৃগয়ও বলিলেন, আপনি কোলকাতায় কবে এসেছেন? কিছু জানি না ত!

হাসি বলিল, গুর ওই রকমই কাণ্ড।

মুকুজ্যে মশাই আর একটু হাসিয়া বলিলেন, এসেছি তিন-চার দিন হ'ল। শিরিমের ছেলের অম্বুখের খবর পেয়ে এসেছিলাম। ছেলেটি এই কিছুক্ষণ হ'ল মারা গেছে। শিরিম বেচারী পড়েছে মুস্কিলে। তাকে ত এখানে এখনও বিশেষ কেউ চেনে না, সে এই অল্প ক'দিন হ'ল এখানে বদলি হয়ে এসেছে। সংকার করবার লোক জুটছে না, তাই আমাকে বেরুতে হ'ল। তোমাদের ছ'ভায়ের মধ্যে একজনকে যেতে হয়। একজন বাড়িতে থাকো, পাগলিটা আবার না হ'লে ভয় পাবে। চিনি ত ওকে, ভয়ানক ভীতু—

বলিয়া মুকুজ্যে মশাই হাসির দিকে চাহিয়া হাসিলেন।

হাসি এতক্ষণ বিস্ফারিত চক্ষে এই মৃত্যু-সংবাদ শুনিতেছিল। হঠাৎ ভীতু অপবাদে মুকুজ্যে মশায়ের দিকে চোখ তুলিয়া একটু হাসিল এবং বলিল, এক্ষুণি যেতে হবে? তা হ'লে রুটি কটা তাড়াতাড়ি তৈরি করে দি!

তোমাদের খাওয়া দাওয়া হয়নি বুঝি এখনও ?

ঠাকুরপোর খাওয়া হয়ে গেছে, উনি এতক্ষণ কাজ করছিলেন !

মুকুজ্যে মশাই বলিলেন, চিল্লই চলুক। একজন হ'লেই হবে। তিনজন পেয়েছি, তাছাড়া আমি আছি, পাড়া থেকেও দু-একজন হয় ত জুটতে পারে—

মৃগয় বলিলেন, আপনি যাবেন ? যদি ঠাণ্ডা লেগে যায় আপনার ?

মৃগয়ের চিন্তার কারণ ছিল। মুকুজ্যে মশায়ের সঙ্গে একটি স্মৃতির বোঝাই চাদর ভিন্ন আর কোন আবরণ ছিল না। খালি পা। চিরকালই তাঁহার এই বেশ। মৃগয়ের কথা শুনিয়া মুকুজ্যে মশায়ের বড় বড় উজ্জ্বল চক্ষু দুইটি হাত্তদীপ্ত হইয়া উঠিল। তিনি হাসিয়া বলিলেন, আমার ? আমার কিছুর হবে না !

হাসি পাকা গিন্নির মত পুনরায় মস্তব্য করিল—ওঁর ওই রকমই কাণ্ড !

মৃগয় বলিলেন, তার চেয়ে বরং আপনি হাসিকে আগলান, ঠিকানাটা বলে দিন, আমি আর চিল্ল যাই—

না, না—সেটা ঠিক হয় না। চিল্লকে ডাকো তুমি, আমি না গেলে ভাল দেখায় না।

অগত্যা চিল্লকে ডাকিতে হইল। ডাকাডাকিতে চিল্ল উপরের ঘর হইতে নামিয়া আসিল। সত্ত্ব যুগ ভাঙা চোখে মিটি মিটি মুকুজ্যে মশায়ের দিকে চাহিয়া চিনিতে পারিলামাত্র সহাস্ত মুখে আসিয়া পদধূলি লইল। এই বাড়িতে হাসি ছাড়া চিল্লও মুকুজ্যে মশায়ের অতিশয় প্রিয়। চিন্ময়ের চেহারা মৃগয়েরই অনুরূপ, কেবল তাঁহার বয়স কম ও মাথার চুল কটা নয়, কালো। সমস্ত শুনিয়া চিন্ময় অত্যন্ত উৎসাহিত হইয়া উঠিল। মুকুজ্যে মশায়ের সাহচর্যে এই শীতের রাত্রে মড়া পোড়াইতে বাইতে হইবে! সে যেন হাতে স্বর্গ পাইয়া গেল। তাড়াতাড়ি উপরে গিয়া নিজের ব্যাপারখানা লইয়া আসিল।

চিন্ময়কে লইয়া মুকুজ্যে মশাই চলিয়া গেলেন।

তাঁহারা চলিয়া গেলে হাসি মৃগয়কে বলিল, ওগো, তুমি আর একটু সরে এসো, আমার ভারি ভয় করছে।

মৃগয় চোখ তুলিয়া একটু হাসিল।

না, তুমি সরে এসো লক্ষ্মীটি, মড়ার কথা শুনলে আমার বড় ভয় করে।

আর একটু হাসিয়া মৃগয় হাসির নিকটে গিয়া বসিলেন। হাসি রুটি শেকিবীর আয়োজন করিতে লাগিল।

১০

নির্জন দ্বিপ্রহর।

নিজের শয়নকক্ষে ঘন নীল রঙের একটি সুন্দর আলোয়ানে সর্বাঙ্গ আবৃত করিয়া একটি গদি-আঁটা আরাম চেয়ারে বসিয়া মিষ্টিদিদি একখানি উপত্যাস পঠ করিতেছিলেন। বাতীতে কেহ নাই। সোনা তাঁহার এক বান্ধবীর সহিত দেখা করিতে গিয়াছে। রিনি ও প্রফেসর মিত্র কলেজে। মিষ্টিদিদি তন্ময় চিত্তে উপত্যাসখানি পঠ করিতেছিলেন, গ্রাস করিতেছিলেন, বলিলেও অভ্যক্তি হয় না। পিছনের জানালা দিয়া একফালি রোদ তাঁহার পৃষ্ঠদেশে ও বামগণ্ডে আসিয়া পড়িয়াছে। বাম কর্ণের সোনার তুলটা রৌদ্রকিরণে চকমক করিতেছে। মিষ্টিদিদির চক্ষু দুইটিও চকমক করিতেছে, অধর মুছ মুছ কাঁপিতেছে, জয়গল আকুঞ্চিত। উপত্যাসে নিশ্চয়ই এমন কিছু ছিল বাহা মুখরোচক এবং উত্তেজনাপূর্ণ। মিষ্টিদিদির নামাঙ্কিত হইয়া উঠিতেছে।

হঠাৎ একটা শব্দে মিষ্টিদিদি ষাড় ফিরিয়া চাহিয়া দেখিলেন। বাতায়ন-পথে তাঁহার দৃষ্টিগোচর হইল ছাত্তর ওধারে আলিসার উপর একজোড়া পারাবত আসিয়া বসিয়াছে। পুরুষ পারাবতটি গলা ফুলাইয়া ফুলাইয়া ঘুরিয়া ঘুরিয়া বক্বকম ধ্বনিতে প্রণয় নিবেদন করিতেছে। তাঁহার স্ক্রিয়মান কণ্ঠদেশে সূর্য্যকিরণ প্রতিফলিত হইয়া ময়ূর কণ্ঠের শোভা ধারণ করিয়াছে, প্রতি গ্রীবাভঙ্গীতে ইন্দ্রধনুর সৌন্দর্য্য ঠিকরাইয়া পড়িতেছে। অপলক দৃষ্টিতে কিছুক্ষণ সেই দিকে তাকাইয়া থাকিয়া মিষ্টিদিদি আবার পুস্তকে মন দিলেন।

এমন সময় নীচে ফোন বাজিয়া উঠিল। 'বয়' আসিয়া খবর দিল যে সাহেব তাঁহাকে ফোনে ডাকিতেছেন। মিষ্টিদিদি নামিয়া গিয়া ফোন ধরিলেন। মিত্র সাহেব ফোনে তাঁহাকে জানাইলেন যে, তাঁহার ফিরিতে অনেক রাত হইবে। বৈকালেও তিনি আসিতে পারিবেন না, কলেজে একটা মিটিং আছে এবং তৎপরে তাঁহাকে এক বন্ধুর বাড়িতে

ডিনার খাইতে বাইতে হইবে। মিষ্টিদিদি ফিরিয়া আসিয়া চেয়ারে বসিলেন। বাতায়ন-পথে চাহিয়া দেখিলেন পারাবত দম্পতী উড়িয়া গিয়াছে। কিছুক্ষণ অন্তমনস্কভাবে ঘরের কোণে তেপায়াতে রক্ষিত ব্রোঞ্জ প্রতিমূর্ত্তির দিকে চাহিয়া রহিলেন। একটি সবল নগ্ন পুরুষ একটা বিরাটকায় অঙ্গরকে বিধ্বস্ত করিতেছে। তাহার শরীরের সমস্ত পেশী শক্তির উদ্গাদনায় ফুটিয়া উঠিয়াছে। মিষ্টিদিদি কিছুক্ষণ প্রতিমূর্ত্তিটির পানে তাকাইয়া উঠিয়া বিছানায় গেলেন ও সবলে পাশ বালিশটাকে আঁকড়াইয়া শুইয়া পড়িলেন। তাঁহার সর্বাঙ্গ কাঁপিতে লাগিল। তিনি বাশিশ মুখ গুঁজিয়া চুপ করিয়া পড়িয়া রহিলেন।

১১

শঙ্কর সুরমার পত্রখানি আবার পড়িতেছিল। এখানি সুরমার দ্বিতীয় পত্র। প্রথম পত্রের উত্তর না পাইয়া আর একখানি পত্র লিখিয়াছে। আপাতদৃষ্টিতে জিনিসটা একটু অস্বাভাবিক, সাধারণত এরকম হয় না। কিন্তু অসাধারণ ব্যাপারও পৃথিবীতে অসম্ভব নহে। সুরমাও সাধারণ শ্রেণী-ভুক্তা নহেন। স্ততরাং সুরমা-সংক্রান্ত ব্যাপারে এমন একটু-আধটু খটকাজনক ঘটনা ঘটিবেই। সাহিত্য-প্রীতিরূপ দুঃখবায়ু বাহার স্কন্ধে ভর করিয়াছে তাঁহার চালচলন আচার-ব্যবহার সাধারণ আইন-কানুন মানিয়া চলিবে না ইহাই স্বাভাবিক—তা তিনি নারীই হউন আর পুরুষই হউন।

শঙ্করের দ্বিপ্রহরে দুই পিরিয়ড্ ছুটি আছে, কলেজ-স্কোরারের নির্জন কোণটুকুও ভারি সুন্দর লাগিতেছে। সুরমার পত্রখানি ইতিপূর্বে সে বহুবার পড়িয়াছে এবং সন্দেহ সঙ্গে লইয়া ফিরিতেছে। সুরমা বাহা লিখিয়াছে তাহার অর্থবোধ করা খুব কঠিন নহে। কিন্তু শঙ্করের মনে হইতেছে পত্রখানিতে অর্থাভীত এমন কিছু আছে বাহা একবার দুইবার পড়িয়াই নিঃশেষ করিয়া ফেলা যায় না, বারবার পড়িতে হয়। একস্থানে সুরমা লিখিয়াছে—

আপনার সঙ্গে আমার পরিচয় কত অল্প, অথচ আপনার চিঠি না পেয়ে এত খারাপ লাগছে! এর থেকে কি প্রমাণ হয় বলুন ত। হয় ত কিছুই প্রমাণ হয় না, কিংবা হয় ত এর থেকেই কোন নিপুণ মনস্তত্ত্ববিদ মস্ত বড় কিছু একটা আবিষ্কার করে ফেলতে পারেন। সে যাই

হোক, একথা কিন্তু অস্বীকার করে লাভ নেই যে আপনার চিঠি না পেয়ে ভারি খারাপ লাগছে। আপনার সঙ্গে আত্মীয়তাটা অবশ্য তত ঘনিষ্ঠ নয় যে অভিমান আবদার করা চলে, তাই আপনাকে শুধু অনুরোধ করছি চিঠির উত্তর দেবেন এবার নিশ্চয়ই। আপনার সঙ্গে আমার আলাপ অবশ্য স্বল্প। কিন্তু স্বল্প পরিচয়েই আপনার বিশিষ্ট রূপটি দেখেছি বলে মনে হচ্ছে যেন। আজকালকার দিনে বেশ তাঁজা জীবন্ত মানুষ কমই চোখে পড়ে। জীবন্ত মানুষ মানে বাব ভালুকের মত বড় পশু নয়, জীবন্ত মানুষ মানে যে মানুষ সভ্যতার অতিবর্ষণে গলিত হয়ে যায় নি, সভ্যতার রসে স্বকীয় বৈশিষ্ট্যে পরিপুষ্ট হয়ে উঠেছে। প্রশংসা করছি বলে যেন অহঙ্কারে ফুলে উঠবেন না। আপনার সম্বন্ধে সত্যি যা মনে হয়েছে তাই লিখলাম। আপনাকে আর একটা কথা বলব? রাখবেন কথাটা? আপনার যে কবিতাগুলো দেখিয়েছিলেন সেগুলো ছাপিয়ে ফেলুন। সত্যিই ওগুলো ছাপাবার যোগ্য। আমাকে দিন বরং আমি ছাপিয়ে দিই। এমন সুন্দর করে ছাপিয়ে দেব, দেখবেন তখন। আর নতুন কিছু লিখেছেন না কি? লিখলে আমাকে পাঠাতে হবে কিন্তু। আপনি কি প্রতিশ্রুতি দিয়েছিলেন মনে আছে ত? কবিতা লিখে আগে আমাকে দেখাতে হবে। আমাকে প্রথমে দেখিয়ে তবে অপরকে দেখাতে পারবেন। আমি হতে চাই আপনার কবিতার প্রথম পাঠিকা। কাল এখানে সমুদ্রের ধারে বসে বসে আপনার "কল-কল্লোল" কবিতাটার লাইনগুলো মনে পড়ছিল। কবিতাটা টুকে পাঠিয়ে দেবেন? সত্যি বলছি ভারি সুন্দর কবিতাটি।

এই কথাগুলি বারম্বার পড়িয়াও শঙ্করের তৃপ্তি হইতেছিল না। কয়েকবার পড়িয়া শঙ্কর পত্রখানি পকেটে রাখিয়া দিল ও স্তম্ভিত হইয়া বসিয়া রহিল। তাঁহার মনে হইতে লাগিল, গতকল্য যে চিঠিখানা সে সুরমাকে লিখিয়াছে তাহাতে ও কথাটা সে না লিখিলেই পারিত। নানা কাজের ভিড়ে সুরমার কথা সে বিশ্বস্ত হইয়াছিল এবং সেই জন্ম পত্র দিতে পারে নাই এই সত্যভাষণটুকু সে না করিলেই পারিত। আর তা ছাড়া সত্যই ত সে বিশ্বস্ত হয় নাই। সে সুরমাকে পত্র লেখে নাই সন্দোহভরে, পাছে কেহ কিছু মনে করে। সহজ সত্য কথাটা লিখিলেই

চুকিয়া যাইত। অনর্থক একজন ভদ্রমহিলার মনে আঘাত দেওয়াটা ঠিক হয় নাই। কি করিয়া পরবর্তী পত্রে এই গ্লানিটুকু মুছিয়া ফেলা যায় সে তাহাই চিন্তা করিতে লাগিল।

অকস্মাৎ তাহার চোখে পড়িল ওধারের গেট দিয়া রিণি আসিয়া প্রবেশ করিল। তাহার সঙ্গে আর একটি তরুণী। তাহারা কাছাকাছি আসিতেই শঙ্কর নমস্কার করিয়া উঠিয়া দাঁড়াইল এবং প্রশ্ন করিল, কোথায় চলেছেন?

রিণি সলজ্জ হাসিয়া উত্তর দিল, পুরানো বই-এর দোকান-গুলো ঘুরব একটু—

চলুন, আমিও যাই, আমারও বই কেনার দরকার আছে কয়েকটা।

ইহা শুনিয়া অপর মহিলাটি বলিল, তবে আমাকে এইবার ছুটি দে রিণি, সঙ্গী ত একজন পেয়েই গেলি, তাছাড়া অপূর্ববাবুও ত আসবেনই—বোধ হয় এসেছেন এতক্ষণ।

রিণি তথাপি বলিল, না, তবু তুমি চল বেলা-দি।

নামটা শুনিয়া শঙ্কর সহাস্তে তাঁহাকে নমস্কার করিল এবং বলিল—আপনার নাম শুনেছিলাম অপূর্ববাবুর কাছে, আজ দেখাটা হয়ে গেল!

বেলাদিদি একবার চকিতে চাহিয়া ঈষৎ ভ্রুকুঞ্চিত করিয়া শঙ্করকে প্রতি-নমস্কার করিলেন ও বলিলেন, আপনার পরিচয়টিও দিন তা হ'লে?

রিণি বলিল, উনি শঙ্করবাবু, সেই যে শিষ্টিদিদি সেদিন তোমায় বলছিলেন। উৎপলবাবুর বন্ধু উনি!

ও, আপনিই শঙ্করবাবু? বেলাদিদি স্মিতমুখে শঙ্করের পানে চাহিলেন ও দন্তদ্বারা অধরোষ্ঠ ঈষৎ দংশন করিয়া মৃদু হাসিতে হাসিতে প্রশ্ন করিলেন, আপনি নাকি খুব বড় কবি? অপূর্ববাবু বলছিলেন।

শঙ্কর হাসিয়া উত্তর দিল, লিখি বটে মাঝে মাঝে, তবে সে এমন কিছু নয়—

তিনজনে গল্প করিতে করিতে কলেজ স্কয়ার হইতে বাহির হইয়া গেলেন। শঙ্কর আবার রিণিকে প্রশ্ন করিল, পুরোনো বই-এর দোকানে কি বই কিনবেন আপনি?

বেলাদিদি অধরোষ্ঠ দংশন করিয়া বন্ধিম চাহনিতে

রিণির পানে একবার চাহিলেন ও মৃদু মৃদু হাসিতে লাগিলেন।

রিণি সম্মুখিত মুখে কিছুক্ষণ চুপ করিয়া থাকিয়া ইতস্তত করিয়া উত্তর দিল, কিছু ঠিক করিনি এখনও। পুরানো বই আমার খুব ভাল লাগে। নতুন বই কেনার চেয়ে পুরোনো বই কিনতে আমার বেশী ইচ্ছে করে।

বেলাদি এই উক্তিতে সহাস্ত গুষ্ঠ-ভঙ্গী করিলেন ও বলিলেন, সবাই কবি!

শঙ্কর বলিল, আপনিও নন কি?

আমি? বেলাদি অধর দংশন করিয়া ভ্রতঙ্গী সহকারে প্রশ্ন করিলেন।

নিশ্চয়! কবি না হ'লে ব্লাউসের রঙের সঙ্গে শাড়ির রঙের এমন সামঞ্জস্য করতে পারতেন? অমন সুন্দর নাগরী জোড়া, অমন সুন্দর ছল ছুটি পছন্দ করা আপনার পক্ষে সম্ভবই হ'ত না—যদি আপনি কবি না হতেন! কবি সবাই—কেউ কবিতা লেখে, কেউ লেখে না।

মোটাই না—ও সব বাজে কথা।

বেলাদি হাসিতে হাসিতে সজোরে মাথা নাড়িতে লাগিলেন।

শঙ্কর কিছু না বলিয়া সস্মিত দৃষ্টিতে তাঁহার পানে চাহিয়া রহিল।

বেলাদি আবার অধর দংশন করিয়া সহাস্তে বলিলেন, আপনি শুধু কবিই নন দেখছি, আরও অনেক গুণ আছে আপনার।

শঙ্কর হাসিয়া উত্তর দিল, নিশ্চয়! আমি নিগুণ ব্রহ্ম নই একথা মুক্ত-কণ্ঠেই স্বীকার করছি।

বেলাদির চক্ষু দুইটি ছদ্মকোপে ভাবাময় হইয়া উঠিল। তাহারা কলেজ ষ্ট্রিটের মোড়ে পুরাতন পুস্তকের দোকানগুলির সম্মুখে আসিয়া পড়িয়াছিলেন। বেলাদি ও শঙ্করই এতক্ষণ কথাবার্তা বলিতেছিলেন। রিণি চুপ করিয়াছিল, সে এবার কথা কহিল, অপূর্ববাবু এসেছেন দেখছি—ভোলেন নি!

ভুলবে? বলি কি?

বলিয়া বেলাদি চকিত দৃষ্টিতে একবার শঙ্করের দিকে চাহিয়া দেখিলেন। শঙ্কর তাঁহার সে চাহনি দেখিতে পাইল না, কারণ সে ভ্রুকুঞ্চিত করিয়া অপূর্ববাবুকেই

দেখিতেছিল। দিবালোকে লোকটাকে আরও অদ্ভুত দেখাইতেছে। নাকের কাছে খানিকটা পাউডার লাগিয়া রহিয়াছে, লম্বা কোঁচাটা খর্বাঝতির সহিত মোটেই খাপ খায় নাই, পাঞ্জাবিটাও হাঁটু ছাড়াইয়া পড়িয়াছে। পাঞ্জাবির রঙও অদ্ভুত! এ রকম অদ্ভুত পাঞ্জাবি পরে না কি পুরুষ মানুষে! আশ্চর্য্য মেয়েলি রুচি লোকটার। লাজুক চক্ষু দুইটি তুলিয়া বিনয়-নয় মিহি-কণ্ঠে অপূর্ববাবু বলিলেন, নমস্কার শঙ্করবাবু, আপনি এলেন কোথা থেকে?

প্রতিনমস্কার করিয়া শঙ্কর বলিল, কলেজে পড়ি স্তরং কলেজ ষ্ট্রিটে আমার আবির্ভাবের হেতু খুঁজে পাওয়া ত শক্ত নয়; কিন্তু আপনি ত ক্লাইভ ষ্ট্রিটের লোক, আপনাকেই কলেজ ষ্ট্রিটে দেখে আমার আশ্চর্য্য লাগছে।

অত্যন্ত কাচুমাচু হইয়া অপূর্ববাবু বলিলেন, তা বটে, মিশ্র মিত্রের সঙ্গে এনগেজমেন্টটা ছিল তাই, মানে বর্তমানের ছুটি নিয়ে—আমাদের বড়বাবুও আবার, অর্থাৎ—

অপূর্ববাবু কথা আর শেষ করিতে পারিলেন না। নতুন হইয়া দাঁড়াইয়া রহিলেন। তাহার পর পকেট হইতে একটি এসেস-সুগন্ধি রুমাল বাহির করিয়া মুখ ও কপাল মুছিতে মুছিতে চকিতদৃষ্টিতে একবার বেলাদির পানে চাহিয়া বলিলেন, আপনিও এসে গেছেন, ভালই হয়েছে! আপনাকেও এ সময়ে এ স্থানে দেখব প্রত্যাশা করিনি। অপ্রত্যাশিত জিনিস ত অহরহই ঘটবে—কি বলেন শঙ্করবাবু?

বেলাদি শঙ্করের দিকে চাহিতেই শঙ্কর বলিল, নিশ্চয়।

মোড়ের ঘড়িটার দিকে চাহিয়া শঙ্কর বলিল, তা হ'লে চলুন বইগুলো দেখা যাক। আসুন।

একটা দোকানে তাহারা চুকিয়া পড়িল।

অনেক ঘাঁটাঘাঁটির পর শেলির কাব্যগ্রন্থাবলী একখণ্ড রিণির পছন্দ হইল। বেশ সুন্দর দামী সংস্করণ। অপূর্ববাবু তাহার দাম দিলেন ও পুস্তকটি হস্তে লইয়া বলিলেন, পরশু ঠিক সময়ে নিয়ে যাব আমি। কিছু লিখে দিতে চাই—অর্থাৎ—বলিয়া একটু অপ্রস্তুত মুখে খামিয়া গেলেন।

শঙ্কর ব্যাপারটা ঠিক বুঝিল না। সপ্রশ্ন দৃষ্টিতে বেলাদির পানে চাহিতেই তিনি ব্যাপারটা খুলিয়া বলিলেন, পরশু রিণির জন্মদিন। অপূর্ববাবু রিণিকে একটা

উপহার দেবেন। সাধারণত লোকে নিজেই কিনে নিয়ে যায় ও সব জিনিস, কিন্তু অপূর্ববাবুর সব বিষয়ই একটু বিশেষত্ব আছে ত—উনি রিণিকে দিয়ে পছন্দ করিয়ে তবে কিনবেন! বলিয়া বেলাদি তাঁহার স্বাভাবিক রীতিতে অধর দংশন করিয়া অপূর্ববাবুর প্রতি একটা ব্যঙ্গ দৃষ্টি নিষ্ক্ষেপ করিলেন।

ওমা, ঠিক এই এডিসনের একটা কীটসুও রয়েছে যে—

রিণি একটা বুক শেলফের কোণ হইতে কীটসুকে টানিয়া বাহির করিল। শুধু বাহির করিল নয়, লুকুভাবে তাহার পাতাগুলি উলটাইতে লাগিল। অপূর্ববাবু একটা টোক গিলিয়া শঙ্কিত দৃষ্টিতে সেদিকে চাহিয়া আছেন দেখিয়া গভীরভাবে বেলাদি বলিলেন, ওটাও নেওয়া উচিত। ওটাও কিনে নিন অপূর্ববাবু!

বেশ ত বেশ ত!

অপূর্ববাবু কিন্তু মনে মনে ঘামিতে লাগিলেন। তাঁহার কাছে আর পয়সা ছিল না।

এটাও নিই তা হ'লে? বাড় ফিরাইয়া রিণি স্মিত হাস্তে অপূর্ববাবুকে প্রশ্ন করিলেন।

বেশ ত বেশ ত! আমি নিয়ে যাব ওটা পাঁচটার পর এসে, মানে এখন আমার কাছে দামটা ঠিক নেই—মানে, দশটাকার নোট আনতে ভুলে একটা পাঁচটাকার নোট—মানে, তাড়াতাড়িতে—

অপূর্ববাবু অকারণে মনিব্যাগটা বাহির করিয়া সেটা খুলিয়া সেই দিকেই নিবন্ধদৃষ্টি হইয়া রহিলেন। শঙ্করের কাছে টাকা ছিল। সে তৎক্ষণাৎ একটা দশটাকার নোট বাহির করিল ও অপূর্ববাবুকে বলিল—এই যে নিন না, আমার কাছে আছে।

বেলাদির চক্ষু দুইটিতে ছুঁটির হাসি ফুটিয়া উঠিয়াছিল। রিণি একটু কুণ্ঠিত সলজ্জকণ্ঠে বলিলেন, থাক, আর দরকার নেই তা হ'লে।

আমার দরকার আছে।

শঙ্কর বহিখানি কিনিয়া লইল। অপূর্ববাবুর মুখ চোখের ভাব এমন করুণ হইয়া উঠিল—যেন কেহ তাঁহার গালে চড় মারিয়া তাঁহার মুখের গ্রাসটি কাড়িয়া লইয়াছে।

বেলাদি হাসিয়া বলিলেন, এটা কিন্তু ঠিক হ'ল না

শঙ্করবাবু, অপূর্ববাবুকেই ওটা কিনতে দেওয়া উচিত
আপনার—

হ্যাঁ, অপূর্ববাবুর জন্তেই ত কিনলাম ওটা। এখন টাকা
নেই গুঁর কাছে—বইটা যদি বিক্রি হয়ে যায় আবার! এই
নিশ্চিন্দ। শঙ্করবাবু বহিখানি অপূর্ববাবুকেই দিল।
ধন্যবাদ, দামটা আপনাকে নিতে হবে কিন্তু।
বেশ দেবেন।

শঙ্কর নূতন পুস্তকের খোঁজে একটা শেল্ফের পিছনের
দিকে গেল। দেখিল যে পিছনের দিকে একই সংস্করণের
বায়রন ও বার্নস্‌ও রহিয়াছে। সে ছুটিও সে কিনিয়া
লইল। তাহার পর একটু ভাবিয়া পকেট হইতে কলম
বাহির করিয়া অপর সকলের অগোচরে বহি দুইখানিতে
কি যেন লিখিল। তাহার পর বই দুটি বগল-দাড়া করিয়া
সে বলিল, এইবার যাওয়া যাক তা হ'লে! মিস্‌ মিত্র কি
কলেজ যাবেন নাকি?

হ্যাঁ।

আর আপনি?—বেলাদিকে সে প্রশ্ন করিল।

আমিও ওই দিকেই যাব। অপূর্ববাবু ত আপিস
যাবেন?

হ্যাঁ, আমাকে আপিসে ফিরতে হবে।

চারিজনে বাহির হইয়া ট্রামের অপেক্ষায় দাঁড়াইলেন।

অপূর্ববাবুর ট্রাম আসিতে তিনি সবিনয় নমস্কারাদি
শেষ করিয়া ট্রাম ধরিয়া আপিসে চলিয়া গেলেন।

শঙ্কর বলিল, চলুন না হাঁটাই যাক একটু।

তিনজনে হাঁটিতে সুরু করিলেন।

বেলাদি বলিলেন, আপনি কি বই কিনলেন, দেখি!

দেখাচ্ছি, কিন্তু তার আগে আমার একটা অল্পরোধ
রাখতে হবে।

কি অল্পরোধ?

অল্পরোধটা সাংগাতও বলতে পারেন, অসাংগাতও বলতে
পারেন। আপনার সঙ্গে আজ আমার প্রথম আলাপ,
আজই আপনাকে একটা কিছু উপহার দেওয়া স্পর্ধার মত

দেখাবে; কিন্তু আজকের এই প্রথম আলাপটাকে স্মরণীয়
করো রাখতে ইচ্ছে করছে।—রাগ করবেন?

না, রাগ করব কেন?

তা হ'লে এইটে নিশ্চিন্দ।

বায়রণের কাব্য গ্রন্থাবলীটি শঙ্কর তাঁহার হস্তে তুলিয়া দিল।
বেলাদি অধর দংশন করিয়া মলাটটি খুলিয়া পড়িলেন,
গোটা গোটা অক্ষরে ইংরেজীতে লেখা রহিয়াছে—
Please accept Byron.—Shankar. তাহার পর
চক্ষু তুলিয়া হাসিয়া বলিলেন, I accept. Thanks.

তাহার পর রিণির হাতে বার্নস্‌খানি দিয়া শঙ্কর
বলিল, আপনার জন্মদিনের নেমন্তন্ন আমিও পেয়েছি নিশ্চিন্দ
মিত্র। যাব ঠিক। কিন্তু একটা উপহার বগলে রাখ
যেতে আমার লজ্জা করবে। ও জিনিসটা ভারি ভাল
ঠেকে আমার কাছে; তাই ও ব্যাপারটা এখনই সে
দিলাম। আপনি যে এত কবিতা ভালবাসেন তা ত জমা
ছিল না আমার। আমার ধারণা ছিল, সোনাদিই
কবিতা-পাগল।

এই শুনিয়া বেলাদি বলিলেন, সোনাদি কবি হইলে
কবিতা-পাগল হন, শিল্পী দেখলে ছবি-পাগল হন, বৈজ্ঞানিক
দেখলে বিজ্ঞান-পাগল হন!

রিণি কিছু বলিল না। লজ্জিতমুখে চুপ করিয়া রহিল।

বেলাদি রিণির হাত হইতে বার্নস্‌খানি লইয়া
বলিলেন, দেখি তোমার বইটাতে কি কবিত্ব করলেন উনি!

তার আগে দাঁড়ান আমি যাই—

বলিয়া শঙ্কর আর উত্তরের অপেক্ষা না করিয়া একখানা
চলন্ত ট্রামে উঠিয়া পড়িল।

বেলাদি খুলিয়া দেখিলেন লেখা রহিয়াছে—It Burns
—Shankar.

রিণিও দেখিয়াছিল। তাহার ইচ্ছা করিতেছিল মাটির
সহিত মিলাইয়া যাইতে!

বেলাদি অধর দংশন করিয়া ধাবমান ট্রামটার প্রতি
চাহিয়া রহিলেন। (ক্রমশঃ)



কথা ও সুর :—কাজী নজরুল ইসলাম

স্বরলিপি :—জগৎ ঘটক

গান

নারায়ণী*—তৃতাল

নারায়ণী উমা খেলে হেসে হেসে।

হিম-গিরির বৃকে পাহাড়ী বালিকা বেশে ॥

গিরিগুহা হ'তে জ্যোতির বরণা

ছুটে চলে যেন চল-চরণা,

তুষার-সায়রে সোনার কমল যেন

বেড়ায় ভেসে ॥

মাধবী চাঁদ উঠে কৈলাস-চূড়ে,

খেলা তুলিয়া যায় অনিমেঘ চোখে চায়

পাষণ প্রতিমা প্রায় সেই স্তূপে।

সতীহারা বোগী পাগল শঙ্করে

মনে পড়িয়া তার নয়নে বারি ঝরে,

শিব-সীমস্তিনী পাগলিনী প্রায়

“শিব শিব” ব'লে ধায় মুক্তকেশে ॥

|| সা গা ধা | সা - রা মা | গা ধা - পা | সা - রা সা ||

না রা য গী ° উ মা পে লে ° হে সে ° হে সে

I | মা সরা সা | রা -মা পা ধা | সর্মা সর্মা সর্মা সর্মা | ধা পধা পা মা II

হি ম গি রি বৃ বৃ কে পা হা ড়ী বা লি কা° বে শে

II | গধা পমা সরা | সর্মা -পা পা পা | সর্মা সর্মা সর্মা সর্মা | ধা পধা পধা সর্মা II

গি° রি° গু হা ° হ' তে ° জ্যো তি র বা র° গা° °

I | পধা সর্মা সর্মা | রা - সর্মা সর্মা | সর্মা -পপা -গধা -ধা | পমা সরা সর্মা - II

ছ° .টে° চ লে ° যে ন চ° °° °° ল চ° রণা গা° °°

I	।	রা	ণা	সা	।	রা	মা	পধা	-	ধধা	।	পা	পা	-	পা	।	পধপা	-	ধপা	পা	পা	।				
		তু	যা	র		সা	য়	রে		সো	না	ক	ক		ম	০০০	০০	ল	যে	ন						
I	।	পধা	পমা	পা	।	ধর্মা	-	র্মা	র্মা	-	।	ণা	ধধা	-	পা	।	মা	-	রা	সা		II				
		বে	ডা	য়		ভে		সে		থে	লে		হে	সে		হে	সে									
II	।	মপা	-	ধর্মা	র্মা	র্মা	।	র্মা	র্মা	-	ধধা	পা	মা	।	-	ম	পমা	রা	সা	।	ণা	-	ধধা	ধসা	-	।
		মা		ধ	বী	টা		দ	উ	ঠে		কৈ	লা	স		চু		ডে								
I	।	রা	ণা	সা	।	রা	রমা	মরা	মার	।	রা	মা	পা	ধধা	।	পা	পা	পা	-							
		থে	লা	ভু		লি	য়া	যা	য়		অ	নি	মে	ষ		চো	থে	চা	য়							
I	।	ণা	ধধা	ধপা	মা	।	মরা	রা	সা	ণা	।	পসা	-	রমা	-	পধা	ধধা	।	পা	-	মা	-				
		পা	যা	এ	প্র		তি	মা	প্রা	য়		সে		ই	সু		দু		রে							
I	।	রা	মা	পা	।	ধধা	র্মা	র্মা	র্মা	।	ধা	-	র্মা	র্মা	র্মা	।	র্মা	-	র্মা	র্মা	র্মা					
		স	তী	হা		রা		যো	গী		পা		গ	ল		শ	ঙ		ক		রে					
I	।	র্মা	র্মা	র্মা	।	ণা	ধধা	পধা	মা	।	।	রা	মা	পা	।	ধধা	ধপা	মা	রা	সা						
		ম	নে	প		ডি	য়া	তা	র		ন	য়	নে	বা		রি		ঝ	রে							
I	।	মা	রা	পা	।	পমা	-	পরা	রা	সা	।	-	ধধা	পমা	রসা	।	রা	মা	মপা	-						
		শি	ব	সী		ম	ন্	তি	নী		পা	গ	লি	নী		প্রা	য়									
I	।	র্মা	র্মা	র্মা	।	ণা	ধধপধা	পমা	-	।	মা	রা	-	রসা	।	মরা	-	পসা	সা	-		II				
		শি	ব	শি	ব		ব	লে	০০০		ধা	য়	মু		ক		ত	কে		০০		শে				

* এই রাগ আমাদের দেশে অপ্রচলিত কিন্তু কর্ণাটদেশে ইহার চলন বেশ দেখা যায়। নানা কারণে অনেক রাগ-গীর্ঘী গায়কমহলে অব্যবহৃত হইয়া আসিতেছে; ইহার ফলে ঐ সকল রাগ-রাগিণী বিলুপ্তপ্রায় হইতে চলিয়াছে। এই সকল রাগ-রাগিণীর সংখ্যা কম নহে। ইহাদের কতকগুলির লক্ষণ প্রাচীন গ্রন্থে পাওয়া যায়; কতকগুলি বিশিষ্ট গায়ক বা ওস্তাদগণ শুধু আপনাই গাহিয়া থাকেন,—(ঐ সকল রাগ ক্রমে ক্রমে অপ্রচলিত হইয়া আসায়, দুস্তাপ্য হইয়া উঠিতেছে দেখিয়া উঁহাদের অনেকেই ঐ সকল রাগের প্রসার কমাইয়া আপনাদের মধ্যেই গণ্ডীবদ্ধ করিয়া রাখিবার নিমিত্ত অপরকে শিখাইতে অনিচ্ছুক); এবং এই সব অপ্রচলিত রাগের কতকগুলি এখনও কর্ণাটের মত কোন কোন প্রদেশে সমধিক প্রচলিত দেখা যায়।

“নারায়ণী”—খাম্বাজ ঠাটের ও ওড়ব-খাডব জাতীয়। সকল সময়েই গাওয়া হয়। বাদী=সা; সন্বাদী=পা।


—স্বরলিপিকার

মাদ্রাজ ও দক্ষিণ ভারত

ডক্টর শ্রীবিমলাচরণ লাহা এম্-এ, বি-এল, পিএইচ্-ডি

গত জুন মাসে আমরা মাদ্রাজ ও দক্ষিণ ভারত দেখিতে গিয়াছিলাম। মাদ্রাজ শহরটি সমুদ্রতীরে অবস্থিত থাকায় কলিকাতা অপেক্ষা ভাল বলিয়া মনে হয়। এখানকার সমুদ্রতটটি মনোরম ও শান্তিপূর্ণ। বালুকাভূমি তটের নিকটে ভাঙ্গা চলন-পথ আছে; তাহার পর বড় রাস্তা এবং রাস্তার অপ-দিকে আবার চলন-পথ আছে। চলন-পথের ধারে বড় বড় অট্টালিকা দেখিতে পাওয়া যায়। অট্টালিকার মধ্যে অধিকাংশই সরকারী আপিস। মাদ্রাজের পথগুলি পিচ দিয়া বাঁধান এবং প্রশস্ত। সমুদ্রতটের সম্মুখে বিখ্যাত হাট, বিধবাদের কলেজ, সেনোটপ, সেন্ট জর্জ হুর্গ, মহীশূর মহারাজের প্রাসাদ প্রভৃতি স্মরণ্য অট্টালিকা অবস্থিত। সেন্ট জর্জ হুর্গটি ১৬৪৪ খ্রীষ্টাব্দে নির্মিত হইয়াছিল এবং সর্বপ্রথমে ইহা একটি কারখানা ছিল। এই হুর্গের মধ্যে একটি বহু পুরাতন প্রোটেষ্ট্যান্ট গীর্জা আছে। এই গীর্জায় লর্ড ক্লাইবের বিবাহ হইয়াছিল। এখন ইহার মধ্যে সরকারী আপিস দেখিলাম, যথা—রায়কাউন্টেন্ট জেনারেল-এর আপিস। মাদ্রাজ শহর হইতে কিছু দূরে একটি স্মরণ্য স্থান আছে তাহার নাম আদিয়ার। এখানে আনি বেশান্ত কর্তৃক স্থাপিত খ্রীষ্টীয়কাল সোসাইটি একটি বৃহৎ উদ্যানের মধ্যে দেখিতে পাওয়া যায়। এখানে আমরা খ্রীষ্টীয়কাল সোসাইটির স্মরণ্য গ্রন্থশালা দেখিলাম। আমরা এই উদ্যানে একটি পুরাতন বটবৃক্ষ তলে বসিয়াছিলাম এবং সমুদ্রের শোভা এই স্থান হইতেও উপভোগ করিতেছিলাম। আদিয়ারের সমুদ্রতট ইলিয়টবীচ নামে সুপরিচিত এবং ইহা মাদ্রাজের সমুদ্রতট অপেক্ষা ভাল। এই নির্জন স্থান আমার খুব ভাল লাগিয়াছিল। এখানে আমরা প্রায়ই সন্ধ্যার সময় বেড়াইতে আসিতাম এবং সমুদ্রতটে বসিয়া রত্নাকরের অহরহ কল্লোল শ্রবণ করিতাম। মাদ্রাজের যুগ্মসিদ্ধ ধনী আনামল চিড়িয়ার-এর সুন্দর এবং বিশাল অট্টালিকা আদিয়ারের পথে দেখিতে পাওয়া যায়।


মাদ্রাজ শহর কলিকাতার তায় একরূপ জনাকীর্ণ নহে। তবে এখানকার কতকগুলি পল্লী আছে—যেগুলি আমাদের কলিকাতার বড়বাজারের তায়; যথা—চায়না বাজার, মাড়োয়ারী পটি, মায়লাপুরের বাজার, জর্জ টাউন, এস্প্রানেড প্রভৃতি। এখানে আমরা চিড়িয়াখানা দেখিলাম। ব্যাঘ্র এবং সিংহের সংগ্রহ উল্লেখযোগ্য। ইহা



তিরুবতুর মন্দির

ব্যতীত একটি সুন্দর জেব্রা দেখিলাম। চিড়িয়াখানাটি ছোট কিন্তু সুসজ্জিত। যাদুঘর দেখিলাম, কলিকাতার যাদুঘরের তায় বড় নহে। এখানকার যাদুঘরের মৃত জীব-জন্তুর সংগ্রহ প্রশংসনীয়। ইহা ব্যতীত প্রাচীন প্রস্তরমূর্তি, শিলালিপি, স্তূপের ধ্বংসাবশেষ, অমরাবতীর ভাস্কর্য

সুন্দরভাবে এবং যত্ন সহিত রাখা হইয়াছে। এখানকার প্রভুত্ব বিভাগের অধ্যক্ষ শ্রীযুক্ত শিবরাম মুক্তি মহাশয়ের সহিত আমার আলাপ হইল এবং তাঁহার সহিত প্রভুত্ব বিভাগের সংগ্রহগুলি বেশ ভাল করিয়া দেখিলাম; কিন্তু সময় সংক্ষেপের জন্য আর একদিন দেখিবার ইচ্ছা ছিল, কিন্তু তাহা ঘটয়া উঠিল না। ষাটঘরটি শহরের নিকটে এবং নির্জন স্থানে অবস্থিত। মাদ্রাজে একটি নূতন জিনিষ দেখিলাম যাহা অল্প কোথাও দেখিতে পাওয়া যায় না। ইহা সমুদ্রতটস্থ জীবন্ত মৎস্য, সর্প এবং বহুপ্রকার জলজ জন্তুর সংগ্রহ স্থান, গ্যাকোয়ারিয়াম নামে বিখ্যাত। বড় বড় কাঁচের পাত্রে ইহাদিগকে রাখা হইয়াছে; সন্ধ্যার সময়ে ইলেকট্রিক আলোকে এই পাত্রগুলি আলোকিত করা হয় এবং সেই সময়ে এই জলজ প্রাণীর শোভা দেখিবার জিনিস। ইহা একটি ভারতের আশ্চর্যের বস্তু। মাদ্রাজ বিশ্ববিদ্যালয় কলিকাতার বিশ্ববিদ্যালয় অপেক্ষা বড় নহে; কিন্তু যে স্থানে ইহা স্থাপিত হইয়াছে সে স্থানটি সমুদ্র সৈকতের সন্নিকটে এবং কলিকাতার



মাদ্রাজ শহরের মাইলাপুরের মন্দির এবং এই নদীর সহিত সমুদ্রের যোগ আছে। মাদ্রাজের সমুদ্রতরঙ্গ পুরীর সমুদ্রতরঙ্গের তায় অধিক উত্তাল নহে। প্রত্যেক সন্ধ্যাবেলায় সমুদ্রতীরে বহু লোকের সমাগম হয়। এখানে একটি রেডিওর দ্বারা সংবাদ এবং গান প্রচার করা হয়। সমুদ্রের সন্নিকটে রাস্তার অপর দিকে একটি ফোয়ারাও দেখিলাম, রক্তাকরের বালুকাময় তটে সভ্য-সমিতির আহ্বানের স্থান এবং প্রত্যেক সোমবার এখানে গোরাবাদের বাজনা শোনা যায়।

এদেশে বাঙ্গালীর সংখ্যা খুবই কম। আদিয়ার সমুদ্রতটে আমাদের সহিত কেবলমাত্র একটি বাঙ্গালীর সাক্ষাৎ হইয়াছিল। তিনি প্রভুত্ব বিভাগের অধ্যক্ষ

ব্যাঙ্ক, আসনাল ব্যাঙ্ক, রিজার্ভ ব্যাঙ্ক প্রভৃতি বড় বড় ব্যাঙ্ক আছে। এই শহরে দুইটি রেলওয়ে স্টেশন আছে—মাদ্রাজ (সেন্ট্রাল) এবং এগমোর। এগমোর স্টেশন হইতে দক্ষিণ ভারতে রেলপথে যাইতে পারা যায়। মাদ্রাজে স্পেন্সার কোম্পানী কর্তৃক চালিত কনেনারা নামে একটি বিখ্যাত হোটেল আছে। এই হোটেলটি বোম্বাই-এর তাজমহল হোটেল অপেক্ষা অনেক ছোট, কিন্তু সুন্দর ও সুরক্ষিত।


মাদ্রাজে অনেকগুলি সর্বাঙ্গ ছবিঘর দেখিতে পাওয়া যায়। এখানে ইংরেজী এবং তামিল সর্বাঙ্গ চিত্র দেখান হয়। আমরা দুই-একটি তামিল সর্বাঙ্গ চিত্র দেখিয়া সন্তোষ লাভ করিয়াছি।

অনেক ভাল। বিশ্ববিদ্যালয়ের গ্রন্থালা, রেজিষ্টার-এর আপিস প্রভৃতি সব দেখিলাম এবং দেখিয়া পরম প্রীতি লাভ করিলাম। মাদ্রাজে একটি আর্ট কলেজ আছে এবং রায় চৌধুরী মহাশয় ইহার অধ্যক্ষ। মাউন্ট রোডে ইংরেজ এবং ভারতবাসীর বহু দোকান দেখিতে পাইলাম, যথা—হোয়াইটওয়ে লেডল', ল্যারেন্স মেয়ো, মহীশূর আর্টস ও ক্রাফট প্রভৃতি। দক্ষিণ ভারতের নানারকম চন্দনকাষ্ঠ-নির্মিত চেয়ার টেবিল প্রভৃতি মহীশূর আর্টস ও ক্রাফটস-এ রাখা হইয়াছে। এই দোকানটি প্রত্যেক বিদেশীর দেখা কর্তব্য। ইহা ব্যতীত এখানে হিগিন-বোথমস্-এর একটি বড় পুস্তকের দোকান আছে। এখানে বহুপ্রকার পুস্তক পাওয়া যায়। এখানে ইম্পিরিয়াল

শ্রীযুক্ত জি-সি-চন্দ্র। তিনি বলিলেন, এখানে মাত্র পঁচাত্তর জন বাঙ্গালী আছে। অধিকাংশ লোক তামিল ভাষায় কথাবার্তা বলে। তেলেগু ভাষা খুব কম লোকে জানে। বিদেশীর পক্ষে ইংরেজী ভাষা বলা ছাড়া আর গত্যন্তর নাই। বাজারের সব লোক ইংরেজী জানে না। মোটর চালকের মধ্যে সর্বাঙ্গ ইংরেজী বোলে না। এদেশের লোকেরা বিদেশদিগকে যথেষ্ট সাহায্য করে; তাহারা পরোপকারী, ধর্মভীরু এবং সজ্জন। এখনও মাদ্রাজের অনেক ঘরে বৈদিক পণ্ডিতের দ্বারা বেদের মন্ত্র উচ্চারিত হয়।


মাদ্রাজ বিশ্ববিদ্যালয়ের অধ্যাপক রামচন্দ্র দীক্ষিত মহোদয়ের ভবনে আমরা বৈদিক পণ্ডিতদিগের বেদমন্ত্র উচ্চারণ শুনিয়া অত্যন্ত আনন্দিত হইয়াছি। এখানে অধিকাংশ লোক মৎস্য ও মাংস খায় না এবং গোঁড়া হিন্দুর সংখ্যা খুব বেশী।

মাদ্রাজ শহরে অনেকগুলি মন্দির আছে। মন্দিরগুলির মধ্যে পার্শ্বসারথীর মন্দির এবং কপিলেশ্বর মহাদেবের মন্দির বিশেষভাবে উল্লেখযোগ্য। পার্শ্বসারথীর মন্দির ট্রিপ্লিকান্ নামক স্থানে অবস্থিত। মাদ্রাজ শহর দখল করিবার পর ইংরেজেরা ট্রিপ্লিকান্ দখল করিয়াছিল। মাদ্রাজের অপর একটি পুরাতন স্থানের নাম ময়লাপুর। এখানে কপিলেশ্বর মহাদেবের মন্দির আছে। পার্শ্বসারথীর মন্দির সর্বাঙ্গ পুরাতন। প্রত্যেক মন্দিরে তোরণ, মণ্ডপ ও পুরিণী আছে। পার্শ্বসারথীর মন্দিরের কারুকার্য মন্দ নহে। মন্দিরের সম্মুখে একটি বৃহৎ রথ দেখিলাম এবং মিলিাম, এই রথ সজ্জিত করিয়া দেবতাকে এখানে বসান হইয়াছে, কিন্তু টানা হয় না। মাদ্রাজ শহর হইতে যোল মাইল দূরে তিরোবতুর নামে একটি পুরাতন মন্দির দেখিলাম, এই মন্দিরে একটি শিবলিঙ্গ আছে। বহুদিন হইতে শুনিয়া আসিতেছিলাম যে মাদ্রাজ ও দক্ষিণাত্যের মন্দিরগুলিতে মন্দির প্রবেশ নিষেধ; কিন্তু এখন প্রত্যক্ষ দেখিলাম যে



তানজোরের মন্দিরের গোপুরম


আহ্বান করে এবং প্রতিমা দর্শনও বেশ ভাল করিয়া লাভ করা যায়।



মাহারার মীনাক্ষিমন্দিরের অভ্যন্তরে পুষ্করিণী

মাদ্রাজের সাধারণ লোকের একস্থান হইতে অল্প স্থানে বাতায়ানের বিশেষ সুবিধা আছে। এখানে সুন্দর সুন্দর বাস ও ভাড়াটিয়া মোটর গাড়ীও পাওয়া যায়। ট্রাম গাড়ীও আছে; কিন্তু কলিকাতার ট্রাম গাড়ীর মত এত সুন্দর ও সুনির্মিত নহে। সমুদ্রতট অবধি ট্রাম গাড়ী করিয়া যাওয়া যায়।

মাদ্রাজের স্বাস্থ্য ভাল বলিয়া মনে হইল। সমুদ্রতীরে অবস্থিত বলিয়া ইহা নাতিশীতোষ্ণ। আমরা যতদিন এই শহরে ছিলাম মধ্যাহ্নে ও সন্ধ্যায় নিশ্বল ও শীতল বায়ু আমাদের আনন্দ দিত। দুই-এক দিন বৃষ্টিও পাইয়াছিলাম।



মাদুরার মীনাক্ষিমন্দিরের প্রবেশদ্বার


মোটর উপর স্থানটি ভালই লাগিল। এখানে বাড়ী ভাড়া বোঝাই এবং কলিকাতার বাড়ীভাড়া অপেক্ষা অধিক নহে; তবে অধিকাংশ বাড়ীতে স্নানঘরের অভাব।

মাদ্রাজের সমুদ্রতট ব্যতীত আরও অনেক বেড়াইবার জায়গা আছে। লাটসাহেবের প্রাসাদের সন্নিকটে কলিকাতার গড়ের মাঠের স্থায় ছোট ছোট মাঠ আছে এবং দুই-একটি পার্কও আমরা দেখিয়াছি। ভেপারি এবং সান থম নামে দুইটি পল্লী আছে, যেখানে স্যান্টো-ইগুয়ানরা বাস

করে। মাদ্রাজের ঘোড়দৌড়ের মাঠ, বাকিংহাম এবং কার-নাটিক নামক কাপড়ের কল, পেনসিলের কল ইত্যাদি বিদেশীয় দেখিবার বস্তু। ইহা ব্যতীত এখানে অনেক সুন্দর সুন্দর অট্টালিকা আছে, যথা—হাইকোর্ট, মেডিক্যাল কলেজ, টাউনহল, লাইট হাউস, ভিক্টোরিয়া টেকনিক্যাল ইনস্টিটিউট ইত্যাদি। ভারতবর্ষের তৃতীয় শহর মাদ্রাজ দেখিয়া আমরা আনন্দ পাইয়াছি। এই শহর দেখিবার পর আমরা দক্ষিণাত্য দেখিতে বাহির হইলাম।

মাদ্রাজে কিছুদিন বাস করিয়া আমরা রাজি নগরীর সময়ে মাদ্রাজ হইতে ইন্দো-সিলোন এক্সপ্রেস করিয়া ভোর সাড়ে পাঁচটায় তানজোরে পৌঁছিলাম। কাবেরী নদীর সন্নিকটে তানজোর দেশ অবস্থিত। ইহা একটি বহু পুরাতন স্থান। তানজোর স্টেশন হইতে এক মাইলের মধ্যে বৃহদেশ্বর মহাদেবের মন্দির আছে। মন্দিরটি দুইশত সত্তর ফুট উচ্চ এবং নিপুণ কারুকার্যে শোভিত। এই মন্দিরের বর্ষিকৃত দুইটি গণপতির মন্দির দেখিলাম। বড় মন্দিরের সম্মুখে বিশাল প্রস্তরনির্মিত বৃষ আছে। মন্দিরের কোণাধ্যক্ষ শ্রীযুক্ত সোমসুন্দর পিলাই মহাশয় আমাদেরকে ভাল করিয়া সমস্ত দেখাইলেন। এত বড় শিবলিঙ্গ আমরা আর কোথাও দেখি নাই। শিবলিঙ্গের কপালে একটি বড় চন্দনের ফোঁটা রহিয়াছে। বড় মন্দিরের চারিদিকে প্রস্তর ভাস্কর্যের চরম উন্নতি দেখিতে পাওয়া যায়। মন্দিরের চতুর্দিকে দ্বারপাল, গণেশ, কার্তিক, সশস্ত্র সৈনিক প্রভৃতির খোদিত মূর্তি রহিয়াছে। বড় মন্দিরের একদিকে বৌদ্ধ জাতকের একটি নিদর্শন দেখিতে পাইলাম। আমাদের দেশে কার্তিক পাখা-খোলা ময়ূরের পৃষ্ঠের উপরে বসিয়া আছে দেখিতে পাওয়া যায়; কিন্তু এখানে পাখা-বন্ধ ময়ূরের পৃষ্ঠের একদিকে কার্তিক বসিয়া আছে দেখিলাম। মন্দিরের মধ্যে একটি ছোট বাহুবর আছে। এই ঘরে তানজোরের নায়ক ও মহারাষ্ট্র নৃপতিদের পুরাতন অস্ত্র, আচ্ছাদন চিত্র প্রভৃতি রহিয়াছে। মন্দির দেখিয়া আমরা নায়ক রাজাদের প্রাসাদ দেখিতে গেলাম। প্রাসাদ ভগ্নাবস্থায় রহিয়াছে এখন এখানে কোম্পানির আপিস আছে। নায়ক রাজাদের পর ত্রি প্রাসাদ মহারাষ্ট্রদের হস্তগত হইয়াছিল এই প্রাসাদে ত্রিশ একর জমি আছে। চোড়, নায়ক এক মহারাষ্ট্র রাজাদের রাজধানী ছিল তানজোর। এখানে

ছোট ছোট অনেক মন্দির আছে এবং সর্কাপেক্ষা বৃহৎ মন্দির বৃহদেশ্বর মহাদেবের মন্দির। এই মন্দিরের চারিদিকে পরিখা রহিয়াছে। স্টেশন হইতে মন্দির দেখিতে পাওয়া যায়।




মীনাক্ষি মন্দিরের অভ্যন্তরের কারুকার্য

তানজোর দেশটি খুব বড় নহে; কিন্তু অত্যন্ত জনাকীর্ণ। অনেক ছোট ছোট অট্টালিকা, আদালত, নায়ক রাজাদের দরবার হল, বিখ্যাত তালপাতার পুঁথিশালা ইত্যাদি আছে। এই পুঁথিশালাটি বৃহবার দিন বন্ধ থাকে। ইহা ব্যতীত তানজোরে শিবগঙ্গা পুষ্করিণী, শিবগঙ্গার বাগান প্রভৃতি আছে। এই শহরে মিউনিসিপাল ডাকবাংলা এবং রাজার ছত্রম (পথিকদিগের থাকিবার স্থান) আছে। তানজোর জেলার প্রধান শহর তানজোর দেখিয়া আমরা মাদুরাভিমুখে অগ্রসর হইলাম।

রাজি সাড়ে সাতটার সময় আমরা তানজোর ত্যাগ করিলাম এবং সেই রাত্রেই ত্রিচিনোপলিতে পৌঁছিলাম। শ্রীরঙ্গমের দেশে রাজি অতিবাহিত করিয়া পর দিবস মাদুরায় পৌঁছিলাম। মাদুরা শহরটি বৈগী নদীর তীরে অবস্থিত। ইহা একটি বাণিজ্যস্থান এবং বহু জনাকীর্ণ। তত্ত্বাবধায়

এখানে বস্ত্র তৈয়ারী করে এবং বিক্রয়ের জন্ত বহু দেশে পাঠায়। মাদুরা স্টেশন হইতে বিষ্ণুমন্দির দেখিতে পাওয়া যায়। বিষ্ণুমন্দিরটি কৃষ্ণ প্রস্তর নির্মিত এবং সুনিপুণ কারুকার্যে সুশোভিত। দক্ষিণাত্যের প্রত্যেক মন্দিরে পরিক্রমণ করিবার জন্ত চারি ধারে রাস্তা আছে। বিষ্ণুমন্দির দেখিয়া আমরা মীনাক্ষী মন্দির দেখিতে গেলাম। এই মন্দিরটি মাদুরার সর্কাপেক্ষা বড় মন্দির। ইহার মধ্যে বাজার, পুষ্করিণী, চত্বর, মণ্ডপ, তোরণ সবই দেখিতে পাইলাম। মীনাক্ষী দেবী সূবর্ণ নির্মিত। মৎস্তের তায় ইহার চক্ষু বলিয়া ইহার নাম হইল মীনাক্ষী। ইহা আমাদের লক্ষ্মী। এই মন্দিরের সীমানায় শিবের মন্দির রহিয়াছে এবং এই শিবের মন্দিরের উপর সোনার পাত দেখিতে পাওয়া যায়। দক্ষিণাত্যের প্রত্যেক মন্দিরে স্বর্ণ নির্মিত স্তম্ভ আছে এবং উৎসবের দিনে ত্রি ধ্বজা সুসজ্জিত করা হয়। মাদুরার সুবিখ্যাত মীনাক্ষী মন্দিরে একষটি একর জমি আছে। এই মন্দির হইতে দুই মাইলের মধ্যে একটি পুষ্করিণী আছে এবং ত্রি পুষ্করিণীর মধ্যভাগে একটি মণ্ডপ আছে। কোন এক নির্দিষ্ট দিনে উৎসব হয় এবং এই স্থানে মীনাক্ষী দেবীকে আনা হয়। এই উৎসবে বহুলোক যোগদান করে।


মাদুরা শহরটি ব্যবসাস্থান বলিয়া এখানে বড় বড় ব্যাঙ্ক আছে। আমরা ইম্পিরিয়াল ব্যাঙ্ক দেখিলাম এবং অনেকগুলি বড় বড় দোকানও দেখিতে পাইলাম। শহরের



মাদুরা শহর হইতে দুই মাইল দূরে অবস্থিত মণ্ডপ, পুষ্করিণী, ইত্যাদি রাস্তাগুলি পিচ দিয়া বাঁধান। এই শহরে ভাড়াটিয়া মোটর গাড়ী প্রভৃতি সবই পাওয়া যায়। মাদুরা একটি বহু

পুরাতন নগর এবং এক সময়ে পাণ্ড্য রাজাদিগের রাজধানী ছিল। এখানে অনেকগুলি কাপড়ের কল আছে। মাদ্রাজ প্রেসিডেন্সির মধ্যে সর্বাপেক্ষা বৃহৎ নগর মাদ্রাজ এবং তাহার পর মাছুরা। মাছুরা শহর পুঞ্জীভূতপুঞ্জরূপে পরিদর্শন করিয়া আমরা রামেশ্বর অভিমুখে যাত্রা করিলাম।


রামেশ্বর হিন্দুদিগের একটি বিখ্যাত পুণ্য স্থান। ইহা একটি দ্বীপ। সাউথ ইণ্ডিয়ান রেলওয়ে কোম্পানী বহু অর্থ ব্যয় করিয়া সমুদ্রের উপর সুদীর্ঘ পোল নির্মাণ করিয়াছে এবং এই পোল নির্মাণের ফলে যাত্রীরা খুব সহজেই এই পুণ্য স্থানটি দর্শন করিতে সমর্থ হইতেছে। স্থানটি খুব মনোরম বলিয়া মনে হইল। আমরা খুব ভোরে সুপ্রসিদ্ধ রামনাথস্বামী মন্দির দর্শন করিতে গেলাম। মন্দিরটি সুদীর্ঘ এবং সুবিস্তৃত; ইহার চত্বরও তদ্রূপ। প্রবেশ-পথের চারিদিকে সুন্দর এবং অসংখ্য উচ্চ স্তম্ভ



মাছুরার বিষ্ণুমন্দির

দেখিয়া বাস্তবিকই আশ্চর্য্য হইতে হয়। রামচন্দ্র প্রতিষ্ঠিত শিবলিঙ্গ দর্শন করিয়া পার্বতী, অন্নপূর্ণা, রাম, লক্ষ্মণ, সীতা ও

হনুমানের মূর্তি দেখিলাম। ড্রাবিড় ভাস্কর্য্যের চরমোৎকর্ষ দেখিয়া মন্দিরটিকে প্রশংসা না করিয়া থাকি যাই না। এই



সমুদ্রতটে মহাবলীপুরের মন্দির


মন্দিরের সম্মুখে একটি বৃহৎ প্রস্তর নির্মিত নদী-বৃষ আছে। তানজোরের বৃষ অপেক্ষা বড় বলিয়া মনে হইল। ইহার পর আমরা আর একটি আশ্চর্য্যজনক জিনিষ দেখিলাম। একটি বৃহৎ হস্তী সমুদ্র হইতে জল আনয়ন করিয়া দেবতার সম্মুখে উপবিষ্ট হইয়া সেই জল দেবতার উদ্দেশে অর্পণ করিল। অর্পণ করিবার পর দেবতাকে প্রণাম করিয়া সেখান হইতে প্রস্থান করিল। রামেশ্বরের সমুদ্রতীর হইতে ধনুষকোড়ির বালুকাময় স্থানটি দেখিতে পাওয়া যায়। এই দ্বীপটিকে একটি গ্রাম বলিলেও চলে। কতকগুলি দোকান এবং কতকগুলি অটালিকা লইয়া রামেশ্বর দ্বীপ সমুদ্রতীরে অবস্থিত। উৎসবের দিনে এখানে বহু লোকের সমাগম হয়। পূজারীরা পুরী এবং অচ্যুত তীর্থস্থানের ত্রায় অর্থের জ্ঞাত দর্শকদিগকে বিরক্ত করে না। এখানে আমরা ট্রাণ্ডি মহাশয়ের বাংলায় গেলাম, সেখানে কিছুক্ষণ বিশ্রাম করিলাম। বেলা দুইটার ট্রেনে রামেশ্বর ত্যাগ করিয়া কাঞ্জিভরম দেখিতে গেলাম। রামেশ্বর দ্বীপটি এত সুন্দর ও মনোরম যে আমার বার বার দেখিবার ইচ্ছা হয়।

কাঞ্জিভরম একটা বহু পুরাতন স্থান। শিবকাঞ্চি এবং বিষ্ণুকাঞ্চি নামে কাঞ্চির দুইটি বিভাগ আছে। কাহারও কাহারও মতে ইহা তিন ভাগে বিভক্ত—বড় কাঞ্চি, ছোট কাঞ্চি এবং পিলায়ারপলিয়ম। শিবকাঞ্চির মন্দির সর্বাপেক্ষা পুরাতন এবং বিষ্ণুকাঞ্চির মন্দির পরবর্তীকালে

নির্মিত। কাঞ্জিভরম একটি ব্যবসাহীন বলিয়া মনে হইল। এখানে অনেক দোকান আছে এবং রেশমের বস্ত্র এইখানে তৈয়ারী হয় বলিয়া এই স্থান বিখ্যাত। এখানে বহু লোকের বাস আছে এবং চিঙ্গেলপুট স্টেশনের নিকটে অবস্থিত। ইহার পর আমরা মহাবলীপুরের দিকে অগ্রসর হইলাম।

মহাবলীপুর সমুদ্রতটে অবস্থিত। সমুদ্র গর্ভগত বলিলেও চলে। ইহার অপর একটি নাম সপ্ত প্যাগাডো। এখানে মন্দির, অটালিকা, পর্বতখোদিত মন্দিরগুহা দেখিতে পাওয়া যায়। এখানে দুইটি লাইট হাউস আছে—একটি নূতন এবং একটি পুরাতন। বাহারা পক্ষীতীর্থ দেখিয়া মহাবলীপুরের দিকে অগ্রসর হন তাঁহাদিগকে নৌকায় করিয়া খাল পার হইতে হয় এবং খাল পার হইয়া এক মাইল পথ অতিক্রম করিলে পর মহাবলীপুরে পৌছান যায়। মহাবলীপুর ভাল করিয়া দেখিয়া আমরা পক্ষীতীর্থ দেখিতে গেলাম; কিন্তু শুনিলাম যে সেদিন পক্ষীরা চলিয়া গিয়াছে। আমরা হতাশ হইয়া মাদ্রাজে ফিরিয়া আসিলাম এবং দুই-এক দিনের মধ্যে পক্ষীদ্বয়কে দেখিবার জন্ত আবার ঐ স্থানে আসিলাম।


বেলা দশটার সময়ে পক্ষীদ্বয়ের আকাশমার্গে আগমন দেখিলাম এবং খুব অল্প সময়ের মধ্যে তাহারা আবার কোণায় উড়িয়া গেল দেখিতে পাওয়া গেল না; কিন্তু আধ ঘণ্টার মধ্যে পুনরায় ফিরিয়া আসিল এবং পর্বতোপরি মন্দিরের একপার্শ্বে বসিল। মন্দিরের পূজারী প্রদত্ত ঘৃত মধু খাইয়া তাহারা উড়িয়া গেল। আমরা যতদূর দেখিলাম



পক্ষীতীর্থ

তাহাতে মনে হইল যে, পক্ষীদ্বয় আমাদের দেশের শকুনি ছাড়া আর কিছুই নয়। প্রবাদ আছে যে, বহু যুগ যুগান্তর হইতে এই পক্ষী দুইটি এইরূপভাবে ঐ মন্দিরে প্রত্যহ আসে এবং দেবতার ভোগ খাইয়া উড়িয়া যায়।

দাক্ষিণাত্যের যতগুলি মন্দির আমরা দেখিলাম তাহাদের মধ্যে কতকগুলি পল্লব, চোড়, পাণ্ড, নায়ক রাজত্ববর্গ



রামনাথস্বামী মন্দির—রামেশ্বর

কর্তৃক নির্মিত এবং ভাস্কর্য্য হিসাবে সবগুলি একপ্রকার। আকারে কোনটি ছোট, কোনটি বড়। কাঞ্জিভরমের বিষ্ণু মন্দিরের কারুকার্য উল্লেখযোগ্য। মাছুরার ভাস্কর্য্য প্রশংসনীয়। মাছুরায় মীনাক্ষী মন্দিরের পুষ্করিণীর চতুর্থ দিকে যে বারান্দা আছে তাহার এক অংশে পঞ্চ পাণ্ডবের মূর্তি দেখিলাম এবং কলি ও সত্যের মূর্তিও দেখিতে পাইলাম।

দাক্ষিণাত্যের লোকেরা বিদেশীদিগকে যথেষ্ট সাহায্য করে এবং তাহারা অমায়িক, সদালাপী, পরোপকারী বলিয়া মনে হয়। স্বাস্থ্য হিসাবে এই সকল দেশ ভাল বলিয়াই মনে হইল; কারণ এই সকল দেশের লোকের স্বাস্থ্য দেখিলে বেশ বোঝা যায় যে, তাহাদের দেশের জলবায়ু স্বাস্থ্যকর। অধিকাংশ লোক নিরামিষভোজী এবং গৌড়া হিন্দু ধর্মাবলম্বী। মাদ্রাজ ও দাক্ষিণাত্যে আমরা যাহা দেখিলাম তাহাতে আমরা অত্যন্ত আনন্দিত হইয়া স্বদেশাভিমুখে যাত্রা করিলাম।

নাগরিকা

শ্রীচরণদাস ঘোষ

যোলো

কৌমুদীর চোখে যেন কৌতুকের ঝড় উঠিয়াছে। সহাস্তে বলিয়া উঠিল, “বলি, জিত হলে কার—তোমার, না নাগরিকার?”

সময়োচিত প্রশ্ন! ইহারই একটা রোয়াপড়া করিতে কক্ষণও যেন প্রস্তুত! কিন্তু উহা পুরাতন, অথচ বারবার করিয়া নূতন হইয়া তাহার নির্বিবাদ আশ্রয় কাছে আসে কেন? এই ‘কেন’র জবাবটা নিজের কাছে খুঁটিয়া গ্রহণ করিতে গিয়াই তাহার মুখখানা এক আকস্মিক হর্ষে আলোকিত হইয়া উঠিল; নির্ভয়ে কি বলিতে যাইবে, থামিয়া গেল; যেন কি একটা ধোঁকা মূর্তি ধরিয়া তাহাকে নিষেধ করিল!

কৌমুদীর কাছে উহা গোপন রহিল না। ঈষৎ হাসিয়া তৎক্ষণাৎ কহিল, “এখানকার কাণ্ড সবই শুনিছি—সমস্ত। একজন সব বলে দিয়েছে!”

কক্ষণ বিষ্ময়ে কৌমুদীর দিকে তাকাইতেই কৌমুদী তেমনি করিয়াই বলিয়া উঠিল, “যে রক্ষক, সেই ভক্ষক—নাগরিকা!” একটু হাসিয়াই আবার খোঁচা মারিয়া কহিল, “তাই হয়! লোকালয়ের একপাশ মহাপুরুষদের দরকার হয়! শাক্যঠাকুরের দরকার হয়েছিল নিবিড় অরণ্য, আর তোমার না-হয়—এই এক-ফোঁটা বন-ঝোঁপ! আসলে, ও একই!”

কক্ষণ মুখ-নামাইল।

কৌমুদী যেন সেদিকে লক্ষ্যই করে নাই এমনি ভাব দেখাইয়া বলিয়া উঠিল, “কিন্তু, তুমি কি জয় করলে? শাক্যঠাকুর ত জয় করেছিলেন ‘মার’—শয়তান, আর তুমি?”

কক্ষণ এইবার মুখ তুলিল, দেখিল—সম্মুখে একটি মূর্তি, আশ্চর্য—অপরূপ, চোখ মেলিয়া না দেখিলে তাহাকে দেখা যায় না, কল্পনায় সে নিরাকার, ধ্যানে—নিশ্চিন্ত! কয়েক

মিনিট একদৃষ্টে চাহিয়া থাকিয়া কহিল, “অহঙ্কার! তোমাদের ওপর আমাদের!”

কৌমুদী ধীরে-ধীরে মাথা নীচু করিল; যেন নারী-সমাজের শাস্ত নগন্ধার সে ওই নিরহঙ্কার মানুষটির পদমূলে চিরতরে নামাইয়া দিতেছে! তারপর এক সময় নিঃশব্দে যেমন চলিয়া যাইবে, কক্ষণ ডাকিল, “কৌমুদী—”

কৌমুদী ফিরিয়া দাঁড়াইল।

কক্ষণ কহিল, “চলে যাচ্ছ?”

“দাঁড়িয়ে আর কি করবো?”

কক্ষণ হাসিয়া বলিয়া উঠিল, “তা ঠিক! যেমন করার সব কিছুই শেষ করে চলে গেল—আর একজন!”

কৌমুদী ধীরকণ্ঠে জবাব দিল, “মিথো একতিল ও নয়! ‘থাকবো’ বলে তোমার ওই ‘আর-একজন’ আসেনি! নাগরিকা—সে কী জান?—মেয়েমানুষ, তার সমাজ, তার মুখ!”

কক্ষণ ততোধিক ধীর ও সংযতকণ্ঠে কহিল, “আর তুমি?—মেয়েমানুষ, তার সমাজ—তারই অনুভূতি!”

কৌমুদীর মুখটি রাঙা হইয়া উঠিল। ব্যস্ত হইয়া বলিল, “এইবার ত ছুটি?”

“আর একটু! মঠ ছেড়ে—হঠাৎ?”

কৌমুদী অবিলম্বেই জবাব দিল, “একথা জেনেই এসেছ! দরকার হ’য়েছিল, কেউ ধরে বেঁধে রাখতে পারে নি!” আর দাঁড়াইল না।

সঙ্গে-সঙ্গে কক্ষণের সম্মুখে যেন এক নূতন পৃথিবী সরিয়া আসিল, যাহার ভিতর সারি-সারি পূজার বেদী, তাহার এক-একটির উপর দাঁড়াইয়া এক-একটি নারী প্রতিমা, আর প্রত্যেকের পদমূলে বসিয়া এক-একটি নর! কক্ষণ সেইদিকে পরিপূর্ণ দৃষ্টিতে ক্ষণকাল চাহিয়া থাকিয়া, একপা—একপা করিয়া অগ্রসর হইয়া রাজপথে নামিয়া পড়িল।

* * * *

এমনিই সময়ে নগরের আর একদিকে আর এক বিশেষ সমারোহ চলিয়াছে—চিত্রার জন্মোৎসব!

নিমন্ত্রিত—নগরের বাছাই-করা অধিবাসী—সম্ভ্রান্ত মহল, সর্বোপরি—রাজা! নগরের নাগরিকা—তাহাদের জীবনেতিহাসে এতাদৃশ সৌভাগ্য আর কাহারো দেখা যায় নাই। চিত্রা রাজ-দরবারে আসন পায়, এমন কি তাহার দর্শন-প্রার্থীর তালিকায় স্বয়ং রাজার নামও উঠিয়াছে। নগরের সর্বশ্রেষ্ঠ কৌতুকময়ী নারী—চিত্রা!

চিত্রার অট্টালিকার সম্মুখে বিস্তৃত অঙ্গন, সেইখানে বসিয়াছে আসর—রচনা করিয়াছে নগরের শ্রেষ্ঠ শিল্পীরা। আসরে লোক আর ধরেনা—কাহারো হাতে পুষ্পহার, কাহারো হাতে রত্নহার, কাহারো হাতে বা রত্নখচিত মুকুট! সবাই আজ মানবজন্ম সার্থক করিবে এক দেহ-তুল্য নারী-প্রতিমাকে ওই-সমস্ত উপহার নিবেদন করিয়া। উপহার দিবেন সর্বপ্রথমে—স্বয়ং রাজা, তারপর আর সকলে।

চিত্রা দ্বিতলে স্বীয় কক্ষে বসিয়া। তাহার হস্তে নিমন্ত্রিতের তালিকা, তাহারই উপরে সে তন্ময় হইয়া চোখ পাতিয়া—কেন যে, সেই জানে।

কক্ষণ অতিবাহিত হইয়াছে তাহার ঠিক নাই, চঞ্চল শশব্যস্তে প্রবেশ করিয়া সংবাদ দিল—রাজা আসিয়াছেন।

চিত্রা হাতের তালিকাটি ভাঁজ করিয়া মুড়িয়া একপাশে ফেলিয়া রাখিয়া জিজ্ঞাসা করিল, “আর সব?”

চঞ্চলের চোখে-মুখে তখন যেন ঝড় উঠিয়াছে। তাড়া-তাড়ি জবাব দিল, “বেঁটিয়ে!”

চিত্রা পুনশ্চ প্রশ্ন করিল, “শ্রেষ্ঠী-নন্দন?”

প্রশ্নটা চঞ্চল বুঝিতেই পারে নাই এমনিভাবে তাকাইতেই চিত্রা আবার বলিয়া উঠিল, “যাঁর বাড়ী-ঘর ঠিক রাজারই মতন, বাড়ীর স্মৃতিই ‘নন্দন-বন’, তার ভিতর দিয়ে রাস্তা—ঠিক যেন ‘রাজ-পথ’, আর ওপরে উঠতেই এক হরিণ-ছানা—”

চঞ্চল চালাক লোক, বুঝিতে বিলম্ব হইল না। প্রবল-বেগে মাথা নাড়িয়া জবাব দিল—“না!”

“ফের যাও! লোকের পর লোক চিনে দেখে এসো—”

“মিথ্যে যাওয়া—”

“তবু যেতে হবে, চঞ্চল—” চিত্রার কণ্ঠস্বর কঠিন হইয়া উঠিল। একটু থামিয়া এক তীক্ষ্ণ দৃষ্টিপাত করিয়া পুনশ্চ কহিল, “আমার নিমন্ত্রণ!” বলিয়াই তালিকাটি আবার উঠাইয়া লইয়া তাহার উপর মনোনিবেশ করিল।

মনিবের একরূপ সর্ববশেষে মূর্তি চঞ্চল ইতিপূর্বে আর কোনও দিন দেখে নাই। সভয়ে একবার তাকাইয়াই বাহির হইয়া গেল।

নিঃশব্দেই বসিয়া রহিল চিত্রা—ক্ষণকাল। তারপর একটু হাসিল, তারপর হাতের কাগজখানা কুটি-কুটি করিয়া ছিঁড়িয়া মেঝের উপর ফেলিয়া দিয়া উঠিয়া দাঁড়াইতেই চঞ্চল পর্দা ঠেলিয়া প্রবেশ করিল। তাহাকে দেখিয়াই চিত্রা বলিয়া উঠিল, “গাড়ী বার করতে বল—”

চঞ্চলের ঘাড়ে তখন আগেকার এক আদেশ ছিল; তাই বুঝিবা তাহারই উপর তার মন বেশী করিয়া বিধিয়া-ছিল। কহিল, “আসেন নি!”

“ওকথা আমি জানতে চাইনি! গাড়ী—” বলিয়াই চিত্রা নীচে নামিয়া গেল।

তখন গৃহের প্রত্যেক মানুষটিই নীচে ব্যস্ত, চঞ্চল! প্রত্যেকেই এক মত্ত-উল্লাসে আত্মহারা! বাহিরে সভা-মণ্ডপ—তাহার উপর চোখ ফেলিলে চোখ আর নামে না—এমনিই অপূর্ব সে! পদার্পণ করিয়াছেন রাজা, এইবার আবির্ভাব হইবে আর এক পরমাশ্চর্য মূর্তির, যাহারই প্রতীক্ষায় সহস্র বৃকের ভিতর হৃদপিণ্ড যেন অধীর আগ্রহে অস্থির হইয়া উঠিয়াছে!

চিত্রা প্রবেশ করিল—নগরের নবীনা নাগরিকা!

সকলেই উঠিয়া দাঁড়াইল, প্রত্যেকেই ঈষৎ স্মৃগ্ধের দিকে ঝুঁকিয়া—প্রত্যেকেরই চোখে স্বপ্ন, মুখে নিঃশব্দ স্তুতি! প্রধান পুরোহিত রাজা—তিনি ক্রতপদে অগ্রসর হইয়া চিত্রার কাছে গিয়া দাঁড়াইলেন, তারপর তাঁর শ্রদ্ধার সর্বশ্রেষ্ঠ নিদর্শন—রত্নহার স্বীয় গলদেশ হইতে খুলিয়া যেমন চিত্রাকে অর্পণ করিবেন, চিত্রা সসম্মানে মাথা নীচু করিয়া বাঁধা দিয়া কহিল, “এখন নয় মহারাজ!”

রাজা বিষ্ময়ে তাকাইতেই চিত্রা মৃদু হাসিয়া কহিল, “সম্মান সেই পায়, যাঁর এক-ডাকে দেশের লোক একযোগে এসে জড় হয়! এখানে, এখনো একজন বাকী!”

সঙ্গে-সঙ্গে সভামণ্ডপে এক রণ-সজ্জার উত্থোগ শুরু

হইল। সবাই যেন পরশুরামের মত বীর দর্পে বলিয়া উঠিল, “এত স্পর্ধা কার? বলুন, চুলের টিকি ধরে নিয়ে আসছি—”

চিত্রার মুখে তেমনিই হাসি। এক দৃষ্টিতে সকলেরই প্রতি চাহিয়া বিনয়-নম্র কণ্ঠে কহিল, “তাতে মান বাড়বে তাঁরই!”

রাজা এতক্ষণ মুগ্ধ নেত্রে চিত্রার মুখের দিকে তাকাইয়া ছিলেন, কহিলেন, “নগণ্য এক প্রজা! রাজার ইচ্ছার ওপর নার মরা-বাঁচা নির্ভর করে—মান বাড়বে তার?”

চিত্রা মুখ টিপিয়া একটু হাসিল। হাসিয়া কহিল, “মরা-বাঁচা, তার ওপর মানুষের আত্ম-মর্যাদার দরদ নেই! তাহলে, আমিই পারতাম!” এক তীক্ষ্ণ কটাক্ষ করিয়াই আবার বলিয়া উঠিল, “রাজার ফাঁসিকাঠ, তার চেয়েও ভয়ঙ্কর আমার হাতে ‘মৃত্যু’—রূপের আঙুনে!” বলিয়াই মুখ ফিরাইয়া বাহির হইয়া গেল।

কোথায় গেল কেহই প্রশ্ন করিল না; যেন ঐ মেয়েটির মায়ামন্ত্রে সবাই প্রস্তুত হইয়া গিয়াছে। ক্ষণকাল মুচের ছায় দাঁড়াইয়া থাকিয়া সবাই একে-একে চলিয়া গেল, কেনই বা ছাই আসিয়াছিল তাহাও যেন তাহাদের মনেই নাই!

বহির্দেশে গাড়ী প্রস্তুত ছিল, চিত্রা গিয়া উঠিয়া বসিল—বিসজ্জনের প্রতিমার ছায়। কিয়দূর গিয়াছে, এক পরিচিত কণ্ঠের গান তাহার কাণে আসিল—“স্বচ্ছ সমীর, তাহাই পৃথিবীবাসীর পরমাণু, তাহারই উপাদানে প্রস্তুত আশা আর আকাঙ্ক্ষা!” আর একটু গিয়াই অবলোকন করিল—এক গৃহস্থের দ্বারে দাঁড়াইয়া সেই নাগরিকা! আজ তাহার এক বিচিত্র রূপ—রুক্ষ কেশরাশি এলায়িত, পরিধানে গেরুয়া, কাঁধে ভিক্ষার বুলি!

চিত্রা গাড়ি থামাইয়া নামিয়া রাস্তার একপাশে নিঃশব্দে দাঁড়াইয়া রহিল, তারপর গান থামিতেই নাগরিকার কাছে গিয়া সবিস্ময়ে কহিল, “তুমি?—তোমার এ দশা কেন?”

তখন বাড়ীর ভিতর হইতে একটি ছোট মেয়ে ভিক্ষা দিতে আসিয়াছিল, নাগরিকা চিত্রার দিকে একটিবার তাকাইয়াই মুখ ফিরাইয়া বুলি পাতিল। তারপর যেন নিশ্চিত হইয়াই চিত্রার দিকে ফিরিয়া জবাব দিল, “হবে না?—তুমি যে আমার সতীন!” কথাটা বলিয়াই নাগরিকা যেমন পিছন ফিরিয়া চলিয়া যাইবে, চিত্রা ডাকিয়া উঠিল, “নাগরিকা—”

নাগরিকা ফিরিয়া দাঁড়াইল। তখন তাহার আর এক মহিমাগমী মূর্তি—মুখে হাসি আর ধরে না, চোখে এক ছুঁদাত মিনতি! ব্যস্ত হইয়া বলিয়া উঠিল, “সময় নেই, বোন! সারা-জীবনের সঞ্চয়—হাতে একহাত ‘আমি!’” কাছে একটু সরিয়া আসিয়া গলা চাপিয়া কহিল, “আর, নেবার মানুষ—একটি ত ভিক্ষু, তাঁকে স্মিরে আবার এক লক্ষ মেয়ে মানুষ!” বলিয়াই উদ্ধার ছায় অদৃশ হইয়া গেল।

আচম্ভকায় নিকটে বজ্রপাত হইলে মানুষ যেমন চমকিয়া উঠিয়াই স্থির হইয়া দাঁড়াইয়া থাকে, তেমনি চিত্রা একটুবার শিহরিয়া উঠিয়াই নিস্পন্দের ছায় দাঁড়াইয়া রহিল। কিন্তু সে অভ্যন্তর! তারপর তাহার মুখে এক স্নেহের হাসি দেখা দিল এবং সঙ্গে সঙ্গেই মুখ দিয়া নির্গত হইল—‘ভিক্ষু’! তারপর নিজেই যেন প্রবলবেগে ঝাড়া দিয়া ঝড়ের ছায় গাড়ীতে গিয়া উঠিয়া বসিল।

দেখিতে-দেখিতে গাড়ী যেখানে আসিয়া থামিল, সেইখান হইতেই সরু হইয়াছে কক্ষের পরিত্যক্ত নিকেতন—সেই পরিচিত গৃহ! তারপর যেমন করিয়া এক অতিবড় গর্দভকে নামিলে মানায় তেমনি করিয়াই চিত্রা গাড়ী হইতে নামিল। নামিয়া ভিতরে প্রবেশ করিল—সেই সব!—প্রশস্ত মঙ্গল—মাঝখান দিয়া দৌড় দিয়াছে প্রশস্ত রাস্তা, উভয় পার্শ্বে ছড়ানো ফুলগাছ, গাছে-গাছে ফুল, আর পারে-পারে তাহাদের পরিচিত নমস্কার—সব সেই! * * * চিত্রা পারে জোর দিল। অতঃপর অট্টালিকার মুখে গিয়া পড়িতেই দেখিতে পাইল মূর্তিমান নন্দনকে। সে তখন সাঙ্গপোছ করিয়া এক বিশেষ কাজে ব্যস্ত—একটি হুঁপুট শ্রীমান গদ্ভের পিঠে কঞ্চল জড়াইয়া বাঁধিতে গিয়া ঘামিয়া উঠিয়াছে, অবুঝ জানোয়ারটা কিছুতেই ছাই স্থির হইয়া থাকিবে না! মানুষের হাত-পা লইয়া চলা-ফেরা করে, এমন একটা বাহোক মূর্তি আসিয়া কাছে দাঁড়াইয়াছে, কাজেই তাহাকে চোখ তুলিতে হইল, কিন্তু সে এক নিমেষ! পরক্ষণেই আবার হাতের কাজে মনোনিবেশ করিল।

চলতি-জীবনে এতবড় অবহেলা আর কাহারো কাছে এতাবৎ চিত্রা পায় নাই, স্মৃতরাং এক কথায় যষ্টিকে রসাতলেই দিবার তার কথা! কিন্তু না-জানি-কেন, সে নিশ্চেষ্ট হইয়াই দাঁড়াইয়া রহিল। ক্ষণকাল এক দৃষ্টি

সেইদিকে চাহিয়া থাকিয়া আপন মনেই বলিয়া উঠিল, “এইখানে একদিন একটা হরিণ বাচ্ছা থাকতো!”

নন্দন সায়া দিল না।

চিত্রা আবার কহিল, “তার জায়গায় কিনা—একটা গাধা!”

এবারেও নন্দন নীরব।

চিত্রা আর সহ্য করিতে পারিল না। মুখ বাঁকাইয়া একটু বাঁকিয়া বলিয়া উঠিল, “যত সব অনাস্থি!—দেখুন, আমি দাঁড়িয়ে থাকতে আসি নি!”

নন্দন এইবার কথা কহিল। মুখ তুলিয়া জিজ্ঞাসা করিল, “আমাকে কিছু বলবে?” বলিয়াই গাধাটাকে অনতিদূরে রাখিয়া চিত্রার কাছে আসিয়া দাঁড়াইল।

“কি মনে করেন আপুনি?”

“তোমার নিজের ঘরে ভূমি ফিরে এলে!”

চিত্রা অপর দিকে মুখ ফিরাইল। তৎক্ষণাৎ আবার ফিরিয়া খোঁচা মারিয়া কহিল, “সবাই গেরুয়া প’রে বুলি কাঁধে করেছে, আপুনি যে এখনো—”

নন্দন চোখমুখ কপালে তুলিয়া বলিয়া উঠিল, “বাপু! আবার গেরুয়া!”

জবাবটার মূলে যে-ইতিহাস, তাহা মনে পড়িতেই চিত্রা হাসিয়া ফেলিল। তাড়াতাড়ি আবার নিজেকে গাভীঘোর মাত্রায় আনিত্তে গিয়া গাধাটার দিকে আঙুল বাড়াইয়া বলিয়া উঠিল, “আপনার কি সবই বিদ্রী?”

“নইলে তোমার যে মুখ থাকে না!” বলিয়াই নন্দন চকিত হইয়া গাধাটার কাছে ফিরিয়া আসিল; তারপর বাহনটির উপর উঠিতে যাইতেই চিত্রা এক নিষ্ফল গর্কে বলিয়া উঠিল, “বাড়ী বয়ে এসেছি এখানে—তীর্থ করতে নয়!”

“নিশ্চয়ই না, যেহেতু এ তোমার স্বামীর ঘর!” বলিয়াই নন্দন গাধার উপর উঠিয়া বসিল।

চিত্রার মুখখানা লাল হইয়া উঠিল। রোষগস্তীর কণ্ঠে বলিয়া উঠিল, “অপমান করে সে, যে নিমন্ত্রণ না রাখে!”

নন্দন গাধার পিঠে চাবুক মারিল।

চিত্রার মুখখানা এইবার কঁাদ-কঁাদ হইয়া উঠিল—একটা ব্রহ্মাণ্ডের কাহিনী মুখে করিয়া সে আসিয়াছে যে—একটিও ত বলা হয় নাই! ভারি গলায় তাড়াতাড়ি বলিয়া উঠিল, “কার কার বাড়ী অতিথি হওয়া কার কার ভাগ্যের কথা!”

নন্দন তখন খানিক দূর চলিয়া গিয়াছে, আবার তাহাকে ফিরিতে হইল। চিত্রার কাছাকাছি হইয়া বলিল, “তা আর বলতে!”

চিত্রার চোখ ছটা দপ্ করিয়া জলিয়া উঠিল এবং সেই জলন্ত চোখ নন্দনের দিকে একবার উঠিয়াই নাগিয়া পড়িল।

এদিকে এক মুহূর্তও অপব্যয় হইল না। নন্দন তৎক্ষণাৎ এক সাক্ষাৎ অপরাধীর ভাণ করিয়া সবিনয়ে বলিয়া উঠিল, “রাগ করো না! যাবার সময় নেই, নাগরিকা! কোথায় যাচ্ছি জান?—এই নকল সমাজ, তারই যে ‘সমাজপতি’, তারই শ্রদ্ধ-সভায়; সেখানে আর এক জনের জন্মাৎসব—তার নাম কক্ষণ!” বলিয়াই আবার বাহন ছুটাইয়া দিল।

চিত্রা নিস্পন্দক নেত্রে দাঁড়াইয়া রহিল—কতক্ষণ তাহা সে জানে না—এক সময় সে টের পাইল বাহির হইয়া গিয়া গাড়ির উপর বসিয়াছে। তারপর গৃহে ফিরিয়া দ্বিতলে উঠিয়া গিয়া দেখিল—তাহার ‘প্রার্থী’ বসিবার কক্ষে উপবেশন করিয়া—স্বয়ং রাজা!

সতের

চিত্রাপিতার ছায় চিত্রা দাঁড়াইয়া রহিল। তাহার মুখের আকৃতি দেখিয়া প্রতীক্ষমান হইল যে, এই-একটু পূর্বেরকার পৃথিবীটা তার সম্মুখ হইতে মুছিয়া গিয়াছে।

রাজারও চোখে আর পলক পড়ে না, যেন এক আনাড়ির দৃষ্টি এক শ্রেষ্ঠ শিল্পীর আঁকা-ছবির উপর অকস্মাৎ পড়িয়া নিখর হইয়াছে!

মিনিট কয়েক পরে চিত্রার মুখে হাসির একটু আভা দেখা দিল। কহিল, “কি ভাগ্যি!”

রাজা অবশ কণ্ঠে কহিলেন, “তোমাকে দেখতে এসেছি!” “আমাকে?”—চিত্রার চোখে কুণ্ঠা, বাক্যে মিনতি, মুখে হাসি!

রাজা তেমনি করিয়াই কহিলেন, “হ্যাঁ! তখন ভালো করে দেখা ত দাও নি!”

চিত্রা সরমে মুখ নীচু করিল। একটু পরেই আবার মুখ তুলিয়া বিব্রত হইয়া বলিয়া উঠিল, “এখানে নয়, আমায়—” বলিয়াই স্বীয় শয়নকক্ষে প্রবেশ করিল, রাজাও মন্ত্রমুগ্ধের ছায় তদনুসরণ করিয়া এক নির্দিষ্ট আসনে উপবেশন করিলেন। অতঃপর চিত্রা যেন-একটু কৈফিয়ৎ

দিয়াই কহিল, “ও-ঘরে প্রার্থী বসে, অর্থাৎ—” মুখ টিপিয়া ঈশ্বর হাঙ্গামা কথাটা শেষ করিল, “অর্থাৎ, বারা. আমাকে একবার দেখেও আবার দেখতে আসে!” বলিয়াই স্বতন্ত্র একটি আসনে বসিয়া পড়িল।

রাজা মুখ নামাইলেন, যেন স্নমুখের ওই মেয়েটির দিকে চোখ আর না রাখাই ভাল। কিন্তু সে বেশীক্ষণ নহে, মিনিটখানেক পরেই আবার মুখ তুলিলেন, যেন হঠাৎ তাঁর এক বিশেষ কথা মনে পড়িয়াছে! বলিয়া উঠিলেন, “আমি রাজা—তোমার ওপর আমার এক স্ননিশ্চিত কর্তব্য আছে!”

চিত্রা বিস্ময়ের ভাণ করিয়া কহিল, “রাজার কর্তব্য—আমার ওপর?”

রাজার মাথাটা আবার অবনত হইয়া পড়িল। কহিলেন, “হ্যাঁ!” পরক্ষণেই আবার মাথা তুলিয়া কণ্ঠ দৃঢ় করিয়া বলিয়া উঠিলেন, “স্বীকার তুমি করনি, কেন না, তা' করবে না! কিন্তু আমার নগর, এর পরিপূর্ণ অহুভূতি অস্বীকার করে নি যে শ্রেষ্ঠ নাগরিকা তুমিই! তাই আমার হাতের দেবার বস্ত্র, তোমাকে উপহার দেব!”

চিত্রা রাজার দিকে তাকাইয়াছিল, তেমনি করিয়াই রহিল—নিষ্পলক নেত্রে।

রাজা স্তব্ধ করিলেন, “রাজ-আয়োজনে কাল তোমার শোভাযাত্রা!”

চিত্রার বুকের ভিতরটা ছুলিয়া উঠিল, যেন এক দুর্লভ-বিদ্যুৎ আচমকায় আকাশ হইতে পড়িয়া তার বুক উঠিয়াছে! স্নমুখের দিকে আর চোখ পাতিয়া রাখিতে পারিল না, তাড়াতাড়ি মুখটা নামাইয়া লইল।

সন্ধ্য-সন্ধ্য রাজার দৃষ্টিও চিত্রার মুখটার গড়াইয়া নীচে নামিল। কহিলেন, “আমার গর্ভ—অবহেলা করো না!”

“তা কি পারি!” বলিয়াই চিত্রা মুখ তুলিল। আর তার সময় নাই, সন্ধ্যাচ নাই, যেন নীচে হইতে তাহার চিবুকে হাতুড়ির আঘাত পড়িয়াছে! সেই মুখখানি রাজার আ গ্রহ-রাকুল চোখের উপর রাখিয়া মুহূর্তেই আবার বলিয়া উঠিল, “কিন্তু, বড় করবেন কাকে?”

“তোমাকে।”

“আমি নিঃশ্ব! কতটা যে, আপনি জানেন না!”

“প্রয়োজন নেই জান্‌বার! মাটির প্রতিমার বুক ছুরি মেরে কেউ কোন দিন তার রক্ত পরীক্ষা করেনি!”

চিত্রার মুখে মান হাসির এক আভা পড়িল। কহিল, “মাটির প্রতিমার বুক রক্ত থাকে না, সে-কথা সবাই জানে—তাই!”

রাজা যেন চিত্রার মুখের কথাগুলো একটি-একটি করিয়া লুফিয়া ধরিয়া তৎক্ষণাৎ ফিরাইয়া দিয়া কহিলেন, “না! তাহ'লে শাখ-বণ্টা বাজিয়ে কেউ তার আরতি করতো না!”

এমনি সময়ে নীচে এক উচ্চ কোলাহল উঠিল এবং উভয়েই ত্রস্ত হইয়া উঠিয়া বাহির হইয়া বারান্দার দিয়া দাঁড়াইল। দাঁড়াইয়া উভয়েই নেত্রপাত করিয়া দেখিল, নীচেকার উঠানে চিত্রার পরিচারিকা রাক্ষসীমূর্তি ধরিয়া বজ্রমুষ্টিতে চঞ্চলের হাত চাপিয়া ধরিয়া বলিতেছে,—“বোঁয় বিঘ ছাড়বো!” আর চঞ্চল তাহার দিকে চাহিয়া কাঁদ-কণ্ঠে কহিতেছে—“ছেড়ে দাও!”

চিত্রা আর মুহূর্ত বিলম্ব করিল না, দ্রুতপদে নামিয়া উহাদের কাছে আসিয়া দাঁড়াইল, রাজাও পাশে আসিয়া দাঁড়াইলেন ছায়ার ছায়।

রাজাকে দেখিয়াই পরিচারিকা তাহার পদতলে আছড়িয়া পড়িয়া রোদনকম্পিতকণ্ঠে বলিয়া উঠিল, “আপনিই রক্ষা করুন! আমার সর্বনাশ করতে বসেছে—”

রাজা ঈষৎ পিছাইয়া গিয়া চিত্রার দিকে বিস্ময়ে চাহিতেই চিত্রা সহাত্রে পরিচারিকাকে প্রশ্ন করিল, “হলো কি তোদের?”

পরিচারিকা উন্নতায় ছায় উঠিয়া দাঁড়াইয়া বিবর্ণমুখে কহিল, “এত কাণ্ড হচ্ছে—ওমা, তুমি কিছুই টের পাওনি?”

“না!”

“সভা বসেছে!—সেই ঘরের বাড়ী ইনি যাবেন!”

চিত্রা বিস্ময়ের ভাণ করিয়া কহিল, “সভা?—কিদের?” পরিচারিকা কপালে সজোরে করাঘাত করিয়া কহিল, “আমার তে-রাত্রের শ্রাদ্ধর!” বলিয়াই মুখখানা কাঁদ-কাঁদ করিয়া কহিল, “ঘরসংসার ভাসিয়ে দেবার!”

“মিথ্যে কথা!”—চঞ্চল প্রতিবাদ করিয়া উঠিল।

সাপের লেজে পা পড়িয়াছে! পরিচারিকা তৎক্ষণাৎ ফিরিয়া গর্জন করিয়া বলিয়া উঠিল, “বাঁটা—” পরক্ষণেই

আবার চিত্রার দিকে মুখ করিয়া স্তব্ধ করিল, “আদ্যেক নোক জীপুতুর ত্যাগ দিয়েছে; আদ্যেক নোক আজ দেবে! যাগো! সে আঁটকুড়ির দেব-পুতুরকে চোখে দেখলে কেউ কি আর ফেরে!” বলিয়াই ফোঁপাইয়া উঠিল।

চিত্রার দৃষ্টি তখন বাহিরের একটি গাছের উপর, যেখানে একটি ক্ষুদ্র পাবী বসিয়া—সে কেমন করিয়া উড়িয়া যাবে, তাহাই সে দেখিবে, আজ—এই প্রথম! চট করিয়া দৃষ্টি নামাইয়া একমুখ হাসিয়া বলিয়া উঠিল, “তাই না কি? কে তোর দেব-পুতুর?”

পরিচারিকা গলা বাড়িয়া জবাব দিল, “ওই পোড়ার-মুণ্ডদের মঠ, মঠের একজন কি-যেন!”

চঞ্চল তাড়াতাড়ি কথাটাকে পরিষ্কার করিয়া দিতে গেল—“তা বোলে মানুষ নয়—” উত্তত অশ্রু কণ্ঠ তাহার নিঃশব্দ করিয়া দিল।

চিত্রা ও রাজা উভয়েই চাহিয়া দেখিলেন—চঞ্চলের চোখ দিয়া মুখ বহিয়া বসুধারা পড়িতেছে!

স্বপ্নে চোখ মুছিয়া গলা বাড়িয়া চঞ্চল পুনশ্চ বলিয়া উঠিল, “ঠা-কুর!—অমন রূপ তোমারও নেই, মা!”

চিত্রা রাজার দিকে চাহিয়া মুচ্‌কিয়া ঈষৎ হাসিল।

রাজাও সেই হাসিতে যোগ দিয়া পরিচারিকা ও চঞ্চলকে নির্দেশ করিয়া তাহাদের পরিচয় প্রশ্ন করিলেন, “ওরা?”

“স্বামী-স্ত্রী—” জবাবটা দিতে গিয়া চিত্রার গলার স্বরটা যেন ভাঙিয়া পড়িল এবং তাড়াতাড়ি বিপরীত দিকে মুখ ফিরাইয়া লইল।

তখনও পরিচারিকা চঞ্চলের দিকে ত্রুঙ্কচক্ষে চাহিয়া আছে, চক্ষে দাবানল, যেন এখনই অপরপক্ষকে ভস্ম করিয়া ফেলিবে! ক্রোধে, ক্ষোভে ও দুঃখে কাঁপিতে-কাঁপিতে চিত্রার দিকে ফিরিয়া বলিয়া উঠিল, “শুনলে ত না! এইবার আমার মুখে সাত বাঁটা মারো—”

চিত্রার বুবিবা আজ হাসিয়া গড়াগড়ি দিবারই দিন। তাই সে মুখ ভরিয়া হাসিয়া কহিল, “ভিক্ষু!—তাকে এত ভয়?” পরক্ষণেই দেখা গেল, তাহার মুখ-চোখের ভাব বদলিয়া গিয়াছে, যেন সে অস্বমনস্ক! একটু পরেই বাতাসিক মুখে বলিয়া উঠিল, “কিন্তু ওদের ত দুর্গতিই ধ্বংস-মারও খায়, মরেও যায়!”

পরিচারিকা মুখের এক প্রকার ভঙ্গী করিয়া বলিয়া উঠিল, “ও কি সেই ভিক্ষু?—ও মন্তর জানে! তুমি জান কি—লাঠি নিয়ে মারতে গিয়েছিল হাজার—হাজার নোক, সকলের হাত থেকে লাঠি খসে পড়েছে! উটে—” হঠাৎ চোখে আঁচল চাপিল।

চিত্রা সকৌতুকে প্রশ্ন করিল—“উটে—কি?”

পরিচারিকা ধরাগলায় কহিল, “সবাই মাগ-ছেলে ত্যাগ দিয়ে বুলি কাঁধে ক'রেছে!” আঁচলে সে চোখ মুছিল।

চঞ্চল অস্থির হইয়া উঠিল, যেন তাহার স্নমুখে মানুষ খুন হইয়াছে। বলিয়া উঠিল—“না, মা! ওর মিছে কথা!”

পরিচারিকা তাড়াতাড়ি ছুই-একটা চোক গিলিয়া কথিয়া চঞ্চলের দিকে ফিরিবে, চিত্রা বাধা দিল। দিয়াই চঞ্চলকে প্রশ্ন করিল, “তোমার মতলবটা কি, শুনি?”

“ছেলে-পরিবার সকলকে নিয়ে—”

“ভিক্ষু হয়েছে?”

চঞ্চল প্রবলোচ্ছ্বাসে বলিয়া উঠিল, “মঠের ভিক্ষু নয়! সে তুমি জান না মা!” পরক্ষণেই অস্থির হইয়া বলিয়া উঠিল, “মা, আমি যাই—”

চিত্রা পরিচারিকাকে দেখাইয়া কহিল, “একে নিয়ে ত?”

পরিচারিকা ক্রোধে ও ক্ষোভে থরথর করিয়া কাঁপিয়া উঠিল। ফোঁপাইয়া উঠিয়া কাঁদিয়া ফেলিয়া বলিয়া উঠিল, “আমার-গরজ—” বলিয়াই অগ্নিমূর্তি ধরিয়া চঞ্চলের দিকে ফিরিতেই সে গোটা ছুই লাফ মারিয়া অদৃশ্য হইয়া গেল।

সন্ধ্য-সন্ধ্য পরিচারিকাও যেন বুকের ভিতর হইতে একবজ্র টানিয়া বাহির করিয়া স্নমুখের দিকে নিক্ষেপ করিয়া বলিয়া উঠিল—“আমিও যাচ্ছি! দেখছি, কেমন তুমি, আর তোমার ঠাকুর—” বলিয়াই অগ্নিগোলকের ছায় নিষ্ক্রান্ত হইয়া গেল।

চিত্রা সেইদিকে তাকাইয়াছিল, মুখ নামাইল। রাজারও চোখ দুটা দিক-নির্গয় যন্ত্রের ছায় চিত্রার আনত-মুখের দিকে ফিরিয়া স্থির হইয়া রহিল। তখন নীচে আর-কেহই ছিল না, চারিদিক নিঃশব্দ। রাজা চিত্রার দিকে আড়চোখে চাহিয়া মুচ্‌কিয়া হাসিয়া কহিলেন—“অভিনয়টা করলে মন্দ নয়!”

চিত্রা চম্‌কিয়া রাজার দিকে তাকাইল, তাকাইয়া আবার মুখ নামাইয়া লইল।

রাজা একহাতে খণ্ড করিয়া চিত্রার একটি হাত ধরিলেন এবং অপর হাতে তাহার চিবুকটা ধরিয়া তুলিয়া বিলোল কটাঙ্গ করিয়া কহিলেন, “চাইলে, চেয়ে আবার চোখ নামালে?”

চিত্রা তাকাইয়া রহিল—চোখের পলক পড়িল না, যেন সে পাষণ্ড-প্রতিমা, যেন বা তাহার ভিতরে স্পন্দন, মাড়া, অল্পভূতি সমস্তই এইমাত্র কে ছোঁ মারিয়া তুলিয়া লইয়াছে।

রাজা নিজের মনোমত চিত্রার মুখটিকে দাঁড় করাইয়া রাখিয়া কহিলেন; “নামিয়ে না!” বলিয়াই স্বীয় গলদেশ হইতে আর-একক্ষণের সেই উপেক্ষিত রত্নহারটা চিত্রাকে পরাইয়া দিলেন। তারপর তাহার দিকে তন্ময় হইয়া খানিক তাকাইয়া রহিলেন, তারপর—তারপর নিজের মুখখানা চিত্রার মুখের কাছে সরাইয়া আনিতেই চিত্রা চম্‌কিয়া খানিক পিছাইয়া গিয়া তাড়াতাড়ি বলিয়া উঠিল, “আমার শোভাবাত্রা—”

“প্রস্তুত!”

রাজা আর অপেক্ষা করিলেন না:

* * * * *

একই সময়ে নগরের আর এক অংশে এক বিস্তৃত পটভূমির উপর আর এক অভিনয়ের একটি দৃশ্যের মুখ খুলিয়াছিল।

বিরাট সভা বসিয়াছে।

লোকে লোকারণ্য—আবালবৃদ্ধবনিতা। তিল-পরিমাণ স্থান নাই, তত্রাপি লোক প্রবাহের বিরাম নাই। সভার ঠিক মাঝখানটিতে এক উচ্চ শিলাখণ্ডের উপর করঘোড়ে দাঁড়াইয়া কক্ষণ—এক মহিমাময় মানব মূর্তির অপূর্ব বিকাশ! তাহার মুখে হাসি, চোখে মিনতি, সকলকেই যেন ডাক দিয়াছে—“এসো!”

সভার উদ্যোগী সেইদিনের সেই বিদ্রোহী-দল। তাহারা সকলেই ব্যস্ত, সকলেই চঞ্চল সকলেই অস্থির! প্রত্যেকেই করিতেছে ভিতর-বাহির, এক অনাগত মূর্তির অপেক্ষায়—সমাজপতির!

মুহূর্ত, পল, দণ্ড অতিবাহিত হইয়া চলিয়াছে, তত্রাপি সমাজপতির দেখা নাই। ভিক্ষুপক্ষ ব্যস্ত হইয়া অপর পক্ষকে তাগাদা দিল, “কোথায় তোমাদের সমাজপতি?”

কক্ষণ হাত তুলিল—নিষেধ! সকলেরই চোখ সেই-দিকে ফিরিল, ফিরিতেই কক্ষণ মেহাদ্রকণ্ঠে কহিল, “ভিক্ষু—তোমাদের কথা, ও নয়!”

যুগপৎ সকলেরই মস্তক অবনত হইল—সকলেই অপ্রতিভ! প্রতিপক্ষ যাহারা তাহাদের প্রত্যেকেরই মুখে তখন যেন কালি পড়িয়াছে! যে অগ্রণী, সে একজনকে তাড়া দিয়া নির্দেশ দিল, “যাও, শীগ্‌গীর—যদি অস্থস্থ হয়েও থাকেন, উঠিয়ে নিয়ে পিঠে ফেলে ছুট দেবে—

এমন সময়ে জনতায় কলরব উঠিল। প্রথমে—গোড়ার, তারপর মাঝে, তারপর সর্বত্র ছড়াইয়া! অতঃপর সকলেই যুক্ত দৃষ্টি যেন প্রচণ্ড কৌতুকে প্রবেশ-দ্বারে বাঁপাইয়া পড়িল—গাধায় চড়িয়া নন্দন!

নন্দন গস্তীরভাবে কহিল, “আমি সমাজপতি নই—গাধাপতি!” বলিয়াই কষিয়া গাধাটার লেজ মলিয়া ছুট করাইয়া ভিতরে প্রবেশ করিল। তারপর বাহনটিকে উপস্থিত ভারমুক্ত করিয়া তাহার পিঠে ঠেস দিয়া দাঁড়াইল, দাঁড়াইয়া চারিদিকটায় দৃষ্টি-বিনিময় করিল। দৃষ্টির এক সীমানায় কক্ষণ, তাহারও সঙ্গে চোখ মিলিল, কিন্তু তৎক্ষণাৎ এগনিই ভাবে চোখ ফিরাইয়া লইল, যেন ওই লোকটির সহিত তাহার চোখের দেখাও ইতিপূর্বে কখনো কোনদিন কোথাও হয় নাই। অতঃপর তাহার চোখ ফিরিল প্রতিপক্ষের উপর। একে-একে প্রত্যেকের চোখে চোখ মিলাইয়া তাহাদের অগ্রণীকে দেখিতে পাইয়াই তাহাকে হাতছানি দিয়া ডাকিল এবং সে সরিয়া আসিতেই স্বীয় গাত্রাবরণের ভিতর হইতে একখানা কাগজ বাহির করিয়া তাহার হাতে দিয়া কহিল—“সমাজপতির!”

অগ্রণী তাড়াতাড়ি কাগজখানা খুলিয়া ফেলিল এবং তাহার ক্রম্ব অক্ষরগুলার উপর চোখ পাতিয়াই মস্তক অবনত করিল।

দলের প্রত্যেক লোকই উন্মুখ হইয়াছিল, প্রত্যেকেরই মুখ ওই মারাত্মক লিপির উপর একযোগে ঝুঁকিয়া পড়িল এবং সকলেই যেন দিশেহারী হইয়া বিভ্রান্তের স্থায় পরস্পরের মুখের দিকে চাহিতে লাগিল। তারপর প্রত্যেকেই আপন মনে—যেন নিজের আত্মাকেই পালাক্রমে একই প্রশ্ন করিয়া উঠিল—“ভিক্ষুর ধর্ম্মই বড়?”

“ভিক্ষুর ধর্ম্মই বড়—”সমাধিমুক্তের স্থায় কথাটি মুখ

দিয়া বাহির করিয়াই অগ্রণী মুখ তুলিল, যেন তাহার মুখে তখন চাঁদ উঠিয়াছে। পরক্ষণেই নিজেকে যেন ধরাধরি করিয়া নন্দনের পদপ্রান্তে নামাইয়া দিল! বিষয়ে বিহ্বল দল—তাহারই অল্পসরণ করিল। কক্ষণ হাত বাড়াইয়া ছিল, অগ্রণী কাছে আসিতেই তাহাকে বুকে চাপিয়া ধরিল। তখন ভিক্ষুপক্ষের মেয়েদের মুখে ‘উলু’ আর শাঁখ।

অতঃপর কক্ষণ অগ্রণীকে সনেহে বুক হইতে খুলিয়া পার্শ্বে দাঁড় করাইয়া হাত দুটি জড় করিল; তারপর সেই যুক্তকর স্বীয় ললাটে একবার স্পর্শ করিয়াই নামিয়া বাহির হইয়া গেল, তখন তাহার পশ্চাতে এক বিরাট বাহিনী, যেন তাহার অভিযানমুক্ত—নবজীবনে সবাই আত্মহারা!

রাস্তায় পড়িতেই কক্ষণের গতি হঠাৎ থামিল—পথরোধ কাশ্মি চিত্রার পরিচারিকা। তাহার মাথার চুল বিকৃত, চোখ রক্তবর্ণ, মুখ রোদনে বিকৃত! কক্ষণ বিষয়ে প্রশ্ন করিল, “কে তুমি, বোন?”

চঞ্চল দাঁড়াইয়াছিল কক্ষণের ঠিক পশ্চাতেই। তাড়াতাড়ি বলিয়া উঠিল—“আমার—” কথাটা সমাপ্ত না করিয়াই উভয়ের মাঝখানে আসিয়া দাঁড়াইল।

কক্ষণ সহাস্তে চঞ্চলের দিকে এক গুরুতর কটাঙ্গ করিয়া কহিল, “তোমার স্ত্রী?”

—চঞ্চল ছুই একটা ঢেঁক গিলিয়া মুখ নামাইয়া জবাব দিল—“হু!”

পরিচারিকা কঁোপাইয়া উঠিল, তারপর মুখস্থ বলার মত বলিয়া ফেলিল, “আমাকে ত্যাগ দিয়েছে—”

কক্ষণ তেমনিই হাসিয়া কহিল, “ভালোই ত! আজ নতুন করেই একজনের সঙ্গে একজনের বিয়ে হোক!” বলিয়াই পরিচারিকার হাত ধরিয়া চঞ্চলের হাতে গুঁজিয়া দিল। দিয়াই আবার পথ ধরিল। আর সকলেও তেমনিই পশ্চাতে, মেয়ে আর পুরুষ—পাশাপাশি।

দাঁড়াইয়া রহিল মাত্র চঞ্চল আর পরিচারিকা—“বর আর কনে!”

চঞ্চল পরিচারিকাকে তাগাদা দিয়া কহিল, “বাড়ী চল!”

পরিচারিকা নতমুখে পায়ের নখ দিয়া মাটি খুঁড়িতে খুঁড়িতে জবাব দিল, “না।”

চঞ্চলের বিষয়ের অবধি রহিল না। কহিল, “তবে?”

কক্ষণ তখনও তাহাদের দৃষ্টির আড়াল হয় নাই, পরিচারিকা মুখ তুলিয়া তাহার দিকে আঙুল রাখাইল।

চঞ্চল প্রথমে সংশয়ে, তারপর হর্ষে, তারপর গুড়ের স্থায় মেয়েটির দিকে ঝুঁকিয়া পড়িতেই সে চৌঁট ফুলাইয়া স্বামীর বুকের উপর পড়িয়া মুখ গুঁজিয়া ফেলিল।

আঠারো

কয়েক পদ গিয়াই কক্ষণ তাহার নব দলকে আদেশ দিল—“বাড়ী যাও!”

বিষয়ের কথা! একজন কহিল, “কেন, মঠ?”

কক্ষণের মুখে হাসি আর ধরে না। কহিল, “মঠ?—বাড়ীই যে তোমাদের মঠ!” পরক্ষণেই মুখের ভাব-প্রশান্ত করিয়া কহিল, “বউ, ছেলে, মা, বাপ—এই নিয়েই তোমাদের মঠ!”

বুঝিবা এক অত্যাশ্চর্য্য নির্দেশ! সকলেই বিহ্বল হইয়া কক্ষণের দিকে তাকাইয়া রহিল।

কক্ষণ তেমনি করিয়াই আবার বলিতে লাগিল, “তারই ভিতর ভিক্ষু—বাপ, মা, ছেলে, বউ! কঠোর বলে যা-কিছু সে ত কারাগার, মাল্লয়ের মুক্তির মঠ সে নয়!”

অতঃপর কক্ষণ চলিয়া যাইতেই আর একজন অধীর হইয়া বলিয়া উঠিল, “দীক্ষা—”

কক্ষণ বলিতে যাইবে, অদূরে ত্রিবর্ণের আবির্ভাব হইতেই সে থামিয়া গেল। সহর্ষে বলিয়া উঠিল, “অধ্যক্ষ আসছেন! এসো—” বলিয়াই বাহিনীকে যেন এক জোর টান দিয়া অগ্রসর হইয়া ত্রিবর্ণের সম্মুখে গিয়া সদলে তাঁর পদধূলি গ্রহণ করিল।

ত্রিবর্ণের মুখে হাসি, চোখে দীপ্তি, আর সর্বক্ষে বিচ্ছুরিত আশীর্বাদ! তাহার পশ্চাতে দাঁড়াইয়া এক কৌতুকময়ী—কৌমুদী!

ত্রিবর্ণ আশীর্বাদ করিলেন; হাত তুলিয়া—যেন সকলেই অল্পভব করিল, তাহাদের প্রত্যেকেরই মস্তকে ওই মহা-পুরুষের স্পর্শ পড়িয়াছে। অতঃপর ত্রিবর্ণ কৌমুদীর দিকে ফিরিয়া সহাস্তে কহিলেন, “আজ তোমার একটি কথা নেব, মা! বলত, জিতলো কে—তুমি, না আমি?”

কৌমুদীর মুখখানি সহসা লজ্জায় রাঙা হইয়া উঠিয়াই নামিয়া পড়িল।

ত্রিবর্ণ কিন্তু নাছোড়বান্দা। বলিয়া উঠিলেন, “আবার

সেই পুরোনো লজ্জা?” বলিয়াই কৌমুদীর মুখটি তুলিয়া ধরিয়া কহিলেন, “আচ্ছা, আমিই বলি শোনো—তুমি! কেন না—”

কঙ্কণকে নির্দেশ করিয়া কহিলেন, “তোমারি খেলাঘরে ও আজ তোমারি পুতুল!”

কঙ্কণ তাড়াতাড়ি বাহিনীর দিকে অঙ্গুলি নির্দেশ করিয়া প্রশ্ন করিল, “এঁদের দীক্ষা?”

ত্রিবর্ণ শ্রিতমুখে জবাব দিলেন, “প্রয়োজন নেই!” বলিয়াই মেয়েদের কাছে সরিয়া গিয়া কহিলেন, “মা, তোমরা সজীব প্রকৃতি, দীক্ষা দেবার তোমাদের ওপরওয়াল কেউ নেই! কিন্তু—” পুরুষদের নির্দেশ করিয়া কহিলেন, “এঁদের ভার নিয়ো তোমরা!”

মেয়েরা লজ্জায় মুখ নীচু করিতেই ত্রিবর্ণ পুনশ্চ বলিয়া উঠিলেন, সিদ্ধার্থ—গুর নাম কেউ জান্তো না, যদি না গোপার অন্তঃস্থ গুর ওপর পড়তো!”

একটি মেয়ের বিস্মিত মুখ দিয়া খাম্বকা প্রশ্ন পড়িল, “গোপার অন্তঃস্থ হ?”

ত্রিবর্ণ শিশুর ছায় হাসিয়া উঠিয়া কহিলেন, “হ্যাঁ, মা!” পরক্ষণেই আবার গভীর হইয়া কহিতে লাগিলেন, “ইতিহাসে নেই? তার কারণ—হয় ইতিহাস মেয়েমানুষের হাতে তৈরী হয় নি, নয় ফলের পরিচয়ে মানুষ গাছেরই নাম করে, মাটির কথা মুখেও আনে না!” একটু নীরব থাকিয়াই আবার সুর করিলেন, “গোপা আঁচল থেকে চাবি খুলে না দিলে সিদ্ধার্থ বড়লোক হ’তে যে পারতেন, একথা ইতিহাস বিশ্বাস করুক, কিন্তু—আমি করিনে! আমি করিনে! আমি বলি—গোপা ইতিহাসের উপেক্ষিতা!”

মেয়েটি যেন ছঃসহ হর্ষে বলিয়া উঠিল—“আমরাও তাই বলি, বাবা!”

“বলবে বৈকি মা! পুরুষমানুষকে এঁকে ছবি করবার রঙ তুলি তোমাদেরই যে হাতে। স্মৃতি তাকে নিস্তেজ করতেও পারো, আবার ছঃসহ তাকে মাতিয়ে দিতেও তোমাদের জোড়া মেলে না!” বলিয়া ত্রিবর্ণ আর দাঁড়াইলেন না।

কৌমুদীরও বুঝি বা আর অপেক্ষা করিবার প্রয়োজন ছিল না। সেও যেমন ত্রিবর্ণের অনুসরণ করিতে পা বাড়াইবে, তাহার সন্মুখ দিয়া এক অশ্বরোহী ছুটিয়া গেল।

কৌমুদী চম্কিয়া উঠিয়া চোখ তুলিতে দেখিল—একটু দূরে দৃষ্টির মাথায় এক বিরাট নর-বাহিনী তালে তালে পা ফেলিয়া সরিয়া আসিতেছে! কাছাকাছি হইতেই টের পাইল—উহার রাজ-পদাতিক, বিচিত্র সাজে সাজিয়া—প্রত্যেকের হাতে এক একটি করিয়া নানা রঙের পতাকা—প্রত্যেকটির গায়ে স্বর্ণাঙ্করে লেখা—“শ্রেষ্ঠ নাগরিকা—চিত্রা!”

অনন্তবিস্তারি আকাশ, তাহাকে ছাইয়া ঘন মেঘ একখানি—তাহার সঙ্গে আচম্ভ্য বিদ্যুতের তাঁড় পড়িলে যেমন হয়, ঠিক তেমনি ধারা কৌমুদীরও মুখের চেহারা হইল এবং তৎক্ষণেই কঙ্কণের কাছে সরিয়া গিয়া চোখে চোখে ফেলিয়া সেইদিকে তাহার দৃষ্টি আকর্ষণ করিয়াই রাস্তায় যে-দিকটায় খালি, লোকজন ছিল না, সেইদিকে হেলিয়া পড়িয়া মিশিয়া গেল!

অতঃপর ‘এক-পৃথিবী’ নরনারীর ‘পরলোক’ হাতে করিয়া যে দেবদূত দাঁড়াইয়া, তাহার সন্মুখ দিয়া একে-একে মিশিয়া গেল—এক বিরাট শোভাযাত্রা—রাজ-পদাতিক, অশ্বরোহী, তারপর এক উন্নতকার শ্বেতহস্তীর পৃষ্ঠে বসিয়া নগরের শ্রেষ্ঠ নাগরিকা!

চিত্রা!

চোখাচোখী হইল। হইতেই চিত্রা চোখ ফিরাইয়া লইল, যেন সহস্র সহস্র দর্শকের ছায় কঙ্কণও একজন অপরিচিত। কিন্তু, নামিল না কঙ্কণের চোখছুটি!

কঙ্কণ! তাহার চোখের উপর এক শ্মশান, শ্মশানে মাত্র একটি চিতা, এই মাত্র জলিয়াছে, আগে নয়—হই-করিয়া তারপর নিমেষেই নির্বাপিত হইল! * * * কঙ্কণ—তাহার মুখে হাসির একটু আভা পড়িল, পড়িয়াই বিলীন হইল। তারপর সে চোখ নাগাইল—চোখের নীচে চেনা পথ, চেনা মাটি, চেনা গাছপালা, চেনা ঘর-বাড়ী! তারপর পা বাড়াইয়া আস্তে-আস্তে রাস্তায় নাগিয়া পড়িল। তখন তাহার পশ্চাতের পৃথিবী একটু-একটু করিয়া দ্রব হইতে সুরু হইয়াছে।

মনে-মনে এক প্রশ্ন উঠে। মানব আত্মার এই যে চরম বিকাশ, হঠাৎ উহা ম্লান হইয়া পড়িল কেন এমন করিয়া? হয় নাই—এ প্রশ্নের নিষ্পত্তি—মানব সৃষ্টির প্রথম দিন হইতে আজিও! তাই বলিয়াই বুঝিবা ত্রিবর্ণ নগরের নারীশক্তি

যেটার পুরুষের অভিভাবক করিয়া চলিয়া গেলেন। কিন্তু সে কথা এখন থাক।

সন্ধ্যা হইয়াছে। চারিদিক ব্যাপিয়া প্রকৃতির কালোরাপ। কঙ্কণ রাস্তার একপাশ ধরিয়া একমনে চলিয়াছে। কতদূর গিয়াছে তাহা তাহার হৃৎস নাই, হঠাৎ কাহার গায়ে পা পড়িল! পড়িতেই সে চম্কিয়া পিছাইয়া আসিল এবং সঙ্গে-সঙ্গেই এক বস্ত্রণ-কাতর নারীকণ্ঠে নিঃশব্দ হইল—‘মাগো!’

কঙ্কণ তাড়াতাড়ি আবার সরিয়া আসিল। রাস্তার অন্ধ আলো থাকিলেও সে-স্থানটার ছিল গাঢ় অন্ধকার—হুঙলা ঝাঁপাইয়া পড়িয়া লতাপাতায় ঢাকিয়া রাখিয়াছে। কঙ্কণ বসিয়া পড়িয়া শায়িত দেহটাকে হাত বাড়িয়া স্পর্শ করিয়াই ভীতি-ব্যাকুল কণ্ঠে জিজ্ঞাসা করি “কে তুমি?”

“—”

কঙ্কণ আর কাল বিলম্ব না করিয়াই সেই আন্তর্ভাব্যজিকের সন্মুখ সরিয়া বাহুর উপর উঠাইয়া লইল তারপর হাওয়ার ছায় আলোয় উড়িয়া আসিয়া তাহার মুখের দিকে তাকাইয়াই অক্ষুট বিষ্ময়ে বলিয়া উঠিল, “নাগরিকা—”

নাগরিকার মাথাটি নীচের দিকে লটুকিয়া পড়িল।

কঙ্কণ চট করিয়া মাথাটা হাতের উপর রাখিয়া ব্যগ্র-ব্যাকুলকণ্ঠে কহিল, “তোমার বাড়ী?”

সে দিকে বাড়ী—নাগরিকা আস্তে-আস্তে হাত বাড়াইয়া সেইদিকে আঙুল দেখাইল।

কঙ্কণ আর অপেক্ষা করিল না, বিদ্যুৎবেগে নাগরিকার বাড়ী গিয়া উঠিল, তারপর আতুরার নির্দেশ মত তাহার শয়ন কক্ষ প্রবেশ করিয়া আস্তে-আস্তে শয্যায় শোয়াইয়া দিল। দিয়াই জিজ্ঞাসা করিল, “লেগেছে খুব, নয়?”

নাগরিকা চোখ বুজিয়া অক্ষুট শব্দ করিয়া যেন অসহ-বয়সায় পাশ ফিরিল।

কঙ্কণের মুখখানা বিবর্ণ হইয়া গেল। নাগরিকা বেদিকে ফিরিল, সেও সেইদিকে উঠিয়া গিয়া আতঙ্কে জিজ্ঞাসা করিল, “কোথায় লেগেছে? কোন খানে?”

নাগরিকা হাত দিয়া দেখাইল। যেখানে হাত পড়িল সে তাহার বুক।

কঙ্কণের মুখখানা একটিবার কাঁপিয়া উঠিয়াই স্থির

হইয়া গেল, যেন মেয়েটির অঙ্গের ওই আঘাত সে তৎক্ষণাৎ উঠাইয়া লইয়া নিজের বুকেই সংস্থাপন করিয়াছে। তারপর মুখ দিয়া কহিবার কি কথা তাহা সে খুঁজিয়া পাইল না। ছুই একবার মেয়েটির মুখে অকারণ দৃষ্টি ফেলিয়াই নেহাৎ আনাড়ির ছায় আপন মনে বলিয়া উঠিল, “রাস্তা—অন্ধকার—ওখানে কেউ শুয়ে থাকে?”

নাগরিকা এইবার আস্তে-আস্তে চোখ খুলিয়া কঙ্কণের দিকে অবশনেত্র্যে তাকাইয়া কহিল, “হাঁটতে যে আর পারিনি!”

কঙ্কণ সপ্রশ্ন দৃষ্টিতে তাকাইতেই নাগরিকা পার্শ্বপরিবর্তন করিয়া নিস্তেজকণ্ঠে পুনরায় বলিয়া উঠিল, “মনাহারে আছি—সাতদিন!”

“খাওনি কিছু?”

“ভিক্ষে মেলে নি!”

ইন্দ্রাণয়ের ছায় অট্টালিকা—বতদূর দৃষ্টি যায়, উহার প্রত্যেক অংশে কঙ্কণ বিষ্ময়-দৃষ্টিতে তাকাইয়া হঠাৎ মেয়েটির দিকে ফিরিয়া প্রশ্ন করিল, “তুমি ভিক্ষে কর?”

নাগরিকা মাথাটা এধারে ফিরাইয়া কঙ্কণের দিকে একটিবার তাকাইল—তাহার মুখে নিঃশব্দ হাসি, তিক্ত এক অভিযোগের! তারপর যেন কথঞ্চিৎ স্থস্থির হইয়াই কহিল, “জানেন না আপনি?” থাকিল। একটু পরেই আবার সুর করিল, “সন্ধ্যা নিয়েছে নগরের সবাই—আদর আনাকে কে আর করবে?—একটু জল দিতে পারেন?”—বলিয়াই কক্ষের এক কোণে আঙুল বাড়াইয়া একটা জলপাত্র দেখাইয়া দিল।

কঙ্কণ তৎক্ষণাৎ উঠিয়া গেল এবং জল আনিয়া মুখে ধরিয়া পান করাইয়া জিজ্ঞাসা করিল, “ভিক্ষে কোথাও পেলে না কেন?”

নাগরিকার মুখে জল লাগিয়াছিল। আঁচল দিয়া মুখ মুছিয়া যেন অবসরমতই দ্রব্য হাসিল—ম্লান! কহিল—“আপনি শিশুর মতো অবোধ! যেখানে ঘরে-ঘরে ভিক্ষু, ছেলেবুড়ো সকলে—ভিক্ষা কে কাকে দেবে?” বলিতে—বলিতে মাথাটা বালিশ হইতে নীচে পড়িয়া গেল, যেন হঠাৎ নিস্তেজ হইয়া পড়িয়াছে।

কঙ্কণ ব্যস্ত হইয়া উঠিল। তাড়াতাড়ি এ-পাশে আসিয়া মাথাটি ধীরহাতে বালিশের উপর তুলিয়া দিল, তারপর বুঁকিয়া কি বলিতে যাইবে, নাগরিকা হাত নাড়িয়া নিষেধ

করিল। একটু পরে পাখের একটি কক্ষের দিকে অঙ্গুলি নির্দেশ করিয়া ক্ষীণ কণ্ঠে কহিল, “ওই ঘরে—আছে একটি, তার আঁখানি—তার এক কুচি ফল—এনে দেবেন?”

“দিই” বলিয়া কক্ষণ তৎক্ষণাৎ উঠিয়া নির্দিষ্ট কক্ষে প্রবেশ করিল। করিতেই দ্বারদেশে, চৌকাঠের ওপরে, নাগরিকার ঠিক চোখের উপর আর-এক মানব-মূর্তির আবির্ভাব হইল, সে—নন্দন! তাহার চোখে অস্বাভাবিক এক পুলক, মুখে মারাত্মক চোরা-হাসি! নাগরিকার মুখেও তখন যেন ধন ঘন বিদ্যুৎ খেলিয়া চলিয়াছে! কিন্তু সে ক্ষণিকের। মুহূর্তেই আবার সে মুখের ভাব পরিবর্তন করিয়া ফেলিল এবং কি-এক আদেশ-কঠিন সঙ্কেত করিতেই নন্দন অদৃশ্য হইয়া গেল।

উনিশ

সন্ধ্যা উত্তীর্ণ হইয়াছে।

রাত্রির কালো ছায়ার ঝায় চিত্রা বাঁজী ফিরিল। তাহার মুখের চেহারা দেখিয়া মনে হইল, যেন সে টক্কর খাইয়া কোথায় মুখ খুঁড়িয়া পড়িয়া গিয়াছিল, এইমাত্র উঠিয়া আসিয়াছে—মুখে খানিক কাদা জল। সটান উপরে উঠিয়া শয়নকক্ষে প্রবেশ করিয়া বালিশে মুখ গুঁজিয়া শুইয়া পড়িল।

কতক্ষণ কাটিয়াছে তাহার ঠিক নাই, মেঝের কাহার পদশব্দ হইতেই চিত্রা চমকিয়া উঠিল। হাতে ভর দিয়া ঝুং উঠিয়া মুখ তুলিয়া দেখিল—রাজা! দেখিয়াই আবার তেমনি করিয়াই শুইয়া পড়িল।

রাজা অগ্রসর হইয়া একেবারে চিত্রার শয্যায় গিয়া বসিয়া পড়িলেন। কহিলেন, “এমন করে?”

চিত্রা উঠিয়া বসিল এবং মাথার কাপড়টা খুলিয়া ফেলিয়া রাজার দিকে ক্ষণকাল চাহিয়া রহিল। তারপর হঠাৎ বলিয়া উঠিল, “আপনি মদ খান?”

চিত্রার মুখের ঐ মুক্ত দৃশ্য, চোখের সেই অভিনব স্ত্রী রাজাকে বিহ্বল করিয়া তুলিল। কহিলেন, “খাই, যখন বেউ হাতে তুলে দেয়—তুমি দেবে?”

চিত্রা তৎক্ষণাৎ ও-ঘর হইতে একটি পাত্র ভরিয়া সুরা আনিয়া রাজার স্মুখে আসিয়া দাঁড়াইল।

“চিত্রা—”

বাহির হইতে এক অস্থির কণ্ঠ ছুটিয়া আসিল এবং সঙ্গে-সঙ্গেই নন্দন বাড়ের ঝায় কক্ষে প্রবেশ করিয়াই থমকিয়া দাঁড়াইল।

চিত্রা তখন সবে সুরার পাত্রটা রাজার মুখের গোড়ায় তুলিয়াছে, হাতের চাপ খুলিয়া পাত্রটা মেঝের পড়িয়া গেল। নন্দন ও মুখ নাগাইয়া মুখ ফিরাইয়া তাড়াতাড়ি বাহির হইয়া গেল।

বাহির হইয়া নন্দনের আর পা উঠে না, যেন সে এক নিবাসহীন পাহাড়, আশ্রয়ের নির্দেশ নাই, যত্ন করিয়া ডাকিয়া আনিবে—এমন কোন আশ্রয়ও নাই! সিঁড়ি দিয়া নামিতে নামিতে চোখের দৃষ্টি তাহার ঝাপসা ঠেকিতে লাগিল, হঠাৎ যেন এক বড় উঠিয়া চোখে ধূলা পড়িয়াছে। পাচো নামিয়া অঙ্গনে পা দিয়াছে, সহসা ঠিক পশ্চাতেই এক শব্দ হইল, চাহিয়া দেখিল চিত্রা—পায়ে কাপড় জড়াইয়া অঁড়া খাইয়া পড়িয়া গিয়াছে। চোখের পলকেই চিত্রা উঠিয়া নন্দনের স্মুখে পড়িয়া গতিরোধ করিয়া দাঁড়াইয়া বলিয়া উঠিল, “কি বলতে এসেছিলেন?”

নন্দন যেন আকাশ হইতে পড়িয়াছে! বিস্ময়ের ভাণে সসম্মানে কহিল, “আপনাকে?”

চিত্রা পথ ছাড়িয়া এক পাশে দাঁড়াইল।

নন্দনও পায়ে জোর দিল। কিয়দূর গিয়াই আবার ফিরিয়া আসিল, যেন হঠাৎ কি মনে পড়িয়াছে। চিত্রার কাছাকাছি হইয়া শশব্যস্তে বলিয়া উঠিল, “ভাল কথা! এই কক্ষ—না থাক!” আবার সে পিছন ফিরিয়া প্রস্থানোত্ত হইল।

চিত্রা নীরব অচঞ্চল, যেন কোথায় কার বাঁনী বাজিয়াছে, সেই দিকেই সে একমনে কাণ পাতিয়া।

কিন্তু এবার আর নন্দন পা বাড়াইল না। মুখ ফিরাইয়া আবার তেমনি করিয়াই বলিয়া উঠিল, “কথাটা ভাল—নাগরিকা, তাকে চেনো ত? তারই ঘরে এক বিছানায়, মুখে মু—”

“মিথো কথা!”—চিত্রার চোখ দিয়া এক ঝলক অগ্নিশিখা নির্গত হইল।

গঙ্গাজল আর তুলসী—এ যেন নন্দনের হাতেই! এমনিই দৃঢ়কণ্ঠে বলিয়া উঠিল, “না—মিথো নয়!” অতঃপর এক অর্থপূর্ণ কটাক্ষ করিয়াই আবার কহিল, “ভালোবাসা! চেন কি? নাগরিকা কত ভালোবাসে—জান তুমি?”

চিত্রার মুখখানা কাঁপিয়া উঠিল। কহিল, “ভালোবেসেও তাকে আপন করতে পারি নি।

“দেখবে এসো!”—বলিয়াই নন্দন মুখ ফিরাইয়া রাস্তা ধরিল।

চিত্রা অকস্মাৎ খরখর করিয়া একবার কাঁপিয়া উঠিয়াই স্থির হইয়া গেল। তারপর দেখা গেল, তাহার দেহে স্পন্দন আসিয়াছে—চোখে এক চোখ জ্যোৎস্না! ধীরে ধীরে সে পা বাড়াইল, কোথায় যেন সে জানে না, কেই বা তাহাও তাহার অবদিত, অথচ এখানে আর দাঁড়াইয়া থাকিলেও তাহার চলিবে না—যেন এই জন্মের পক্ষে তাহার আর-এক জন্ম ছিল, সেই জন্মে বসবাস করিবার ছিল এক পত্রকুটীর, ধরিত্রীর একান্তে—আজ সেই দিকটাই হঠাৎ তার মনে পড়িয়াছে!

এমনিই সময়ে পৃষ্ঠাৎ হইতে এক তীক্ষ্ণকণ্ঠের ডাক গড়িল—“চিত্রা!”

চিত্রা ফিরিয়া দেখিল—রাজা!

কাছে আসিয়া রাজা কহিলেন, “চললে কোথায়?”

যেন আনমন হইয়া আছে, এমনি ভাব দেখাইয়া চিত্রা প্রত্যুত্তর দিল, “আমি? মেয়েমানুষ যেখানে যায়!”

অষ্ট হাসিয়া রাজা কহিলেন, “গিয়ে লাভটা কি?—মেখানে ত’ আর স্মবিধে হবে না।” বলিয়াই চিত্রার মুখের কাছে মুখ আনিয়া এক অর্থপূর্ণ কটাক্ষ করিয়া পুনশ্চ বলিয়া উঠিলেন, “তোমারও নয়, নাগরিকারও নয়—গিয়ে দেখবে যার বন্দ!”

চিত্রার মুখখানা বিবর্ণ হইয়া গেল। রাজা সেই মুখের দিকে তেমনি করিয়াই চাহিয়া হাসিয়া উঠিলেন। কহিলেন, “তা ছাড়া—”

কক্ষের ঝুং নাগাইয়া আবার স্তব্ধ করিলেন, “এমন রূপ—ভিক্ষু—ভিখারীদের জন্মে নয়! সে জ্ঞান আছে কি?—কে কার বৃকে আঙুন জ্বলেছে? এত বড় আমার বৃকে এতদিন ছিল না, চিত্রা! হাতে করে তুলে দিয়েছ—তুমিই! স্বতরাং নামিয়ে দেবার ভার আমার—নগরের নবীন নাগরিকার নয়!”

চিত্রার মুখখানা লাল হইয়া উঠিল, মুখ দিয়া একটি কথাও কহিতে পারিল না।

রাজার মুখ ছুটিয়াছিল, তেমনি করিয়াই আবার বলিয়া

উঠিলেন, “মুখ রাজা কোরো না—ওতে রূপ বাড়ে!” বলিয়াই পিছাইয়া গেলেন।

চিত্রার আপাদমস্তক টলিয়া উঠিল, তারপর স্মুখের দিকে একবার বুঁকিয়াই মুহূর্তের মধ্যে রাস্তার অন্ধকারে গিশিয়া গেল।

কুড়ি

দশজন একসঙ্গে সহজেই বশ হয়, কিন্তু পৃথকভাবে একজনকে হাতে আনা কত যে মুক্শিল, কক্ষণ তাহা হাড়ে-হাড়ে বুঝিতে পারিল। এইমাত্র সে সমস্ত নগরবাসীকে এক কথায় বশ করিয়া আসিয়াছে, কিন্তু একা এই নাগরিকার কাছে সে হার মানিল। ফলের কুচিটা কাছে আনিতেই নাগরিকা ঠোট ফুলাইয়া বলিয়া উঠিল, “ধ্যান উপাসনা বুঝি আপনাদেরই একচেটে?”

কথাটা কক্ষণ বুঝিতে পারিল না। বিস্মিতনেত্রে নাগরিকার পানে তাকাইতেই সে বলিয়া উঠিল, “সকাল থেকেই রাস্তার-রাস্তায়—অশুচি-বাস, ধূলো-পা, ইষ্টদেবতার নাম নিইনি—এ কথা আপনি জানেন না?”

কক্ষণ অপ্রতিভ হইয়া কহিল, “কি করে জানবো?”

নাগরিকা এক দীর্ঘশ্বাস ফেলিয়া কহিল, “তা জানবেন কেন?” খামিল, যেন একসঙ্গে এতকথা কহিয়া হাঁপ ধরিয়াছে। একটু পরেই কহিল, “বলিনি আমি—ভিক্ষে করতে বেরিয়েছিলাম?” তারপর যেন এক অভিমানের কটাক্ষ করিয়া স্তব্ধ করিল, “আমাদের মতন যারা ভিখারী—আমার মতন—তারাই জানে, পরের বাঁজী আঁচল পাতে হ’লে নিজের অবসর মত বাঁজী থেকে বেরলে চলে না—সব কাজ সেয়ে বাওয়া কি যায়?”

“তা হ’লে, সেয়ে নাও—”

নাগরিকার মুখ দিয়া ঝুং হাসি বাহির হইল—জুটামির হাসি। কহিল, “জুকুম—এখুনি তামিল করতে হবে!” পরক্ষণেই আবার অবসন্নতার ঝায় কহিল, “করতাম, যদি শক্তি থাকতো!”

“তবে?”

“এক কাজ করবেন? এই যদি—না থাক—”

“বল না?”

“একটু উঠিয়ে আমাকে যদি বসিয়ে দেন!”

কঙ্কণ তৎক্ষণাতঃ নাগরিকাকে সন্তর্পণে ধরিয়া তুলিয়া বসাইয়া দিল। দিয়া কহিল, “এইবার—”

“এইবার হুকুম প্রতিপালন!” বলিয়াই নাগরিকা একমুখ হাসিয়া উঠিল। মুহূর্তপরেই মুখের ভাব পরিবর্তন করিয়া কহিল, “আর একটি—”

কঙ্কণের দৃষ্টি সপ্রগম হইতেই নাগরিকা কহিল, “একটিবার বস্বেন আমার স্বমুখে—বিছানায়?”

“কেন?”

“ধ্যানের রূপ একটি ত চাই!”

কঙ্কণ এইবার হাসিয়া ফেলিল। কহিল, “সে কি আমি?”

“‘আমি’ মানে মহাশ্রেষ্ঠ ‘কঙ্কণ’ নয়, ‘ভিক্ষু’ শ্রমণ কঙ্কণও নয়!—অপরিচিত পথিক একজন; মাত্র রাস্তার লোক!” একটু চুপ করিয়াই নাগরিকা আবার আরম্ভ করিল, “কেন জানেন? চিরটা কাল অসোনা মানুষকেই ভালবেসে এসেছি! তাই ধ্যানের সময় রাস্তার বাকে দেখতে পাই, তাকেই হাত ধরে এনে স্বমুখে বসাই!”

কঙ্কণকে কে-যেন তখন কৌতুকের দোলায় চাপাইয়া দোল দিয়াছে। কহিল, “সত্যি?”

নাগরিকা নির্বিক্রমে জবাব দিল, “যা মনে করেন! সত্যি যদি মনে করেন—সত্যি! মিথ্যে যদি মনে করেন—মিথ্যে!” বলিয়াই একবার আড়চোখে চাহিল, চাহিয়াই আবার কহিল, “ভালোবাসা!—বাকে আমি ভালবাসি, তাকে যদি আর-একটু বেশী করে প্রাণ দিই অর্থাৎ—তারই রূপ স্বরূপে নিয়ে যদি—ধ্যানে বসি, তাহ’লেই—দেবতা লাভ!—ওকি, বোকার মত দাঁড়িয়ে রইলেন কেন?”

কঙ্কণ অপ্রস্তুত হইয়া পড়িল, তারপর মন্ত্রচালিতের ঞ্চায় নাগরিকার শব্দের উপর উপবেশন করিল, কাছাকাছি, মুখোমুখী—“ভক্তের’ মনোমত!

নাগরিকা আর কঙ্কণ, কঙ্কণ আর নাগরিকা! নাগরিকা মুদ্ভিতনেত্র, তন্ময়—স্থিরমূর্তি! আর তাহারই অগ্রে বসিয়া কঙ্কণ—উৎকণ্ঠায় চঞ্চল, চোখ খুলিয়া কখন চাহিবে! যেন হিমালয়ের এক গোপন প্রান্তে এক পর্বত-বালিকা তপস্রায় ভোর হইয়া আছে, আর তাহারই সম্মুখে তাহার আকাঙ্ক্ষিত মূর্তির কখন যে আবির্ভাব হইয়াছে, তাহা ওই মেয়েটি জানেই না!

দ্বার উন্মুক্ত ছিল, হঠাৎ কাহার পদশব্দ হইতেই কঙ্কণ ফিরিয়া দেখিল—চিত্রা!

চিত্রা!—সেই পুরাতন ‘মহিমা!’

বিছানা ছাড়িয়া উঠিয়া মুখ খুলিয়া কি বলিতে যাইবে, চিত্রা ছুই হাত তুলিয়া শাসন-কঠিন চক্ষে নিষেধ করিল—“চুপ্!” পরক্ষণেই পা টিপিয়া-টিপিয়া নাগরিকার কাছে সরিয়া গেল, গিয়া মিনিটখানেক অপলক নেত্রে তাহার দিকে চাহিয়া রহিল। প্রথমেই তাহার চোখে উঠিল বড়, তারপর—রৌদ্রের খরতেজ, তারপর—চন্দ্ৰের অনাবিল জ্যোৎস্না! তারপর—তারপর আস্তে-আস্তে বসিয়া পড়িল নতজাহ্নু হইয়া, পলায় আঁচল ফেলিয়া ধীরে ধীরে নাগরিকার পায়ের উপর মাথ রাখিল।

স্পর্শ পড়িতেই নাগরিকা চোখ খুলিয়া তাকাইল। বিশ্বয়ের ভাণ করিয়া বলিয়া উঠিল, “চি-ত্রা?”

চিত্রা স্নিগ্ধকণ্ঠে জবাব দিল—“না—স গীন!”

নাগরিকার বুঝি আজ হাসিবার দিন, তাই আসিয়া সারা হইয়া বলিয়া উঠিল, “তাই বুঝি এত ভক্তি?”

চিত্রা নির্বিকারকণ্ঠে কহিল, “হিংসে!—বাকে আমি পাই নি, তাঁকে তুমি পেয়েছ!”

নাগরিকার মুখখানা হঠাৎ গভীর হইয়া গেল। কহিল, “ও-কথার জবাব দেবে দেবতা!” বলিয়াই কঙ্কণের দিকে ফিরিল। তারপর তাহার প্রতি এক ভারি কটাঙ্গ করিয়া একটি-একটি করিয়া কহিল, “মেয়েমানুষের পাঠশালা না প্রাথমিক পাঠ পড়লে পুরুষ মানুষের পাঠশালা খোলা চলে না!” বলিয়াই আচম্ভকায় কঙ্কণের হাতটা চিত্রার হাতের উপর রাখিয়া বলিয়া উঠিল, “আজ তোমার এই হাতে খড়ি—এইখানে!”

ঠিক সেই মুহূর্তে বাহিরে যেন এক প্রচণ্ড বজ্র উঠিল এবং চোখের পলক পড়িতে-না-পড়িতেই মূর্তিময় যন্ত্রের ঞ্চায় প্রবেশ করিলেন রাজা, পশ্চাতে সশস্ত্র লোকজন। কঙ্কণের ভিতর পদাৰ্পণ করিয়াই তিনি থমকিয়া গেলেন—যেন পটে-আঁকা একখানি ছবি আর স্বমুখেই তাহার—অনন্তসাধারণ চিত্রকর!

চিত্রার বুকটা উড়িয়া গেল। কঙ্কণের হাত হইতে নিজের হাতটা টানিয়া লইয়া উঠিয়া দাঁড়াইল; তারপর উদ্ভ্রান্তার ঞ্চায় অগ্রসর হইয়া রাজার পথরোধ করিয়া বলিল

উঠিল, “আমি প্রস্তুত! এই নিন্—” আর্তনাদ করিয়া রাজার পায়ের উপর আছড়িয়া পড়িল।

“রাজা ঈষৎ পিছাইয়া গেলেন। তারপর পশ্চাতের লোকগুলোকে ইঙ্গিত করিতেই তাহার নতশিরে মস্তধান হইল। অতঃপর চিত্রার দিকে স্থিরচক্ষে ক্ষণকাল চাহিয়া থাকিয়া হঠাৎ একটু হাসিলেন—পলকমাত্র! তারপর মুখের চেহারা তেমনিই শক্ত করিয়া কহিলেন, “আমার দণ্ড, আর তোমার উৎকোচ—এক নয়!”

চিত্রা মাথাটা একটু খাড়া করিয়াছিল, আবার উহা রেয়ার লটকিয়া পড়িল। পরক্ষণেই সে নিজেকে যেন এক সোর টান দিয়া তুলিয়া দাঁড় করাইয়া কি বলিতে যাইবে, পারিল না—তাহার মুখের উপর রাজার চোখের এক গুরুতর স্পর্শ পড়িয়াছে! কণ্ঠ অধিকতর তীব্র করিয়া রাজা আঁচল বলিয়া উঠিলেন, “রক্ত মাংস মেদ মজ্জা রূপ রং—এই গড়ন—এ নিয়ে মেয়েমানুষ নয়!”

চিত্রা আর্তকণ্ঠে বলিয়া উঠিল, “তবে?” বলিতে বলিতে কাঁদিয়া ফেলিল।

বর্ষার পর শরৎ, শরতের এক উষা, সেই উষায় পৃথিবীর উপর যেমন সোনালী আলো পড়ে, ঠিক তেমনি ধারা আকর্ষিত এক আলোকে রাজার মুখখানা চক্চক করিয়া উঠিল। সরিয়া আসিয়া চিত্রার সজল মুখের দিকে একটিবার চাহিয়াই বলিয়া উঠিলেন, “মেয়েমানুষ পৃথিবী গড়ে! অসম্পূর্ণকে পরিপূর্ণতা এনে দেয়!” বলিয়াই চিত্রাকে টানিয়া আনিয়া কঙ্কণের পাশে দাঁড় করাইয়া কহিলেন, “এইখানেই তোমার আসন!”

মুহূর্তেই দ্বারদেশে সহসা যেন একখানি টাঁদ উঠিল। রাজা, কঙ্কণ, চিত্রা—সকলেই অবলোকন করিল—কৌমুদী! আর তাহার পশ্চাতে দাঁড়াইয়া নন্দন।

নাগরিকা ধড়মড় করিয়া উঠিয়া দাঁড়াইল, যেন আচম্ভকায় তাহার ঘুম ভাঙিয়াছে! সহাস্রো জ্বতপদে কৌমুদীর কাছে সরিয়া আসিয়া থপ্ করিয়া তাহার হাত ধরিয়া কহিল, “এসো, ভাই!” তারপর হাত ছাড়িয়া পিছনে দাঁড়াইয়া আর-তিনটি যে মূর্তি, তাহাদের দিকে একবার চাহিয়াই আবার মুখ ফিরাইয়া বলিয়া উঠিল, “সব মাটি!”

কৌমুদী!—এক ‘মৃত্যু-বাগেরেই’ বুঝি তাহার ডাক পড়িয়াছিল, কিন্তু—একি! * * * তাহার ছুটি চোখই বড় হইয়া আর্দ্র হইয়া উঠিল, যেন বুকের ভিতরকার এক কঠিন পুলক দ্রব হইয়া চোখে পড়িয়া জমা হইয়াছে। ঝটিতি চোখের সে-ভাবটা পরিবর্তন করিয়া রোষের ভাণ করিয়া নন্দনের দিকে চাহিল, চাহিতেই নন্দন খতমত খাইয়া বলিয়া উঠিল, “আমি কিন্তু!” তারপর সেই মুখ আর-একজনের দিকে ফিরাইতেই নিমেষ-কঠিন এক কটাঙ্গ পড়িল। নন্দন অপ্রতিভ হইয়া পড়িল ও যেমন সে তাড়াতাড়ি মুখ নাগাইবে কৌমুদী একমুখ হাসিয়া বলিয়া উঠিল, “থাক! লক্ষণের লজ্জা ঢাকতে বস্তুমতী আর দ্বিধা হলেন না!” অতঃপর কঙ্কণের দিকে মনের মত একবার আড়-চোখে চাহিয়াই রাজার পানে ফিরিয়া হাত জোড়ে কহিল, “আপ্নাকে কিন্তু নমস্কার!”

রাজা তখন তন্ময় হইয়া তাকাইয়া ছিলেন আর একটি মূর্তির পানে—নাগরিকার কণ্ঠস্বরে চকিত হইয়া মুখ ফিরাইতেই কৌমুদী কপালে হাত ঠেকাইল।

রাজাও প্রতি-নমস্কার করিলেন। তারপর আনমনে নাগরিকার কাছে সরিয়া গিয়া মুখোমুখী হইয়া দাঁড়াইলেন; তারপর—তারপর কটিবন্ধ হইতে তরবারি খুলিয়া নিঃশব্দে মেয়েটির পদমূলে নামাইয়া রাখিলেন।

কঙ্কণ, চিত্রা, কৌমুদী, নন্দন—প্রত্যেককেই দৃশুটা যেন মূর্তি ধরিয়া দোল দিয়া গেল। অত্যধিক বিষ্ময়ে ও হর্ষে বিহ্বল হইয়া কঙ্কণ ছুটিয়া গিয়া রাজার হাত ধরিয়া কি বলিতে গেল, পূরাপূরি পারিল না। বুকের কোণ ভাঙিয়া মাত্র এইটুকুই বাহির হইল, “রাজা—”

রাজা নীচু হইয়া কঙ্কণের পদস্পর্শ করিয়া উঠিয়া দাঁড়াইয়া প্রশান্তকণ্ঠে কহিলেন, “না। আজ থেকে আমিও ভিক্ষু! কিন্তু, শিষ্য তোমার নই—” নাগরিকার প্রতি আঙুল বাড়াইয়া কহিলেন, “ওঁর!” বলিয়াই চিত্রার দিকে আড়চোখে তাকাইলেন।

চিত্রা বিপরীত দিকে মুখ ফিরাইল।

আকতার সাহেবের ব্যাঙ্গ শিকার

শ্রীহীরালাল দাশগুপ্ত

সন্ধ্যা কখন অতীত হয়ে গেছে। পৌষ মাস, নীতার্ভ-রজনী। পার্বত্য অঞ্চল। সূর্যাস্তের সঙ্গে সঙ্গে রুষ্টি আরম্ভ হয়েছে। “একতারা”র ডাক-বাংলো ঠিক পাহাড়ের পাদপ্রান্তে। কপাট জানালা বন্ধ করে একটা টেবিলের চারিপাশে জুটেছি কয়েকটা শিকারী-বন্ধু। গোটা আষ্টেক বন্দুক ও রাইফেল, একটা ছোট-খাটো যুদ্ধের উপযোগী গোলা-গুলি, আর দুই-একখানা নেপালী ভোজালী ইতস্তত বিক্ষিপ্ত। কখন জল বন্ধ হবে তারই প্রতীক্ষা হচ্ছে। সমস্ত ঘরখানা উত্তেজনার পূর্ণ। রাত বারোটায় বেরোব জঙ্গলে— তাই মাঝে মাঝে জানালা খুলে আকাশের অবস্থাটা দেখে নিচ্ছি। সমস্ত আকাশ কালো মেঘে আচ্ছন্ন। কচিং বিদ্যুৎশিখায় গাঢ়তর হচ্ছে চতুর্দিকের নিরঙ্কর অন্ধকার।

গরম চায়ের সঙ্গে শিকার-প্রসঙ্গ আরও জমে উঠেছে। আকতার সাহেব বর্ণনা করছেন ১৯৩৭ খ্রীষ্টাব্দের ডিসেম্বর শেষের বাঘ-শিকার। আমাকে ৩১শে ডিসেম্বর রাত্রে কথা স্মরণ করিয়ে দিলেন। একদিন শিকার-সন্ধ্যানে বনে-জঙ্গলে ঘুরে আমার কবি-বন্ধুর ইচ্ছানুসারে সেই রাত্রেই একতারা থেকে ফিরে এসেছিলাম। বর্ণনা হচ্ছে সেই রাত্রেই অভিজ্ঞতা।

রাত তখন একটা। জমিদার সাহেব পূর্বরাত্রে মত আজও শিকারে বেরিয়েছেন। টুরার কার, হুড নামান হয়েছে, সামনের উইণ্ডগ্লাসখানাও খুলে রেখে দেওয়া হয়েছে। শুধু বন্দুক চালানার সুবিধার জন্তই নহে। স্পট লাইট শিকারে এই কাঁচ খুলে না ফেললে আলোর রশ্মি কাঁচে প্রতিফলিত হয়ে মোটর-চালককে বিভ্রান্ত করে। বন্দুকের নিশানার জন্তও তার অপসারণ প্রয়োজন। এক পাশে দাঁড়িয়ে আকতার সাহেব চতুর্দিকে লাইট ফেলে জঙ্গলের জানোয়ার সন্ধান করছেন, আর এই লাইট সঞ্চালন করে মোটর-চালককে রাস্তাও দেখাচ্ছেন। পথ ভুল হলে বিপদ অনেক। মোটরে চড়ে স্পট লাইটের শিকার

অভিজ্ঞ শিকারীদের চোখে হয়। স্পট লাইটের শিকার নিন্দনীয়—কিংবা মাচার বসে বাঘ শিকারই ধন্য, এখানে সে তর্ক তুলছিনে—যা ঘটেছে তা-ই বলছি।

তীব্র অলোক-শিখায় পাহাড়ের উপর এক জোড়া বড় চোখ জ্বলে উঠেছে। দুই চোখের মধ্যে ব্যবধান যথেষ্ট। আকতার সাহেবের বিভীষিকা-প্রচাপ-গলায় আওয়াজ হল—“টাইগার—টাইগার, গো অন্!” শিকারী সাহেব বললেন, “ওটা শেয়াল!” কিন্তু অভিজ্ঞ আকতার সাহেবের ভুল নয় না। বাঘের চোখে স্পট লাইট প্রথম মনে হবে লাল—তার পরে নীল। তারপরে চোখ বন্ধ করে দেবে। যখন চোখ খুলবে আবার সেই, প্রথমে মনে হবে উজ্জল লাল, তার পরেই নীল। আকতার সাহেবের উত্তেজিত ড্রাইভার উদাসিন্তে ক্রুদ্ধ—বার বার জিদ করছেন “গো অন্”—একটা চল। ড্রাইভার নিশ্চল। হঠাৎ রাইফেলের আওয়াজ, পর পর দুবার। সাহেব গুলি ছুঁড়েছেন—সঙ্গে সঙ্গে বাঘের গর্জন। রাইফেলের আর বাঘের হুঙ্কারে পাহাড় যেন কাঁপছে। আকতার সাহেব বধির। একটা রশ্মির নলের সঙ্গে নিকেলের চোঙ লাগান। কানে নলটা লাগিয়ে চোঙে মুখ রেখে কেউ টেঁচিয়ে কথা বললে তিনি শুনতে পান। এই ব্যবস্থা না হলে তিনি রাইফেলের আওয়াজও শুনতে পান না। এবারেও রাইফেলের শব্দ তিনি শোনেননি—কিন্তু রাইফেলের ব্যারেল নিঃসৃত দীর্ঘ অগ্নিশিখা তিনি দেখেছেন। বাঘের উল্লম্বন তাঁর চোখে পড়েছে। টেঁচিয়ে আবার হুকুম দিলেন, “গো অন্!” শিকারে আকতার সাহেবের আদেশ অলঙ্ঘ্য—কিন্তু সোফার মালিকের আদেশে গাড়ীর মুখ ঘুরিয়ে দিলে। মোটর ছুটে চলল—ক্রোশ দুই দূরে বস্তী অভিমুখে। আকতার সাহেব লাইট বন্ধ করে মোটরে দেহ এলিয়ে দিলেন। দারুণ হতাশায় ও রোযে বাক্যহারা।

দুপুর রাতে জমিদার সাহেবের ব্রহ্ম আবির্ভাবে বস্তিখানি চঞ্চল। উত্তেজিত, কিন্তু প্রায় সকলেই নির্দ্বন্দ্ব।

৭২৬

মাঝে মাঝে এই স্তব্ধতা ভঙ্গ করে গুঞ্জিত হ'চ্ছে সাহেবের বিলাপ। দুঃখ তাঁর দুঃসহ। বছ বৎসরের বছ ব্যর্থতার পরে এই তাঁর প্রথম সার্থক প্রয়াস। বাঘ ধায়ের, কিন্তু তাহা সহজলভ্য নহে। খড়-শয্যায় অর্পিত দেহ আকতার সাহেব ভোরের দিকে জানালেন—হুকুমের হুকুম হ'লে তিনি বাঘের সন্ধ্যানে যাবেন। একটা মাত্র সঙ্গী চাই। ইঙ্গিতে ইঙ্গারায় এই বধির শিকারীকে বাঘের চলাচল জানিয়ে দেবে। “বাঘ ধায়ের হ'লে অনুসরণ করা হবে না” এই ছিল হুকুমের হুকুম। আজ বাঘ হাত ছাড়া হওয়ার ক্ষোভে তাঁহার সঙ্কল্প শিথিল হ'ল। তিনি জানালেন, তাঁর আপত্তি নাই। কিন্তু সঙ্গে যাবে কে? এই দারুণ বিপদকে বরণ করে কে হ'বে আকতার সাহেবের মৃত্যু-পথের মানা। কেউ রাজী হ'ল না—হুকুম ত নিশ্চয়ই নন। অনেকেরই জরুরী কাজ আছে—কারও বা তবির্যং খারাপ। একটা লোক এই দল থেকে দূরে তৃণামনে উপবিষ্ট হ'য়ে চাদর মুড়ি দিয়ে তন্দ্রাসুখ উপভোগ করছিল। আহ্বান করে পৌছতেই সে এগিয়ে এল। সে পুনোয়া। এমন অনেক দুঃসাহসিক অরণ্য-যাত্রায় সে আকতার সাহেবের পার্শ্বকর। গায়ের রং কালো, দোহারা চেহারা, মাথায় নাতি-দীর্ঘ কক্ষ চুল—চোখ দুটো অনবরত লাল। তাড়ি খেয়ে বেহুঁস না হ'লে পুনোয়া সর্বদা প্রস্তুত। তিন ক্রোশ দূরে শিকারের আয়োজন হচ্ছে, কখন নিঃশব্দে পুনোয়া এসে দলে ভিড়ে গেছে। কখন সে খবর পেয়ে তিন ক্রোশ অতিবাহন করে এসেছে, ভেবে আমরা বিস্মিত হয়েছি।

পুনোয়া বেছে নিলে একটা উনচেস্টার রাইফেল, আর আকতার সাহেব নিলেন হল্যাণ্ড এণ্ড হল্যাণ্ড ডাব্লু ব্যারেল। এই দারুণ নীতেও আকতার সাহেব গায়ের গরম সেরোয়ানী খুলে ফেললেন। গায়ে রইল খাকি শার্ট, আর পরণে ব্রিচেশ। কামিজ ব্রিচেশের ভিতরে গুঁজে নিয়ে স্মার্ট সাজা তাঁর আসে না। হাত তাঁর মাথায় কখনও দেখিনি। পকেটে একখানা স্তম্ভীক্ষ ছুরী—হাতে রাইফেল। পুনোয়ার গায়ে মলিন কামিজের উপর একটা লাল র্যাঁপার। বাঘ শিকারে ইহা সম্পূর্ণ অনুপযোগী, রেড্‌ র্যাঁগ্‌ টু এ বুল্‌-এর মত রেড্‌ র্যাঁগ্‌ টু এ টাইগার সমানই উত্তেজক।

সকলেই মোটরে উঠেছে। কতকটা রাস্তা মোটরে যাওয়া যাবে—তারপর মোটর ছেড়ে আকতার ও পুনোয়া যাবে

বাঘের সন্ধ্যানে—গহন অরণ্যে। আকতার সাহেব জানিয়ে দিলেন—বন্দুকের ঘন ঘন আওয়াজ শুনলে বুঝতে হবে বিপদ হয়েছে। আহত হ'লে তার দেহটা হাসপাতাল পর্যন্ত টেনে যেন নিয়ে যাওয়া হয়। বিপদ অনিবার্য তাহাতে সন্দেহ নাই।

যেখানে বাঘ গুলি বিদ্ধ হ'য়ে গর্জন করেছিল সেখানে রক্ত জমাট হয়ে আছে। এবারে রক্তের দাগ দেখে সুরক হ'বে বাঘের অনুসরণ। এ এক বিষম ব্যাপার। রাইফেল বাগিয়ে রেডি হ'য়ে সামনে এগিয়ে যেতে হ'বে—নিঃশব্দে, রুদ্ধশ্বাসে। কথাবার্তা চলবে না। সংবাদ আদান-প্রদান হবে ইঙ্গিতে, চোখের ইসারায়, গা টিপে। চোখ থাকবে একাগ্র, স্পতিপথ উদগ্র। শুষ্ক পত্রের মুছ শব্দটুকুও না এড়ায়। একটা অসতর্ক পদক্ষেপ, এক লহমার ভুলে বিপদ অবশ্যম্ভাবী। এতবড় বিশাল দেহ বাঘ এতটুকু লতা-গুল্মের অন্তরালে বেমানুষ লুকিয়ে যায়—শিকারীর তীক্ষ্ণ নজরে তাকে খুঁজে পায় না। বাঘের সন্ধ্যানে এটা সর্বাপেক্ষা বড় বিষয়। আর বাঘের এই অদ্ভুত আর নিঃশব্দ আত্মগোপনের জন্ত কত শিকারীই না অকালে প্রাণ হারিয়েছে!

আকতার সাহেবের পক্ষে এই রকমের দুঃসাহস এই প্রথম নয়। এর বিপদ সম্বন্ধে তাঁর ধারণা স্পষ্ট। একরূপ এবং আরও অনেক প্রকারের অভিজ্ঞতা! হরিণ শিকার করতে গিয়ে বাঘ বেরোল—একটার পরে একটা, তার পর আরও একটা। আহত শার্দূল বিরাট হাঁ করে দীর্ঘ উল্লম্বনে ছুটে এসেছে একটুখানি লতাপাতার আড়ালে উপবিষ্ট আকতার সাহেবের দিকে। পাশের সঙ্গী দারুণ আভঙ্কে বেহুঁস হয়ে প'ড়ে গেছে। কিন্তু আকতার সাহেব অটল। স্থির লক্ষ্য। ভয়লেশহীন তাঁর মুগ্ধখানা মৃত্যুর সম্মুখীন হয়ে সংকল্পে কঠিন হয়েছে, কিন্তু স্বৈর্য্য হারায় নি। কিন্তু আজিকার এই শিকার-যাত্রায় মনে হ'চ্ছে তিনিও একটুখানি বিচলিত। রবারের নল আর চোঙটা কোন কাজেই আসবে না। শিকারে আর যে কোন শব্দ যদিই বা চলে, মালুঘের একটুখানি কথাবার্তার শব্দ জানোয়ারের কাণে বিশেষ অর্থপূর্ণ, অদ্ভুত বিপদের ইঙ্গিত। আকতার সাহেব গস্তীর, পুনোয়া উদাসীন। রক্তলোভী অদৃশ্য ব্যাঘ্রের বিরুদ্ধে এই

দুটী মাত্র লোক। চেহারা নেহাৎ সাধারণ। ব্যাক্সের বিশাল দেহের তুলনায় নিতান্তই অকিঞ্চিৎকর।

ভূভাগা দেশ, ভূভাগ্য তার পরিস্থিতির। আহত শাদ্দুলের সঙ্গে লড়াই—এ যে এগিয়ে যাচ্ছে—অরণ্যের সেই মৃত্যুভয়হীন সাহসী বীর লোকালয়ে চৌকীদারের সম্মুখে তটস্থ—জমিদারের পিয়াদার ভয়ে অঞ্চলস্থ। ভাবছি এর জন্ত জবাবদিহি কার? দেশের নেতৃদের, না জমিদারদের? এরা অমহীন কাঙাল। শীত বর্ষায় মাথা রাখবার ডেরাটুকুও নাই। বস্ত্রাভাবে দেহ অর্ধনগ্ন। পুরুষায়ক্রমে নিরক্ষর। প্রতিবাদ জানে না—আশার উত্তেজনা নাই। এই মৌন পুরুষকার নিঃশেষ হ'চ্ছে রোগের গীড়নে—পিয়াদার তাড়ায়। শুধু একতারায় নহে, চাক্রার দেখেছি, পালামোতে দেখেছি, শিঙ্গারে দেখেছি—সশারাসে, আরও কত জায়গায়। শিঙ্গারের ধ্রুত সিংকে মনে পড়ে। এই ক্ষীণ-দেহ লোকটী রয়াল বেঙ্গল টাইগারের সঙ্গে লড়েছে—বাঘের কবল থেকে ছিনিয়ে আনত আক্রান্ত মোয়কে। বাঘের দাঁত ও নখের ছিন্নভিন্ন তার দেহটা তীব্র এসিডে পুড়িয়ে দেওয়া হয়েছিল। কেমন ক'রে এই ছাতুতে গড়া প্রাণটা তার রক্ষা পেল! সর্কাসে গভীর ক্ষত নিয়ে এই লোক সেদিন থেকে প্রত্যেক বাবশিকারীর সঙ্গী। সেই লড়াই-এর পরে বুঝি তার সঙ্কল্প হয়েছে—তার আর বাঘের একই অরণ্যে স্থান অসম্ভব। একজনকে বাঁচতে হ'লে আর একজনকে জায়গা ছেড়ে দিতে হ'বে। এই জঙ্গলে আর একটা লোক ল'ড়েছিল—ভালুকের সঙ্গে। তার মুখে চোখে ভালুক দাঁত ও নখরের চিহ্ন এঁকে দিয়েছে। জীবনান্ত পর্যন্ত তার এই বীভৎস চেহারা ভালুকের হিংস্রতার সাক্ষী হ'য়ে থাকবে। আজ সে অতি বৃদ্ধ, কিন্তু প্রত্যেক শিকারে সে অগ্রগামী। বনের বাঘ-ভালুকের কাছে এরা নির্ভীক, কিন্তু জমিদারের পিয়াদার কাছে এরা ভয়ে বিমূঢ়।

যেখানে খানিকটা রক্ত জমাট হ'য়েছিল—অল্পসন্ধানে তার আশে পাশে পাহাড়গাত্রে সামান্য ধূলায় বাঘের পা ও নখরের দাগ পাওয়া গেল। আকতার সাহেব নিবিষ্ট হ'য়ে পায়ের দাগ ও রক্ত ছুইই পরীক্ষা ক'রে পুনোয়াকে রাস্তা নির্দেশ ক'রে দিলেন। মাঝে মাঝে রক্তের দাগ তাঁদের রাস্তা দেখাচ্ছে। প্রায় একশত গজ এমনি সন্তর্পণে এগিয়ে গেলে হঠাৎ পুনোয়ার গতিরুদ্ধ হ'ল। আকতার

সাহেবের দিকে তাকিয়েই তাঁর রাইফেলের মুষ্টি দৃঢ়, আর সমস্ত ইন্দ্রিয় সজাগ হ'য়ে উঠল। টিগারে আঙ্গুল রেখে নির্দিষ্ট স্থানে গিয়ে তাকিয়ে দেখলেন। তার পর রাইফেল নাগিয়ে কি একটা পরীক্ষায় ব্যস্ত হ'লেন। সেখানে আবার খানিকটা রক্ত, এবারে টাটকা রক্ত। পুনোয়াকে বুঝিয়ে দিলেন বাঘ ষায়েল বটে, কিন্তু অশক্ত নয়। ফুসফুসে আহত হয় নাই। রক্ত ফেনযুক্ত (frothy) নহে। খুব হুঁসিয়ার হ'য়ে এগোতে হ'বে। তাঁরা বাঘকে দেখতে পাবে না বটে, কিন্তু খুব সম্ভব বাঘ তাদের গতিবিধি দেখতে পাবে। এই মাত্র বাঘ এইখানেই শুয়েছিল—তাজা রক্ত তারই সাক্ষ্য দিচ্ছে। অল্পসরণকারীদের সাড়া পেয়ে এই মাত্র বিরক্ত হয়ে উঠে গেছে।

আবার নিঃশব্দে অল্পসন্ধান সুরু হ'ল। এবার আ ও সতর্ক। মাথা সামনে বুকিয়ে রাইফেলে অদৃশ্য বাঘকে লক্ষ্য ক'রে নতজাহ্ন হ'য়ে এই কণ্টকাকীর্ণ প্রস্তরময় পথে এগিয়ে চলা কতটা দুঃসাধ্য তা এই কার্যে অভ্যস্ত ব্যক্তি ছাড়া কাহারও অনুমান করা অসম্ভব। খানিকটা এগিয়ে যেতেই এই শীতের প্রতাতেও তাঁরা শ্বেদাক্ত হয়ে উঠেছেন। কাঁটায় তাদের দেহ ক্ষত-বিক্ষত। কিন্তু সেদিকে ত্রাস প করবার তাঁদের অবসর নাই।

কিসের একটু শব্দ, পুনোয়া ইসারায় জানালেন। উত্তেজনায় তাঁদের শ্বাস রুদ্ধ হয়েছে একটুখানি শুষ্ক পাতায় পায়ের শব্দ। উভয়ের রাইফেলের দৃষ্টি এবার দৃঢ়তর হয়ে উঠেছে—এবার শুষ্ক লতাপাতা দেখেও বাঘ ভ্রম হ'চ্ছে। তীক্ষ্ণ নজরে তাকিয়ে তাদের চোখ যেন ঠিকরে পড়ছে। কিছুই দেখা গেল না; কিন্তু এরা ঠিক বুঝতে পারলে বাঘ থেকে এদের দূরত্ব বেশী নয়। চড়াই পথে চলেছে। উভয়ে অবাক হ'ল। বাঘ ক্ষীণবল হ'লে এই চড়াই পথ ছেড়ে দিয়ে অপেক্ষাকৃত সমতল রাস্তা বেছে নিত।


আহত ব্যাক্সের অল্পসরণ কতটা বিপদসঙ্কুল তার দর্শন বর্ণনা অনাবশ্যক। শুধু এটুকু বললেই বোধ হয় যথেষ্ট হ'বে যে আড়াল থেকে নিদ্রিত বাঘকে গুলি করা চলে, কিন্তু শায়িত না থাকলে শিকারীর হাতে বন্দুক থাকার না-থাকার মধ্যে পার্থক্য অতি ষৎসামান্য। জঙ্গলের চারিপার্শ্বে সমান তীক্ষ্ণ দৃষ্টি রাখাও যেমন অসম্ভব, লুক্কায়িত বাঘকে অকস্মাৎ দেখতে পাওয়াও তেমনি ভাগ্যের উপরেই

নির্ভর করে। অরণ্যে একটুখানি শব্দ আর বাঘের উল্লস্ফন ও অতর্কিতে আক্রমণ এতই সহসা ও ক্ষিপ্ত হওয়া সম্ভব যে অল্পসরণকারীদের গুলি করার অবকাশ থাকে না। তবু আমাদের শিকারীদ্বয় এগিয়ে চলেছেন। ফলাফল অনিশ্চিত। হয়ত বাঘ নিহত হ'বে অথবা তার দংশ্ণ্যবাত্তে প্রাণ দিতে হ'বে; নিদেন পক্ষে চিরতরে বিকলাঙ্গ হ'য়ে বিস্মৃত জীবন যাপন।

শিকারীদ্বয় এগিয়ে চলেছেন। অগ্রগমনের ভঙ্গী তেমনি। দ্বিপ্রহর কখন পেরিয়ে গেছে। ক্ষুৎপিপাসা বেধের সময় নাই—দেহ শান্ত কিন্তু সঙ্কল্পে তাঁরা অটল। কোথাও একটু শব্দ হয়ত জানোয়ারের একটা কল্পিত নিশ্বাস তাঁদের সামনে ঠেলে নিয়ে যাচ্ছে, অরণ্য থেকে অপ্রত্যাশিত। এক সময়ে তাঁরা সন্ডয়ে দেখতে পেলেন বাঘ তাঁদের কালীপাহাড়ীর দিকে নিয়ে যাচ্ছে। বাঘ কালীপাহাড়ী পৌছিতে পারলেই তার সন্ধান অসম্ভব। আকতার কি একটু শব্দ শোনা গেল—এক টুকরো পাথর গড়িয়া নীচে পড়েছে। মনে হ'ল চড়াই পার হ'য়ে বাঘ এবার উৎরাই ধরেছে। তারই পায়ের আঘাতে এক-টুকরো পাথর গড়িয়ে নীচে পড়েছে। এ তারই শব্দ।

এ স্থানটা ছোট ঘোঁপঝাড়, লতাগুলো আচ্ছন্ন। একবার মনে হ'ল, দূরে ঘোঁপের ভিতর দিয়ে একটা বড় জানোয়ার এগিয়ে চলেছে। লতাগুলো তারই আন্দোলন। তারপর লতাগুলোর সে আন্দোলনও থেমে গেল। জঙ্গল ঘন হ'য়েছে, বাঁয়ে অদূরে কালীপাহাড়ীর গম্বুজায়িত চূড়া চোপে পড়ছে। অরণ্য-পথ ক্রমেই ক্ষীণ হ'য়ে এল—এখন আর কোন শব্দই শোনা যাচ্ছে না—অনেক দূর পর্যন্ত রক্তের চিহ্নও দেখা যায়নি। শিকারীরা উদ্ভিগ্ন হয়ে উঠেছেন। আকতার সাহেব বাঁম হাতে কপালের ঘাম মুছে নিলেন। আশে-পাশে, ডাইনে ও বাঁয়ে স্বতন্ত্রভাবে দুজনে রক্তের সন্ধানে নিবিষ্ট হলেন। রক্তের দাগ হারিয়ে ফেললে আজকের অভিযান ব্যর্থ। আর একটা আশঙ্কা প্রবল হ'তেই আকতার সাহেব পুনোয়াকে ইসারায় ডেকে নিলেন। কাছই কোথাও বাঘ লুকিয়ে নেই ত? এমন বেসামাল হ'য়ে অল্পসন্ধান চলবে না—তাতে অতর্কিতে আক্রান্ত হওয়ার আশঙ্কাও প্রচুর। আকতার সাহেব খানিকটা ভেবে কঠব্য স্থির করে নিলেন। পুনোয়াকে জিজ্ঞাসা করলেন,

জল কত দূরে? পুনোয়া জানালে, অর্ধ মাইলের ভিতরেই জল আছে। বরণার একটুখানি ক্ষীণধারা সেখানে প্রস্তর বালির মধ্যে জমা হ'চ্ছে। সমুদ্রে দিকহারা নাবিক যেমন ঙ্গবতারী দেখতে পেয়ে উল্লসিত হয়, আকতার সাহেবেরও বিবর্ণ মুখখানা জলের সন্ধান জেনে তেমনি উজ্জল হয়ে উঠেছে। তৃষ্ণা নিবৃত্তির সম্ভাবনায় নয়—বাঘের লক্ষ্যস্থল যে জল তাতে সন্দেহ নাই। জলের দিকে যাওয়ার সহজ রাস্তাটা ধ'রে আবার তাদের যাত্রা সুরু হ'ল। খানিকটা দূরে যেতেই পুনোয়া বুকে প'ড়ে কি দেখলে—তারপরে একটা শুকনো পাতা তুলে আকতার সাহেবকে দেখালে। পাতার উপরে এক বিন্দু তাজা রক্ত। চল,



নবী আকতার (বিহারের প্রসিদ্ধ বাঘ শিকারী)

এগিয়ে চল—সাবধানে সন্তর্পণে। আবার সেই উৎকর্ণ অভিনিবেশ; রুদ্ধশ্বাস, চকিতদৃষ্টি, রাইফেলের লক্ষ্য। কতক্ষণ এইভাবে খোঁজা হ'ল কাঁকরও হুঁস নাই। শীতের হৃদয় কখন মাথার উপর থেকে স'রে গেছে। বনের ভিতরে অপরাহ্নের ঈষৎ তরল অন্ধকার দ্রুত নেমে আসছে। এবারে উভয়ের বেশ শীত বোধ হ'চ্ছিল। ঘড়ি খুলে দেখা ফেল বেলা চারটা। আকতার সাহেবেরও গতি রুদ্ধ হ'ল। আর এক ঘণ্টায় সমস্ত বনভূমি অন্ধকারে ডুবে যাবে—ফিরে যেতে হ'বে যে! একটা টর্চও সঙ্গে নেই। রাইফেল নাগিয়ে এবারে তারা ফেরবার পথ সন্ধানে ব্যস্ত হ'ল। জঙ্গলে রাস্তা একটু ভুল হ'লে সে ভুল সংশোধন কত কষ্টসাধ্য—

যারা পাহাড় অরণ্যে অভ্যস্ত নয় তাদের পক্ষে ধারণা করাও অসম্ভব। কিন্তু আশৈশব জঙ্গলের মধ্যে বাস করেও আজ উভয়ের বার বার রাস্তা ভুল হচ্ছিল। সন্ধ্যা নেমে এসেছে—জঙ্গলের রাস্তা ক্রমেই অস্পষ্ট হচ্ছে। একটা কি জানোয়ার হঠাৎ তাদের ঠিক সামনে উপস্থিত হয়েই ছুটে পালাল। ওটা বন-শুরোর হ'বে। হাতে রাইফেল আছে, কিন্তু এদিকে অক্ষিপ্ত করার তাদের অবসর নাই। আজ কত রাত জঙ্গলে কাটাতে হ'বে কে জানে—জঙ্গল থেকে বেরুতে পারবে কি-না তারই বা নিশ্চয়তা কি? হঠাৎ বৃক্ষশীর্ষে স্পট লাইটের আলোক রেখা দেখা দিল। মোটরের হর্নও শোনা গেল। আশ্বস্ত হ'য়ে উভয়ে হর্নের শব্দ লক্ষ্য করে অগ্রসর হ'লেন।



হায়না

মোটরে যখন তাঁরা পৌঁছেছেন—তখন অনেকটা রাত হয়েছে। মোটরে যারা ছিলেন তাঁরাও ক্ষুৎ-পিপাসায় ক্লিষ্ট—দীর্ঘ প্রতীক্ষায় অসহিষ্ণু। উৎকর্ষারও অবধি ছিল না। আকৃতার সাহেব পৌঁছতেই অসংখ্য প্রাণ তাঁকে করা হ'ল। এসব প্রশ্নের জবাব দেওয়া তিনি অনাবশ্যক বোধ ক'রে ডাক-বাংলার দিকে গাড়ী চালাতে আদেশ করলেন। পুনোয়া প্রশ্নের উত্তরে হাত তুলে আকৃতার সাহেবকে দেখিয়ে দিল।

জমিদার সাহেব বিষন্ন। “চা লাও”—“খানা জলদি” এ গর্জন আর শোনা যাচ্ছে না। খানসামা বাবুর্চি ভৃত্যের অভাব নেই—কিন্তু সকলেই নির্ঝাঁক। পুনোয়া সাহেবের জন্ত চায়ের কথা বলতেই সকলের চৈতন্য হ'ল। চা এসেছে,

আকৃতার সাহেব একটা আরাম কেদারায় শুয়ে চোখ বুজে। হয়ত তাঁর ছু চোখ ভ'রে জলে উঠেছে গত রাতে স্পট লাইটে উদ্ভাসিত এক জোড়া বড় চোখ—ছুটো মশালের মত।

সাহেব লেপের নীচে আশ্রয় নিয়েছেন। চা ও নাপ্তা যখন টেবিলে রাখা হ'ল তিনি বেরিয়ে এলেন। বাঘের জন্ত হতাশা আর বিলাপের অন্ত নাই। আকৃতার সাহেব তাঁর অল্পসন্ধানের কাহিনী বর্ণনা ক'রে জানিয়ে দিলেন, ভোর হ'লে তিনি আবার বাঘের সন্ধানে যাবেন। বাঘের আশ্রয়স্থল নির্ণীত হয়েছে, তিনি ভরসা করছেন এ চেষ্টা তাঁদের সার্থক হবে। উপসংহারে শুধু এইটাই বললেন, বাঘ নজরে এলে হয়—বাঘ অথবা আকৃতার সাহেবের মৃতদেহ তিনি ফিরে পাবেন। কিন্তু বাঘ যদি কাটা-পাহাড়ীতে অদৃশ্য হয় তিনি নাচার। আকৃতার সাহেবের দৃঢ়সংকল্পের অনেক পরিচয় তিনি পেয়েছেন। আরও হ'য়ে তিনি লেপ আশ্রয় করলেন। আকৃতার সাহেব চোখ বুজে গ্ল্যান করছেন আগামী অভিযানের। সকলেই আশ্রয় প্রতীক্ষা করছেন। সমস্ত বাংলা নিঃশব্দ। পাট জানালা বন্ধ। রুদ্ধদ্বার বাংলার বাইরে খোলা বাগানে একাকী উপবিষ্ট পুনোয়া। নিজা তার একান্ত প্রয়োজন ও আবশ্যক। সকলের আহ্বারের পরে তার ভাগ্যে এক মুঠো জুটবে কি-না কে জানে।

তার চোখের সামনে অদূরে অন্ধকার গাঢ়তর ক'রে নিঃশব্দে দাঁড়িয়ে আছে একতারার পাহাড়। উচ্চ পাহাড়ের কোন অদৃশ্য গহবর থেকে উৎক্ষিপ্ত জলধারা সশব্দে প্রতিহত হ'চ্ছে পাহাড়ের গায়ে। পাহাড়ের শীর্ষ থেকে শীর্ষান্তরে আছাড় খেয়ে সে শ্রোত নেমে এসেছে পরশীর বৃকে। বাংলা থেকে তার শব্দ শোনা যায় না। কিন্তু দিনের বেলায় পাহাড়গাত্রে তার জল-প্রবাহ চোখে পড়ে। এই বরণা থেকে দিকে দিকে বেরিয়ে গেছে কত শ্রোত-ধারা। এরই একটা ধারা ব'য়ে এসেছে ডাকবাংলার ঠিক সম্মুখে। আর একটা বয়ে যাচ্ছে সশব্দে ডাকবাংলার পশ্চাৎভাগে। এই দুই ধারার মিলন হয়েছে বাংলার দক্ষিণ প্রান্তে, যেখানে অরণ্যের প্রথম আভাস হাতছানি দিয়ে ডাকছে পথিককে, ঘন অরণ্য আর বর্ণার দিকে। ঐ বর্ণায় যেখানে উৎস পাহাড়ের সর্কোচ্চ শিখর—

সেখানে বাস করে বিশালকায় সম্বর, মুগ, ভালুক, বন-বরাহ, শার্দূল আর চিতা। এমনি নিশ্চিহ্ন অন্ধকারে চিতা বাঘ নেমে আসে শস্তক্ষেত্রে মুগের সন্ধানে, স্তম্ভ পল্লীর আশে পাশে ভেড়া-ছাগলের রক্ত-লোভে। নরো মাঝে নৈশ নীরবতা ছিন্ন করে ক্যনেস্তারা, কাড়া, নাকাজা বেজে ওঠে। বস্তির লোক হুঁসিয়ার হয়—বস্তিতে বাঘ ঢুকেছে। কোথায় আকের ক্ষেতে ভুট্টার ক্ষেতে বস্তির তৈরী মাচা থেকে টিনের শব্দে প্রান্তর ধ্বনিত হয়, ভালুকের গ্রাস থেকে বাঁচাতে ফসল। পুনোয়া অরণ্যের অন্ধকারের দিকে অপলক তাকিয়ে আছে—হয়ত বহু রজনীর বহু দুঃসাহসের স্মৃতি তার মনকে আলোড়িত করছে।

যখন আহ্বারের পালা শেষ হল তখন রাত প্রায় শেষ হ'লে। ড্রাইভারকে আদেশ করা হ'ল, আধ ঘণ্টার মধ্যে মোটর চাই। শিকারীরা একটা জলের কেয়োর মধ্যে নিলেন। রাইফেল, গুলি, গোলা—আর একটা বড় ভোজালি। আজ হয়ত বাঘের সঙ্গে সম্মুখ যুদ্ধ, হয়ত বা এই শেষ শিকারবাত্রা, কে জানে।

প্রায় শিকারীদের আহ্বান করা হ'ল। আকৃতার সাহেব তাঁর আজকার গ্ল্যান তাদের বুঝিয়ে দিলেন। তাদের বাঘের অল্পসরণ করার প্রয়োজন নেই, গাছে চ'ড়ে ডাঁতে বাঁয়ে বাঘের গতি জানিয়ে দিতে হ'বে আকৃতার সাহেবকে। বাঘ সামনে না গিয়ে অত্র দিকে গেলে যারা গাছে থাকবে, হাঁক ডাক ক'রে বাঘকে তারা সম্মুখের দিকে তাড়া করবে। আকৃতার সাহেব আর পুনোয়া এগিয়ে যাবেন বাঘের সম্ভাবিত আশ্রয়স্থান পশ্চাতে রেখে সামনে। পিছন থেকে তাড়া খেয়ে বাঘ ছুটে এলে আকৃতার সাহেব তাঁর কর্তব্য করবেন। বাঘের আশ্রয়স্থান জানতে পেনে এই ব্যবস্থাই উত্তম। আকৃতার সাহেব সিদ্ধান্ত ক'রে নিয়েছেন—বাঘ বর্ণার জল পান ক'রে তারই নিকটের ঘন জঙ্গলে আশ্রয় নিয়েছে।

পূর্ক দিন আকৃতার সাহেব আর পুনোয়া অক্ষত দেহে অরণ্য থেকে ফিরে এসেছে, রাত্রে জঙ্গলে পথ অতিবাহন করছে। এই ঘটনায় অনেকেই আশ্বস্ত হ'য়ে এগিয়ে এল। এদের যথাযোগ্য উপদেশ দিয়ে আকৃতার সাহেব তাদের পায়ে চলা পথে আগে পাঠিয়ে দিলেন—তাঁদের পাওয়া হ'বে মোটরে। আজ কনকনে শীত—হাত পা

শীতে আড়ষ্ট হ'চ্ছে। আকৃতার সাহেব গরম সেরওয়ানী প'রে নিলেন, পুনোয়ার পোষাক শীত-গ্রীষ্মে ঐ একই। কামিজ আর লাল র্যাপার। বার মাস পাহাড়ে বাস ক'রে শীত-গ্রীষ্ম সে জয় করেছে। এই র্যাপার পুনোয়ার নিত্য সহচর। শীতের সময় গায়ে, রোদের সময় পাগড়ী। রাত্রে খড়ের শয্যায় লেপের কাজ করে। স্বানের পরে র্যাপার প'রে শুকিয়ে নিচ্ছে ভিজ়ে ধুতি। আর ক্ষুধা পেনে দোকান থেকে বেঁধে নিয়ে আসছে মুড়ি চিড়ে ছাতু। দেহাতির পক্ষে এই একটা র্যাপারই যথেষ্ট।

আজ অনেকটা রাস্তা অল্প সময়েই অতিক্রম করা যাবে। কাল যে জঙ্গল তন্ন তন্ন ক'রে খোঁজা হয়েছে—আজ সেগুলি খুঁজে দেখার প্রয়োজন নাই। সোজা চলে যেতে হবে বর্ণার দিকে। তারপর বর্ণা পিছনে রেখে পাশ



বনশুকর

কাটিয়ে এগিয়ে যেতে হবে আরও দূরে। পুনোয়া দেখে নিলে সব আয়োজন গ্ল্যান অল্পব্যয়ী ঠিকই হয়েছে। গাছের উপরে সর্দার হ'য়েছে মোদিয়া। তার হাতে বন্দুক। বরণার অতি নিকটে যে গাছ, মোদিয়া থাকবে সেই গাছে। বাঘ সেখান থেকে সম্মুখে এগিয়ে যাওয়ার সঙ্গে সঙ্গে মোদিয়াও এগিয়ে যাবে এক গাছ থেকে নেমে অত্র গাছে।

বাঘ নজরে এলে তার গতি লক্ষ্য ক'রে পুনোয়াদের জানিয়ে দেবে—বাঘ ডানে কি বাঁয়ে, পূর্বে কি পশ্চিমে। কোন বিপদ উপস্থিত হ'লেই মোদিয়া ঘন ঘন বন্দুকের আওয়াজ দেবে। যারা দূরে মোটরে অপেক্ষা করবেন এ বন্দুকের আওয়াজ তাঁদেরই জন্ত। আকৃতার সাহেব নিজে সব ব্যবস্থা দেখে খুশী হ'য়ে নিঃশব্দে পুনোয়াকে নিয়ে

এগিয়ে গেলেন। জলের কাছে এসে বাঘের পায়ের দাগ পাওয়া গেল। আকতার সাহেবের অনুমান মিথ্যা হয়নি। পায়ের দাগ পরীক্ষা করে বোঝা গেল, বাঘের একখানি সামনের পা আহত। নরম মাটিতে সব জায়গায় তার ছাপ আসেনি। যেখানে ছাপ পড়েছে তাও সামান্য। দুই-এক জায়গায় রক্তের দাগও দেখা গেল।

অদূরে একটা অল্পচ পাহাড়। একে একটা টিবি বা টীলা বলাই সম্ভব। আমাদের শিকারীদ্বয় এই টীলার উপর তাদের আসন স্থির করে নিলেন। টীলার ঠিক নীচেই জঙ্গল। উপরে কোন গাছপালা নেই। পাথর আর শক্ত মাটির একটা স্তূপ। তার সর্বত্র পাথরের টুকরো ছড়ানো। উভয়ে নিজ নিজ রাইফেল পরীক্ষা করে নিলেন।



বাঘ

ভোজালিখানাও দেখে নিয়ে আবার কোমরে বেণ্টের সঙ্গে ঝুলিয়ে দিলেন। দূরে গাছের সর্বোচ্চ শাখায় আরোহণ করে মোদিয়া হাত নেড়ে নিজের আর আশে পাশে ও পশ্চাতের বৃক্ষারোহীদের অবস্থান জানিয়ে দিল। একটু পরেই যারা গাছে চড়েছে তাদের আঁচলে কুড়োনো পাথরের টুকরো জঙ্গলে ছোঁড়া হবে। সকলের হাঁকডাকও শুরু হবে। আর মোদিয়া একটা বন্দুকের আওয়াজ করবে। উদ্দেশ্য, আশ্রয় থেকে তাড়িয়ে বাঘকে সামনের দিকে এগিয়ে দেওয়া।

পনের মিনিট পরে ব্যবস্থা অনুযায়ী হাঁকডাক শুরু হবে, কিন্তু পুনোয়া আকতার সাহেবের রকম লক্ষ্য করে চঞ্চল হয়ে উঠেছে। আকতার সাহেবের চোখ নিম্নলিখিত, মাঝে মাঝে হাই তুলছেন, দেহ শ্লথ হয়েছে। পুনোয়া বিশ্বাসে

অবাক হয়ে দেখতে পেলেন আকতার সাহেব তন্দ্রায় আচ্ছন্ন। আজ এই আমন সঙ্কটে তাঁর এ কি আচরণ! পুনোয়া তাঁকে তুলে দিয়ে ইসারায় জঙ্গল দেখিয়ে দিল। আকতার সাহেব জানালেন চেষ্টা বৃথা; তাঁকে যুমুতে হবেই। এই নিদ্রার হাত থেকে তাঁর অব্যাহতি নাই। চোখের দৃষ্টি তিনি হারিয়ে ফেলেছেন। তাঁর হাত থেকে রাইফেল পড়ে গেল। পাঠক বিস্মিত হ'বেন, জীবনে এই মহাসন্ধিক্ষণে আকতার সাহেব নিদ্রার ক্রোড়ে আত্মসমর্পণ করেছেন। তাঁর অবচেতনার ভিতরে মাত্র একটা কথা ওতপ্রোত হয়েছে। “এ আমার কালনিদ্রা, অতলস্পর্শ স্বপ্ন! চোখের পাতায় নেমে আসছে অন্ধ তমসা—রোধ ক'বার শক্তি আমার নেই—হয় ত এ কালনিদ্রার শেষ অঙ্কে এ ধরণীর মোহ থেকে চির-নিষ্কৃতি।”


তারপর? তারপর দিনরাত্রি শার্দূলের সাঁঝ, আকাশ অরণ্য সব একাকার হয়ে নিঃশেষে মুছে গেল। এই নিদ্রার রহস্য কে জানে! এই সন্ধিক্ষণে আহত ব্যাঘের সঙ্গে আমন সংগ্রামের শঙ্কটাকুল মুহূর্তে আকতার সাহেবের এ অদ্ভুত নিদ্রা আর একটা ঘটনা স্মরণ করিয়ে দিচ্ছে। এই ব্যাপারের মত তারও প্রতি বর্ষ সত্যি।

আমাদের এক বিশেষ পরিচিতা মহিলা যৌবনের প্রারম্ভে স্বামীর বিশ্বাস ও মেহ হারিয়ে একমাত্র সন্তানকে বুকে করে নিয়েছিলেন। ছুঃখিনীর ছোঁড়া আঁচলের গণি। এই সন্তানের জ্বর বিকারে দুই মাস স্ত্রীশ্রী ক'রে তাকে মৃত্যুর কবল থেকে সেবার বাঁচালেন বটে—কিন্তু কয়েক দিন পর জ্বরের পান্টা আক্রমণ দেখা গেল—অবস্থা বুঝে ডাক্তার চোখ মুছে জবাব দিলেন। জননী এবারে আহাির নিদ্রা ত্যাগ ক'রে সন্তানের শিওরে জায়গা ক'রে নিলেন। পলকহীন নেত্রে সন্তানের দিকে চেয়ে আছেন। তাঁর বিশ্বাস—তাঁর চোখের সামনে থেকে ঈশ্বরও তার প্রাণটুকু কেড়ে নিতে পারবে না। এই সন্তানের মৃত্যু হ'লে প্রতিবেশী সকলে এসে দেখতে পেলেন—মৃত সন্তানকে বুকে আঁকড়ে ধরে মহিলা গভীর নিদ্রার ক্রোড়ে সমাহিত!

জীবন-মরণের বেলাভূমিতে এমনি ধারা বিশ্বস্তির কাহিনী আরও কত আছে—আজ সে প্রসঙ্গ আমাদের আলোচ্য-নহে।

টীলার উপরে তারপর যে ঘটনা ঘটেছে তা বর্ণনা

করার কৃতিত্ব আমার নাই। পাঠক আপন কল্পনায় সে দৃশ্যের স্বরূপ প্রত্যক্ষ করুন, আমি আভাস দিব মাত্র। অনুমান বিশ মিনিট পরে—পুনোয়ার হস্ত তাড়নায় নিমেষে আকতার সাহেবের চেতনাফিরে এসেছে। যে অল্পচ টীলার উপরে ব'সে তাঁরা বাঘের প্রতীক্ষা করছিলেন ঠিক তার নীচেই বাঘ। একে বাঘ বললেই যথেষ্ট বলা হয় না। এর বিপুল আয়তন, এর বিরাট বিচিত্র মাথা, এর গুম্ব এবং শরীর, এর দুই চোখের সম্ভ্রাসবর্ষী দৃষ্টি যাঁর চোখে পড়েছে সেই আতঙ্কে অভিভূত হ'য়েছে। এর রং গাঢ় পিঙ্গল, না পাটকিলে বলতে পারছি না। দেহের কোন অংশ পিঙ্গল, কোথাও সাদা, তার পাশেই কালো, আবার পাটকিলে। আঃ এই বর্ণ-সমাহারকে ভীষণ ভয়াল করেছে এর দেহ;



চিতা


মস্তক আর বৃহৎ লাঙ্গুলের সর্বত্র গাঢ় কৃষ্ণ তীর্থ্যক রেখা। এই তীর্থ্যক রেখার জন্ত কেউ কেউ একে বলেন—মিঃ তীর্থ্যক রেখা। এর বলিষ্ঠ বপু, উজ্জল বিচিত্র দেহ, আর এর দীর্ঘ চোখের তীক্ষ্ণ ও নির্ভীক দৃষ্টি রোমাঞ্চকর। অরণ্যপথে এর গতি শব্দ-লেশহীন, কিন্তু এর চিত্রিত দেহ, মস্তক ও লাঙ্গুল প্রতি পদক্ষেপে নিঃশব্দে একটা কথাই বলছে—“খবরদার!” আকতার সাহেব সভয় ও সোৎসাহে দেখলেন—বিশ্ব-ঘটার সেই অপূর্ব সৃষ্টি তাঁর সম্মুখে।

গুড্‌ম্, গুড্‌ম্! নিশানায় সিদ্ধহস্ত আকতার সাহেবের হস্তাণ্ড এও হস্তাণ্ড ছবার গর্জন করলে। আকতার সাহেবের দেহের রক্ত টগ্‌বগ্‌ করে ফুটছে।

এ কি! বাঘের গতি রুদ্ধ হ'য়েছে কিন্তু কি আশ্চর্য্য, বাঘ ভূমুগ্ধিত হয় নি। সে নিশ্চল হ'য়ে টীলার নীচে

দাঁড়িয়ে, উগরের আততায়ীদের নিরীক্ষণ করছে। দুই চোখে তাঁর আশ্রয়।

লক্ষ্য ব্যর্থ হ'য়েছে, আকতার সাহেবের উৎকর্ষার অবধি নাই; পুনোয়া চঞ্চল হয়ে হুকুমের প্রতীক্ষা করছে, আদেশ না পেলে গুলি করার তার অধিকার নাই। এ কি, বাঘ টীলার উপরে উঠে আসছে। এক মুহূর্ত, কিন্তু এক মুহূর্তেই আকতার সাহেবের প্ল্যান সাব্যস্ত হ'ল। পুনোয়াকে অনুসরণের আদেশ করে বাঘকে বাঁয়ে রেখে আকতার সাহেব দ্রুত অবতরণ করছেন। উদ্দেশ্য, সমান্তরাল অবস্থান থেকে বাঘের একপাশ থেকে গুলি চালাবেন। আবার ছবার রাইফেলের নির্দোষ। পাহাড়ে দূরে দূরে সে শব্দ প্রতিধ্বনিত হ'ল। কিন্তু বাঘ নির্বিচকার! পুনোয়া



হরিণ

দেখলে বাঘের মুখখানা জিবাংসায় আরও ভয়ঙ্কর হয়েছে। একবার শত্রুকে চোখের চাহনীতে শাসন জানিয়ে টীলার নীচে মুহূর্তে জঙ্গলে অদৃশ্য হ'য়ে গেল। লক্ষ্য ব্যর্থ, আকতার সাহেব ক্ষিপ্ত হ'য়ে গেছেন। ছুটে নীচে নেমে এলেন। উদ্দেশ্যহীন, কিংকর্তব্যবিমূঢ়। হঠাৎ তাঁর মনে হ'ল হয়ত গুলি লেগেছে। পুনোয়াকে বললেন, ঘড়ি ধরে আধ ঘণ্টা অপেক্ষা করতে হ'বে। জঙ্গল ন'ড'ছে না। গাছের উপর থেকে মোদিয়া জানালে—বাঘ দেখা যাচ্ছে কিন্তু জীবিত কি মৃত বোঝা যাচ্ছে না। আধঘণ্টা পরে উভয়ে হামাগুড়ি দিয়ে জঙ্গলের দিকে এগোতে লাগলেন। বুক আর কনুইয়ের উপর ভর দিয়ে চলা। হাতে উত্তর রাইফেল। পঞ্চাশ গজ দূর থেকে বাঘ দেখা গেল। মনে হ'ল দুই পায়ে ভর ক'রে বাঘ ব'সে আছে। হয়ত ভুল দেখা, কিন্তু এগিয়ে

যাওয়া আর হ'বে না। পুনোয়াকে জানালেন, এক সঙ্গে উভয়ে বাঘ লক্ষ্য করে গুলি করবেন। মুহূর্ত বিলম্ব নয়। বাঘ জীবিত থাকলে অবিলম্বে আক্রমণের সম্ভাবনা। দুইটি রাইফেলের ব্যারেল থেকে অগ্নিশিখা বিদ্যুৎশিখারই মত বেরিয়ে এল। মোদিয়া চীৎকার করে বললে—বাঘ মরেছে! পুনোয়া সায় দিল। আকতার সাহেবকে ইসারায় তাই জানিয়ে দিলে। আকতার সাহেব নিঃশব্দে পুনোয়ার হাত ধরে দূরে টেনে নিয়ে গেলেন। ইঙ্গিতে বৃক্ষারোহীদের নীচে নেমে আসতেও নিষেধ জানালেন। আর আধ ঘণ্টা। তার পর এগিয়ে দেখতে হ'বে। আধ ঘণ্টা পরেই এগিয়ে দেখা গেল রক্তাক্ত বিগতপ্রাণ ব্যাঘ্রের দেহ ভুলুষ্ঠিত।

আকতার সাহেব বাঘের ক্ষত পরীক্ষা করে পুনোয়াকে দেখালেন—জমিদার সাহেবের সে রাত্রের গুলিতে বাঘের

একটা খাঁচা জখম হ'য়েছে। আর একটা গুলি তার চোয়াল ভেঙ্গে দিয়েছিল। আকতার সাহেব আরও জানালেন এই দাঁত ও চোয়াল ভাঙ্গা ছিল বলেই বাঘ বারংবার লক্ষ্য করেও তাঁদের আক্রমণ করেনি—এ না হ'লে এই ঘটনা হয়ত অন্য ভাবে লিখিত হ'ত।

ডাকবাংলোয় যখন বাঘের দেহ আনা হ'ল তখন রাত হয়েছে। দারুণ শীত উপেক্ষা ক'রে জমিদার সাহেব সপারিষদ বাঘ ঘিরে বসে আছেন—গোঁফ আর নখ কেউ উপড়ে নিতে পারে নি। টিপয়ের উপরে রক্ষিত গরম চা'র পেয়াদা থেকে ধূয়া উড়ছে। নাস্তাও দেখতে ভাঙ্গা। আকতার সাহেব হজুরকে অল্পসরণ বৃত্তান্ত জানাচ্ছেন। আর সকলের পশ্চাতে বারান্দার এক কোণে লাল রূপার পানি মুড়ি দিয়ে পুনোয়া নিদ্রার ক্রোড়ে মগ্ন।

কম্প-প্রিয়া

শ্রীহীরেন্দ্রনারায়ণ মুখোপাধ্যায়

মোর কল্পলোকে—

এসো আজ মস্তুর চরণে,

বরণে বরণে—

আনন্দের শিহরণে স্তিমিত রহস্যভরা চোখে।

হেথা শুধু তুমি আর আমি

রচিব সুরার পাতে সুরলোক স্বপ্ন দিবা যামি।

তোমার অঙ্গের গন্ধে চন্দনের লাজফুল মুখ

ব্যথিত উন্মুখ—

চেয়ে রবে বেদনামস্তিত আঁখি মেলি

অবরুদ্ধ দীর্ঘশ্বাসে গুরুভার হৃদয় উদ্বেলি'

মোর মুখপানে,

সায়াহ্নের গানে—

নমিবে তন্ত্রার ঘোর ধীরে মোর তনুমন ছাপি,

শালের শাখায় মৌন কামনার স্পর্শবেশ কাঁপি

ছড়িয়ে পড়িবে বিশ্বময় ;

তুমি আর আমি রবো চেয়ে মুখোমুখি,

কোন কথা নয় ;

দৃষ্টি দিয়ে আমি শুধু লেহন করিব তব তনু,

অণু-পরমাণু—

প্রতি লোমকূপে মোর মাগিবে আশ্রয় ;

সেই মোর জয়—

রহিবে অক্ষয় চির-যুগান্তের স্নানীল আকাশে,

তারই আশে পাশে—

কামনার জ্যোতিহীন অম্পষ্ট তারকাসম মোর ব্যাকুলতা

বহিবে ব্যর্থতা।

পদপ্রান্তে কাঁদিবে একাকী

নগ্ন বস্ত্রধরা ;

তুমি লোকান্তরা

উর্ধ্বশীর লইবে প্রণাম নববধূ বেশে।

তোমারই প্রেমের মন্ত্র অফুরন্ত রবে দেশে দেশে।

রহস্যময়ী

শ্রীগোতম সেন

অনেকদিন পরে যতীনের সঙ্গে হঠাৎ মুখোমুখি দেখা হ'লো। সেই যতীন থাকে ছোটবেলায় আমরা ইন্দ্রনাথ বলতাম। অতীত একটা টাইপ : না পারে এমন কাজ নেই। সাপের কোষ ধ'রে একটা বাঁকানি দিয়ে সে তাকে ছুঁড়ে দিতো—কেন ক'রে লোকে টিল ছোঁড়ে।

একদিন বললে, চল নবাবের কবরখানা দেখে আসি। পৌঁছতে রাত্রি হ'য়ে গেলো। বললে, কুছপরোয়া নেই, আঁধা খোসবাগেই খিচুড়ি পাকাবো। আর ঐ যে দেখেছিস লুৎফা উল্লিসার কবর—ঐখানে চুপ ক'রে কান পেতে শোন, শুনতে পাবি।

শুনতে অবশ্য কিছুই পেলাম না, তবু বুকটা ছাঁৎ ক'রে উঠলো।

আশানব্যাটের সুরঙ্গপথে অবলীলাক্রমে যতীন একদিন নেমে গেলো। বললে, থাক তোরা দাঁড়িয়ে—ব্যাপারটা কি দেখে আসি।

এই সুরঙ্গ সম্বন্ধে অনেকে অনেক কথাই বলতো। কেউ বলতো, নবাব সিরাজদ্দৌলার গুপ্তপথ—কেউ বলতো, ভগবানেশ্বরের ধনাগার—আবার কেউ বলতো রঘুডাকাতের আজরা ছিলো ঐ মাটির মধ্যে। কথা যাই থাক, লোকচক্ষে ঐ স্থানটি ভীতিপ্রদ ছিলো সন্দেহ নেই। প্রকাণ্ড একটি হুড়ুয়া। অন্তত বাইরের বিস্তার দেখে তাই মনে হয়। নীচে নামবার সিঁড়ি আর তারই পাশ দিয়ে নেমেছে একগাছা লোহার শিকল।

কিন্তু যতীন আর ফিরলো না। সেই বে লোহার শিকল ধ'রে নেমে গেলো, তারপর ভগবান জানেন সে এতকাল কোথায় কিভাবে ছিলো।

বললে, খুব মোটা হয়েছিস দেখছি। দেশের খবর কি? বাজপেরী তেমনি বিনিয়ে বিনিয়ে কবিতা লিখছে তো?

বললাম, ঠিক পনের বছর হবে, নয় রে?

—ও আর ক'টা দিন। মায়ের আয়ুর কাছে ওটা কিছুই নয়। ব'লে যতীন হাসলে।

—কিন্তু কি হ'য়েছিলো তারপর?

—সে অনেককথা। বলবো একসময়। কাল যাস, আমার ওখানেই খাবি। ব'লে যতীন তার ঠিকানা লিখে দিয়ে ঝড়ের মত অদৃশ্য হ'য়ে গেলো।

পরদিন গেলাম ঠিকানা খুঁজে খুঁজে। এক অন্ধকার গলি এবং ততোধিক অন্ধকার জীর্ণ একখানা বাড়ী। দরজার কড়া নাড়তেই গেলো খুলে। নারীকণ্ঠে উত্তর এলো, আপনি কি নিশ্চলবাবু?

—হাঁ। যতীন নেই?

উত্তর এলো, ভেতরে আছেন।

—যতীন কি নেই?

—না।

—তা'লে থাক, আর-একদিন আসবো।

—কিন্তু আপনার যে এখানে খাবার কথা।

বললাম, বেশ তো, আর একদিন খাবো না হয়।

—তিনি আপনার খাবার সমস্ত ব্যবস্থাই ক'রে গিয়েছেন। আপনি অত লাজুক কেন? বলতে বলতে মহিলাটি—সম্ভবত বৌদিই হবেন, খিল্ খিল্ ক'রে হেসে উঠলেন।

—কিন্তু এই বা কি-রকম ভদ্রতা, খেতে ব'লে খাওয়ার মালিকই রইলো অনুপস্থিত! অনুযোগের সুরেই বললাম।

—কিন্তু মালিক তো তিনি একা ন'ন। এতবড় মাহুঘটাকে আপনার নজরে পড়লো না এও তো আশ্চর্য!

—আচ্ছা, হতভাগাটা আসবে কখন? বললাম।

—তা তো জানি না ঠাকুরপো। আজ নাও আসতে পারেন, আবার পাঁচ সাত-দিন দেরি ক'রে আসাও তাঁর অভ্যেস আছে।

—চমৎকার! স্বামীভাগ্য তা'লে আপনার ভালই দেখছি।

—হাঁ, তা খুব। ব'লে মহিলাটি মুখ টিপে হাসলেন।

কিন্তু অদ্ভুত সপ্রতিভ এই মেয়েটি। ঠিক যে-সময়টিতে নিজেকে ধিকৃত করবো মনে করেছি, সেই সন্ধি মুহূর্তে পরম নিষ্কৃতির মত মেয়েটি এলো একটি সিন্ধু-অধিকার নিয়ে। অকুণ্ঠিত-কণ্ঠে কত পরিচিতের মত ডাকলে, ঠাকুরপো। লজ্জায় মাথাটা আপনিই পড়লো হয়ে।

—কি ভাবছো ঠাকুরপো? তারচেয়ে হাতমুখ ধুয়ে ভাল হয়ে বসো, আমি রান্নাটা সেরেনি।

আশ্চর্য এই যতীন। আর ততোধিক আশ্চর্য তার এই বোঁটি। বন্ধ হ'লেও, এক অপরিচিত যুবককে এমন অসঙ্কোচে আহ্বান করার কল্পনাও আমি করিনি কোনদিন। মনটা বিষিয়ে উঠলো। মনে হ'লো চীৎকার করে বলি, এ আমার সহিবে না—আপনাকে ধন্যবাদ। কিন্তু কি জানি কেন, এতবড় আঘাত দিতেও প্রাণ চাইলো না।

আকাশে উঠেছিলো মেঘ। বৌদির উৎকণ্ঠার আর অন্ত নাই। বললে, এই মেঘ মাথায় করে নাই বা গেলে ঠাকুরপো!

বলে :কি এই মেয়েটি! বিশ্বয়ে তার মুখের দিকে চাইলাম। একটা পরিচ্ছন্ন সরলতায় সেও ঠিক আমারই দিকে আছে চেয়ে। বললাম, তা হয় না বৌদি!

—কেন হবে না। মেঘ না কাটলে তোমার কিছুতেই যাওয়া চলবে না।

—কিন্তু তাই বা কি করে সম্ভব। যতীন বাঁজী নাই—

বাধা দিয়ে বৌদি বললে, সম্ভব অসম্ভবের কথা আমি বুঝবো। তিনি বাঁজী নেই, সেকথাটা তোমার চেয়ে আমি বেশী জানি ঠাকুরপো!

লজ্জিত হ'লাম। বললাম, তার জন্তে নয় বৌদি। এই একখানা ঘর—আমাকে ছেড়ে দিয়ে হয়তো তোমার খুব খানিকটা আত্মপ্রসাদ হবে, কিন্তু আমি সেটাকে গ্রহণ করবো किसের জোরে?

—আমাকে যে কুছ সাধনই করতে হবে, এই বা তোমাকে কে বললে।

—কিন্তু ঘর তো এই একখানিই।

বৌদি খিল্ খিল্ করে হেসে উঠলো। বললে, একঘরে রাত্রিবাস করলে জাত যায়, এ আমিও যেমন স্বীকার করি না—আমার স্বামীও তেমনি ঐ কথাগুলোকে অবজ্ঞা করেন।

বুঝলাম, যতীন किसের জোরে তার জীর উপর এমন ক'রে নির্ভর করতে পেরেছে। কিন্তু মন সায় দেয় না। কিছুতেই পারি না এই নির্লজ্জ পরিবেশের মধ্যে নিজেকে সুপ্রতিষ্ঠিত করতে! আজন্ম সংস্কারের বিধিবদ্ধ ব্যবহার আকস্মিক পরিবর্তনে মনের এই বিক্ষুব্ধতাকে কোন দিক দিয়েই গোপন করতে পারলাম না। বৌদির তীক্ষ্ণ-দৃষ্টি এড়ায় নি। বললে, না হয় নাই থাকলে, মেঘটা অরত দেখে যাও।

এরপর সাতদিন কেটে গিয়েছে। যতীনের বাঁজী যেতে সাহস হয়নি। হয়তো সে এখনো ফেরেনি এবং বোঁটি তেমনি একলাই আছে। কি জানি কোথায় আমার মনের কোনে একটু সঙ্কোচ জমে উঠেছে যেটাকে দূর করতেও মমতা হচ্ছে। কিন্তু একটা প্রশ্ন বারবার করে মনে আসছে, যতীন যদি নাই এসে থাকে, তবে তার সংসার চলছে কি করে? তাদের সাংসারিক দৈন্য তো আজের চোখেই দেখে এসেছি। একটা বিশ্রী ব্যাকুলতার মনটা ফুক হয়ে উঠলো। তাড়াতাড়ি বেরিয়ে পড়লাম।

ডাকতেই, বৌদি এসে দরজা খুললে। বললে মনে পড়লো ঠাকুরপো!


সেকথার উত্তর না দিয়ে প্রথমেই প্রশ্ন করলাম, যতীন আসেনি?

বৌদি তেমনি ক'রেই হেসে উত্তর দিলে, না। বোধ করি এখনো তাঁর সময় হয়নি।

—মানে, সে কি সেই থেকেই বাঁজী নেই?

—এসো, ভেতরে এসো। ব'লে হাত ধ'রে বৌদি আমাকে একেবারে নিজের ঘরে নিয়ে এলো। অমন ক'রে দোর ধ'রে দাঁড়িয়ে কোন মেয়েছেলের সঙ্গেই কথা বলতে নাই: তাতে পাঁচজনে পাঁচকথা বলে, এ বুদ্ধিটুকুও কি তোমার হয়নি? ব'লেই বৌদি হেসে ফেললে।

অদ্ভুত এই মেয়েটি! ও যেন হাস্‌বার জন্তেই পৃথিবীতে এসেছে। যে দৈন্য ওর ক্ষুদ্র পরিবেশটিকে অক্টোপাসের মত অহোরাত্র রয়েছে ধিরে—ভাবি, তাকে ও তুচ্ছ করলো किसের জোরে! হয়তো এ ক'দিন ওর অনাহারে অর্দ্ধাহারের কেটেছে, কিন্তু মুখ দেখে কিছুই বোঝবার উপায় নাই।



অনেকক্ষণ চুপ ক'রেই কাটলো। কি-ই বলা যেতে পারে। হয়তো অতি সহজেই কথাটা তোলা যায়, কিন্তু এতদিন পরে এই আত্মীয়তার অভিনয় করতে আমার নিজেরই লজ্জা হ'লো।

—কি ভাবছো ঠাকুরপো?

—ভাবছি, আজ এইখানেই ছুটো খেয়ে যাবো কিনা।

বৌদি তীক্ষ্ণদৃষ্টিতে আমার দিকে চেয়ে রইলো। বল্লাম, বরফ ত পেরেছি : এইটুকুই জানতে চাইছিলাম। একটা অপরাধের হাতে পড়ে এরকম উপবাস তোমাকে আর ক'দিন করতে হয়েছে বৌদি?

—তুমিও তো কোন খোঁজ নাওনি ঠাকুরপো! হয়তো তুমি এইভেবেই নিশ্চিত আছেন, তুমি যখন আছো একটা উপায় হবেই।

—এ সে ভাবতেই পারে না। তা ছাড়া আমি নাও আশা করি, এইটাই তার সর্বশ্রেষ্ঠ ভাবা উচিত ছিলো।

—কি ক'রে ভাববে বল, বন্ধুকে সে কোনদিনই অত ছোট ক'রে দেখেনি।

কথা যাই হোক, আমার অপরাধও যে সামান্য নয় বৌদির কথায় চৈতন্য হ'লো। বল্লাম, একটা সত্য কথা বললে বৌদি, ক'দিন তুমি অনাহারে আছো?

আমার চোখের দিকে চেয়ে বৌদি হেসে ফেললো। বললো, অতি সামান্যতেই মেয়েদের মত তোমার চোখে জল আসে ঠাকুরপো!

—কিন্তু আমার কথার তো কোন উত্তর পেলাম না বৌদি?

—আচ্ছা, তুমি চাল-ডাল নিয়ে এসো। তারপর দুজনে একসাথে খেতে খেতে বলবো।

রাজ্যের বাজার মুটের মাথায় চাপিয়ে দিয়ে হন্ হন্ ক'রে এগিয়ে চলেছি, পিছন থেকে বতীন ডাকলে—অত ছুটস না একটা 'স্ন্যাকসিডেন্ট' হবে।

বল্লাম, তুমি একটা রাস্কেল। বৌটাকে এমন ক'রে ফেললে যেতে তোমার পৌকয়ে বাধলো না?

বতীন তেমনি স্বভাব-দৃষ্ট হো-হো ক'রে হেসে উঠলো। বললো, খাবার কি আমি জোটাই রে! ওর জন্তে ভগবান আছে।

আশ্চর্য ওর কথা! বল্লাম, আমাকে ক্ষমা করিস্

ভাই; আমারই নিবুদ্ধিতায় বৌদিকে উপোস ক'রতে হ'লো। আমিই বৌদিকে ভুল বুঝেছিলাম, ইচ্ছা ক'রেই সংশ্রব করেছিলাম ত্যাগ।

বতীন আবার হেসে উঠলো। বললো, মোটরখানা আছে, না বিক্রী ক'রে ফেলেছিস?

—না, আছে এখনো।

বতীন কি যেন ভাবলে। তারপর বললো, তবে আর কি—তুই তো রাজা। যার বাড়ী আর গাড়ী আছে, সেই এ সংসারে টিকি গেলো। আমরা তো চিনির বলদ, চিনি ব'লে জীবনটাকে কাটিয়ে দিলাম।

বতীনের কথায় ব্যথা পেলাম। চোখের উপর একটা দুঃ উলঙ্গ পৃথিবী বীভৎস হ'য়ে উঠলো। ফিল্মবিল ক'রে বেড়াচ্ছে সব বুড়ুকু নর-নারীর দল! আত'নাদ করছে রুগা-মায়ের কোলে সন্তজাত শিশু। একফোটা নাই দুঃ : শুষ্ক-স্তন টেনে টেনেও পায়না রক্তবিন্দু। বার্লির জলে আর সাবুর কাখে ঘর আলো-করা মাণিকগুলো তাদের পৃথিবীর দিকে প্যাট প্যাট ক'রে আছে চেয়ে। বল্লাম, বেঁচে থাকার মত পাপ আর নাই—না রে?

—তোরা বুঝিস এসব কথা? বতীন হেসে বললো।

—বুঝবো না কেন, ভাগ্যের জোরে একখানা মোটর আর বাড়ী পেয়েছি বই তো নয়।

বতীন হো হো ক'রে আবার হেসে উঠলো। খুব ভাল লাগে ওর ঐ হাসিটি। এক এক সময় বিস্ময় লাগে, ঐ শরীরে ও অমন হাসে কি ক'রে!

খাওয়ার পর্ব শেষ হ'লে, সেই পুরোণো কথা পাড়লাম। বল্লাম, তোর শাশানঘাটের গল্প বল্ বতীন।

—ও আর কতটুকু গল্প রে! তোরা রইলি ওপরে, আমি গেলাম নেমে। কিন্তু কোথায় যাবো? সব অন্ধকার। চুপ ক'রে ঐ অন্ধকারেই ব'সে রইলাম। তারপর যখন টের পেলাম, তোরা চলে গিয়েছিস তখন ওপরে উঠলাম। ভাবলাম, বাড়ী গেলেই তো ধরা প'ড়ে যাবো—আর বাড়ীর টানই বা আমার কোথায় ছিলো। বেরিয়ে পড়লাম ঐ একবস্ত্রে। তারপর তো দেখছি, কেটে যাচ্ছে কোনরকমে।

—বুড়ো বাপ আর ছোটভাইটার কথাও কি মনে পড়লো না কোনদিন?

—কার ভাবনা কে ভাবে। কেউ কি আসে কারো

মুখাপেক্ষী হয়ে? জানি, আমিও যেমন করে বেঁচে আছি, তারাও তেমনি করে থাকবে। জানোয়ারগুলো বড় হ'লেই বেরিয়ে পড়ে। কোন 'সেক্টিমেন্ট'ই ওদের রক্তের মধ্যে নাই। শাশানঘাটের গল্প শুনতে চাচ্ছিলি, কিন্তু তার চেয়েও বড় গল্প জমে উঠেছে এখন। একদিন জানতে পারবি।

বললাম, কোনদিন কোনকথাই স্পষ্ট করে শুনতে পেলাম না তাঁর মুখ থেকে। কি করে চলছে এ জানতে চাইলে হয়তো জোরেরই হেসে উঠবি।

বাঁধা দিয়ে যতীন বলে, একটা বিরাট কারবার ফেঁদে বসেছি। কিছুদিন থেকে লোকসান যাচ্ছে। তবে বড় রকম একটা টোপ ফেলেছি, হয়তো এবার কিছু পেলেও পেতে পারি।

—গল্প পেলে যে আর উঠতেই চাওনা ঠাকুরপো! আর তোমারও তো বেশ আক্কেল। ঠাকুরপো অবেলায় খেয়েছে, ওকে একটু বিশ্রাম করতেই দাও। ওঠো, বিছানাটা করে দি। ব'লে বৌদি হাসতে হাসতে এগিয়ে এলো।

যতীন সত্যিই উঠে গিয়ে বসলো নিজের চেয়ারটায়।

সন্ধ্যাবেলায় যখন ঘুম ভাঙলো, তখন দেখি বৌদি সোঁভ জেলে চায়ের জল চড়িয়ে দিয়েছে। বলে, ওঠো মুখ বুয়ে চা খেয়ে নাও।

—যতীন কই?

—কেন, বন্ধুকে না দেখে কি চোখে অন্ধকার দেখছে? বাবারে বাবা! এত বড় করি, তবু আমি যেন কেউ নই। ব'লে বৌদি তেমনি করে মুখ টিপে হাসলে।

—না, না, সত্যি; যতীন কি আবার বেরিয়ে গেলো?

—ওঁর কি চুপ করে ব'সে থাকলে চলে।

হয়তো চলে না। কিন্তু মনটা খুসী হ'তে পারলো না। এতদিন পরে একটা দিনও কি সে বাঁধিতে থাকতে পারে না! প্রকাশে বললাম, এবারও কি কিছুদিনের মত সে গৃহত্যাগ করলো?

—তাও তো কিছু পূর্বাঙ্কে জানবার উপায় নাই ঠাকুরপো!

—থাক, আর আমার জেনেও কাজ নাই। চা দাও, আমি চলি।

—ইস, তাই বই কি। আমি যে কষ্ট করে মাংস রাখলাম, খাবে কে?

—কিন্তু যে-লোকটার খাবার সব চেয়ে প্রয়োজন, তাকে তো কই অল্পরোধ কর না বৌদি?

—তাকে অল্পরোধ করে আটকাতে পারি, একবড় জোর আমার কই ঠাকুরপো! বলতে বলতে বৌদির পর ভাবী হ'য়ে এলো।

—তাই জ্বলুর সবটুকুই বুঝি আমার ওপর এসে পড়েছে? জিজ্ঞাসু দৃষ্টিতে মুখের দিকে চাইলাম।

বৌদি অনেকক্ষণ আমার মুখের দিকে চেয়ে রইলো। তারপর হেসে বলে, ছুপের সাধ বোলে গিটাই।

রাত্রি বারুটায় বৌদির হাত থেকে নিষ্কৃতি পেলাম। প্রতিজ্ঞা করলাম, আর ও-বাড়ীর ছায়াও মাড়াবো না। মরুক যতীন, আর ঐ যতীনের বৌ। এতবড় পৃথিবী-কে কার সন্মান রাখে। এইতো এতদিন ওদের কোন সন্মানই রাখতাম না। আজো না-হয় না রাখলাম। স্বামী যদি তার কর্তব্য পালন না করে—আমি কে? আমার এ-দুর্বলতার কি কোন মানে হয়?

সেদিন মোটর নিয়ে বেরিয়ে পড়েছি বাঁধাগঞ্জের দিকে। অনেকক্ষণ এদিক-ওদিক ঘুরে এস্প্রিনের মোড়ে এসে গাড়ীর তেল গেলো ফুরিয়ে। দেখি, আমারই মত অবস্থা হয়েছে রজত রায়ের। বলে, তেল সরাবার এমন কেন্দ্রস্থল আর ছুটি নাই। অতি দুর্বল বস্তুকেও অস্ত্রত কিছুক্ষণের জন্তে এখানে দেখা যায়।

—আমিও কি তোমার মতে দুর্বল?

—আজকাল তো তাই মনে হচ্ছে। দুদিন গিয়েও দেখা পাইনি।

বললাম, তা হয়তো সত্যি। কদিন যতীনের বাঁধা গিয়েছিলাম।

রজত প্রকাশে একটা 'হাঁ' করে বলে, কে যতীন-যতীন ভট্টাচার্য? সর্বনাশ! তার পাল্লায় পড়েছো? তার সেই বৌটি আছে তো? ভগবানকে ধন্যবাদ, আমি তার সেই সর্বগ্রাসী বাছ-বন্ধন থেকে মুক্ত হ'তে পেরেছি।

—তুমি একটা স্কাউণ্ডেল। যতীন আমার বাঁধাবন্ধ ছি, ছি—নির্লজ্জতারও একটা সীমা থাকা উচিত।

উত্তর শুনে রজত শুধু দাঁত বের করে হাসলে। "শুড্ বাই টু ইয়োর চ্যারিটি, এণ্ড উইশ্ ইউ শুড্ লাক্।" বলতে বলতে সে মোটর হাঁকিয়ে বেরিয়ে গেলো।

আমার মাথায় তখন ভূত চেপেছিলো। সোজা এসে ঢুকলাম বৌদির ঘরে। রজত রায় যাই বলুক, আমি দেখবো—নিজে পুঞ্জানুপুঞ্জরূপে শেষপর্যন্ত দেখবো। তারপর যা ঘটে ঘটুক।

বললাম, বৌদি, কদিন রাগ করে আসিনি; কিন্তু আজ বুঝতে পারছি, তোমার ওপর রাগ করা যায় না।

—না, রাগ করো না। ছোট্ট একটু কথা, এইটুকু ব'লে বৌদি কেমন যেন অশ্রুসিক্ত হয়ে গেলো।

বললাম, তোমার মন কি আজ ভাল নাই বৌদি?

—না। উনি রাগ করে বাড়ী থেকে চলে গিয়েছেন। মনে একটা পয়সাও নেই, অথচ আজ পাঁচদিন কেটে গেলো।

এটা সত্যিই খারাপ হ'য়ে গেলো। যতীনের এই নিঃসঙ্গ অবস্থা নতুন নয়, কিন্তু তার জন্তে কোনদিনই বৌদি এমন বিচলিত হ'তে দেখিনি। ভবঘুরে স্বামীটির প্রতি এতখানি দরদ, জানিনা ওর এতকাল কোথায় লুকোনো ছিলো।

বললাম, একি তোমার কাছে নতুন বৌদি?

—না। কিন্তু এমন করে যাওয়া বোধ হয় নতুন। বলতে বলতে বৌদির বড় একটা নিঃশ্বাস পড়লো।

স্কাউণ্ডেল—স্কাউণ্ডেল—এই রজত রায়। নিজের মনেই উচ্চারণ করলাম।

—একটু ব'সো। তোমার চা তৈরি করে আনি।

—না, আমি আজ চা খেতে পারবো না।

বৌদি তীক্ষ্ণ-দৃষ্টিতে অনেকক্ষণ আমার মুখের দিকে চেয়ে রইলো। তারপর ছোট্ট করে শুধু বলে, আচ্ছা।

বাড়ী ফিরে এলাম। যে কাঁটাটা আমার মনের মধ্যে ছিলো বিঁধে, তাকে মুক্তি দিয়ে ঐ ভাগ্যহীনা মেয়েটির উদ্দেশ্যে বার বার প্রণাম জানালাম।

সকাল থেকেই রুষ্টি নেমেছে। কোথাও যেন কাজ নাই, এখনি মাছঘের দেহ-মনকে দিয়েছে আজ পঙ্গু করে। কি

বিশ্বী সেই অলস দিন-যাপনের গ্লানি। মাছঘ ঘন ঘন

নিজেরই নিঃশ্বাসভারে হাঁপিয়ে উঠেছে। বেরুতেও ইচ্ছা

করছে না, অথচ না বেরুলেও কিছু ভাল লাগছে না— মনের যখন এইরকম অবস্থা তখন এলো একটা ছেলে একখানা চিঠি নিয়ে। বৌদি লিখেছে: একবার এসো, বিশেষ প্রয়োজন।

অদ্ভুত যোগাযোগ। মনও যেন ঠিক এইটুকুই চাইছিলো, কেউ এসে তাগিদ দিয়ে আমাকে ঘরের বার করুক। তাই তো বলছিলাম, বেরুবার ইচ্ছা ছিলো—ছিলো না শুধু তাকে সঞ্চালিত করবার সম্যক উদ্ভাপ।

এসে বললাম, বৌদি নিশ্চয়ই এই বাড়ী-দিনে উল্লুনে মাংস চাপিয়ে আমাকে ডাকতে পারিয়েছো?

বৌদি হেসে বলে, হাঁ। বাড়ী দিনেই তো প্রিয়জনকে মনে পড়ে। ঘরে গিয়ে ব'সো, আসুছি।

আজো যতীন নেই। কি বিশ্বে এই পরিবেশ। তার অনুপস্থিতির তিক্ততার মনটা বিষিয়ে উঠলেও দিনের পর দিন সেই অপ্রতিরোধ্য বিষ আমাকেই একটু একটু করে উদরস্থ করতে হচ্ছে মনে হ'লে নিজের কাছেও নিজের

সজ্জা হয়। কিন্তু উপায় নেই। অনাবশ্যক আমার পালিয়ে বেড়ানোও যেন এই মেয়েটির কাছে ধরা পড়ে গিয়েছে ব'লে মনে হ'লো।

তবুও আজ অনেক রুঢ় কথা শান-দেওয়া পালিসের মত বৌদির প্রত্যাশায় প্রস্তুত করে রাখলাম।

কিন্তু তার অপ্রত্যাশিত প্রবেশাভিব্যক্তি আমার সকল সঙ্কল্পকে চুরমার করে দিলে।

—ঠাকুরপো, একবছরের ঘরভাড়া বাকি। এইমাত্র বাঁধাওয়ালী এসে অপমান করে গেলো। লাঙ্গনার যেটুকু অবশিষ্ট আছে, তাই বা হ'তে দি' কেন: আমার এই

গয়নাগুলো বাঁধা দিয়ে শ'ছয়েক টাকা এনে দাও। ব'লে বৌদি একটা ছোট্ট পুঁটলি আমার সামনে রেখে দিলে।

আমার চোখের সামনে গোটা পৃথিবীটা যেন বন্ বন্ করে ঘুরতে লাগলো। এই আমাদের নীড়, আর তাই বাঁধবার জন্তে এত মায়া! বললাম, গয়না তুমি রাখো বৌদি, টাকা আমি দিয়ে যাবো।

—তা হয় না ঠাকুরপো। তুমি হয়তো দিতে পারো, কিন্তু আমি তা নিতে পারি না।

—কেন পার না বৌদি, আমি কি তোমার পর? আর তা ছাড়া এখন সে-সব ভাববার অবসরই বা কোথায়!

বাঁধাওয়ালীর টাকা মিটিয়ে দিয়ে, তখন না হয় স্থির করা

যাবে আমাদের মধ্যে কে কতটুকু নিতে পারে, আর কে কতটুকু দিতে পারে।

বৌদি আর কোন কথা না বলে চুপ করে বসে রইলো।

বললাম, যতীন এলে বসতে বলো; আমি আসছি।

—কাকে বলবো ঠাকুরপো, সে তো কদিন ধরে পালিয়ে বেড়াচ্ছে।

—পালিয়ে বেড়াচ্ছে! যতীন?

আমার মুখের দিকে চেয়ে বৌদি জোরে হেসে উঠলো। বললে, এবার খানিকটা গালাগাল বেরুবে তো তোমার মুখ দিয়ে?

—কই আর বেরুতে দিলে বৌদি। তোমারই পুণ্যের জোরে ও ভগবানের কাছেও ক্ষমা পেয়ে গেলো।

টাকা নিয়ে এসে দিতেই বৌদি আমার হাতখানা জোরে চেপে ধরলো। বললে, তুমি আমাদের বাঁচালে ঠাকুরপো! কিন্তু আজ তোমাকে ছেড়ে দেবো না। তুমি আমার হাতে মাংস খেতে চেয়েছো: যাও, ভাল দেখে কিছু মাংস নিয়ে এসো। আমার শিরা-উপশিরায় তখন রক্তের নাচন শুরু হয়েছে। বললাম, কে আর যেতে চাইছে।

রাত্রির অন্ধকারে যতীন চুপি চুপি এসে ঘরে ঢুকলো। বললে, একটা সিগ্রেট দে, অনেকক্ষণ খাইনি।

সিগারেটের বাঁকটা ছুঁড়ে ফেলে দিলাম। কথা বলবার প্রবৃত্তি আর ছিলো না। কিন্তু যতীন নির্বিকার চিত্তে একটির পর একটি সিগারেট টেনে যেতে লাগলো।

বৌদি এসে বললে, খালি পেটে অতগুলো ধোঁয়া গিললে, বেলুনের মত উর্দ্ধপথে উড়তে থাকবে। ভার চেয়ে খাবে এসো, ভাত দিয়েছি।

যতীন আকণ্ঠ খেয়ে গেলো। যেমন করে সে খাচ্ছিলো এতক্ষণ সিগারেট। কী অপরিসীম ক্ষুধা ওর পেটে! মনে হ'লো, ও যেন একমাস ঐ ভোজ্যদ্রব্যগুলো চোখে দেখে নি!

বৌদি চুপি চুপি এসে বলে গেলো, পালিও না কিন্তু। আমরা না হয় তিনজনেই আজ রাত জাগবো।

সর্বনাশ! রাত জাগবার এই অহেতুক কল্পনায় হয়তো কিছু রোমাঞ্চ থাকতে পারে—কিন্তু তাতে না আছে চরিতার্থতা, না আছে মিষ্ট-অনুভূতি। নিজেকে শক্ত করে বিছানা ছেড়ে উঠলাম।

—উঠলে যে? বৌদি বললে।

—তাস খেলে রাত জাগবার মত নিবুদ্ধিতা আমার নাই। ব'লে বাড়ের মত ঘর থেকে বেরিয়ে এলাম।

বাড়ী এসেই মনে হ'লো, খুব অত্যাচার করে এলাম। বৌদি আমার জন্তে কি-ই বা করতে পারতো! যতীন তার স্বামী: আমি উপকারী বন্ধু হ'লেও তাকে সে অবহেলা করতে পারে না। বরং করলেই সেটা অশোভন হ'তো। ঠিক করলাম, কাল সকালেই বৌদির কাছে গিয়ে ক্ষমা চেয়ে আসবো। একটি রাত্রির এই লজ্জাকর-ব্যবহার আমাকে যেন দংশন করতে লাগলো।

কিন্তু সকালে বৌদির ঘরে এসে শুক্ন হ'য়ে গেলাম। এ কি হয়েছে ঘরের স্ত্রী! সমগ্র বিশ্বজ্বল সংসারটি কাছে নিয়ে বৌদি কাঠের মত আছে ব'সে! বললাম, কি ব্যাপার বৌদি?

বৌদি হেসেই উত্তর দিলে, 'বাড় হ'য়ে গেছে কাল রজনীতে রজনীগন্ধার বনে।'

বললাম, পরিষ্কার করে বল বৌদি, কাব্য তোমার এখন রাখো।

—এত দুঃখেও যদি কাব্য না করবো, তবে করবো কবে বল? চুরি হয়েছে।

—চুরি! কি চুরি হ'লো?

—তোমার দেওয়া বাড়ীভাড়ার দু'শো টাকা, আমার গয়না—সবই।

—যতীন বাড়ী ছিলো না? উৎকণ্ঠিত হ'য়ে জিগ্যেস করলাম।

—হাঁ, ঐগুলো নিতেই তো সে কাল এসেছিলো। ব'লে, বৌদি ক্ষীণ-শুষ্ক একটুখানি হাসলে।

চীৎকার করে উঠলাম; কি বলছো বৌদি?

ছোটবেলায় দেখেছি এই যতীনকে, নির্ভীক, সত্যবাদী, একটা উচ্ছল-নদীর মত। বললাম, এ যে কল্পনারও অতীত বৌদি!

বৌদি তেমনি ক'রেই ছোট একটুখানি হাসলে। বললাম, যাক, ওসব না হয় পরে হবে। এখন রান্না-বাঁসার আয়োজন কর। ওরকম ব'সে থাকলে তো আর পেট মানবে না।

—তুমি বলো কি ঠাকুরপো! এখুনি হয়তো

ছেড়ে দিয়ে রাস্তায় দাঁড়াতে হবে—এই কি আমার খাবার সময়!

—বাঃ, মন্দ নয়। আমিও বুঝি তোমার সঙ্গে উপোস করে মরবো? আর রাস্তাতেই বা দাঁড়াতে হবে কেন, আমি তো আর মরিনি।

—না, তোমার টাকা আর আমি নিতে পারবো না ঠাকুরপো! স্বামীই যদি এতখানি শক্ততা করতে পারেন, তবে আমার কিসের সংসার! বলতে বলতে বৌদির স্বর কান্নায় ভ'রে উঠলো।

একটা বিশ্রী আবহাওয়ার মাঝখানে এসে দাঁড়িয়েছি। কান, তোমাকে সাঙ্গনা দেবার স্পর্শ আমি করবো না; কিন্তু তাই ব'লে এও তোমাকে বলতে দেবো না, একটি ক্রমিকের অভাবে তোমার সব শূন্য হ'য়ে গেলো।

বৌদি ফিক্ করে হেসে ফেললে। বললে, শুনে লোভ হ'লোটে। আচ্ছা, কি খাবে বল, রান্না চড়িয়ে দি।

—আজ সম্পূর্ণ সামাজিক মতে খাবো।

—সেই ভাল। মাছ-মাংসে শুধু উত্তেজনাই আনে।

বৌদির হাতখানা জোরে চেপে ধরলাম। বললাম, তোমার গয়নাগুলো গড়াতে দুদিন দেরি হবে, কিন্তু বাড়ী ভাঙার ঐ দু'শো টাকা আমি এখুনি নিয়ে আসছি। তুমি মান করে রান্নার ব্যবস্থা কর।

উত্তেজনায় সর্বশরীর আমার সক্রিয় হ'য়ে উঠেছে। নিজের চলৎশক্তির ওপর একটা অখণ্ড বিশ্বাস অর্জন করলাম। ফিরে এলাম মুহূর্তের মধ্যেই।

প্রশ্ন

শ্রীকমলাপ্রসাদ বন্দ্যোপাধ্যায়

তুমি মোরে ভুলে যাবে;—আমার স্মরণে
আসেনা এ কথা কভু। জীবনে মরণে
যে প্রেম নিয়ত থাকে পবিত্র অমল,
যৌবন সরসী-জলে শুভ্র শতদল

ফুটে থাকে নিকলুখ কামনার মত
দেয় প্রাণে আনন্দের পরশ সতত।
সে প্রেমের প্রতিলিপি হৃদয়ের পরে
চিরস্থায়ী থাকে। কভু ভ্রান্তির গোচরে

আসেনা বলিয়া জানি, তবুও শুধাই
তোমার অন্তরে ঐ স্বপ্ন কিসে গাই?

অন্ধতার কারণ ও তাহার নিবারণ

ডাঃ শ্রীসুশীলকুমার মুখোপাধ্যায় এফ-আর-সি-এস (এডিন); ডি-ও (অক্সন);
ডি-ও-এম-এস (লণ্ডন)

অনেকেই বোধ হয় জানেন না বা খবর রাখেন না যে আমাদের দেশে কত লোক অন্ধ।

ভারতবর্ষে প্রায় দশ লক্ষ অন্ধ লোক আছে এবং ত্রিশ লক্ষ লোক আছে যাহাদের একটি চক্ষু নাই কিম্বা কোন চক্ষুরোগ আছে যাহার জন্ত তাহারা দৃষ্টিহীন।

এ কথা জানা উচিত যে, উপযুক্ত চিকিৎসাদ্বারা

পরামর্শ অনুসারে কার্য করা যায় তাহা হইলে সহজেই এই রোগমুক্ত হইয়া দৃষ্টিশক্তি পুনরায় ফিরিয়া পাওয়া যায়।

যখন অনেক স্থলেই অন্ধতা হইতে অব্যাহত পাইবার উপায় আছে তখন এত লোকের অন্ধ হওয়া উচিত নয়। সামান্য উপায় দ্বারা দৃষ্টিশক্তি রক্ষা করা যায়। চক্ষুর প্রতি অবহেলার জন্ত অনেক শিশু অন্ধ হইয়া যায়, কিন্তু অতি সহজেই তাহাদের দৃষ্টিলোপ নিবারণ করা যায়। দেখা গিয়াছে যে অন্ধতার প্রধান কারণ এইগুলি:

অজ্ঞতা

অনবধানতা

কুসংস্কার

অসহযোগ

কেরাটোম্যালেসিয়া এবং রাত্র্যন্ধতা

উপদংশ এবং গনোরিয়া (ছুষ্ট মেহ)

ট্রাকোমা বা দূষিত ব্রণযুক্ত চক্ষুপত্র

বিপজ্জনক বা উগ্রবীর্য ঔষধ সেবন এবং ধূলা ময়লা

দ্বারা চক্ষুর উত্তেজনা।

শিশুদিগের চক্ষুব্রণ

আঘাত


বক্রদৃষ্টি এবং অল্পদৃষ্টি

ছানি—অশ্রু থলির ক্ষীতি


গ্লকোমা।

কেরাটোম্যালেসিয়া


এই রোগ ভারতের বিভিন্ন স্থানে শিশুদিগের নগ্নে দেখা যায়। ইহা উপযুক্ত খাওয়ার অভাবে হইয়া থাকে। ইহাতে চক্ষুর শ্বেত অংশটি কৃষ্ণবর্ণ, ধূস্রবর্ণ, শুষ্ক এবং তৈলাক্তের হ্রাস দৃষ্ট হয়। শুষ্কতা ক্রমশ চক্ষুর কৃষ্ণবর্ণ অংশে চলিয়া যায় ও এই স্থানটি হলদে ব্রণযুক্ত হয় এবং



অন্ধদিগের মধ্যে অনেকেরই দৃষ্টিশক্তি ফিরিয়া আসিতে পারে। যেমন ছানি হইলে অনেকেরই দৃষ্টিশক্তিহীন হয়। বিশেষত, যাহাদের বয়স হইয়াছে তাহাদের মধ্যে অনেকেরই এই ছানি রোগ দেখা যায়। ছানি হইলে অনভিজ্ঞ চিকিৎসকের সাহায্য না লইয়া যদি কোন চক্ষুচিকিৎসকের



Shortsightedness



This boy should wear glasses otherwise he endangers his sight

লবণ ফেলিয়া দিয়া জল ঠাণ্ডা হইলে এই লোসন ব্যবহার্য্য।


(ক) শিশুদিগের পেটের দোষ (পরিপাক যন্ত্রের দোষ) থাকিলে সর্ব প্রথমে ইহার চিকিৎসা করা উচিত।

উপদংশজনিত রোগ

(ক) সিকিলিস (সাধারণ লোক যাহাকে গরমি বলে)—ভারতের নানা স্থানে, বিশেষত কলিকাতা, বোম্বাই এবং মাদ্রাজের ছায় বড় বড় নগরে উপদংশই বহু লোকের অন্ধতার কারণ। এই কারণে অন্ধতা হইলে বিশেষজ্ঞের দ্বারা চিকিৎসা করাইবে। যত দিন না রক্ত পরীক্ষার দ্বারা বুঝা যায় যে, রোগ সমূলে বিনষ্ট হইল তত দিন চিকিৎসা চালাইতে হইবে। যুবকেরা বিবাহের পূর্বে উপদংশ রোগাক্রান্ত হইলে কোন চিকিৎসকের পরামর্শ অনুসারে চলা তাহাদের বিশেষ দরকার। উপদংশ রোগে ভুগিয়াছে এমন কোন লোকের দৃষ্টিশক্তি কমিয়া

প্রায়ই দৃষ্টিশক্তির লোপ হয়। রাত্র্যন্ধতা আরও সাধারণ রোগ এবং কেরাটোম্যালেসিয়ার ছায় ইহা একই কারণে জন্মায়। এই সকল রোগ নিবারণের উপায়—প্রত্যহ আড়াই পোয়া আন্দাজ টাটকা দুধ খাওয়া, কিম্বা দুই আউন্স মাখন খাওয়া, কিম্বা টাটকা শজি, গাজর, কপি, টম্যাটো প্রভৃতি খাওয়া। স্তন্যপায়ী শিশুর এই রোগ হইলে এবং শিশুর মাতা স্বাস্থ্যবতী না হইলে শিশুর মাতাকে প্রত্যহ দুইবার করিয়া এক হইতে চারি চামচ কডলিভার অয়েল দেওয়া দরকার।

এই সকল রোগ হইলে কডলিভার অয়েলই শ্রেষ্ঠ ঔষধ। কডলিভার অয়েল দুশ্রাপ্য হইলে পাঁঠা বা ভেড়ার মেটে অল্প মসলার সহিত পাক করিয়া রোগীকে খাইতে দিবে। কেরাটোম্যালেসিয়ার লক্ষণ প্রকাশ পাইলে চক্ষু দুটি পরিক্ষার রাখিতে হইবে। চক্ষু দুইটি দিবসে চারি হইতে ছয় বার বোরিক লোসন বা লবণ জল দিয়া ধুইয়া চক্ষুর মধ্যে কয়েক ফোঁটা ক্যাষ্টর অয়েল (খাঁটি রেড়ির তৈল) দিবে। (এক পাইট ফুটন্ত জলে দুই চায়ের চামচ বোরিক এসিড পাউডার কিম্বা এক চায়ের চামচ সাধারণ



Chronic inflammation of the tear sac.

দৃষ্টি হীনতা

(কোনউম্যালেসিয়া) অনেক দুর্ভল ও ব্রোণা জেলের কোম গলিয়া

তন্দ্র হুম



কডলিভার অয়েল


খাওয়ান

Association for the Prevention of BLINDNESS, Dacca

জন্মগত

তন্দ্র

উপদংশ জনিত (সিকিলিস)



গেলে কিম্বা—চক্ষু লাল ও বেদনায়ুক্ত হইলে অবিলম্বে কোন চক্ষু চিকিৎসকের সাহায্য লওয়া উচিত।


গনোরিয়া

(দুষ্ট মেহ, যাহাকে জনসাধারণ ধাতের ব্যামো-বলে) —গনোরিয়ার উপযুক্ত চিকিৎসা না হইলে ভীষণ চক্ষু-রোগ উপস্থিত হইতে পারে। রোগের প্রারম্ভেই যদি ইহার উপযুক্ত চিকিৎসা না হয় তাহা হইলে চক্ষুর বিশেষ ক্ষতি হইতে পারে বা চক্ষু দুইটি অন্ধ হইতে পারে। গনোরিয়া আক্রান্ত রোগী যতদিন না সম্পূর্ণরূপে আরোগ্য

ভারতে ইহা খুবই দেখিতে পাওয়া যায় এবং শিশু-দিগের পক্ষে অতীব বিপজ্জনক। অধিকাংশ স্থলে এই রোগ চক্ষুর উপরের পাতার নিম্নভাগ আক্রমণ করে। ইহাতে রোগীর চক্ষুর পাতা ভারি দেখায়। রোগের প্রারম্ভে চিকিৎসা করিলে এই রোগ সারিয়া যায়। কিন্তু যদি সূচিকিৎসা না হয় তাহা হইলে ইহা হইতে কনিয়ায় অর্থাৎ চক্ষুর বাহ্যদৃষ্টিতে কাল অংশের উপর বা প্রতৃতি হইয়া থাকে এবং ইহাতে চিরকালের মত দৃষ্টিশক্তির হানি হয় এবং অনেক স্থলে রোগী অন্ধ হইয়া যায়।

যদি কোন শিশুর এই রোগ হইয়াছে

টীকা লণ্ড



এবং


প্রত্যেক ৫ বৎসর অন্তর টীকা লইয়া বসন্ত এবং অস্বাভা নিবারণ কর

হয় ততদিন তাহাকে চিকিৎসাদীন থাকিতে হইবে। তাহাকে বিশেষ সাবধান হইতে হইবে যেন দূষিত শ্রাব কোনরূপে হস্ত বা তোয়ালে বা গামছার সহযোগে নিজের বা অপরের চক্ষু স্পর্শ না করে। গনোরিয়া আক্রান্ত রোগীর চক্ষুরোগ উপস্থিত হইলে অবিলম্বে চক্ষু চিকিৎসকের সাহায্য লওয়া উচিত।

ট্রাকোমা বা ব্রণযুক্ত চক্ষুপত্র


এই রোগে চক্ষু ক্ষীত হয়। ইহা অত্যন্ত সংক্রামক।

AVOID THE COUCHER




আনাড়ী মালের হাতে চক্ষু নষ্ট করিওনা চক্ষু হাসপাতালে দেখাও।

সন্দেহ হয় তাহা হইলে তাহাকে চিকিৎসকের নিকট পাঠাইতে হইবে; কিন্তু যদি চিকিৎসক পাওয়া না যায়, তাহা হইলে কোন ভাল ঔষধালয় হইতে বিশুদ্ধ ক্যান্স্টর অয়েল (রেডির তেল) আনাইয়া চক্ষু মধ্যে প্রয়োগ করিলে চলিবে। এই ক্যান্স্টর অয়েল প্রয়োগের পূর্বে প্রত্যহ চারি হইতে ছয় বার চক্ষু দুইটি লবণ জলে কিম্বা বোরিক লোসনে ধুইতে হইবে। (এক পাইট ফুটন্ত জলে এক চায়ের চামচ সাধারণ লবণ বা দুই চায়ের চামচ বোরিক এসিড পাউডার



The Sari carrying infection from Mother to Child


Prevent DEFECTIVE EYE SIGHT by Reading in ERECT POSITION



ON SLANTING DESK

ক্ষীণ দৃষ্টি হইতে বাচিতে হইলে সোজা হইয়া গড়ান টেবিলে পড়িওনা কবির

ফেলিয়া শীতল হইলে ব্যবহার করিবে)। তুলা পাঁচ গিনিট উত্তমরূপে জলে ফুটাইয়া লইয়া ঠাণ্ডা হইলে সেই ভিজা তুলা দিয়া আক্রান্ত চক্ষু মুছাইয়া দিবে। এই রোগে আক্রান্ত শিশুদিগকে নীরোগ শিশুদিগের সহিত মিশিতে দেওয়া উচিত নয়। সাবান জলে হাত মুখ ধুইয়া পরিষ্কার রাখিলে, অপরের ব্যবহৃত গামছা, তোয়ালে প্রভৃতি, অস্ত্রের ব্যবহৃত সুরমা, সুরমার কাঠি, কাজল প্রভৃতি ব্যবহার না করিলে এবং (মাছি ছুঁত চক্ষু হইতে নির্দোষ চক্ষুতে বিষ বহন



করে বলিয়া) চক্ষুতে মাছি বসিতে না দিলে এই রোগের হাত হইতে অব্যাহতি পাওয়া যায়। ট্র্যাকোমা রোগী দেখিবার পর কার্বলিক-সাবান ও জল দিয়া উত্তমরূপে হাত ধুইয়া ফেলিবে।

স্কুলের ছাত্রছাত্রীদিগের মধ্যে যদি কেহ ট্র্যাকোমা আক্রান্ত হয় তাহা দেখিবার জন্ম মধ্যে মধ্যে পরীক্ষা হওয়া উচিত। এই রোগাক্রান্ত ছাত্রদিগের স্চিকিৎসা হওয়া উচিত এবং নীরোগ ছাত্র হইতে তাহাদিগকে দূরে রাখা

উচিত। পরিষ্কার পরিচ্ছন্ন থাকা কতদূর প্রয়োজনীয় ইহাও তাহাদিগের শিক্ষা হওয়া উচিত।

বসন্ত

অন্ধতার একটি প্রধান কারণ বসন্ত। প্রত্যেক শিশুকে পুনঃ পুনঃ টিকা দিলে এই রোগ হইতে অব্যাহতি পাওয়া যায়। জন্মের অল্পকাল পরে টিকা দিয়া শিশুদিগকে সাত বৎসর অন্তর টিকা দেওয়া উচিত; বিশেষত যে সময়ে বসন্তের প্রাদুর্ভাব হয় সে সময়ে টিকা দেওয়া দরকার। কোন লোকের বসন্ত হইলে তাহার চক্ষু দুই ঘণ্টা অন্তর গরম লবণ জলে কিম্বা বোরিক লোসনে ধোত করা উচিত এবং প্রত্যহ রাত্রে একটু বিশুদ্ধ ভেসলিন্ হাতের চোখের পাতায় কাজলের মত দেওয়া উচিত। এই রোগের বৃদ্ধির সময় চোখের পাতা বন্ধ রাখা উচিত এবং ধুইবার সময় কেবল খোলা উচিত। বসন্তরোগে চিকিৎসকের পরামর্শ বিশেষ প্রয়োজনীয়।

এন্টারিক জরে, হামে, কলেরায় এবং অপরাপর স্থায়ী রোগে রোগীর চক্ষুর যত্ন লওয়া বিশেষ দরকার।

বিপজ্জনক ও উগ্রবীর্য ঔষধ প্রয়োগ

ভারতে হাজার হাজার লোক অর্চিকিৎসকের (হাতুড়ের) হাতে পড়িয়া অন্ধ হইয়া গিয়াছে। এই সকল অশিক্ষিত লোক রোগীকে নানা কথায় মুগ্ধ করিয়া স্চিকিৎসকের আশ্রয় লইতে দেয় না এবং সর্বথা ক্রিতেও তাহাদের চোখের চিকিৎসা হইতে দেয় না। এই সকল হাতুড়ে চক্ষুর মধ্যে বিপজ্জনক ও উগ্রবীর্য ঔষধ প্রয়োগ করিয়া এবং ছুঁত যন্ত্র চক্ষু মধ্যে প্রয়োগ করিয়া চক্ষুর বিশেষ অনিষ্ট করে। ইহারা একই ক্রিয়া

সাহায্যে নানা লোকের চোখে সুরমা দিয়া বা একই আঙুলে কাজল দিয়া ট্র্যাকোমার সংক্রমণ বহন করে। চক্ষুরোগ হইলে স্চিকিৎসকের পরামর্শ লইবে, বসন্ত হাতুড়ের কাছে যাইবে না। সুরমা রাখা উচিত যে চোখ ফুলিলে বা চোখ উঠিলে, উপযুক্ত চিকিৎসার অভাবে দৃষ্টিশক্তি বিশেষভাবে হীন হইতে পারে।

ধূলা বা ময়লার উত্তেজনা চক্ষু সহজেই ফুলিয়া ওঠে এবং ইহা অগ্রাহ করিলে কর্নিয়ায় বা হইতে পারে।

এবং দৃষ্টিশক্তির লোপ হইতে পারে। হাত মুখ দিনে দুইবার সাবান জলে ধুইবে এবং পরিষ্কার রাখিবে। যে সময় ধূলা উড়িতে থাকে সে সময় চক্ষুর আবরণ ব্যবহার করা উচিত। রেল গাড়ীতে চাপিয়া জানালা দিয়া মুখ বাড়াইয়া এন্জিনের দিকে চাহিবে না। চোখে ধূলা কিম্বা ময়লা পড়িলে পরিষ্কার জলে ধুইয়া ফেলিবে, লবণ জল হইলে আরও ভাল হয়, (কখন চোখ রগড়াইবে না) এবং কয়েক ফোঁটা ক্যাষ্টর অয়েল চোখে দিবে। যদি ইহাতে আরাম না হয়, চিকিৎসকের পরামর্শ লইবে। তোমার সন্দেহজনী কোন বন্ধুকে অপরিষ্কার কম্বলের কিংবা পায়ের খুঁট দিয়া ধূলা কিম্বা ময়লা বাহির করিতে দেবে না; ইহাতে অনিষ্টকারী কোন পদার্থ চোখে প্রবেশ করিয়া বিশেষ ক্ষতি করিতে পারে।


শিশুর চক্ষুত্রণ

(চোখের ঘা—অফথ্যাল্মিয়া নিওনেটোরাম) : ইহা গনোরিয়া বা ধাতু-পীড়াজনিত চক্ষুর ক্ষীতি। নবজাত শিশুর ইহা অতি সাধারণ রোগ। জন্মের সময় শিশুপ্রসবদ্বার হইতে এই বিষ গ্রহণ করে এবং তিন-চার দিন পরে বা এক সপ্তাহের মধ্যে শিশুর চক্ষু হইতে এক প্রকার হলুদে শ্রাব নির্গত হয় এবং চোখের পাতা ফুলিয়া যায় ও লাল হয়। এই শ্রাব অত্যন্ত সংক্রামক এবং অপরের চোখে প্রবেশ করিলে এই রোগ উৎপাদন করে। কোন শিশুর এই রোগ হইলে তাহাকে অবিলম্বে চিকিৎসকের নিকট লইয়া যাওয়া উচিত। শীঘ্র চিকিৎসা না হইলে চক্ষু নষ্ট হইবার আশঙ্কা থাকে। শিশু ভূমিষ্ঠ হইবার পরেই ধানী যদি কয়েক ফোঁটা ১% সিল্ভার নাইট্রেট সলিউশন্ শিশুর চক্ষুতে প্রয়োগ করে তাহা হইলে এই রোগের আশঙ্কা কম হইয়া যায়। গ্রেট ব্রিটেন, ফ্রান্স প্রভৃতি দেশে এই ফলপ্রদ অথচ নির্দোষ ঔষধ প্রয়োগ এক প্রকার বাধ্যতামূলক হইয়াছে। প্রত্যেক চিকিৎসক ও ধাত্রী ইহা জানেন এবং প্রত্যেক গৃহস্থেরই ইহা জানা উচিত।

ছুঁচটনা, আঘাত বা অপঘাত :-

যে স্থানে অনেক কলকারখানা আছে, সে স্থানে আঘাত বা অপঘাতে অনেকের চক্ষু নষ্ট হয়। এই সমস্ত

কল-কারখানায় যাহারা কাজ করে এবং যাহাদের চক্ষুর বিপদের আশঙ্কা আছে, তাহাদের চক্ষু রক্ষা করিবার জন্ম গগল (ঠুলি চশমা) মুখোমুখি প্রভৃতি ধারণ করা উচিত। লাঠি ঘুরাইলে, টিল ছুঁড়িলে বা পটকা বাজি লইয়া খেলা করিলে চোখে কিরূপে আঘাত লাগিয়া চোখ নষ্ট হইতে পারে তাহা ছেলেদের বুঝাইয়া দেওয়া উচিত। ঠুলি চশমা না পরিয়া ছেলেরা যেন কখন পটকা বাজি লইয়া খেলা না করে।



প্রসবের পূর্বে স্ত্রীলোকেরা যদি চিকিৎসকের দ্বারা পরীক্ষিত হইয়া জানিতে পারে যে প্রসব সহজ হইবে না অর্থাৎ কষ্টসাধ্য হইবে, তখন প্রসবের সময় সন্তানের চোখে কোনরূপ আঘাত আশঙ্কা করা স্বাভাবিক। একরূপ আশঙ্কার কোন কারণ থাকে না যদি প্রসবের সময় স্ত্রীলোকেরা হাসপাতালে যায় বা কোন সুদক্ষা স্ত্রী-চিকিৎসকের সাহায্য লয়।

যখন কোন আঘাতে চোখ কাল হইয়া যায় তখন

ঠাণ্ডা জলে চোখ ধুইয়া ফেলিয়া এক টুকরা পরিষ্কার কাপড় বরফ জলে ভিজাইয়া কয়েক পাট করিয়া জল নিঃসৃত হইয়া ফেলিয়া চোখের উপর দিয়া একখানি রুমাল দিয়া ব্যাণ্ডেজ করিয়া দিবে। অবিলম্বে চিকিৎসকের পরামর্শ লইবে। যদি আঘাত সাংঘাতিক হয়, চিকিৎসককে দেখাইতে দেয়ী করিবে না।

ট্যারা বা গজচক্ষু, মাইওপিয়া বা অদূরদৃষ্টি

ট্যারা বা গজচক্ষু : ট্যারা বা গজচক্ষু সাধারণত তিন

BEWARE OF "TRACHOMA" **ট্র্যাকোমা** হইতে সাবধান

ইহার লক্ষণ :-
চোখ নাল হওয়া, জল ও পিচুটি পড়া, চোখের পাতা ফুলে এবং পাতার ভিতর দানা হওয়া। হাতুড়ে চিকিৎসা বর্জন করিবে এবং চক্ষু চিকিৎসকের পরামর্শ লইবে।

The signs are:
Redness, discharge and watering of the eyes.
The eye-lids are swollen and granular.

AVOID QUACKS.
CONSULT AN EYE DOCTOR

হইতে পাঁচ বৎসর বয়সের মধ্যে প্রকাশ পায়। যখনই ইহা প্রকাশ পাইবে তখনই শিশুকে কোন চক্ষুচিকিৎসকের নিকট লইয়া যাইবে। শিশুর বয়স যত কম হইবে আরোগ্যের সম্ভাবনা তত বেশি থাকিবে এবং আরোগ্যও তত অল্প সময়ের মধ্যে হইবে। চিকিৎসা যদি খুব দেরীতে হয় তাহা হইলে ট্যারা চোখটি অকর্ষণ্য কিম্বা অন্ধ হইতে পারে।

অদূরদৃষ্টি

যে-লোকের অদূরদৃষ্টি হইয়াছে সে বিশ ফুট তফাতে কোন জিনিষ স্পষ্ট দেখিতে পায় না, ঝাপসা ঝাপসা দেখে; কিন্তু খুব কাছের জিনিষ বেশ দেখিতে পায়। এইজন্য সে কোন বই পড়িতে হইলে বা স্থল কাছ দেখিতে হইলে বইখানি বা স্থল কাছটি চোখের খুব নিকটে ধরে। এই রোগ শৈশবে আরম্ভ হয় এবং বয়সের সঙ্গে সঙ্গে বৃদ্ধি পায়। পাঁচ-ছয় বৎসর বয়সে শিশু যখন পড়িতে আরম্ভ করে কিংবা কোন স্থল বা মিহি কাজ দেখিতে আরম্ভ করে সেই সময়ে জোর করিয়া দৃষ্টি নিষ্কোপ করিতে গিয়া এই রোগে আক্রান্ত হয়। যে সময়ে শিশু জোর করিয়া এই ভাবে তাহার দৃষ্টিশক্তি কোন জিনিষে নিয়োগ করে সেই সময়ে যদি শিশু ক দৃষ্টিশক্তি জোর করিয়া ব্যবহার করিতে না দেওয়া হয় তাহা হইলে এই রোগের আক্রমণ হইতে অব্যাহতি পাওয়া যায়। এই সময়ে নিম্নলিখিত নিয়মগুলি মেনে করা উচিত :

(১) শিশু যে পুস্তক পড়িবে তাহার অক্ষর বড় বড় হওয়া দরকার। শিশুর বয়স যত কম হইবে অক্ষর তত বড় হওয়া চাই।

(২) পুস্তক কিম্বা কোন জিনিষ দেখিতে হইলে চোখ হইতে এক ফুটের বেশি কাছ ধরিবে না।

(৩) আলো মাথার পিছন হইতে একটি কাঁধের উপর দিয়া আসা চাই।

(৪) মাথা খাড়া করিয়া রাখা চাই। শিশু যেন ঝুঁকিয়া লেখা পড়া না করে বা শুইয়া শুইয়া না পড়ে।

(৫) শিশুকে প্রচুর আলোকে পড়িতে বা কাজ করিতে দিতে হইবে। কৃত্রিম আলোক অপেক্ষা দিনের আলোকই ভাল। সাধ্যমত শিশুকে রাত্রে পড়িতে দিবে না। সাদা আলোক অপেক্ষা কোমল হলুদে আলোক ভাল।

(৬) ছয়-সাত বৎসরের শিশুকে একসঙ্গে আধ ঘণ্টার বেশি পড়িতে দিতে নাই কিম্বা সমস্ত দিনে দুই-তিন ঘণ্টার বেশি পড়িতে দিবে না।

(৭) শিশুকে খালি পেটে অর্থাৎ প্রাতরাশের পূর্বে পড়িতে দিবে না।

যে সকল শিশুর পিতামাতার অদূরদৃষ্টি রোগ আছে সেই সকল শিশুর চোখের বিশেষ যত্ন লওয়া উচিত।

যে শিশু বার ইঞ্চিরও বেশি নিকট হইতে বই পড়ে বা কোন কাজ দেখে, কিম্বা দূরের জিনিষ দেখিতে গেলে চোখের পাতা সঙ্কুচিত করে বা ২০ ফুট দূর হইতে বোর্ড দেখিতে পায় না, তাহাকে অদূরদৃষ্টি রোগে আক্রান্ত বলিয়া মনে করিতে হইবে এবং একজন চক্ষুচিকিৎসকের নিকট তাহাকে পরামর্শ ও চিকিৎসার জন্য পাঠাইতে হইবে।

অদূরদৃষ্টি রোগ (শর্ট সাইট) ভাল হয় না, কিন্তু চক্ষুচিকিৎসকের পরামর্শ অনুসারে উপযুক্ত চশমা ব্যবহার করিলে ইহার গতি বন্ধ হয়। উক্ত খাতের দ্বারা এবং প্রচুর বিশুদ্ধ বায়ু ও বহিঃ বাহিরে ব্যায়ামাদির সাহায্যে রোগীর স্বাস্থ্যের উন্নতি করিতে হইবে। এই সমস্ত উপায় অবলম্বন করার পরও যদি রোগ বৃদ্ধি পাইতে থাকে তাহা হইলে রোগীর লেখাপড়া বা চোখের নিকটের কাজ সমস্ত বন্ধ করিয়া দিতে হইবে যে পর্যন্ত না রোগের বৃদ্ধির প্রবৃত্তি কমিয়া যায়।

ছানি

বৃদ্ধ বয়সে যখন দৃষ্টিশক্তি ক্ষীণ হইয়া আসে তখন

মরণে জাগরণ

শ্রীশুভদ্রা রায়

একি জাগরণ এ আমার ঘুম
আমি কি আমিই জানি না বুঝি।
বধু জীবন ছুটিয়া চলেছে
মরণের ঘোর স্থপ্তি খুঁজি ॥
অপকূপ লোকে ভাবিবে সে ঘুম
চির-জাগরণে জাগিব সেথা।
পিছনে পড়িয়া রবে দিগন্ত
অতীতে ডুবিবে অতীত কথা ॥
পৃথিবী আমার মদের বোতল
আছি অচেতন চেতনহীন।

চিকিৎসকের পরামর্শ লওয়া উচিত। হাতুড়ের হাতে কখনও যাইবে না। ছানি হইতে যে অন্ধতা জন্মে সে অন্ধতা চিকিৎসা দ্বারা দূর হয়, কিন্তু হাতুড়ে অনেকের চক্ষু নষ্ট করিয়া দেয়।

গ্রকোমা

আলোর চারিদিকে রামধনু
২০-এর চাকা বিপদের লক্ষণ।



এইরূপ হইলেই চক্ষুচিকিৎসকের পরামর্শ লইবে। অধিক বয়সে বিকালের দিকে মধ্যে মধ্যে মাথা ধরা এবং সঙ্গে সঙ্গে ক্রমিক দৃষ্টিশক্তির ক্ষীণতা কখনও অবহেলা করিবে না।

বয়স্হা স্ত্রীলোকদিগের প্রায় অক্ষখলির ক্ষীণতা দেখা যায়। চক্ষুর নাকের দিকের কোণে ভিতর দিকে চাপ দিলে পুঁজ নির্গত হয়। যদি ইহার বিধিগত চিকিৎসা না হয় তাহা হইলে চক্ষু ভীষণভাবে ফুলিতে পারে এবং নষ্ট হইতে পারে।

মরণ আসিয়া ছুঁইলে হাসিয়া
চক্ষু মেলিব চক্ষুহীনা ॥
স্বথের অধিক দুঃখই হেথা
অবসাদ আছে স্বথের মাঝে।
মায়ায় মালায় কাজলের ফুল
দিনের আলোকে মরে সে লাজে ॥
ওপারে নাহিরে এ পারের ছায়া
অনিমেঘ চোখে পলক নাই।
জাগিব সেথায় আমি অনন্ত
মরণের পারে মুক্তি চাই ॥

ভূস্বর্গ-চঞ্চল

শ্রী দিলীপকুমার রায়

উষা!

তোমার কথা ভূস্বর্গ-চঞ্চলে ইতিপূর্বেই লিখেছি তোমার অনিচ্ছা সত্ত্বেও। এবারো তোমাকেই তাগ ক'রে সোচন করি আমার উনশেষ পত্রবাণ। আমাকে তুমি ছুঁতে পারবে না, যেহেতু আমি তোমাকে যথাবিধি শাসিয়ে রেখেছিলাম। তাছাড়া, তোমার সঙ্গে আলাপ সেদিনের হ'লেও মনে হয় যেন বহু দিনের বহু বিচিত্র। বিশেষ ক'রে ৬ধরনীদার স্ত্রী। জুনে তোমার সঙ্গে শিলঙে আমাদের দেখা আনন্দের উচ্ছল লগ্নে। তারপরো এ পরিচয় তাঁরি তর্পণে পরিণতি লাভ করে তাঁরই বিরোগ-বেদনার মধ্য দিয়ে—পত্রালীপে। মানুষে মানুষে একটা সুন্দর বন্ধন গ'ড়ে ওঠে নানা পথে। তাদের মধ্যে একটা সেরা পথ হ'ল—যখন দুজনেই দুজনকে ছোঁয় আর একজনের মেহমাধ্যস্থের প্রণালীতে। জীবনে 'কমন স্যাডমিরেশন' বড় সুন্দর জিনিষ। ৬ধরনীদার আনন্দ-সান্নিধ্যের মধ্যে দিয়ে তোমার আমার পরিচয় এইভাবে আরো গ'ড়ে উঠেছিল—তুমি জানো! কেবল তুমি জানো না, তিনি তোমাকে কতখানি শ্রদ্ধা করতেন। মেহ করা আমাদের পক্ষে খানিকটা সহজ—তার মালমশলার অনেকখানিই জোগায় আমাদের প্রাণশক্তি। আত্মীয়তা করা আরো সহজ—যেহেতু এর জোগান দেয় শুধু আমাদের সমাজ নয়—আমাদের সমাজপৃষ্ঠ মিশুকে বৃত্তিগুলি। কিন্তু কঠিন হ'ল মেহের প্রাণশক্তিকে শ্রদ্ধার আন্তর শক্তি দিয়ে সুসম্পূর্ণ সুসমঞ্জস ক'রে তোলা। এ কঠিন কাজটি ধরনীদা পারতেন তুমি জানো। তোমার সরলতাকে তাই তো তিনি এত বড় ক'রে দেখতে পেরেছিলেন। অমন কর্মকোশলী হ'য়েও তিনি নিজের স্বভাবের শ্রামলতাকে রেখেছিলেন সতেজ। সরলতা স্বভাব-শ্রামল, শ্রামলতা স্বভাব-সরল। তোমাদের মধ্যে জানাজানি হয়েছিল এই জন্তেই। সরলতা যেন ফুল, শ্রামলতা যেন লতা। এদের মধ্যে মৈত্রী হবে এতে বিশ্বাসের কী আছে? অথচ তুমি বিশ্বাসিত হয়েছিলে অল্পভব ক'রে

যে, ধরনীদা তোমাকে শাসন করা সত্ত্বেও এত আপনমনে করতেন। আপনমনে করতেন ব'লেই তো শাসন করতেন ভাই। তিনি আমাকে জনাস্তিকে বলতেন প্রায়ই: উষা এত বেশি সহজে অত্মকে বিশ্বাস করে যে আমার ভয় হয় ও ঠকবে অনেকের কাছেই। তখন ও ভারি যা খাবে।

ধরনীদা উদার লোক ছিলেন, শ্রামল মানুষ ছিলেন, কিন্তু ঠকতে একান্তই নারাজ। তাঁর ব্যক্তিস্বরূপের মধ্যে কোমলতা যথেষ্ট থাকলেও গাঁথুনি ছিল পাকা। তিনি জানতেন ফুলধনু কাব্য কথা, শুধু ফুল দিয়ে ধনুক গড়া যায় না—যদি না ফুলের নীচে থাকে বাঁকারি। লাগাত ভালো জিনিষ, কিন্তু নির্ভেজাল লালিত্য দিয়ে কোনো পাকা কাজ হয় না—বনের মধ্যে থাকাই চাই কাঠিগু। তোমার কুসুম-কোমলতায় তাই তিনি সময়ে সময়ে শঙ্কিত হ'য়ে উঠতেন—বিশেষ ক'রে পেট্রিয়টদের বাগিতায়ও তুমি অভিভূত হ'তে ব'লে। (অথচ মনে রেখো পেট্রিয়ট বলতে এখানে আমি খাঁটি দেশভক্ত বুঝি না) খাঁটি মানুষ কেমনেই দেখি শ্রদ্ধা আসে—যেহেতু সংসারে ভেজালই যে মাড়ে পনার আনা। পেট্রিয়ট বলতে আমি বুঝি—(কি বলব?) পেট্রিয়ট আর কি। এদের ধরনীদা কোনো দিনও নেকনজরে দেখেন নি। তাই তোমাকে সজ্জভঙ্গে বলতেন থেকে থেকে (মনে আছে?)—

নিতি করে যারা বক্তৃতা—তার

যা বলে প্রায়ই মেকি।

তাই বলি: "উষা! ভুলো নাকো ভূষা

বাহিরের শুধু দেখি"।

ঠিক এই কথা বলতেন আমার আর এক প্রিয় বন্ধু ৬ধর্মবীর। ধরনীদার প্রায় সঙ্গে সঙ্গে তিনিও মারা গেলেন—কাগজে গড়লাম এই সেদিন। আমাদের দেশের দুজন খুব ভালো লোকের তলব হ'ল একই মাসে—এই জুলাইয়েই অথচ এই সেদিনো এ দুটি মানুষ কত গল্পালাপই করেছিলে নাহোরে!

ধর্মবীরের কথা ইতিপূর্বে ভূস্বর্গ-চঞ্চলে লিখেছি। আমার মনটা তুমি জানো—যাকে বলে প্রগতিশীল, আমি ঠিক সে ভাবের ভাবুক নই। আমি স্বভাব-বুর্জোয়া একথা স্বীকার করতে একটুও লজ্জা পাই না। আমাকে ভুল বুঝো না। আমি বলি না যে বুর্জোয়া-সংস্কৃতির মধ্যে নিন্দনীয় কিছুই নেই। কোন্ সংস্কৃতির মধ্যে নেই? আমি শুধু বলি যে বুর্জোয়া-সংস্কৃতির শ্রেষ্ঠ নমুনা যেসব মানুষ, তাদের চরিত্র সব জড়িয়ে মনুষ্যত্বের মুখোজ্জল করেছে একথা অকুতোভয়ে বলা চলে। ধরনীদা ও ধর্মবীরের কথা স্মরণ ক'রে একথা বলতে আজ আরো একটু জোর পাচ্ছি—distance lends perspective to the view ব'লে।

পেশোয়ার থেকে ফিরে যখন ধর্মবীরের ওখানে পুনরায় ছাড়া ভৌতিক আতিথ্য স্বীকার করি তখনো মনে হয়েছিল একথা। ওখানে সমস্ত বড় হিতকর প্রতিষ্ঠানের মধ্যে তাঁর ঘনিষ্ঠ যোগ ছিল। শুধু টাকা দিয়ে নয়—(দামও তিনি ছিলেন মুক্তহস্ত—না জানে কে?)—নিজের শ্রম ও স্বাস্থ্য দিয়েও তিনি জনসেবা করতেন অকাতরে। মায়ায় অবস্থা থেকে তিনি ধনশালী হয়েছিলেন, কিন্তু প্রকৃতির মাদুর্ঘ্য একটুও হারান নি ধনাগমে—যেমন অনেকেই হারান দেখি। এখানে ধরনীদা ও ধর্মবীরের মিল ছিল গভীর। হয়ত বিশেষ ক'রে সেই কারণেই এ দুটি মানুষ প্রথম দর্শনেই পরস্পরের কাছে ঘনিষ্ঠ হ'য়ে উঠেছিল।

এ-বন্ধুত্ব হয় ওদের আরো একটা কারণে। ধর্মবীর ধরনীদাকে ও আমাকে ধরেন—লালা লাজপৎ রায়ের বঙ্গা-হাসপাতালের জন্তে একটা জলশা ক'রে কিছু টাকা তুলে দিতে। ধরনীদা তৎক্ষণাৎ রাজি। উমা ও এষা থাকায় আমাদের বিশেষ সুবিধা হয়েছিল, কারণ উমার গানের সঙ্গে এমার নাচ সহজেই জ'মে যেত। কিন্তু হ'লে হবে কি—“ধাবে?” প্রশ্নে যেমন শিশুর মুখে তৎক্ষণাৎ জোগায় হাঁ—কোথাও “গান গাইবে?” প্রশ্নে উমার মুখে তেমনি সহজে জোগাত—না। কিন্তু ধরনীদা এসব ক্ষেত্রে ছিলেন নাছোড়বন্দ, বললেন: “হাসি, গান গেয়ে যদি পরের এ হেন উপকার হয় তবে গানের আরো বেশি সার্থকতা।” আর বাবে কোথা? কোপ বুঝে আমিও মারলাম কোপ। বললাম ও কে: “হাসি, এ হ'ল লাহোর—বাঘা উর্জুর দেশ, এখানে ভেতো বাংলা চলবে না, তোমাকে গাইতে

হবে উর্জু গজল—অমজদের, আরো নিভাও উলফৎকা ইন্দো নাজুকোঁসে মথ তমুশকিল হয়। চ্যারিটিতে তোমার গজল গাওয়ার হাতে খড়ি হোক।”

ওমা! মেয়ে মুচ্ছা যায় কি শুনে!

ছল ছল চক্ষে গদগদ কণ্ঠে বলল আমাকে বেপথুমানা উমা:

এই বিভূঁয়ে গান গাওয়া! আর

চ্যারিটিতে? কাঁপছে গা!



এষা—নৃত্যরতা

তার ওপরে উর্জু গজল!

পা মাটি আর পাচ্ছে না।

মানি—মিঠে উর্জু গজল

কিন্তু—ভেবে রক্ত হিম—

ও গালভরা উচ্চারণে

ফল যদি হয় ঘোড়ার ডিম?

জিভের সাথে বাগড়া তালুর

দাঁতের সাথে ঠোঁটের হায়!

এক ফোঁটা এই বঙ্গবালার
বেবোরে প্রাণ বুঝি যায়।

অগ্নি ধরনীদা ধমকে উঠত :

পারবি যখন বলছে দাদা
গানের গুরু—তবুও তোর
এ কী মিছে ভয় বল তো
মনের কেন হয় না জোর ?
রাগাস নে আর আশায় হাসি !
ভয়ে মেয়ের কাঁপছে গা ?
শোন কথা—তোর গান নিয়ে কি
বাপ মা মাসিও ভাবছে না ?
উচ্চারণের ক্যান্ডিলাটি
জিভ-তালব্য লড়াইয়ে
না হয় হ'লই ছুটো—শেষে
সুর বাঁচাবে—ধরাই এ।

উমাকে এইভাবে অনেক তুতিয়ে পাতিয়ে, আগে থাকতে রাচনিক সাঙ্ঘনার গন্ধমাদনের জোঁগাড রেখে হবু-লক্ষ্মাকাণ্ডের ফায়ার ব্রিগেডের ব্যবস্থা ক'রে, সারঙ্গি-ওয়ারলাদয়ের উৎসাহ-পুষ্পবৃষ্টি বর্ষণের পরে ওকে দিয়ে তবে তো ঐ উর্ছ গজল দুটি গাওয়ানো গেল। এ দুটি গ্রামোফোনেও বড় সুন্দর হয়েছে ওর কণ্ঠলাবণ্যের গুণে। ওস্তাদরা যতই কেন বলুন না উমা, গানে অসামান্য কণ্ঠলাবণ্য সময়ে সময়ে অসাধ্যসাধন করতে পারে। নইলে বাঙালি বালিকার গাওয়া উর্ছ গজলে হয় কখনো এমনতর হৈ হৈ কাণ্ড ! কারণ বিশ্বাস কোরো, এ একটুও বাড়ানো কথা নয় যে উমার নাইটিংগেল নাম সারা শহরে গেল র'টে। জজ-হাকিমরা সব নিমন্ত্রণ করে আর কি ! ও এ-প্রশংসায় আরো যেন মিইয়ে গেল। আশি মাঝে মাঝে ভাবি উমা, মাহুয়ের বিচিত্র প্রকৃতি ! প্রশংসার আলোয় কেউ বা পেখম মেলে নৃত্য সুরু করে, কারুর বা বুক ওঠে ছুঁ ছুঁ ক'রে। ধরনীদার বিষম ভয় ছিল মেয়ের পাছে মাথা গরম হ'য়ে যায় এত বেশি প্রশংসায়, কিন্তু আমার ভয় ছিল উর্চোটা দিকে—পাছে আত্মঅবিশ্বাসের বহু-প্রশ্নে ওর অসামান্য প্রতিভার বিকাশপথ রুদ্ধ হ'য়ে যায়। তোমাকে আশি নিত্যই বলতাম না যে, আশি

কোনো দিনো এই তথাকথিত বিনয়কে বড় ক'রে দেখি নি ? আমার মনে ধরে, শ্রীরামকৃষ্ণদেবের কথা যে—পারব না পারব না বলতে নেই—যে বলে—‘আশি বন্ধ আশি বন্ধ’, সে বন্ধই হ'য়ে যায় : যে বলে—‘আশি মুক্ত আশি মুক্ত’ সে মুক্তই হ'য়ে যায়। এই নিয়ে তীর্থঙ্করে শ্রীঅরবিন্দের চিঠিটি পোড়ো। তিনিও বলেন যে, লোকে যাকে বলে “sense of superiority” তার স্বপক্ষেও বলবার নিতান্ত কম নেই। গীতাও বলে নি কি—“ন আত্মানম্ অবসাদয়ে ?”

এ নিয়েও অনেক ভেবেছি উমা। জীবনে ঠেকেছিও কম না—ঠেকেছিও যথেষ্ট নিজের অহমিকায়। সবশু একথা নিঃসংশয়ে বলা যায় যে, লৌকিক নম্রতা অন্তঃসার গুণ হ'লেও বিনয়ের একটা সূক্ষ্ম আচ্ছন্ন আছে। কিন্তু দেবার মতন বিনয়েরও দুটো রূপ—একটা মৌখিক তথা সামাজিক, আর একটা আধ্যাত্মিক তথা আন্তরিক। যে-বিনয়ের লক্ষ্য “অমায়িক” নাম কেনা, যে বিনয় মনে যা জানে মুখে তারই প্রতিবাদ করে শুধু দস্তুর মেনে, তার সূক্ষ্মচেয়ে কুফলই বেশি। কেন না এ-বিনয় অজ্ঞাতে অন্যদের কপটতারই দীক্ষা দেয়—তাই এহেন বিনয়ের চেয়ে আশি সরল জ'াক করাকেই বেশি ভালো বলি। কিন্তু আর এক শ্রেণীর বিনয় আছে—যা শুধু শ্রীমন্ত নয়—গভীর জ্ঞান-সম্ভব। এ-বিনয় নিজের শক্তিকে নিজের মনে করে না, মনে করে ভগবানের দান ; এ-বিনয় হাজার বাহক পেলেও সে-স্বস্তিকে আত্মদরের ইন্ধনের কাজে লাগায় না, ফিরিয়ে দেয় তাঁর চরণের অর্ঘ্য ক'রে—যিনি প্রতি বিভূতি প্রাপ্ত ; এক কথায় এ-বিনয়ের মূল অহুভব দীনতার দৈবী মহিমা—এ দীনতাকে শ্রীঅরবিন্দ বর্ণনা করেছেন তাঁর অপূর্ণ গভীর কবিতায় :

Thou who pervadest all the worlds below
Yet sitst above !
Master of all who work and rule and know
Servant of love !
Thou who disdainest not the worm to be
Nor even the clod,
Therefore we know in that humility
That thou art God.

এই দীনতার সর্ম কোনো কবি ঠিক বুঝতে পারেন নি অহুভব করবার সময়ে। এ সম্বন্ধে শ্রীঅরবিন্দের টীকা উদ্ধৃত করি আধ্যাত্মিক দীনতার প্রাণের কথাটি বোঝাতে। শ্রীঅরবিন্দ আমাদের লিখেছিলেন : “To have no contempt for the clod or the worm does not indicate that the non-despiser is the Divine : Such an idea would be absolutely meaningless and in the last degree feeble. Any yogi could have that equality or somebody much less than a yogi. The idea is that, being omnipotent, omniscient, infinite, supreme, the Divine does not seem to disdain to descend even into the lowest forms, the obscurest figures of nature and animate them with the Divine Presence : that shows his Divinity. The whole sense has fizzled out in the translation.”

লাই বেশি যে, মাহুয়ের পক্ষে এ-দীনতায় পূর্ণসিদ্ধি লাভ অসাধ্য। কিন্তু দেবতার দিব্যভাবের কিছু ছোঁয়াচ তো মাহুয়ে লাগে—তাই মাহুয় এ-দীনতার খানিকটা প্রকাশ করতে পারে দিব্যচেতনায় আরুঢ় হ'লে। তখন সে এই ভাবেরি ভাবুক হ'য়ে ওঠে যে নগণ্যতম জীবকেও অশ্রদ্ধা করতে নেই—যেহেতু নগণ্যতম জীবের মধ্যেও সেই একই ভগবান। এ-চেতনায় আধুনিকভাবে প্রতিষ্ঠা লাভ করলেও মাহুয় নিজের কোনো শক্তির জন্তে আত্মসত্তী হ'য়ে ওঠে না, ভুলেও মনে করে না—যারা অশক্ত অক্ষম তাদের সঙ্গে পংক্তিভোজনে তার গৌরব-কৌলিত্যের জাত বাবে।

শক্তির ক্ষেত্রে যে-মনোভাব বরণ্য সেটা হ'ল এই যে, প্রতি শক্তিই ভগবানের বিভূতি—নিজের মধ্যেও, পরের মধ্যেও। তাই অপরের গুণল-শক্তিকেও যেমন শ্রদ্ধা করব, নিজের শক্তিরও তেমনি বিকাশ করব যথাসাধ্য—নিজে বড় হ'তে না, ভগবানের ছকুম তামিল করতে। পরমহংসদেব এই ভঙ্গিকেই বলতেন—প্রতি প্রবৃত্তির মোড় ফিরিয়ে দেওয়া। গীতায় বলেছে যোগঃ কর্মসু কৌশলম্। আশি কিছুই নয়, আশি অক্ষম, আশি ব্যর্থ—এ-ধরণের মনোভাবকে প্রশংসা দেওয়া তাই বাঞ্ছনীয় নয়, যেহেতু একে প্রকৃত বিনয় বলে না—এতে ক'রে ভগবানের দানের অর্ঘ্যদা করা হয় যে।

* * * * *

লাহোরে বাংলা গানেরও আদর যথেষ্ট—পঞ্চবিদের মাঝে। এ নিয়ে যদি গৌরব বোধ করি সেটা নিশ্চয়ই অন্তায় হবে না—যেহেতু বড়কে বড় বলাই তো চাই। বাংলার শ্রেষ্ঠ কাব্য-সঙ্গীতের নিজস্ব বিকাশের মধ্যে যে মূর্ত হয়েছে গানের এক নব-ধারা—তাকে শিরোপা না দিলে সেটা হবে পূজ্যপূজ্যব্যতিক্রম। লাহোরে লালাজির যশ্মা-হাসপাতালের জন্তে চ্যারিটি জলশায় তাই আরো বেপরোয়া হ'য়ে বাংলা গান গাইয়েছিলাম উমাকে দিয়ে। সে সময়ে এতটুকু গোলমাল হয় নি। শুনলাম ওখানে



উমা—“খেরালিনী”

শ্রোতার নাকি গানের সময়ে অনেকেই গোলমাল করে। তাই আরো খুশি হয়েছিলাম বাংলা গানকেও ওরা এমন সমাদর করলে দেখে। এমন কি, উমার সঙ্গে যে দুজন সারঙ্গিওয়াল বাজিয়েছিল, তারাও উচ্ছ্বসিত ওর “সুরেলি আওয়াজে” গানের “মজা” উপভোগ ক'রে। আমাদের বলল এসে—এত সুন্দর কণ্ঠ ওরা শোনেনি কখনো কোনো ভদ্রগৃহে।

উমার কণ্ঠলাবণ্যের সৌন্দর্যের কথা আশি এত বেশি

বলি জেনেশুনে যে, অনেকের কাছেই এটা বাড়াবাড়ি মনে হবে। কিন্তু ঠিক সেই জন্তেই এ-প্রশংসার দরকার। আমি বছবার ঠেকে শিখেছি যে, আমাদের দেশের সঙ্গীতালুরাগীরা প্রায়ই গানে কণ্ঠলাবণ্যের খুব বেশি দাগ দেন না। মানে, গানে তাঁরা কণ্ঠলাবণ্যের দিকে তেমন কানই দেন না, দেন কণ্ঠকৃতিত্বের দিকে। গানে কণ্ঠকৃতিত্বের মূল্য অস্বীকার নয়, কিন্তু তাই ব'লে কণ্ঠলাবণ্যকে তার প্রাপ্য মূল্য না দিলে গানের পরমানন্দের অনেকখানিই আমাদের কাছে অগোচর থেকে যাবে। কারণ অন্তরাঙ্গার স্পন্দন সবচেয়ে সহজে বেজে ওঠে এই কণ্ঠলাবণ্যের লহরী-লীলায়। অথচ মজা এই যে ক্লাসিকাল মাইণ্ডেড ওরফে ওস্তাদী-পন্থীরা এত বড় সহজ কথাটা বুঝেও বোঝেন না। একটা উদাহরণ দেই কী বলতে চাইছি। শিলঙে একদিন উমা গাইল কয়েকজন ওস্তাদপন্থীর কাছে। আমি লাটুকে বলছিলাম—“দেখ, ওরা উমার গানে কী শুনছে।” উমা ধরেছে (খুব ঠায়ে একতালয়) ভীষ্মর শেখানো একটি জোনপুরী তোড়ির খেয়াল। ওরা উদ্গ্রীব হ'য়ে আছে কখন সে শমে আসে। ওদের সমস্ত চেতনাটা নিবিষ্ট কেন্দ্রীভূত ঐ শমের যাতাতথ্যে। যে-ই উমা তান টান দিয়ে শমে ফিরে আসে ওদের আনন্দ আর ধরে না। ওদের ভাবটা :

সুস্থ স্বরের আলোছায়া ওর
কণ্ঠে যে ফোটে হেন—
অপরূপ পিককণ্ঠে যে মিড়
রাঙে জলধরু যেন—
দরদে নিবিড় কণ্ঠে যে তান
ফুল চেউ সম ধায়—
সবি ভালো বটে, শুধু আমাদের
ওস্তাদি কান চায়
শমের হিসাব রাগের খাতায়
তাই তো ভাবনা এত
কী ভীষণ হ'ত ভাবো—যদি
শম-এ বুড়ি ছুঁয়ে ও না যেত !

সত্যি, আমাদের দেশে সব সময়ে না হ'লেও প্রায়ই ওস্তাদীপন্থীরা এই রাগের হিসাব ও শমের ব্যাপারটাকে

এত বড় ক'রে দেখেন যে, দুঃখ হয় তাঁদের শ্রুতিভঙ্গি দেখে—তাঁরা গানের শ'স ছেড়ে খোলামকুচি নিয়েই এত মাতামাতি করেন দেখে, অথচ হায় রে, “Z-নিউ পারেন না” কণ্ঠলাবণ্য ও দরদী ব্যঞ্জনার দিকে অভিনিবেশ রাখতে না শেখার দরুণ কী ধরণের ঠিকে ভুল হচ্ছে। উমার কণ্ঠ শুনে অনেক ওস্তাদিপন্থীই তেমন মুগ্ধ হ'ল না এই কারণে। তাঁরা জহুরী বটে—কিন্তু শুধু রাগের তালের বা কাঁদা গাওয়ার—আসল জিনিষের নয়। এ আসল জিনিষের মধ্যে প্রথম পংক্তিতে ঠাই পাওয়া উচিত কণ্ঠলাবণ্যের, আন্তরিকতার, সুরদরদের ও গীতিভঙ্গির স্বকীয়তার। উমার মধ্যে প্রথম তিনটি গুণ রয়েছে অজস্র। শেষ গুণটি ফুটলেই, ওকে প্রথম শ্রেণীর গায়িকা বলতে পারা যাবে অকুতোভয়ে। কেবল এই বিকাশের জন্তে সব যোগে ওর আত্মপ্রত্যয়। তাই আমি ওর মামুলি কায়ের এত বিরোধী।

না, একটা কথা আরো বলা হয় নি। গানের যে আবেদন সবচেয়ে বেশি তৃপ্তি দেয় সে আরো গভীর আরো সুস্থ—বলতে কি সেটা অবর্ণনীয়। কারণ গানে কণ্ঠলাবণ্য, দরদ, সরলতা ও স্বকীয়তা থাকলেও মন ভ'রে ওঠে না—যদি না গানে পাই অন্তরাঙ্গার স্পর্শ। এ পরশটি ম কী বস্তু তা ব'লে বোঝানো একরকম অসম্ভব, তবে কান পেতে শুনলে এর মহিমা মরমে পশেই পশে—যদি শ্রুতিসাধনার গভীর সাঙ্গীতিক চেতনা জেগে ওঠে। গভীর সাঙ্গীতিক চেতনা জেগে ওঠার কথা বলছি এই জন্তে যে, অনেক মন করেন গানের মিষ্টতা এমন একটি জিনিষ যা সর্বজনবোধ্য ও সংস্কৃতিরপেক্ষ। একহিসেবে হয়ত একথা অসত্য নয়। সে হিসেবটা হ'ল এই যে, গীতিনিপুণ হলেই যে এ-চেতনা জাগে একথা সত্য নয়। এ হ'ল একটা সহজ স্কুরণ যার আলো চেতনায় যখন ফোটে—ফোটে আপনিত্ব। শিশুর কণ্ঠেও গানের গভীরতম আলো ঝলকে ওঠে এ আমি প্রত্যক্ষ অল্পভবে জানি—যেমন অপরপক্ষে অসামান্য সঙ্গীতবিশারদের কণ্ঠেও লক্ষ্য করেছি আসল জায়গাটাকে অন্ধকার। তবু বোধ হয় একথা বলা যায় যে, গানের গভীরতম চেতনা জেগে ওঠে বহুশ্রুতিসাধনায়। এ এ-চেতনা যখন জাগে তখন তার মনে হয়ই হয়—

হোক না সুন্দর স্বরের ভঙ্গি হোক না শুদ্ধ তান ও লয় গানের সঙ্গে নাইক প্রাণ যার, তাহার সেই গান গানই নয়।

কণ্ঠলাবণ্য বলতে আমি বুঝি না কণ্ঠের সেই সস্তা আবেদন—যাকে চলতি কথায় বলি সুমিষ্ট কণ্ঠ, বুঝি কণ্ঠের সেই একাশক্তি, সেই বিভূতি—যার মাধ্যমে অন্তরাঙ্গা সবচেয়ে সহজে নিজেকে জানান দিতে পারে সুখমার রূপায়নে।

ওরা চ'লে গেল সবাই—আমাকে একা রেখে লাহোরে। কারণ দিদি—মিসেস ধর্মবীর—ছাড়লেন না। বললেন : “তোমার সঙ্গে এ জলশা, অভিনন্দন, নিমন্ত্রণাদির হট্টগোলে এটা কথাও হ'ল না দিলীপ। অন্তত একদিন থাকো আমাদের কাছে।”

দিদির মতনই কথা। সেই স্নেহ গুঁর এখনো আছে।

কত কথাই যে হ'ল সুভাষ, ক্ষিতীশ, আরো নানা বন্ধু নিয়ে। দিদি বললেন ভারি এক মজার গল্প। সুভাষ ছিল ওদের কাছে ডালহৌসিতে ওঁদেরই অতি সুন্দর বাড়িতে। কয়েক মাস থেকে সুভাষ ভাবল—ফিরি। কোথায় ফেরা যায়! উদ্বেগ—বিশ্রাম। কেউ বলল—কারিঘাটে তোমার দাদা শ্রীশরৎ বসুর বাড়িতেই বিশ্রাম পাবে। কেউ বলল—না, তোমার বিশ্রাম হবে না এদেশে, যাও ভিয়েনায়। সুভাষ কিংকর্তব্যবিমূঢ় হ'য়ে লিখল মহাত্মাজিকে—কোথায় যাই? দিদি তাঁর বালিকাসরল চুপ্ত হাসি হেসে বললেন : “আমি পই পই ক'রে সুভাষকে বললান—মহাত্মাজিকে জিজ্ঞাসা করো না—কোরো না—কোরো না। কিন্তু ও কি জানি কি ভেবে শুনল না আমার বিচক্ষণ উপদেশ—মহাত্মাজিকে লিখল এই ছু'জায়গার কোন্‌খানে যাওয়া যায় বিশ্রামার্থে? বিনা মেঘে বজ্রাঘাত—তিনি লিখলেন :

“কোথা যাবে?—এ তো প'ড়েই রয়েছে, ভিয়েনা বিদেশ—সবাই জানে : কারিঘাটের আভিজাত্যও সমতল-দেশপ্রেমী না মানে। যাও তাই এবে ভাই পেশোয়ারে—যেথা আবছল গফুর খাঁ পর্গকুটারে দেবে ‘বিশ্রাম’—যদিও ‘আরাম’ মিলবে না।”

ব'লে দিদির সে কী হাসি!

ওখানে বাঙালিরা আমাকে পরদিন সকালে ধ'রে নিয়ে গেল—সেদিন ছিল ভ্রাতৃত্বিতীয়া। আমার জীবনের ভারি একটি সুন্দর ও বিচিত্র অভিজ্ঞতা হ'ল সেদিন। তিন-চারটি বাঙালি ভদ্রলোকের ঘরে পর পর যেতে হ'ল ও যথাবিধি বহু মেয়ে এসে আমাকে দিল ভাইফোঁটা। আমার নিজের বোন তো নেই আর—তাই হয়ত ভগবান দিলেন এত বাইরের বোন। সত্যি এই ভাইফোঁটার রীতিটি আমার যে কী ভালো লাগে বলতে পারি না। কারণ হয়ত এই যে, আমার কাছে নরনারীর যত সম্বন্ধ আছে তার মধ্যে



কৃষ্ণভক্ত কবি আবুল হাফিজ জলদারী

সবচেয়ে সুন্দর সম্বন্ধ লাগে ভাই বোনের সম্বন্ধ। কারণ অন্য সব সম্বন্ধের মধ্যেই প্রত্যশা বেশি আসল পায় কোনো না কোনো ছদ্মবেশে—তা সে হোক না কেন বাপ-মেয়ে, মা-ছেলে বা স্বামী-স্ত্রী। কিন্তু ভাই-বোনের সম্বন্ধে প্রায়ই ফুটে ওঠে অনাবিল স্নেহের দানছন্দ—অধিকারবোধ তেমন উগ্র হ'য়ে উঠতে পারে না এই সম্বন্ধে। আমি জানি আজকের দিনে বহুলোকই একথা বিশ্বাস করে না (ফ্রয়েডের দীক্ষায়!) যে অনাত্মীয়ার সঙ্গে বোনের সম্বন্ধ সত্য হ'তে পারে। কিন্তু মলিন মনের চেতনা নিয় চেতনা, তাই তার ব্যঙ্গবিজ্ঞপকে হেসে উড়িয়ে দিলে একটুও অচ্যায় হয় না।

ফের কাছে পেলাম বন্ধু ৷ ধর্মবীরকে, যদিও মাত্র ছু'দিনের জন্তে। কী সুন্দর চরিত্র ছিল তাঁর! দিদিও কী স্নিগ্ধ মে! তাঁদের মেয়ে লীলাও এত মিষ্ট! সীতাও। একেবারে পর যখন এত আপন হয়, যখন তাদের স্নেহ এভাবে দীর্ঘজীবী হয়—মন চায় যেন কৃতজ্ঞতার উপহাস পড়তে, নয়? শিলঙে তোমাদের পরিবারেও এই কথাই মনে হ'ত। তোমার মা ও তোমার ভাইকে কই আমাদের একটুও তো অনাস্থীয় মনে হয় নি। মুখে যতই বলি না কেন উষা, যেখানেই কোনো না কোনো মুখোষ প'রে অধিকারবোধ নিজের দখল দাবি করে, যেখানেই স্নেহের রূপটি একেবারে ঢাকা না পড়লেও পারে না তার নির্মলতম রূপে ফুটে উঠতে। তাই না কবি বলেছেন:

“আমার আমার ব'লে ডাকি—
আমার এ, ও, আমার তা
তোমার নিয়ে তুমি থাকো
নিও না কো আমার যা।”

কাশ্মীরে তন্দ্রা দেবীদের পরিবারের সঙ্গে এসেও এমনিই মনে হ'ত, তোমায় বলেছিলাম না? একবারও মনে হ'ত না এঁরা ইংরেজ। যেমন প্যাট্রিক, তেমনি মেরি, তেমনি জোন, তেমনি উইলিয়াম—তন্দ্রা দেবীর তো কথাই নেই। পরে—নাহোর থেকে ফেরবার পথে—দিল্লীতে আলাপ হয়েছিল তন্দ্রা দেবীর স্বামী জন ফোল্ডসের সঙ্গে। এঁর কথা আগে উল্লেখ করেছি। ইনি একজন সত্যিকার সঙ্গীতকার ছিলেন। তাই দুঃখ হয়েছিল যখন শুনলাম, এই সেদিন ইনি হঠাৎ মারা গেলেন। সংসারে বত শোকাবহ ঘটনা আছে তার মধ্যে একটি হচ্ছে প্রতিভার অকালমৃত্যু। ফোল্ডস সাহেব ছিলেন ওদের হিসেবে যুবক বই কি। পূর্ণ স্বাস্থ্য, দীপ্ত আনন, জলন্ত উৎসাহ—তার উপরে অসামান্য সঙ্গীতপ্রতিভা। দিল্লীতে এসেছিলেন স্টেশনে। আমাদের নিয়ে গেলেন তাঁর স্টুডিয়োতে। সেখানে নানান ভারতীয় যন্ত্রসহযোগে ইনি গঠন করছিলেন একটি ভারতীয় অর্কেস্ট্রা। কী সুন্দর যে লাগছিল তাঁর রচিত সুরগুলি। নিজে অসামান্য পিয়ানিস্ট—বাজালেন পঞ্চমাত্রিক, সপ্তমাত্রিক তাল—কত কী ভঙ্গিতে। বললেন: “আমার উদ্দেশ্য আপনাদের অপূর্ব ভারতীয় মেলডিকে

য়ুরোপীয় সঙ্গীতে তর্জমা করা।” তর্জমা বলতে ইনি বুঝতেন খুব অল্প যুরোপীয় হার্মনির সহযোগে আমাদের সুরগুলিকে যেন স্বাধীন প্রেরণায় রচনা করা—to compose the Indian melodies anew with simple harmonic accompaniment.”

আমার খুবই ভালো লেগেছিল এঁর রচনাভঙ্গি। আমার দৃঢ় বিশ্বাস—এসব ওদেশে প্রচার হ'লে একটা কাজের মতম কাজ হ'ত, আমাদের সঙ্গীতের সাঙ্গীতিক মূল্য খানিকটাও তো বৃদ্ধি যুরোপের লোকে। উনি ঠিকই বলেছেন—এ হ'ত তর্জমা। কিন্তু এ-তর্জমার মধ্যে ছিল নবরস—তাই একে সৃষ্টির কোঠায় ফেলা চলে। দুঃখ এই, এ-হেন প্রতিভা না ফুটে ব'রে গেল! তবে আমার দৃঢ় বিশ্বাস এ-অসমাপ্ত কাজ সমাপ্ত হবে অল্প কোনো যুরোপীয় প্রতিভার হাতে। অবশ্য সেজন্তে চাই তাঁর ভারতে এসে এঁর মতন উৎসাহ নিয়ে আমাদের গান সুর তাল রাগ সবই ঠিক ছাঁএর মতন শেখা। তাহ'লে সঙ্গীতের একটা নতুন আনন্দলোকের দিশা পাবে মানুষ।

* * * *

ধর্মবীরের ওখানে আলাপ হ'ল ওখানকার বিখ্যাত কবি আবুল আসর হাফিজ জলদারীর সঙ্গে। ওখানকার এক কাব্যরসজ্ঞ পণ্ডিত দৌলতরাম প্রথম বলেন আমাদের এঁর কথা। বললেন এমন সুন্দর সরল উচ্চুতে লেখেন সঙ্গীত কবি যে মনটা আনন্দে নেচে ওঠে। আর শুধু সরলতাই নয়—কী স্বকীয়তায়! মাগুলি চালে গজল বা শের ইনি রচনা করেন না। নব নব ছন্দে—নব নব ভঙ্গিতে লেখেন গান কবিতা। দুই-ই। কি স্বতঃস্ফূর্তি! আর কী উদারতা!—এঁকে দেখে মনে পড়ত প্রায়ই রাহমানের কথা—মুসলমান হ'য়েও কৃষ্ণভক্ত—ভাবো দেখি! এঁর আরো নানা ওদারের কথা বলতে বলতে দৌলতরামের চোখ দুটি উঠত জ্বলে। এ লোকটির মতন কাব্যালুরাগী জীবনে কমই দেখেছি। নাছোড়বন্দ—বললেন এ অদ্বিতীয় উর্দু কবিটির সঙ্গে করতেই হবে আলাপ। কাঙালকে তিনি ভাত খেতে ডাকলেন—একে কবি তার উপর কৃষ্ণভক্ত! সাগ্রহে গেলাম দৌলতরামের বাড়ি।

দেখা হ'ল না সেদিন। খাঁটি কবি তো—অতএব

উদয় হ'তে এত দেরি করলেন যে থাকতে পারলাম না, যেহেতু একটি বন্ধুর ওখানে ছিল গানের নিমন্ত্রণ।

যাহোক কবি এলেন পরে নিজেই ধর্মবীর-সদনে। আমার পানও শুনলেন। সত্যিই গানভক্ত। গীরাবান্দের গান শ্রবণে পরে আমাকে কী উচ্ছ্বসিত পত্র যে লিখেছিলেন!

খুব ভালো লাগল লোকটিকে। তাঁর একটি কথা মনে রাখা থাকবে। বললেন তিনি দিদিকে, “মিসেস ধর্মবীর! আমি বিলেত গিয়ে আপনাদের সভ্যতার অনেক বিকাশেই মগ্ন হয়েছি—আপনাদের স্থাপত্য, আপনাদের দর্শন, বিজ্ঞান, কবিতা, ডিসিপ্লিন, প্রাণশক্তি—কী নয়? আপনাদের যন্ত্র-সঙ্গীতও আমাকে গভীর আনন্দ দেয়। কিন্তু কণ্ঠসঙ্গীতে আপনারা এখাবৎ ভুল পথে চলেছেন ব'লেই আমার মনে হচ্ছে। আমাদের বহু দোষ, কিন্তু এখানে আমাদের কই আপনাদের এইটে শিক্ষা করবার আছে যে, a singer sings only when his soul sings—not his throat.”

মিসেস ধর্মবীর রাজা হ'য়ে উঠলেন। কিন্তু এ স্পষ্টবক্তা অসমনস্ক কবি ক্রক্ষেপও করলেন না। ব'লে চললেন: “রাস করবেন না মিসেস ধর্মবীর। আমি বলছি না আপনারা আপনাদের নিজেদের সঙ্গীতে আনন্দ পান না। নিশ্চয়ই পান। কিন্তু যে-জিনিষে আনন্দ পান সেটা হ'ল voice-production, অন্তরাআর আনন্দ-বাঙ্কার নয়। আপনাদের কণ্ঠ আপনারা বহু সাধনায় তৈরি করেন—কী ক'রে সতেজ হবে, সগৃহ হবে, স্বরনিপুণ হবে সবই আপনারা বহু বহু সাধনা করেছেন। কিন্তু সব মেনেও মানতে পারব না—আপনারা এখনো টের পেয়েছেন what happens when the soul sings and not the throat.


ভাববার কথা বই কি।

* * * *

এ-কবিটির সঙ্গে আলাপ ক'রে ভালো লাগল খুবই। ইনি নিজের গান বেশ গেয়ে শোনাতে পারেন। গায়ক নন—কিন্তু ভালো লাগে। লোকটির মধ্যে ভাবাবেশ সত্য ও অকৃত্রিম। এঁর কয়েকটি গানে আমি সুর দিয়েছি। এর মধ্যে দুটি গান “মুরলীওয়ালে নন্দকে লালে বাঁহুরি বাজায় জা” ও “বসা লে আপনে মনমে প্রীত” তোমাদের

শুনিয়েছি শিলঙে। প্রথমটি গ্রামোফোনে দিয়েছে উমা, দ্বিতীয়টি আমি। বেকলে শুনো কিন্তু। বিশেষ ক'রে শেষেরটি ছন্দে মিলে ভাবে প্রেরণায়—সর্বোপরি আধ্যাত্মিক রসালতায় এত ভালো হয়েছে যে অল্পবাদ সহ উদ্ধৃত না ক'রেই পারলাম না—এ থেকে বোঝা যাবে এ-কবির ব্যক্তিত্বের দিকটাও। এ গানটি প'ড়ে শ্রীম্বরবিন্দ তাঁকে আশীর্বাদ পাঠিয়েছেন।

বসা লে আপনে মনমে প্রীত।
মন-মন্দিরমে প্রীত বসা লে
ও-সুরখ ও ভোলেভালে!
দিলকী ছনিয়া ক'লে রোশন
অপনে অন্তর জ্যোতি জগা লে।



গফুরখাঁর পেশোয়ারি আতিথ্য

প্রীত হয় তেরী রীত পুরানি
ভুল গয়া ও-ভারতবালে!
প্রীত হয় তেরি রীত।

ক্রোধ-কপটকা উৎরা ডেরা
ছায়া চারোঁ খুঁট অঁধেরা

শেখ ব্রহ্মন দোনো রহজন

একসে বচকর এক লুটেরা

জাহির দারোঁকি সঙ্গতমে

কোই নহি হয় সঙ্গী তেরা

মন হয় তেরা গীত।

ভারতমাতা হয় ছুখিয়ারী
ছুখিয়ারেঁ ইঁয় সব নরনারী

তুহি উঠা লে স্নন্দর মুরলী
তু হি বনু জা শ্যাম মুরারি
তু জাগে তো ছুনিয়া জাগে
জাগ উঠেঁ সব প্রেম-পূজারি
গারেঁ তেরে গীত ।

নফরৎ এক আজার হয় প্যারে !
ছুথকা দারু প্যার হয় প্যারে !
আ জা, অসলী রূপমে আ জা
তু হী প্রেম অবতার হয় প্যারে
য়ে হারা তো সব কুছ হারা
মনকে হারে হার হয় প্যারে
মনকে জীতে জীত ।

দেখ্ বঢ়োঁকী রীত ন জায়ে
সব জায়ে পব্ মীত ন জায়ে
ময় ডরতা ছু—কোন্দি তেরী
জীতী বাজী জীৎ ন জায়ে
জো করনা হয় জলদি কব্ লে
থোড়া রক্ত হয় বীত ন জায়ে
রক্ত ন জায়ে বীত ।

এ গানটির অহুবাদ করেছি আমি মোটাগুটি এই ভাবে :
House in thy soul the flickerless lamp
of love,
O way-lost dupe, relume the olden flame
In the wistful temple of dream. Nurse
in faith's grove
The memorial rose of peace no thorn
can shame.

Delivered from thy passions' lurid gleams
And shadowing greeds, foes in the guise
of friends,
Know : in the deep of hush the soul
redeems :
She is the vanguard morn to darkness
sends.

Be pledged to noble ways—of the
ancient Sun :
If lose thou must, let it be life, not love.
Shall clouds besiege thy star-dominion ?
“Up ! time is fleeting !”—the clarion
calls above.


Hate never pays, though sorrows purify,
Be poised in thy Self of love : incarnate,
free ;
If she resigns, who shall reveal the sky ?
Soul's night's defeat : her dawn sure
victory.

Her children in gloom, thy Motherland
mourns and sighs,
Play Beauty's flute like Krishna :
thou art He.

If thou wilt wake, the world, aquiver,
shall rise

And mitred priests of love will sing
with thee.

(Translated from the Hindi song of Abul
Hafiz Jalandhari—by Dilip Kumar Roy)



আগমনী

শ্রীমতী শোভা দেবী

জননী তোমার চরণ কমলে
প্রণাম করি ;
লহ মা প্রাণের দীন অর্চনা
হৃদয় ভরি ।

তোমার সোনার বাংলাতে আর
নাহি সম্পদ বিত্ত অপার ;
চোখের জলেই মুক্তার মালা
তাই মা গড়ি ।
এস গো ভবানী এ দীন ভবনে
করুণা করি ।

গরিমা-গরব নাহি এ শরতে
ভারতে আর ;
শক্তিময়ী কি প্রতিমাই শুধু
হবে মা সার ?

স্বজলা স্বফলা শ্যামলা বঙ্গ
সে কি মা শুধুই গীতির অঙ্গ ?
ফিরে কি দিবে না জননী গো সোর
বিভব তার ?
জ্যোতিষ্ময়ী কি লবে না ঘুচায়ে
অন্ধকার ?

মহামায়া তব অভয় চরণে
শরণ মাগি ;
কাঁদিয়ে বঙ্গ কর মা করুণা,
উঠ মা জাগি ।

দাও মা মুক্তি, দাও মা শক্তি,
এ অসাড় প্রাণে দাও মা ভক্তি ;
দাও মা কণ্ঠে অভয় মন্ত্র
পূজার লাগি ।
জাগো মা ভবানী, ও রাঙা চরণে
শরণ মাগি ।

সন্তান তব আগমনী গান
গা'ক মা আজি ;
তোমার পূজায় জলুক
পঞ্চপ্রদীপরাজি ।

শ্রীপদে লহ মা কোটি অঞ্জলি,
সার্থক হয়ে উঠুক উজলি ।
বরিতে তোমার শারদলক্ষ্মী
আসুক সাজি ।
তব শুভাশীষ করুক মোদের
বিজয়ী আজি ।



দুর্গোৎসব

চতুরঙ্গ

শ্রীরমেশচন্দ্র চক্রবর্তী

(১) ঐতিহাসিক

বাংলা ৯৯০ সাল। স্থান—উত্তরবঙ্গের তাহিরপুর
রাজসভা, মন্ত্রণাকক্ষ। সময়—অপরাহ্ন

অর্ধবাংলার সামন্ত মহারাজাধিরাজ কংসনারায়ণ সভাসীন, পাশ্বে উপবিষ্ট
মন্ত্রী দলুজমাধব, সেনাপতি বিশ্বরূপ ভট্ট, কোষাধ্যক্ষ শ্রীকর তলাপাত্র,
সভাপণ্ডিত আচার্য রমেশ শাস্ত্রী ও কবি কৃত্তিবাস।

কৃত্তিবাস। শাস্ত্রীজি, মহারাজ কংসনারায়ণ আজ
বঙ্গগৌরব সম্রাট তুল্য। তাঁর বিশাল রাজ্য সমগ্র উত্তর
ও মধ্যবাংলায় স্বেপ্রতিষ্ঠ। তাঁর সার্বভৌম ক্ষমতাকে দিল্লীর
বাদশাহ পর্যন্ত স্বীকার করে নিয়েছেন। বাংলার স্ববেদার ত
তুচ্ছ। একদিকে বেগন তাঁর সুবিশাল সুশিক্ষিত সৈন্যবল,
তেমনি গুণমুগ্ধ জনবল—অপরিসীম—অফুরন্ত রাজকোষ,
কুশাগ্রধী মন্ত্রী ও কর্তব্যনিষ্ঠ বীর সেনাপতিগণ। সম্রাটের
যেমন লোকবল, জনবল, অর্থবল ও সেনাবল প্রয়োজন,
মহারাজাধিরাজের এর কোনটিরই ত অভাব নেই। তদুপরি
সমগ্র পঞ্চগৌড়ের শ্রেষ্ঠ পণ্ডিত আচার্য মহোপদেশক
আপনাকে তিনি পেয়েছেন গুরুরূপে, এ মৌভাগ্য—

শাস্ত্রী। আরো বলো কবি, বাদ দিচ্ছ কেন, বলো
বাংলার সর্বশ্রেষ্ঠ কবি কৃত্তিবাস তাঁর কীর্তিমুখর, বলো এটুকু
বাদ দিচ্ছ কেন বন্ধু?

মন্ত্রী। সত্যি শাস্ত্রীজি, কবির প্রত্যেকটি কথাই
অব্রাহ্ম। কিন্তু তবুও কি মহারাজের এই কামনা-পূরণের
কোনো শাস্ত্রসঙ্গত উপায়ই নেই? শাস্ত্রের এমন কোন
বিধি কি নেই আচার্য, যাঁর বলে মহারাজের এই বিশ্বজিৎ-
লোকযজ্ঞ পূর্ণ হয়?

রাজাকংস। শাস্ত্রীজি, আবাল্য কঠোর ভাগ্যচক্রের
সঙ্গে নিত্য যুদ্ধ করে আজ জীবনের শেষ প্রান্তে এসে
সাফল্যের, ঐশ্বর্যের ও প্রতিষ্ঠার সিংহাসনে বসেছি সত্য,
কিন্তু সর্বদাই মনে জাগে এই আশঙ্কা, এই ভীতি যে ঐশ্বর্যের

এই উন্মাদ কুহক যেন আমার জাতির বৈশিষ্ট্য বংশের
গৌরব ভুলিয়ে না দেয়—নষ্ট না করে দেয় আমার বিপ্রহ,
আমার মনুষ্যত্ব, আমার রাজ্যের প্রত্যেকটি প্রাণীর প্রতি
সুস্থহানু কর্তব্য। তাই ঐকান্তিক কামনা—এই ঐশ্বর্যকে
বিলিয়ে দিতে সংপাত্রে, সংতীর্থে, সংক্ষেত্রে—যথোচ্চ—
আজীবন। প্রপিতামহ পুণ্যশ্লোক কুল্লুক ভট্টপাদেবরাজ-
ধারা যেন ঐশ্বর্যের মোহে আত্মবিদ্রোহী না হয়ে গুঠ-
ভোগের দিকে, কামনার প্রেরণায়—তুর্বল মানবের মুচ্যায়!

শাস্ত্রী। সবই জানি মহারাজ, কিন্তু শাস্ত্র বড় কঠোর,
বড় নিষ্ঠুর—আবার পরম কারুণিক। শাস্ত্রে বিশ্বজিৎ,
রাজস্বয়, অশ্বমেধ ও গোমেধ এই চারটি মহাযজ্ঞ রূপে
কীর্তিত। অশ্বমেধ ও গোমেধ কলিবর্জ্য, স্তত্রাং অকার্য;
আর আপনি স্বাধীন সম্রাট নন, তাই শাস্ত্রীয় বিশ্বজিৎ ও
রাজস্বয়ের সম্পূর্ণ অনধিকারী।

কৃত্তি। তা হলে মহারাজের মনোবাসনা পূরণের
কোনো উপায়ই শাস্ত্রে নেই আচার্য! মহাযজ্ঞ না হয়
তৎকল্প—তম—তর। আপনি সর্বশাস্ত্রবিৎ ধাযিকল্প বা হয়
একটা বিধান করুন।

মন্ত্রী। আমাদেরও এই একান্ত বাসনা পণ্ডিতজি,
মহারাজের মহাযজ্ঞের মহাদানের একটা—শাস্ত্রীয় উপায়
আপনার ঘেরপেই হোক বিধান দিতে হচ্ছে।

শাস্ত্রী। নিরুপায়ের উপায় যিনি দুর্গতিহারিণী—একমাত্র
তাঁর চরণ শরণ ব্যতীত আর কোনো উপায়ই নেই মহারাজ।
আপনার সন্তুদ্দেশের কথা অনেক চিন্তা করেছি, মন
সাধন করেছি, কিন্তু শাস্ত্রীয় কোনো মহাযজ্ঞেরই অধিকারিণী
আপনার নেই। কিন্তু মায়ের প্রত্যাশা পেয়েছি—তাঁর
শাস্ত্রোক্ত পূজা। মার্কেণ্ডেয় মহাপুরাণের সপ্তশতী অংশ
আছে—“শরৎকালে মহাপূজা ক্রিয়তে য চ বার্ষিকী-
শরৎকালে দুর্গামহাপূজার বিধি। আর দেবীপুরাণ
এর সমর্থন করেছেন—“মহাব্রতং মহাপুণ্যং শঙ্করাচার্যমুচ্যতে”

৭৬২

কার্তিক—১৩৪৬]

হুর্গোৎসব

৭৬৩

কর্তব্যং সুররাজেন্দ্রে দেবীভক্তিসমর্ঘিতৈঃ।” এই মহাপূজা
“দুর্গোৎসবে”র অল্পস্থান আপনি করুন। কলিতে এই
উৎসবই মহাযজ্ঞরূপে কীর্তিত। সত্যযুগে মহারাজ সুরথও
এর অল্পস্থান করে মনুষ্যবিপত্য লাভ করেছিলেন, আর
সমাধি বৈশ্ব পেয়েছিলেন পরম সমাধি—মুক্তি। আপনি
এই “দুর্গোৎসব” অল্পস্থান করুন মহারাজ।

রাজা। আনন্দম্, এ উত্তম আদেশ আচার্য। আমি
সম্পূর্ণ সম্মত। পূজার আর বেশী দেবী নেই। মন্ত্রী, এই
বৎসরই এর অল্পস্থান বোধ হয় সম্ভব?

মন্ত্রী। নিঃসন্দেহে মহারাজ, পরম আনন্দে!

রাজা। উত্তম। শাস্ত্রীজি, পূজার বিধান।

শাস্ত্রী। সমস্ত পৌরাণিক গ্রন্থ ও স্মৃতিনিবন্ধ সংগ্রহ
দেখে আমি দুর্গোৎসব-বিধি সংস্কার করেছি। আপনি
নিজে পরীক্ষা করে দেখতে পারেন।

রাজা। আমার দেখবার প্রয়োজন নেই আচার্য,
বৃহস্পতিকল্প আপনি বিধিবদ্ধ করেছেন—এর আর আমরা
কিই-না দেখব? তা হলে এই ঠিক। আগামী আশ্বিনের
গুরুপক্ষে দুর্গোৎসবের অল্পস্থানই সংকল্প। মন্ত্রী, খাজাঞ্চি,
সেনাপতি, পরিচালকগণ, আপনারা এর যথাবিহিত
করবেন। আর আচার্য এর তন্ত্রধারক হতে হবে আপনাকে,
শ্রীচরণে দীনের এই নিবেদন।

শাস্ত্রী। আমার যথাসাধ্য সাহায্য পাবেন রাজা।

রাজা। পরম কৃতার্থ!

রাজা। কবি, আজ হ’তে প্রতিদিন দুপ্রহরে আমার
ঘনাত্তে হবে আপনাকে মায়ের গুণমাহাত্ম্য—সপ্তশতী।

কৃত্তি। পরমানন্দে মহারাজ, এ ত মহাসৌভাগ্য।

রাজা। আচ্ছা আজ আপনারা বিদায় নিতে পারেন।

দ্বিতীয় দৃশ্য

তাহিরপুর রাজবাটা পূজামণ্ডপ

বিশুদ্ধ হুর্গা প্রতিমা বিবিধোপচারে আর্চিত, সম্মুখে স্বর্ণকলসাদি
সংযতপূর্ণ। পাশ্বে যজ্ঞবেদীতে প্রজ্বলিত যজ্ঞাগ্নি। পটভূমির
মহারাজ কংসনারায়ণ দণ্ডায়মান, পাশ্বে রাণী ভুবনেশ্বরী। যজ্ঞাগ্নির সম্মুখে
সম্মুখে শাস্ত্রী। অদূরে—মন্ত্রী, সেনাপতি প্রভৃতি দণ্ডায়মান। সময়
প্রায়ঃ।

শাস্ত্রী। মায়ের উৎসব সর্বাঙ্গ শাস্ত্রানুযায়ী সম্পূর্ণ
করেছি মহারাজ, এইবার পূর্ণাহুতি দিয়ে যজ্ঞশান্তি করি?

রাজা। একটু অপেক্ষা করুন আচার্য! মন্ত্রীকে
জিজ্ঞেস করে দেখি সমস্ত যথাযথ হ’য়েছে কি-না? মন্ত্রী—
মন্ত্রী। মহারাজ!

রাজা। আমার নিবেদন, আপনারা যথাসাধ্য যথোপ-
যুক্ত করেছেন? এখন মায়ের পূজার পূর্ণাহুতি দিতে
পারি?

মন্ত্রী। আপনার আদেশে একমাস পূর্বে সমগ্র বাংলা-
দেশের প্রতি গ্রামে ঘোষণা করে দিয়েছিলাম আমরা।
এই তিন দিন তাহিরপুর নগরে সকলকে যথোচ্চ দান করা
হয়েছে। সমস্ত প্রার্থী দীন, দুঃখী আতুর, কাঙাল, ব্রাহ্মণ,
বৈশ্ব, শূদ্র জাতি-বর্ণ-অবস্থা-বয়সনির্বিশেষে প্রার্থনার পূর্তি
লাভ করেছে আপনার এই কাজে।

রাজা। আমার কাজ নয় মন্ত্রী, মায়ের কাজ; আমি
দীন নিমিত্ত মাত্র।

মন্ত্রী। মায়ের সেবার সাত লক্ষ স্বর্ণমুদ্রা ব্যয় করেছি
মহারাজ। রাজ্যের একটি নগণ্য প্রাণীও বিফল হ’য়ে
যায়নি—সব সুসম্পূর্ণ হয়েছে। এবার মায়ের যজ্ঞের
পূর্ণাহুতি দিতে পারেন আচার্য।

রাজা। মায়ের দক্ষিণা—

মন্ত্রী। স্বর্ণপাত্রে দক্ষিণার দশ সহস্র স্বর্ণ মুদ্রা ঐ
আচার্যের সম্মুখে রেখেছি।

শাস্ত্রী। এইবার পূর্ণাহুতি দেই মহারাজ?

রাজা। পূর্ণাহুতি! পুত্র কি মায়ের পূজার পূর্ণাহুতি
দেবার গুণতত্ত্ব প্রকাশ করতে পারে কখনো আচার্য?

শাস্ত্রী। যজ্ঞীয় সংস্কারাঙ্গ পূর্ণাহুতি—

রাজা। একটু বিলম্ব হবে আচার্য, রাণী প্রস্তুত হও—
ঠিক করে ধর ত পাত্রটি।

রাণীর যতপূর্ণ স্বর্ণপাত্র রাজার সম্মুখে বারণ ও রাজার খড়্গে বক্ষের
কতকটা মাংস ছিন্ন করে পাত্রে প্রদান ও উভয়ে অগ্রসর হয়ে যজ্ঞে প্রদান।

শাস্ত্রী। এ কি—এ কি মহারাজ!

রাজা। এ আমার সংকল্পের পূর্ণাহুতি, মায়ের দুখে
পুষ্ট দেহের কণিকা মাত্র—মাকে নিবেদন। রাজা সুরথ
দিয়েছিলেন “নিজ গাত্রা স্ফুঞ্জিতম্”—সপ্তশতী বলেছেন,
আমাদের কি সে প্রাণ সে শ্রদ্ধা আছে? আচার্য, আপনি
এবার যজ্ঞপূর্ণ করুন।

শাস্ত্রী। মহারাজ কংসনারায়ণ, আপনার এই শাস্ত্র ও দেবতার প্রতি অকুণ্ঠ বিশ্বাস, ভক্তির দান মা গ্রহণ করেছেন—আশীর্বাদ করি, আপনার এই অল্পমম মাতৃ-উৎসব আজ থেকে বাংলার পল্লীতে পল্লীতে অল্পমম হোক—মায়ের সাধক বাঙালী আবার মাকে জাহ্নক, মাহুয হোক, আপনার এ কীর্তি অক্ষয় হোক!

রাজা। আচার্য, আপনার এ মঙ্গলচ্ছা দাস মাথা পেতে নিচ্ছে।

কৃত্তিবাস। আপনি মাহুয নন মহারাজ, শাপভ্রষ্ট দেবতা।

রাজা। মায়ের নাম নেও কবি। মাহুযের এই কর্ণপ্রিয় কথাগুলো মায়ের মন্দিরে উচ্চারণ করে এর পবিত্রতা নষ্ট করে না। মায়ের মন্দিরে রাজা-প্রজা দীন-দুঃখী—সবাই সমান। আনন্দময়ী মাকে ডাকো, আনন্দ করো, বলা—

“মা দেবী সর্বভূতেষু মাতৃরূপেণ সংস্থিতা
নমস্তস্মৈ নমস্তস্মৈ নমস্তস্মৈ নমো নমঃ ॥”

(২) দুর্গোৎসব—অতীত

বাংলা—১২৮০, সময় প্রাতঃকাল—সাড়ে নয়টা

পূর্ববঙ্গের আশী বৎসর বয়স্ক বৃদ্ধ জমিদার মহারাজ রামকান্ত মায়ের অন্তঃপুর দালানের অলিন্দ। জমিদার রামকান্ত একটি কেদারায় অর্ধ-শায়িত, হাতে ফড়সির নল, তামাক সেবন করিতেছেন; অদূরে বোড়নী পোতী মহামায়া, সিঁড়িতে দেওয়ান রঘুনাথ মজুমদার অলিন্দে উঠিতেছেন।

রাম। ও কেডারে, ও কেডা আইচে নতুন বৌ, কার ব্যান্ পায়ের শব্দ শুন্চি না?

মহামায়া। নায়েব জেঠামশায় আইচেন ঠাকুন্দা, আপনি তাক সকালে ডাক্চিলেন না।

নায়েবের আগমন ও প্রণাম

রাম। কে রঘুনাথ নাকি? বাইচা থাকো। ক্যামন আছ? বইস—বইস। এই শালী, বস্বার দিচ্ছি তোমার জ্যাঠাক?

রঘু। আজ্ঞা আমি বইচি।

মহামায়া। গাইল্ পারো ক্যা ঠাকুন্দা, আমাক্ বে

শুধাশুধি গাইল্ পারো, আমি আর তোমার তামুক লাগাইয়া দিগু না কইল্। তখন মজা টের পাইবা নি।

রাম। আরে না না, ‘শালী’ কি আবার একটা গাইল হইল নাকি? ওতো নতুন বৌর আদর রে—শা—ওহু—আচ্ছা, তুমিই কও না রঘুনাথ, এডা কি ম্যাক্টা গাইল নাকি?

রঘু। (হাসিয়া) আজ্ঞা না, অমন তো আমরাও নাতনীগোরে বইলা থাকি।

রাম। শুনচিস্শি শা—না না, নতুন-বৌ, রঘুনাথও তার ‘নতুন-বৌ’রে এই কইয়া থাকে—রাগ হইলো নাকি? এদিক আয়, শোন্ শোন্। অ নতুন-বৌ এদিকে আছে আইস। বুড়ামাহুয, ভালো চোখে-চোখে দেখি না।

মহামায়া। থাইক্গা, আর আদরের কাম নাই ঠাকুন্দা। বিনা আদরেই ভাল আছি—কানা ঠাকুন্দা উচ্বগ্—বুড়া। (ঠাকুরদার নিকট গমন)।

রামকান্ত। রঘুনাথ, (নাতনীকে আদর করে মাথায় হাত দিয়ে) বুইড়া কিন্তু নতুন-বৌর—আমার প্রতি বেজায় টান্, কেমন রঘুনাথ, তাই না? তোমার কি মনে আছে?

মহামায়া। আবার ঠাকুন্দা, তাহলে আমি এই চৈল্লাম।

রামকান্ত। না, না, আচ্ছা, এইবার রঘুনাথের সঙ্গে আলাপ করি—তুমি তোমার জায়গায় যাও। (মহামায়ার নিজ স্থানে গমন) তা তোমাদের বাড়ীর সব ভালটা আছে ত? বুইড়া হইয়া গেচি, যাইবারও পাই না—দেখবারো পাই না। তোমার পোলাপান বি-বউ ভাল ত?

রঘুনাথ। আজ্ঞা ঈশ্বর ভালই রাখ্চেন মহারাজ।

রামকান্ত। দেখো রঘুনাথ, তোমাদের কতবার কইয়া দেখ্চি, যে ঐ যে একটা কি চক্রান্ত কইয়া তোমাদের নামের সঙ্গে জুইড়া দিচ মইরা* বন্দের ঘারে জুয়ালের মতো ওটা তোমরা ফাইলা রাখো—তা না, কেবল মহারাজ, মহারাজ। মহারাজ, কিসের মহারাজ হইগু আমি—রাম মহারাজ হওয়া মুখের কথা কি-না? কইলেই হইলো, ম্যাক্ কি। ও তোমাদের কতাবাবুরে কওগা, বেশী কইয়া বক্শিমও মিল্বার পায়। যারা সাহেব পুইজা কইয়া মহারাজ হইচেন—তাগরে কইও, আমাক্ না।

* মইরা—মুয়ুর

মহামায়া। তুমি ত সত্যি সত্যি মহারাজ ঠাকুন্দা, এই ত সেদিন ম্যাজিস্টর সাহেব তোমাকে মহারাজা কইরা গেলেন—

রামকান্ত। থাম্ শালী, রাগাইস্ না। আমি মইলে তোমার বাবাক্ না মহারাজা কইরা তোমরা রাজকুমারী হইস্—হঃ—তারা মা! রঘুনাথ, তোমারে ডাক্চি ক্যান্ তা নি জানো। মা’র পুইজা তো আইসা গ্যাচে, সব জোগাড় টোগার নি ঠিক রাইখ্চ? বয়স ত হইচে—আরো পুইজা বে দেখ্গু তার ভরসা কি? তাই, এবার একটু জুত কইরা পুইজা করবার চাই। ফর্দটর্দ কর্চ নাকি? আমি ত আর দেখবারো ভাল পাই না—তোমাদের উপরি ভরসা। একটা মাত্র ছাইলা, তা তো মেলেচ্ছই হইয়া গ্যাচে, ঠাকুর-আবতায় বিশ্বাসটিশ্বাস নাই। এই আমি বে কয়দিন আছি—তার পর ত তোমরা মায়ের মণ্ডপে ম্যাম্ সাহেব পুইজা করবা। তোমাদের কতাবাবুর ব্যামন তানিগোর উপর শ্রদ্ধা ভক্তি!

রঘু। আজ্ঞে, সবই ঠিক মতই হৈচে—আগের মতোই সন্। ক্যাবল—খাওয়ানদাওয়ান কিছু কমাইবার ইচ্ছা বাবুল্চেন। সেদিন অতোগুলো টাকা খরচ হইয়া গেল আপনার উৎসব—

রাম। থামো, হৈচে। আমি কিন্তু চৈট্বার লাগ্চি। রাগাইও না আমাক্—মহারাজ পুইজায় টাকার ছেরাদ কর্ছ, তাই মায়ের পুইজায় খাওয়ান বন্ধ করবার চাও? ক্যান্, কে কইচিলো মহারাজ পুইজা কইরবার তোমাদের? মায়ের পুইজার যা বরাদ্দ আছে, তার উপর এবার আমার এলাকার সব রাইয়তগোর আমি খাওয়ামু, আর জীবনে কুলাইবো কি-না ম্যাক্কার শেষ দেইখা যাই। শুন্চনি? পাঁচ হাজার টাকা বেশী ধরোগা—এতেই হইবো।

বহু। কিন্তু কতাবাবু এতে মোটেই মত দিবেন কি-না মনে হয়। তাঁর মত, দুই হাজারের বেশী খরচ না করা। গত সনের চেয়ে এবার বছরো ভালো না। গত বছর চাইর হাজার ফর্দো উট্চিলো, এবার সাড়ে তিন হাজার ধর্চি। তিনি দু হাজার কইরবার বন্চেন। এখন আপনি বা বন্চেন তাতে কম পক্ষে দশ হাজার—

রাম। দশ হাজার না হয় বিশ হাজার লাগ্বে। তোমাদের বড়লাটের ‘ফণ্ডে’ না কিসে যদি তোমরা পঞ্চাশ

হাজার দিয়া মহারাজ হৈবার পাও—আমার মার পুইজায় আমি দশ হাজারও খরচ করবার পারমু না। ক্যান্, আমি আর কয়দিন? শরীরের যা অবস্থা আর তোমরা যা দিন দিন করবার লাগ্চ, তাতে গ্যালেই ত বাচি। কিন্তু মা বেটা তো কানের মাথা খাইচে। যাও ফর্দ ধরোগা, শুন্চ না?

রঘু। আজ্ঞে, একবার কতাবাবুকে জিজ্ঞাসাটা করি। রাম। না; তুমিও তারই দলে ভিরচ দেখ্চি। আরে এ সম্পত্তিটা কার তা জানোনি? এডা আমারই ‘বামুন’ বাপ-দাদার—তোমাদের কতাবাবুর বাবা মহারাজের না। তানাগোর মণ্ডপে আমি যদি বাঁচ্গু—তানাগোর মতই এসব কর্গু। তার পর তোমরা যা কইরবা সে ত দেখ্বারই পাই। আমার ছেরাদের পিণ্ডি দেওয়াইবা ওই জজ্ মাজিষ্টর দিয়া। বাইচা থাক্তেই ত মহারাজা কইরা পিণ্ডি দিয়া খুইচ। যাও, আর রাগাইও না—কইও তোমার বাবুরে, সম্পত্তি আমার বাবার—তার বাবার না। তানাগোর মত আমি সবই কর্গু। হঃ—সব মেলেচ্ছ, তারা মা—দুখহরা কইল ঠিক ঠিক ফর্দ কইরা আইনো জ্যান্। ওসব কতাবাটতা আমি মইলে তার পর জিজ্ঞাসা কইরো। যাও।

দ্বিতীয় দৃশ্য

মায়ের মন্দির, নবমী পূজা, মায়ের পূজা শেষ, পুরোহিত যজ্ঞান্তে পূর্ণাহুতি দিয়ে শান্তির জন্ত কতাবে ডেকেছেন—নাতনীর হাত ধরে জমিদার রামকান্তের মায়ের মন্দিরে আগমন ও প্রণাম।

রাম। নতুন-গিন্নি, আজ ব্যামন তোমার হাত ধইরা মন্দির আস্তেচি, তোমার ঠাকুন্মার হাত ধইরাও ম্যাকদিন ম্যামনি আইচিলাম—তোমার ঠাকুন্মার বয়স তের আর আমার তখন বয়স বিশ। ওঃ—সে আজ যাইট্ বছরের কথা—তারা মা, দুখহরা, তারিগি !!

মহামায়া। এইখানেই বসেন ঠাকুন্দা, ওদিক সব বন্ধ আছে।

রাম। হঃ, এই বস্চি, ভটচাম্ মশায়, মার পুইজা নির্বিগে হইচে তো—ভোগ হইয়া গ্যাচে নাকি?

পুরোহিত। আজ্ঞে, এই ত ভোগ হ’ল।

রাম। ভোগ হইচে, বেশ। বেশ পূর্ণাহুতিও দিচ নাকি?

পুরোহিত। দিচি।

রাম। বেশ, ও নতুন-বৌ, কৈ গো, ছাও ত তোমার পুরুত-কাকাকে আগার সেই পেরাগীটা।

মহামায়া। এই নিন পুরুত-কাকা (দশটি স্বর্ণমুদ্রা প্রদান)

রাম। ভট্টচাষ, এবারকার বিশেষ দক্ষিণা। মার পুইজার কি আবার দক্ষিণা হয় নাকি? তবে তোমাগোর শাস্ত্রে আছে তাই। মার কাছে ভালো কইরা জানাও ভট্টচাষ, মায়ের কোলে জ্যান শীগগীর কইরা জায়গা পাই। আর না, এসব অনাচার আর সেইখবার ইচ্ছা নাই। নায়েব আছে না? রাইয়তগোর খাওয়ান দাওয়ান ত সব ঠিক মতো হইচে?

নায়েব। রাইয়তেরা আনন্দে মহারাজের গুণ—

রাম। থামো। হইচে। নতুন-বৌ, তোর বাবা কইরে? শাস্তি নিলো না? তোর মা?

মহামায়া। মা ভোগ-দালানে আছেন, ঐ আসছেন। বাবা তো খেয়েদেয়ে ঘুগাইছেন।

রাম। খাইছেন—ঘুগাইছেন! বেশ বেশ, মার ভোগ হয় নাই, পুইজা শেষ হয় নাই, তানি খাইছেন—ঘুগাইছেন! মহারাজার ব্যাটা কি-না? ভাল শিক্ষা দিচিলাম যে। সাহেব রাইখ্যা পড়াইচিলাম, এম্-এ পাশ করাইচিলাম—

তার মা—তার মা—

পুরোহিত। এই মার প্রসাদ ও শান্তিজল নিন।

রাম। আর শাস্তি, ছাও—শাস্তি হইবো মার কোলে, তার আগে না। ভট্টচাষ, এ মেলেছের রাজ্যে না। তা পারচি কই, মা বেড়িত পাষণী, বুড়ার কথা কানেই যায় না। ভট্টচাষ, একটা কথা মার কাছে বলো, ভাল কইরা বলো তো—তোমরাইতো বলার ক্ষ্যামতা রাখো—আমার এই নতুন-বৌর জন্তে একটা ময়ূর-ছাড়া কান্তিকের মতো বর নি জুটাইয়া ছায়। তা হ্যাঁ—তোমাগোর একালের ঐ কোচা-ছাড়া বুট পায়ে নবাব কান্তিক না, আমাগোর জুয়ান কালের কান্তিক—“ছাব্তা” কান্তিকের মতো হয়। কেমন নতুন-বৌ, সে কান্তিকের ময়ূর না হইলে চইলবো না—?

মহা। ঠাকুদা, আবার মন্দিরেও তুমি আমার রাইসে লাগচো। আমি চৈললাম, থাকো তুমি (রাগে প্রস্থানোত্তত)।

রাম। ও নতুন-বৌ, শোন, শোন, রাগ করলি নাকি সত্যি সত্যি? আরে তুই রাগ করলি, বুড়ার উপায় কি

হইবো? এডারে কে ছাখবো, আরে মার আশীর্বাদ ডা লইয়া যা, আচ্ছা কান্তিক না হয়, ঐ গণেশার মত শুড়ওয়াল লাল টুকটুকে বর হৈব। শুড় দিয়া জড়াইয়া আদর কইরব—কান দিয়া বাতাস কইরব। ছাও ভট্টচাষ, মায়ের শাস্তি—(শাস্তি জল গ্রহণ) আঃ—তার মা, ছুঃখহরা—ভূর্গা!

(৩) ছুর্গোৎসব

বর্তমান—১৩৪৬ সাল

আখিনের শুক্লা পঞ্চমী। প্রাতঃকালে জমিদার-বাড়ীর মণ্ডপে মায়ের প্রতিমার রং হচ্ছে। পার্শ্বে ঠাকুরদালান, অলিন্দে বিধবা বর্ষীয়সী জমিদারপত্নী পূজোর জোগাড় করছেন। পার্শ্বের দালানে জমিদারপুত্রের গৃহের মধ্যে কোঁচে শায়িতা অধ্যয়নরত শিক্ষিতা পুত্রবধূ। অলিন্দের সামনে ছড়ি হস্তে ভ্রমণ প্রত্যাগত যুবক পুত্র।

গৃহিণী। বাবা কমল, সত্যি তা হ'লে তোর পূজোত বাড়ী থাক্ছিসনে? বাড়ীতে আনন্দময়ী মা আস্ছো। কোথায় তোরা সবাই মিলে আমোদ-আহ্লাদ করবি, তা নয় আমার দাছদের নিয়ে বিদেশে বিভূয়ে ঘোরা। ওরে শুনছিন, আমার বড্ড প্রাণে লাগবে রে—আজ পঞ্চমী—আর চার-পাঁচটা দিন; এ কটা দিন থেকে যা, বিজয়ার দিন যাম। বোমাকে বুঝিয়ে বলগে লক্ষ্মী বাপ আমার।

কমল। আমার ত তেমন আপত্তি ছিল না মা, কিন্তু ওর শরীরটা আজকাল মোটেই ভাল যাচ্ছে না, মাথার অস্থখ লেগেই আছে—পূজোতে ঢাকের শব্দ, লোকজনের চীৎকার, খাওয়া-দাওয়ার অনিয়ম হবে তাই যেতে চাচ্ছেন। একটু স্বাস্থ্যকর স্থানে চ্যাঞ্জে গেলে যদি শরীরটা আবার সারে। বাড়ীও ঠিক করা হয়েছে—মধুপুর, অর্ধেক ভাড়াও দিয়ে দিয়েছি। পুরুত মশাই বল্ছিলেন, কাল প্রাতে দিনও ভালো, তাই কাল যাবার কথা একরকম ঠিক করে ফেলেছি কি-না?

মা। তাতে আর কি হ'লো, আমি নায়েবকে ডাকিয়ে সব বলে দিছি। বিজয়ার দিন গেলে যাত্রার দিনও দেখতে হবে না। তোরা কেউ বাড়ী থাক্বিনে, দাঁড় দিদিরা থাক্বেনা, আমার মা-লক্ষ্মীটিও না, আমি কি মন দিয়ে মাঝেই ডাকতে পারব ছুদও?

কমল। আমি ত তোমাকে বলেছিই মা। ওর যদি

আপত্তি না থাকে, আমি অমত করবো না—তুমি ডেকে একবার জিজ্ঞেস ক'রে দেখো না।

মা। বোমা ছেলেমাছুষ। তার আবার মত কি নেবো রে? কিই যে বলিস্—তোদের ভাব বোঝাই আমার দায় হয়েছে।

কমল। তা মা, এ নিয়ে ওঁর সঙ্গে আমি এখন ঝগড়া করতে পারব না। শেষে আবার মাথার অস্থখ বেড়ে গেলে ডাক্তার ডাকার পাল্লায় পড়বে কে? প্রাতঃকালেই আমি একটা তেমন ফ্যাসাদে পড়ি—এই তোমার ইচ্ছে নাকি?

মা। বালাই, ষাট্। তা কেন? তোরাই ত আমার সুখ-আনন্দ—সবই রে। তোদের বাদ দিয়ে কি আমার সুখ-আহ্লাদ কিছু আছে নাকি? আচ্ছা, ডাক দেখি বোমাকে। (অদূরে নাটনী পটুকে লক্ষ্য করে) এই পটু, তোর মাকে একবার ডাক ত।

পটু। মা ত ঐ দরজার পাশেই বসে পড়ছেন ঠাকুমা। ওমা, শুনচ, ঠাকুমা ডাকছেন।

মা। (অগ্রসর হইয়া) বোমা, লক্ষ্মীটি আমার, তোমরাই আমার সব—তুমি আমার ঘরের লক্ষ্মী। বল্চি কি, বাড়ীতে পূজো, মা আস্ছেন। তোমরা এ ক'টা দিন থেকে যাও, বিজয়ার দিন যেয়ো। এত দিনই রয়েছ, আর তিন-চারটা দিনে তোমার শরীর এমন বেশী কিছু খারাপ কি হবে মা? মার চরণে পুষ্পাঞ্জলি দাও—আশীর্বাদ নাও, সব ভাল হ'য়ে যাবে মা। কেমন রাজি?

বধূ। ওহ্ সিলী আইডিয়া, ননসেন্স! তা আমি ত কাকেও বেঁধে নিয়ে যাচ্ছি না মা, আপনার ছেলে থাকুক না বাড়ীতে। আমার দাদাকে আজই তার ক'রে দিছি—তিনি এসে আমাদের নিয়ে যাবেন। তবে পোকা-খুকীকে ফেলে রেখে যেতে আমি পারব না—শেষে অস্থখ-বিস্থখ কিছু এই ক'দিনের অনিয়মে হ'লে আমাকেই ত ট্রান্স দেবে।

কমল। শুনচ, মাত্র পাঁচটা দিন থেকে গেলেই মার—

মা। না বাবা, কাজ নেই, আমারই ভুল হয়েছে। যাও মা, তোমার স্বামী—তাকে আমার জন্ত কেন রেখে যাবে? তোমার শরীর শীগগির শীগগির ভালো হয়ে উঠুক, আশীর্বাদ করচি। আমার সাধ-আহ্লাদ সে

ত কর্তার সাথেই সব চিতায় শেষ ক'রেছি। বাবা কমল, তোমরা কালই যাও—আমি আর বাধা দেব না—আমার শশুরের ভিটের পূজো আমিই করব। মা ভগবতী তোমাদের মঙ্গল করুন!

(৪) ছুর্গোৎসব

(ভবিষ্যৎ—) সন—১৩৭৫

৩০শে ভাদ্র—১৩৭৫—প্রাতঃকাল। কলিকাতা চনং আমহার্ট' রো, পত্রিকাপাঠনিরত পেলবপ্রহ্ন দে—বন্ধু নলিনীলোভনর'র প্রাতঃভ্রমণ অন্তে আগমন।

নলিনী। শুড় মর্নিং কমরেড্ পেলব ডে, “প্রগতি” পড়্ছেন, খবর কি?

পেলব। শুড় মর্নিং কমরেড্ রে, খবর? ডক্টর আইভি চৌড্রির বিলটা ভোটে পাশ হয়ে গেছে।

নলিনী। শুড় নিউজ্ ইন্ডিউ! সেই “ছুর্গোৎসব নিরোধ” বিলটা? আরে ওটা ত পাশ হবেই, হওয়া উচিতও। পড়ুন, পড়ুন কি লিখেছে।

পেলব “দৈনিক প্রগতি” পত্রিকা পাঠ করিতে লাগিলেন

গত কল্যা বঙ্গীয় শাসনপরিষদে কংগ্রেস দলের নেতা কুমারী ডক্টর আইভি চৌড্রির আনীত “ছুর্গোৎসব নিরোধ” বিলের আলোচনা আরম্ভ হয়। ডক্টর চৌড্রি বিলটির প্রয়োজনীয়তা সম্বন্ধে বলেন—“ছুর্গোৎসবকে ধারা জাতীয় উৎসবরূপে স্বীকার করেন তাঁরা সম্পূর্ণ ভ্রান্ত। বিশাল ভারতের অল্প কোন প্রদেশে এই উৎসবের কোন অস্তিত্ব বর্তমানে নাই। ত্রিশ বৎসর পূর্বে ছ-এক স্থানে প্রবাসী বাঙ্গালীদের মধ্যে এর অলুষ্ঠান হ'ত, পুরাতন পত্রিকাতে দেখা যায়। কিন্তু ঐ সকল প্রদেশে কংগ্রেস-শাসন প্রবর্তনের পর উহা ক্রমশ বঙ্গীয়তা প্রচারক জন্ত প্রাদেশিক শাসকগণ কতৃক বন্ধ হয়। বর্তমান যুগে বাংলার সামাজিক, রাষ্ট্রীয় বা ধর্মগত জীবনে এমন কিছু থাকাই সম্ভব নয় যার উদ্দেশ্য নিখিল-ভারতীয় জাতীয়তা ও ঐক্যসাধনের বিরোধী। ছুর্গোৎসব বাংলা দেশের, উহা সমগ্র জাতির উৎসব কোনো দিনই ছিল না। সীমাবদ্ধ গোড়া হিন্দু ধনিক সম্প্রদায়ের মধ্যেই উহার প্রচার, স্মরণ ইহাকে আভিজাত্যেরই একটা প্রকাশ-রূপ মনে করা অসম্ভব নয়। প্রকৃত শিক্ষিতদের মধ্যে উহা কোনো দিনই

ছিল না। কিন্তু এই উপলক্ষে হিন্দু ও অহিন্দু ভাইদের মধ্যে একত্র আহ্বান ও মন্দির-প্রবেশ নিয়ে আর মুসলমান ভাইদের সঙ্গে বিগ্রহ বিসর্জন নিয়ে এই সময় বিশেষ অজাতীয় মনোভাবের সৃষ্টি হতে দেখা যায়। এই বিবাদের কারণটি আইন দ্বারা বন্ধ করলে বিশাল ভারতের জাতীয় মুক্তি ও সম্মেলনের বাধা দূর হবে।

দ্বিতীয়ত, এই উপলক্ষে বহু দোকানদার ও ব্যবসাদার অযুক্তরূপে দ্রব্যাদির মূল্য অল্প কয়দিনের জন্ম বৃদ্ধি করে বহু লোককে ত্রাসিত প্রভাবিত করে। শ্রেণীগত ব্যবসায়ী-স্বার্থের মোহে সমষ্টির ও সমাজের স্বার্থহানির স্বযোগ বন্ধ করা সামাজিক মাত্রেরই অবশ্য কর্তব্য।

তৃতীয়ত, সব চেয়ে গুরুতর প্রয়োজনীয়তা বিলটির এই যে, দুর্গোৎসব মূর্তিটির উদ্দেশ্য রূপকের সহায়তায় বর্ণভেদ ও ধনিক শ্রেণীর স্বার্থের খড়্গে শ্রমিক ও অল্পমত শ্রেণীর পরাভব চিত্রের পূজা। সিংহ অশিক্ষিত—অল্পমত কৃষকশ্রেণীর স্তোত্রক, অক্ষরটি অপেক্ষাকৃত শিক্ষিত বর্ণহিন্দু। দুর্গামূর্তিটি বর্ণ ও ধনিক শক্তি—নাগপাশটি আর্থিক পরবশতার প্রতীক। অশিক্ষিত কৃষক ও অল্পমত শ্রেণীর পিঠে চড়ে ও সহায়তায় সিংহ বলে বলী হয়ে অর্থের নাগপাশে বন্ধ করে বর্ণহিন্দুর অল্প শিক্ষিত অক্ষর শক্তির পরাজয় হচ্ছে ধনিক ও শিক্ষিত শক্তির হস্তে। লক্ষ্মী ধনশক্তি, সরস্বতী বিদ্যাশক্তি, গণেশ গণশক্তি, কার্তিক সামরিক শক্তি—সমস্তই ধন ও আভি-জাত্যের সহায়।—এই যে মূর্তি পূজার মধ্য দিয়ে সমগ্র অঞ্চল ভারতের জাতীয়তার বিরুদ্ধ মত প্রচার বাংলাতে করা হচ্ছে কয়েক শতাব্দী ধরে—প্রত্যেক জ্ঞানী শিক্ষিত ভ্রাতাভগ্নীরই এর সম্মুখে উচ্ছেদ সাধনের চেষ্টা অবশ্য কর্তব্য। কুমারী ডক্টর চৌধুরী এই উক্তি কংগ্রেস দলের প্রধান চাবুক ব্যারিস্টার প্রমুখনেশমঞ্জল সেন সুদীর্ঘ বক্তৃতায় সমর্থন করেন এবং ডক্টর চৌধুরী এই মহৎ কার্য সমগ্র ভারতীয়

জাতীয়তার ভিত্তি পত্তন ও মিলনের এভেনিউ বলে গণ্য হয়ে আশী-করেন। 'ল' মেম্বার অর এক্সাম্বল কাদিরও এর যুক্তি-যুক্ততা ও সারবত্তা স্বীকার করেন। কেবল বর্ণাশ্রমীদের মধ্য হ'তে পণ্ডিত পাতঞ্জলি মুখোপাধ্যায় বিরুদ্ধে বলেন— দুর্গোৎসব বাংলার জাতীয় উৎসব—মহাযজ্ঞ—সুদীর্ঘ পাঁচ শত বৎসরের জাতীয়তা এর স্মৃতিতে জড়িত। ঋষি বঙ্কিম-চন্দ্রের বন্দেমাতরম্ গানের মধ্যেও এর বিশিষ্ট উল্লেখ পূর্বে ছিল, স্মরণ্য এর প্রতিরোধে আইন করা শাস্ত্রবিশ্বাসী হিন্দুর প্রাণে গুরুতর আঘাত দান—অত্যাচার, জাতীয়তার, বাঙালীত্বের ধ্বংসসাধন। এরূপ আইন বাংলার শাসন-পরিষদে সমর্থিত ও পাশ হলে বাংলার জাতীয় সর্বনাশেরই কারণ হবে সন্দেহ নাই।

পরিশেষে প্রেসিডেন্ট খান বাহাদুর অর এবাদতালী বিষয়টি ভোটে দেন। বিলটির স্বপক্ষে ৩১০ ও বিপক্ষে ৪০টি মাত্র ভোট গৃহীত হয়। প্রবল আনন্দধ্বনির মধ্যে বিলটি পাশ হয়।

নলিনী। একটা আপদ গেল বলতে হয়। এই ত একমাস পরেই পূজোর তত্ত্বের চোটে অস্থির হ'তে হ'ত। পূজোই গেল তার আবার তত্ত্ব। বরং সেই টাকা ক'টা দিয়ে এবার পুরী কি মধুপুর চেঞ্জে যাওয়া যাবে। ই. আই, আর. ত চমৎকার কনসেসনও দিচ্ছে।

পেলর। যা বলেছ, ডক্টর চৌধুরীকে আমি প্রাণ খুলে কংগ্রেসে চলেছি। দুর্গোৎসব না ত গরীবের দুঃখোৎসব। এর তাগাদা, ওর তাগাদা। পূজো-টুজো এ যুগে বত না থাকে ততই ভাল। বত সব য্যাটিকোয়েটেড ফুলিশ ডগ-ম্যাটিজম্-য়্যাও ব্লাইণ্ড হিপোক্রেসি, মাহুয় পূজো করেই নিশ্বাস ফেলবার উপায় নেই, তা আবার এই সব আইডিয়-লিজম্-এর পূজা। ও সব স্মৃতিভেজ্ বারবেরিসম্-এর অড্-ব্রিটল্ রেম্নেন্ট—বত ফায়ার ততই ভাল।



বিষয়-প্রবাহ

শ্রীক্ষেত্রনাথ রায়


পেন্সিল সংগ্রহের হবি

খ্যাতনামা ব্যক্তির স্বাক্ষর, ডাকটিকিট, দেশলাইয়ের পেল, প্রাচীন কালের মুদ্রা সংগ্রহ প্রভৃতিকে পুরাতন হবি বলা চলে।

মাগর পারে কেবল ছেলে মেয়ে নয়, বুড়োদের ভিতরও এ সব সংগ্রহের সখ আছে। আমাদের দেশের ছেলে মেয়েদের কাছে এ জিনিষটা একেবারে অপরিচিত নয়।


কিন্তু ব্যবহৃত পেন্সিল সংগ্রহের হবি একেবারে নূতন। টেক্সের ফোর্টওয়ার্থে ই এইচ কাশবার্ণ নামক এই অঙ্গলোকের পেন্সিল সংগ্রহের হবি আছে। তাঁর কাছে খ্যাতনামা ব্যক্তির ব্যবহৃত পেন্সিল আছে ১,০০০,০০০। এই সংগ্রহের মধ্যে একত্রিশটি বিভিন্ন রাষ্ট্রের সরকারী কার্যে, গভর্নর কর্তৃক ব্যবহৃত পেন্সিলের নাম উল্লেখযোগ্য।

কতকগুলি পেন্সিলের ইতিহাসও আবার রহস্য পূর্ণ। সংগৃহীত পেন্সিলের মধ্যে একটি



ই এইচ কাশবার্ণ

পীড়ায় আক্রান্ত হন, একদিন সকাল দশটায় তাঁর জীবনের অবসান ঘটল। মৃত্যু যে নিশ্চিত সে বিষয়ে কোন সন্দেহ রইল না। তাঁর মা পুত্রের মৃত্যু-নিদর্শন পত্রে স্বাক্ষর করলেন; সামান্যি স্তম্ভ এবং অত্যাচার প্রয়োজনীয় দ্রব্যাদি ক্রয়ের আদেশও দিলেন। কিন্তু এক আশ্চর্য ঘটনা ঘটল। ঐ দিনই মিঃ বেল বেলা চার ঘটিকায় পুনর্জীবন লাভ করলেন। শয্যা-



উপরে ভাইস-প্রেসিডেন্ট গার্নার, নিউ ইয়র্কের গভর্নর লেহম্যান এবং টেক্সাসের ও'ডানাইলের ব্যবহৃত পেন্সিল ও হস্তাক্ষর

পেন্সিল আরভিল বেল কর্তৃক তাঁর নিজের মৃত্যু-নিদর্শন পত্রে (Death Certificate) স্বাক্ষরের নিমিত্ত ব্যবহৃত হয়েছিল। এটাটি রহস্যপূর্ণ : মিঃ বেল কয়েক বৎসর পূর্বে শোচনীয়

পার্শ্বে নিজের মৃত্যুনিদর্শন পত্র দেখতে পেয়ে মিঃ বেল কোতুক উপভোগের লোভ সম্বরণ করতে না পেয়ে সেই পত্রে নিজের নাম স্বাক্ষর করে দিলেন।


দীর্ঘকাল ব্যাপী পেন্সিল সংগ্রহ করে মিঃ কাশবাণ্ড কয়েকটি তথ্য আবিষ্কার করেছেন। বিভিন্ন লোকের স্বভাব এবং ব্যক্তিত্ব তাদের ব্যবহৃত পেন্সিল পরীক্ষা করে তিনি বলতে পারেন।

তাঁর মতে সাধারণত মানুষ হলুদে রংয়ের পেন্সিল ব্যবহার করে। তাঁর সংগৃহীত একত্রিশটি বিভিন্ন গভর্ণরের ব্যবহৃত পেন্সিলের মধ্যে উনত্রিশটি হলুদে রংয়ের। মেয়েরা নানা রংয়ের পেন্সিল পছন্দ করে। আর তাদের ব্যবহৃত পেন্সিলগুলি প্রায় দাঁত দিয়ে ক্ষতবিক্ষত হয়। ছোট ছেলেমেয়েরা সকল রংয়ের পেন্সিলই চায়।

পেন্সিল সংগ্রহ ছাড়া বহু খ্যাতিনামা ব্যক্তির হস্তাক্ষর সংগ্রহও তাঁর এক বাতিকা।

পুরাতন মোটর হর্ণ

মোটর হর্ণ এতদিন অসাধাণী পথিককে সতর্ক করেই এসেছে। কিন্তু ইংলণ্ডে খরিদদাররা পুরাতন মোটর




দোকানদারের দৃষ্টি আকর্ষণের জন্ত পুরাতন মোটর হর্ণ সাহায্যে পোলটি ফার্মের কর্মব্যস্ত দোকানদারদের দৃষ্টি আকর্ষণ করে। হর্ণের আওয়াজে খরিদদার যে ডিন কিনতে এসেছে তা' দোকানদার বুঝতে পারে। সাধারণের

সুবিধার জন্ত পোলটি ফার্মের নিকটস্থ বুক্কে পুরাতন মোটর হর্ণগুলি লাগান থাকে।

বুক্কের সবুজ শত্রু

বুক্কের জীবন রহস্য উদ্ঘাটনে বৈজ্ঞানিকদের সাহায্যের জন্ত ডাঃ আর্ল এস জনষ্টোন একটি নিখুঁত যন্ত্রের আবিষ্কার




যন্ত্র দ্বারা বুক্কের ক্লোরোফিলের ঘনীভূতকরণ পরীক্ষা

করেছেন। এই যন্ত্রটি বুক্কে যে ক্লোরোফিল নামক প্রাণদায়ক সবুজ দ্রব্য বিদ্যমান থাকে তার ঘনীভূতকরণ পরিমাপ করে। বুক্ক হ'তে নিষ্কাশিত আলোক-পোষণকারী ক্লোরোফিলের মধ্যে আলোকমালা সঞ্চালন দ্বারা উহার ঘনীভূতকরণের ওজন নিরূপণ করা হয়।

পরিপাক ক্রিয়ার মানসম্বন্ধ

আমাদের পাকস্থলী মধ্যস্থ খাদ্য কিরূপে পরিপাক হয়



যন্ত্র সাহায্যে পরিপাক ক্রিয়া পরীক্ষা

তার রহস্য বর্তমানে ফিলাডেলফিয়া কলেজে এক যন্ত্র সাহায্যে উদ্ঘাটন করা হয়েছে। এই পরীক্ষার নিমিত্ত চিত্রে একজন মহিলাকে রবার টিউবের শেষাংশের Electrode গলাধঃকরণ করিয়ে খাদ্য ভক্ষণ ক'রতে দেওয়া হয়েছে। এই টিউব মধ্যস্থ একটি তার বৈদ্যুতিক যন্ত্রের সহিত সংযুক্ত থাকায় পাকস্থলী মধ্যে যে পরিপাক ক্রিয়ার পরিবর্তন সাধিত হয় তার বিবরণ পাওয়া যায়। উক্ত কলেজের জনৈক উৎসাহী পাত্র 'antimony gastric electrode' গলাধঃকরণের জন্ত প্রতিবার দু' ডলার পারিশ্রমিক পেত। তা ছাড়া বিনা মূল্য কলেজ হোষ্টেলে তার আহােরেরও ব্যবস্থা ছিল।

আমাদের দেশে এইরূপ যন্ত্রেরও বাংলাই নাই আর সে রত্ন উৎসাহী ছাত্রই বা কোথায়?

টাইপ রাইটারে ছবি

মিঃ রোসাইরি জে বেলাঙ্গার নামে একজন বিচক্ষণ টাইপ রাইটারে বহু সুন্দর ছবি এঁকেছেন। প্রথমে সাদা কাগজের উপর মনোমত পেন্সিল স্কেচ করে টাইপ রাইটারের বিভিন্ন চিহ্নে ছবিটির আউট লাইন এবং যথাযথ স্থানে সেড্ দেওয়া হয়। ছবিটি আঁকা শেষ হ'লে কিছুদূর থেকে কার্পেটের কাজ বলে সকলেই ভুল করেন।

মিঃ বেলাঙ্গার অবসর সময়ে এইরূপ ছবি এঁকে আনন্দ পান।



মিঃ রোসাইরি জি বেলাঙ্গার টাইপ রাইটারে ছবি আঁকছেন। উপরে—তার আঁকা ছবি 'জর্জ ওয়াশিংটন'

সামুদ্রিক পীড়ার চিকিৎসা

ডাঃ ওয়ালটার বোথবাইয়ের গবেষণায় অক্সিজেন চিকিৎসার সাহায্যে বর্তমানে সামুদ্রিক পীড়া আরোগ্য হ'চ্ছে।



সামুদ্রিক পীড়ার চিকিৎসা

রোগের লক্ষণ আরম্ভ হ'লেই রোগীকে একটি মুখোস পরাণ হয়। মুখোসটির সম্মুখ ভাগ খোলা থাকায় রোগীকে খাদ্য গ্রহণে এবং

কথারাত্তায় অসুবিধা ভোগ করিতে হয় না। একটি রবারের সন্নিবিষ্ট নিদেদশক মোটর নলের সাহায্যে নাকের ভিতর দিয়ে অক্সিজেন দেওয়া হয়।


লণ্ডন সহরে যানবাহনের ভীড় অত্যধিক হওয়ায় উহার গন্তব্য স্থানে সময়ে পৌছতে পারে না। বিলম্বে

কৃত্রিম চক্ষুর সাহায্যে দৃষ্টির ক্ষীণতা


নিরীক্ষণ

যানবহন রাস্তায় অশুভ্রলভাবে যান পরিচালনের নিমিত্ত যে সকল সঙ্কেত-চিহ্নের ব্যবহার হয় সেগুলি Astigmatismএ আক্রান্ত মোটর চালকদের চোখে কিরূপ বিকৃতভাবে দৃষ্ট হয় তা ফ্রেডরিক হামিলটন কৃত্রিম চক্ষু সাহায্যে অনুকরণ করেছেন। এই পরীক্ষার নিমিত্ত দুটি সমান প্রোজেক্টার সাহায্যে পর্দার উপর একটি মূর্তিকে উপস্থিত করা হয়। ইহার পর বিশেষ কাচ সাহায্যে দৃষ্টিশক্তিহীন ব্যক্তির চক্ষু যেরূপ কোন বস্তুর প্রতিবিম্বিত রূপ সম্মুখ মস্তিষ্কে (cerebrum) সঞ্চালন দ্বারা বিকৃত করে সেইরূপভাবে কৃত্রিম উপায়ে ছবিটিকে বিকৃত করা হয়।

দৃষ্টিশক্তিহীন মোটর চালকদের মোটর চালনা কতখানি বিপদজনক তা এই যন্ত্রটি প্রমাণ করেছে। চশমা ব্যবহার না করলে এই অবস্থায় সতর্ক-সঙ্কেত চিহ্নের কিয়ৎ অংশই তাদের দৃষ্টিগোচর হয়।




কৃত্রিম চক্ষু সাহায্যে ক্ষীণ দৃষ্টি শক্তির দোষ অনুকরণ। ডানদিকের উপরে দৃষ্টি শক্তিহীন চোখে অস্পষ্ট প্রতিবিম্ব ও বাঁদিকের উপরে স্পষ্ট অক্ষর




সময় নিদেদশক মোটর

পৌছানোর সঠিক কারণ অনুসন্ধানের নিমিত্ত 'লণ্ডন ইউনিং নিউজ পেপার' প্রতিদিন সহরের যে সকল স্থানে মোটর চালকদের এই ভ্রুভোগ ভোগ করিতে হয় সেই সকল স্থানে 'সময় প রীক্ষক' মোটর প্রেরণ করে। মোটরের



চালের উপর সাধারণের সুবিধা জন্ম পাশাপাশি চারিটি ঘড়ি থাকে মোটরের প্রথম যাত্রা স্থানের নাম ও সেই সময় এবং গন্ত

স্থানের নাম উল্লেখ থাকে। গন্তব্য স্থানসমূহে পৌছতে কতসময় লাগে তার ফলাফল কাগজের পরবর্তী সংস্করণে মুদ্রিত হয়। জনসাধারণ এবং ব্যবসা প্রতিষ্ঠানগুলির অসুবিধা দূর করণের নিমিত্ত এইরূপ ব্যবস্থা।



গুটান ছাতাটি গোলক আকার ধারণ করেছে

আলোক-সঞ্চারী থল

লাল মাছের সখ অনেকেরই। বাজার থেকে লাল মাছ কিনে আনার অসুবিধাও অনেক। বেশীর ভাগ

গোলকটিকে ছাতার মত গুটিয়ে স্বচ্ছন্দে হাতে রাখা হয়েছে

পৃথিবীর গোলক

সাধারণত পৃথিবীর যে গোলক (Globe) পাওয়া যায় তাকে এক স্থান থেকে অন্য স্থানগায় নিয়ে যাওয়া অসুবিধাজনক। এই অসুবিধা দূর করবার জন্ম বর্তমানে এক অভিনব গোলকের আবিষ্কার হয়েছে। গোলকটিকে ইচ্ছা অনুযায়ী ছাতার মত গুটিয়ে স্বচ্ছন্দে হাতে করে নিয়ে যাওয়া যায়। প্রয়োজনীয় সময়ে হাতলের উপরিভাগস্থ আঁচাটি উপরদিকে ঠেলে তুললেই গোলকের আকার ধারণ করে। গজবুত কাপড়ের উপর গোলকটি মুদ্রিত। ইউরোপের হাজমহলে এই অভিনব গোলকটি বিশেষ জনপ্রিয়তা লাভ করেছে।





আলোক-সঞ্চারী থলের মধ্যে লাল মাছ

সময়েই মাছগুলি মারা পড়ে। সম্প্রতি একটি থলে তৈয়ার করা হয়েছে। থলেটিতে মাছগুলি বহুক্ষণ জীবিত থাকে।

সেলুলয়েড জাতীয় দ্রব্য থেকে খালেটি তৈয়ার হওয়ায় খলি মধ্যস্থ মাছগুলিকে স্পষ্ট দেখা যায়।

আলোর উপর দৃষ্টি নিষ্ফল্য ক'রতে দেওয়া হয় পরে এক অস্পষ্ট—তীরের গতিবিধি লক্ষ্য করতে বলা হয়। রাত-

কাণার কারণ 'এ' ভিটাগিনের অভাব। আহ্বারের কিছু পরি-
বর্তনে এই রোগ হ'তে শীতাই
আরোগ্য লাভ করা যায়।



বামদিকের উজ্জল আলোতে রোগীর দৃষ্টি নিষ্ফল্য করা শেষ হ'লে ডানদিকের যন্ত্রটিতে
রোগীকে একটী তীরের গতি পরীক্ষা করতে দেওয়া হয়

যন্ত্র সাহায্যে রাত-

কাণা পরীক্ষা

রৌজ থেকে কোন ছায়াচিত্র
গৃহে প্রবেশ ক'রলে সকলেই
কিছুক্ষণের জন্ত চক্ষু অস্পষ্ট
দেখেন। ঝাঁদের এ অস্পষ্টভাব
প্রায় দশ মিনিট কাল বিদ্যমান
থাকে তাঁরা রাতকাণা রোগে
আক্রান্ত হ'য়েছেন বুঝতে হবে।
চোখের এইরূপ অবস্থার কথা
রোগীও সকল সময় বুঝতে
পারে না।

সম্প্রতি এক নূতন যন্ত্র সাহায্যে
রাতকাণাকে পরীক্ষা করা হ'চ্ছে।
রোগীকে প্রথম একটী উজ্জল

শরতে

শ্রীগৌরগোপাল বিদ্যাবিনোদ

আজি প্রভাতের নিশ্চল নীল আকাশ ভরিয়া মাধুরী হাসে—

তরুণ-রবির স্বর্ণ-কিরণে নিখিল ধরণী পুলকে হাসে!

শিশির-সিক্ত শুভ্র শেফালী

য়তনে সাজায় অর্ঘ্য-সমালী ;

বনে উপবনে তরু ও লতায় শোভে রাশি রাশি বিকচ-ফুল,

হরষে মাতিয়া আগমনী কার গাহিছে মধুর বিহগ কুল!

স্বরভিত, মৃদু, স্নিগ্ধ পবন-পরশে আজিকে জুড়ায় প্রাণ,
আকাশে-বাতাসে ঝঙ্কারি' ওঠে স্তমধুর কা'র বীণার তান!

নাহি বান ভরা তটিনীর বৃকে,—

বেয়ে চলে মাঝি তরী মহাসুখে ;

বর্ষা-ধৌত শ্রাম প্রকৃতির শোভা যেন আর নাহি রে ধরে—

গভীর দীঘির কালো জলে আজ শত শতদল নৃত্য করে!

সবুজ-সোনালী ধাত্তের ভার শীর্ষ লুটায় মাঠের বৃকে—

যেন কমলার স্নেহ-পারাবার উদ্বেলিয়া ওঠে শতেক মুখে!

রাঙা পায়ে কা'র পড়িতে লুটিয়া

লাল জবা কত উঠেছে ফুটিয়া ;

রসের প্রবাহে, রূপে ও গন্ধে বিশ্ব আজিকে গিয়াছে ভরি,

চারিধারে এত সমারোহ ওরে কাহারে লইতে বরণ করি ?

বেহিসাবী

শ্রীসরোজকুমার রায়চৌধুরী

বলরাম ভদ্র পূজার ফর্দ করিতেছিল। পূজার এখনও
মাসথানেক দেবী আছে। আরও একটা মাসের মাহিনা
গাওয়া বাইবে। কিন্তু এক মাসের মাহিনাতে সমস্ত
জিনিস কেনা সম্ভব নয় বলিয়া এই মাসের মাহিনা হইতেও
সে কিছু কিছু কিনিয়া রাখিতে চায়। খরচটা দুই মাসের
মধ্যে ভাগ করিয়া লইলে পূজার মাসের উপর চাপ কম
পড়বে। পূজার সময় জিনিসপত্রের দামও কিছু চড়িয়া
যাইবে। আগে হইতে কিনিতে পারিলে সেদিক দিয়াও
কিছু সস্তা হইবে।

শনিবারের সন্ধ্যায় মেসে লোক থাকে না বলিলেই হয়।
সকলেই প্রায় বাড়ী যায়। বলরামের ঘরের অপর দুইটি
বিড়ানা গুটানো। তাহার বাড়ী গিয়াছে। দুই নম্বর
ঘরে বুড়াদের পাশার আড্ডা এবং ছয় নম্বর ঘরের ছোকরাদের
তানের আড্ডাও নীরব। বলরামও প্রতি শনিবারে বাড়ী
যায়। রবিবারে বাজার করিবে বলিয়াই এ শনিবারে
বাড়ী যায় নাই।

গত সপ্তাহে বাড়ী হইতে একটা ফর্দ সে লইয়া
আসিয়াছে—মায়ের দেওয়া ফর্দ। তাহাতে ছোট খোকার
ভেলু হটের স্ট্রট হইতে আরম্ভ করিয়া বধুমাতার জর্জেট
শাড়ী পর্যন্ত সমস্তই আছে। কেবল নিজেরই জন্ত বিশেষ
কিছুর উল্লেখ ছিল না। বলরাম কলিকাতা পৌছিতে
না পৌছিতে মায়ের ক্রটি সংশোধন করিয়া গৃহিনী পত্র
লিখিয়া জানাইয়াছে, মায়ের জন্ত রাঙ্গাপাড় গরদের শাড়ী
একখানি নিতান্তই চাই। অল্প সকল খরচ কমাইয়াও
তাহা যেন আনা হয়।

বলরাম মায়ের ফর্দখানি সামনে রাখিয়া নূতন একখানি
ফর্দ করিতেছিল :

মায়ের গরদের শাড়ী	১২ টাকা
গৃহিনীর জর্জেট শাড়ী	১২ "
বাবার লঙ্কণের পাঞ্জাবী	১ "
ছোট খোকার স্ট্রট	৬ "

বলরাম মনে-মনে একবার টাকার অঙ্কটা যোগ দিয়া
সোজা হইয়া উঠিয়া বসিল। বলিল, বাবা!

চট করিয়া আর একখানা চিরকুট লইয়া বলরাম এদিকের
হিসাবটা করিতে লাগিল :

সিটভাড়া	৩৯/০
খাওয়া	১১৩/১০
ধোপা, নাপিত ইত্যাদি	২১/০
তিনবার বাড়ী যাতায়াতের ট্রেন ভাড়া	৭১/০
জলখাবার	৩১/০
ট্রাম	২/০
সিগারেট, পান	২/০

বলরাম এই হিসাবটা মনে-মনে যোগ দিয়া আর একবার
বলিল, বাবা! বেচারী ষাট টাকা মাহিনা পায়।
মহামুশ্বিলে পড়িল। নিজের একজোড়া জুতা না কিনিলেই
নয়। বর্ষার নাম করিয়া অচল ছেঁড়া জুতাজোড়া দুই মাস
চালাইয়াছে। এখন তাহা যে-কোনো মুহূর্তেই সত্যাপ্রহ
করিতে পারে। বলরাম হিসাব দুইটা আবার পর্যবেক্ষণ
করিতে বসিল :

মায়ের গরদের শাড়ী কাটা চলিতেই পারে না। জীবনে
কখনও তাঁহাকে একটা ভালো জিনিস দেয় নাই। পূজা-
আহিকেরও তাঁহার অসুবিধা হইতেছে। গৃহিনীর জর্জেট
শাড়ী? সর্বনাশ! অত আশা দিয়া এখন জর্জেট না
কিনিলে তাহার কাছে মুখ দেখানো যাইবে না। অত
আগে হইতে তাহাকে আশা দেওয়া ঠিক হয় নাই। একটা
দুর্বল মুহূর্তে নিজের শক্তি-সামর্থ্য বিবেচনা না করিয়াই
দিয়া বসিয়াছে। বলরাম এখন তাহার জন্ত অল্পতপ্ত।
কিন্তু অল্পতাপ করিয়া তো ফল হইবে না। শাড়ী তাহাকে
কিনিতেই হইবে।

বাকি ছোট খোকার স্ট্রট। ছোট খোকার কথা
ভাবিতেই বলরামের চিত্ত কোমল হইয়া আসিল। বৎসরে
এই একটিবার দেওয়া। বাপ হইয়া সে তাহার জিনিস

বাদ দিবে কি করিয়া? মা এবং গৃহিণীই বা কি বলিবেন? সে হয় না। বরং সে নিজের মেসের খরচ কমাইবে।

কিন্তু কোন্টা? বলরাম স্বচ্ছন্দে তাহার বাড়ী যাতায়াতের খরচের অন্তত দুই-তৃতীয়াংশ ছাটিয়া দিতে পারে। আর পারে তাহার জলখাবারের খরচের কিয়দংশ ছাটিয়া দিতে। কোন্টা বাদ দেওয়া অপেক্ষাকৃত কম ক্রেশকর বলরাম তাহাই ভাবিতে বসিল।

সাড়ে নয়টায় নাকে-মুখে ছুটি গুঁজিয়া আপিসে যায়। দুইটা বাজিতে না বাজিতেই জঠরগুহায় মুষিকের নৃত্য আরম্ভ হয়। সে সময় যাহা সে খায় তাহার পরিমাণ কোনো দিনই দুই আনার অধিক নয়। তাহাও বাদ দিলে সে টিকিবে কি করিয়া? ওদিকেও মাসে চারিটি তো মাত্র রবিবার। এই চারিটি দিনও যদি গৃহস্থ ভোগ করিতে না পায় তাহা হইলে জীবনে আনন্দ বলিতে থাকে কি?

বলরাম অনেক চিন্তা করিয়া এবং অনেক অঙ্ক কষিয়া স্থির করিল, এই দুইটা মাস জলখাবারের পরিমাণ দুই আনা হইতে এক আনায় নামাইবে এবং গৃহস্থ চারিদিনের জায়গায় দুই দিন করিবে। তাহাতে মাসিক প্রায় সাত টাকা বাঁচিবে। এই ব্যবস্থা করিয়া সে রাত্রে সে অনেকটা সুস্থ হইয়া আহালাদি সমাপন করিল।

আহালাস্তে বলরাম কেবল বিছানায় গা গড়াইয়াছে এমন সময় মশ্ মশ্ করিয়া পান চিবাইতে চিবাইতে দীনবন্ধু প্রবেশ করিল।

—মুন্সিয়ে গেলেন নাকি?

—না—বলরাম চোখ মেলিয়া চাহিল।

—এঁরা সব শনিবার করতে গেছেন বোধ হয়। আপনি যাননি যে বড়?

বলরাম হাসিল।

—হঁ। এসব ভালো কথা নয়, ভালো কথা নয়। মাইনে তো কাটা যাবেই, তা ছাড়াও বোধ হয় শাস্তি আছে। কি বলেন?

—আছেই তো।

—তবে আপনি গেলেন না কেন?

—পূজোর বাজার কিছু করতে হবে।

—পূজোর বাজার!—দীনবন্ধু চমকিয়া উঠিল—পূজো তো এখনও অনেক দেরী।

—দেরী মানে একটা মাস। কিন্তু আমাদের মতো মাছি-মাঝা কেরাগী ছ'মাসে নইলে কুলিয়ে উঠতে পারে?

—পারে না? এত কি কিনবেন শুনি? খানকয়েক শাড়ী, আর খানকয়েক ধুতি, আর কি?

দীনবন্ধু হাসিল। তারপর গভীরভাবে বলিল, পূজোর দিন একটি একটি করে এগিয়ে আসছে, আর বুকের রক্ত জল হচ্ছে। এ মাসেও ত্রিশ টাকা ধার হয়েছে, তার উপর মেসের টাকা দিতে পারিনি।

—কিন্তু মাইনে তো পান দুশো টাকা। একটা নিয়ে পর্যাপ্ত করেননি। কি হয় টাকাপুলোর?

—শ্রদ্ধ, মানে বুঝাৎসর্গ শ্রদ্ধ। খেতাম সিগারট, বিড়ি ধরেছি। বোধ করি কৌপীনবস্ত্র না হ'লে আর ভাববত হতে পারছি না।

—কি করেন?

—কি করি? শুধুন বলি: দুটি বোনের বিয়ে দিয়েছি। সেই যে প্রভিডেন্ট ফাণ্ড থেকে ধার করেছিলাম, তার জের এখনও মেটেনি। প্রভিডেন্ট ফাণ্ড আর সেই ঋণের টাকা কেটে নিয়ে আফিস থেকে দেয় একশো কুড়ি টাকা তিন আনা। তার মধ্যে বাড়ীতে পাঠাতে হয়, একটি ভাই এঞ্জিনিয়ারিং পড়ছে তাকে পাঠাতে হয়। বোনেদের ছোট-খাটো দাবী লেগেই আছে। এর ওপর, একানবত্তী পরিবার—খুড়তুতো, জাঠতুতো ভাই-বোনও আছে। মাইনে পাওয়া মাত্রই নেই।

বলরাম বিরক্তভাবে বলিল, কিন্তু আপনি যা পারবেন, তাই তো করবেন। তার বেশী...

দীনবন্ধু হো হো করিয়া হাসিয়া উঠিল। বলিল, একানবত্তী পরিবার সম্বন্ধে আপনার কোনো ধারণা নেই তাই বলছেন। এর মধ্যে আর পারা-পারি নেই, পারতেই হবে। শুধুন তবে: আমার জ্যাঠামশাই ডেপুটি ম্যাজিস্ট্রেট ছিলেন। গোটা পরিবার বাসুকীর মতো তিনিই যাড়ে ক'রে ছিলেন। অনেক বয়সে তাঁর ছেলে হয়। আমিই থাকতাম তাঁর কাছে কাছে।

—তিনি নিশ্চয় অনেক টাকা রেখে গেছেন?

—টাকা? কি ক'রে রাখবেন? যেমনভাবে তিনি নিজে

থাকতেন, দেশে যারা থাকতেন তাঁদেরও ঠিক তেমনভাবে রেখেছিলেন। যদি জ্যাঠামশাইর জন্তে একখানা গহনা গড়িয়ে-ছেন তো সব বৌ-এর জন্তেই সেই গহনা গড়িয়েছেন।

—তাঁর আর ভাইরা কিছু করতেন না?

—কি করতে করবেন? ব'সে খেতে পেলে কে পরের দোরে খাটতে চায় বলুন।

—এ ভারি অস্ফায়!

—অস্ফায়। জ্যাঠামশাই-মা এ নিয়ে কান্নাকাটি করতেন।

কিন্তু আমার জ্যাঠামশায়ের মুখে কোনো দিন হাসি ছাড়া কিছু দেখিনি। এই পূজোর তাঁর যে কত খরচ হ'ত আমি ভাবতেও পারি না। তখন তিনি দেশে যেতেন। বড় দালানে আমরা খেতে বসতাম। তিনি বসতেন দুই মারে মাথায়, মধ্যেখানে, যেখান থেকে দুই সারের প্রত্যেককে দেখা যায়। অত বড় দালানের এধার থেকে ওধার পর্যাপ্ত লম্বা সার। আমাদের ছেলেদের প্রত্যেকের গায়ে এক রঙের জামা, এক পাড়ের কাপড়। মেয়েরা যারা পরিবেশন করতেন তাঁদেরও তাই। জ্যাঠামশাই চেয়ে চেয়ে দেখতেন, আর আনন্দে তাঁর মুখ উদ্ভাসিত হয়ে উঠত। তাঁর ক্ষেত্র আমি এখনও কল্পনা করতে পারি।

দীনবন্ধু চোখ বন্ধ করিয়া বোধ করি তাহাই কল্পনা করিতে লাগিল।

বলরাম একটু থামিয়া বলিল, কিন্তু তাঁর পক্ষে যা আনন্দ ছিল আপনার পক্ষে তা বোঝা হয়ে দাঁড়িয়েছে।

—দাঁড়িয়েছেই তো। গেল বারে হ'ল কি জানেন?

দীনবন্ধু একটা চোঁক গিলিল,—হিসেব ক'রে দেখলাম, কালের একখানা ক'রে স্থাকড়া কিনে দিতে গেলেও দুশো টাকা লাগে। আমি একশো টাকা ইন্সিওরে পাঠিয়ে দিয়ে এইখানেই ব'সে রইলাম। যা খুশি কর তোমরা।

বলিয়া এমন এক আশ্চর্য্য ভঙ্গিতে হাসিল যে, বলরামের বুকের ভিতর পর্যাপ্ত হাহাকার করিয়া উঠিল।

হাসি থামাইয়া দীনবন্ধু বলিল, আপনি বলবেন কাপুরুষতা। কিন্তু বাড়ীর সবাই কাপড় পেল না এ কি চোখে দেখা যায়?

বলরাম কিছুই বলিল না। দীনবন্ধু চলিয়া গেলেও নেকক্ষণ পর্যাপ্ত তাহার চোখে ঘুম নাগিল না। থাকিয়া কিয়া তাহার সেই আশ্চর্য্য হাসি মনে পড়ে আর পৃথিবীর সমস্ত আনন্দ-বিস্বাদ হইয়া যায়।

কাপড় চোপড় কিনিতে এ মেসে হরিহরের জোড়া নাই। কোন্ মিলের কত নম্বরের কাপড় কোথায় এক পয়সা সস্তায় পাওয়া যায়, তাহা পর্যাপ্ত সে বলিয়া দিতে পারে। দোকানে গিয়া যখন সে কাপড়ের ফরমাস করে, দোকানদার বুঝিতে পারে ইহার কাছে চালাকি চলিবে না। তাহাকে না লইয়া এ মেসের কেহ কাপড় কিনিতে যায় না।

বলরামের ইচ্ছা ছিল, কাপড় কেনার হাঙ্গামটা সকাল বেলাতেই চুকাইয়া লইবে। কিন্তু কি একটা কারণে সকালে হরিহরের সময় হইল না। স্থির হইল, খাওয়া-দাওয়ার পরে দুপুরে দুজনে বাহির হইবে। ক'খানাই বা কাপড়! ঘণ্টাখানেকের মধ্যেই হইয়া বাইবে।

স্নান করিবার সময় হরিহর উকি দিয়া দেখিল, বলরাম কি একখানা পত্র মনোযোগের সঙ্গে দেখিতেছে।

হরিহর বলিল, স্নান করতে যাবেন না?

বলরাম প্রথমটা ফ্যাল ফ্যাল করিয়া চাহিয়া রহিল। তারপর যেন চমক ভাঙ্গিয়া বলিল, হাঁ চলুন।

হরিহর দাঁড়াইয়া রহিল। বলিল, কিছু ছঃসংবাদ আছে নাকি?

বলরাম হাসিয়া বলিল, ছঃসংবাদ? সে তো থাকবেই।

—অস্বখ-বিস্বখ?

—না। পূজোর ফর্দের জোড়পত্র।

মুখে একটা ফুৎকার দিয়া হরিহর বলিল, ও! ও অনেক আসবে মশাই। চাপা দিয়ে রাখুন।

—চাপা দিয়ে রাখব কি মশাই! ছোট বোনের ফর্দ! বছর দুই হ'ল বিয়ে হয়েছে।

—কি লিখেছে?

—লিখেছে, এবারে যেন পূজোর তত্ত্ব গেলবারের চেয়ে ভালো হয়। ধুতিটা আরও দামী হওয়া উচিত। গেল বারে মটকার পাঞ্জাবী দেওয়া হয়নি। সেটা যেন এবারে দেওয়া হয়। সে শুনেছে, তার বৌদির জন্তে জর্জেট কেনা হচ্ছে। সেজন্তে নিজের দাবী আর চড়ায়নি। শুধু লিখেছে যে, তার বৌদির জন্তে যে রকম শাড়ী কেনা হবে, তাকেও তাই দিলেই হবে।

—তাহ'লেই তো গেছেন!

—হাঁ। মুস্তিল হয়েছে কি জানেন। এই বোনটি সব চেয়ে ছোট, কাজেই মায়ের আদরের। তার উপর

এর বিয়েতে পাত্র পক্ষ নগদ একটি পরমাণু নেয়নি। তাদের অবস্থাও ভালো। গেল বারের তুলে যে খুব বেশী খরচ করতে পারিনি তাও সত্যি। জানেনই তো ছোট খোকার আশাশয়ে কি ভোগালে। তাই ভাবছি...

—কই দেখি আপনাদের ফর্দ?

বলরাম পকেট থেকে ফর্দটা বাহির করিয়া দিল।

হরিহর ফর্দ দেখিয়া চমকিয়া উঠিল: করেছেন কি মশাই! এ তো পোষাকী। এর পরে আটপোরেও আছে নিশ্চয়!

—আছে বই কি।

—আর বোন নেই?

বলরাম হাসিল। বলিল, একটি দিদি আছেন। তাঁর আবার দুঃখ শুনুন। জামাইবাবু ভালো চাকরী করতেন, রিট্রেঞ্চমেন্টে সেটি গেছে। এখন গ্রামের ইস্কুলে মাস্টারী করেন। যখন চাকরী ছিল, আমাদের জন্তে যথেষ্ট করেছেন এবং যথেষ্ট দিয়েছেন। অত্যন্ত স্বল্পভাষী মানুষ। এবং অত বড় আত্মমর্যাদাজ্ঞান আর কখনও দেখিনি। আজকে তাঁর দুঃখের শেষ নেই। কিন্তু কোনো দিন একটি ছুঁচের ফরমাসও করেননি। না তিনি, না দিদি।

—গেল বারে তাঁদের কিছু দেননি?

কুস্তিতভাবে বলরাম বলিল, সে না দেওয়ারই মধ্যে। শুধু দিদির জন্তে একখানা আটপোরে শাড়ী পাঠিয়েছিলাম। তাতেই কত আশীর্বাদ যে করেছিলেন, তার ইয়ত্তা নেই।

হরিহর চিন্তিতভাবে বলিল, হুঁ।

—কোথেকে দোব? এই ক'টি টাকা তো মাইনে।

দিতে কি আর ইচ্ছে হয় না?

হরিহর আবার বলিল, হুঁ।

—কি ভাবছেন?

—ভাবছি, বাজার করা আজ থাক বলরাবাবু। খেয়ে-দেয়ে এসে দু'জনে মিলে একটা ফর্দ করা বাবে। তারপরে ধীরে স্ত্রে কিনলেই হবে। কি বলেন?

বলরাম শশব্যস্তে বলিল, না না, টাকা রাখা চলবে না। কিনতে এখন থেকেই হবে। নইলে হাতে টাকা থাকবে না। সে আর একটা বিপদ হবে।

হরিহর হাসিয়া বলিল, আচ্ছা, খেয়ে-দেয়ে আসি তো। তারপরে দেখা বাবে।

হরিহর যে ফর্দ করিয়া দিল তাহা দেখিয়া বলরামের বাজার করিবার আনন্দ আর রহিল না। ফর্দের মধ্যে সিন্ধের একটা টুকরা পর্যন্ত নাই। সমস্ত মিলের খুতি ও শাড়ী, ধোলাই করিলে তাহা নাকি রূপার পাতে মতো ঝক ঝক করিবে। ছেলেমেয়েদের জামাও সমস্ত আটপোরে। ওদের গায়ে নাকি আবার সিন্ধ দেয়! দুই দিনে ধূলায়-বালিতে আর জলে ঝাঝড়া বানাইয়া তুলিবে। তার চেয়ে মোটা পুরু কাপড়ের জামা দিলে ঠাসিয়া-মারিয়া পরিলেও রাজার হাঙ্গে একটা বৎসর চলিয়া যাইবে। ষাট টাকার মধ্যে সমস্ত পরিবারের গায় দিদি-জামাইবাবু এবং তাঁহাদের ছেলেমেয়েগুলির পর্যন্ত ব্যবস্থা করিয়া হরিহর দিগ্বিদিকের মতো সোজা হইয়া বসিল।

বলিল, ষাট টাকা মাহিনার কেমনীর এর চেয়ে বেশী বাজার করা উচিত নয়। করা ক্রিমিনাল, বুঝলেন?

বলরাম বুঝিল, কিন্তু তাহার মনটা প্রসন্ন হইল না। হরিহর ছা-পোষা গৃহস্থ; পাকা লোক। তাহার যুক্তি দুর্ভেদ্য। বলরামের পক্ষে পূজার বাজারে ষাট টাকা বেশী খরচ করা অসম্ভব, হয়তো ক্রিমিনালই। কিন্তু সংসারে হিসাব করিয়া চলাটাই কি একমাত্র সত্য পদার্থ? বেহিসারী চলার আনন্দও কি একেবারে উপেক্ষার বস্তু?

দুই বৎসর ধরিয়া বলরাম তাহার স্ত্রীকে রীতিমত ভোগা দিয়া আসিতেছে, একখানা জর্জেট দিবে। কিন্তু বলরাম মনে মনে জানে, তাহা ভোগা নয়, তাহার মধ্যে চাতুরীর বিন্দুমাত্রও ছিল না। দিতে পারিলে তাহার নিজের চেয়ে বেশী কৃতার্থ আর কেহই বোধ করিত না। এই অক্ষমতার গ্লানি আর একজনের না-পাওয়ার দুঃখের চেয়ে যে কত বেশী, তাহাও একমাত্র তাহার অন্তর্ভাগীই জানেন।

বলরাম একটা দীর্ঘশ্বাস ফেলিল।

হরিহর চমকিয়া বলিল, কি হ'ল?

—কিছুই না। ভাবছি, মানুষ কত অসহায়!

যত বড় তার সাধ, সাধ্য এবং আয়ু তার তুলনায় কতটুকু?

বলরাম হরিহরের তৈরী ফর্দটার উপর চোখ বুলাইতে লাগিল। নিখুঁৎ ফর্দ। অভিজ্ঞ হরিহর কোথাও ভ্রুটি রাখেন নাই। মূল্য বাহা ফেলিয়াছে, বলরাম জামা তাহারও একচুল এদিক-ওদিক হইবে না। কিন্তু মাহিনার গরদের শাড়ী? ছোটখোকার ভেলভেটের স্ট্রট? গৃহস্থ

জর্জেট? হরিহর ফর্দের মধ্যে এমন অনেক নূতন জিনিস ফেলিয়াছে, যেমন লাল-নীল দেশলাই, তারাকাঠি; তাহা বলরামের মাথায় আসিতই না। কিন্তু ছোট বোনটি যে যুগ ফুটিয়া আবাদার করিয়াছে, তাহার ব্যবস্থা কোথায়?

হরিহর পাটোয়ারী মানুষ। এত কথা বুঝিল না। কেবল হইহই বুঝিল যে, এত কষ্ট এবং এত হিসাব করিয়া যে ফর্দ সে তৈরী করিল তাহাতে বলরাম প্রসন্ন হয় নাই। সে বলরামকে তাহার ভাগ্যের উপর ফেলিয়া দিয়া বিরক্ত-ভাবেই চলিয়া আসিল। যে মানুষ নিজের ভালো বুঝিবে না, তাহাকে সে কথা বুঝাইবার চেষ্টা করা বিড়ম্বনা। সে বিড়ম্বনা সহ করিবার পাত্র হরিহর নয়।

দিন যেন পাখায় ভর দিয়া উড়িতে উড়িতে মহালয়ায় আসিয়া পৌছিল। হরিহর বলরামকে সাহায্য করে নাই। সেও গায়ে নাই। নিজের চেষ্টাতেই সে একটি দু'টি করিয়া অনেকগুলি প্যাকেট জড় করিয়াছে। কাপড় সম্বন্ধে কোনো জ্ঞানই তাহার নাই। কিন্তু জ্ঞান সে সঞ্চয় করিল কিছু শো-কেসের সাজান কাপড়-জামা দেখিয়া, কিছু মঞ্চরঙ্গীল নর-নারী দেখিয়া।

সে মাসাধিক কাল হইতেই জলখাবার খাওয়া বন্ধ করিয়াছে। সিগারেট ছাড়িয়া বিড়ি ধরিয়াছে। ক্রমাগত ঘুরিয়া ঘুরিয়া জুতা-জোড়ার আর কিছু নাই। কেহ সেদিকে তাহার দৃষ্টি আকর্ষণ করিলে বলে, পূজায় জুতার দাম যা গড়িয়াছে, পূজা কাটিয়া না গেলে উহার আর অবসর মিলিবে না। সময়ভাবে দাড়ি পর্যন্ত নিয়মিত কাঁমাইতে পারে না।

গত দুই বৎসর তাহাদের আপিস বোনাস দেয় নাই।

এবারে শোনা যাইতেছে, এক মাসের মাহিনা বোনাস দিবে। সংবাদটা শোনাগাত্র বলরাম দুই হাত তুলিয়া বড় গায়েবকে এবং সেই সঙ্গে ভগবানকেও অজস্র আশীর্বাদ করিয়াছে। যেটুকু ছুশিচ্ছা ছিল এ সংবাদের পর তাহাও তার অবশিষ্ট রহিল না। দুই বেলা সে জনস্রোতের উই-টে-উ-এ ঘুরিয়া বেড়ায় আর টুকটাকি বাহা পারে কনে। ছোট-ছোট প্যাকেটে এবং বড়-বড় বাগুণে তাহার সীর্ণ মলিন কক্ষের একটি কোণ বোঝাই হইয়া উঠিল।

চতুর্থীর দিন মেসের প্রাপ্যের তাগাদা আসিল। বলরামের মন তখন সোনালি আলোয়, শানাইএর মিঠা স্বরে পালকের মতো উড়িতেছিল। যেন একটা ধাক্কা খাইয়া মাটিতে নামিল। যে কয়টা টাকা তাহার কাছে অবশিষ্ট আছে, তাহাতে তাহার বাতায়াতের ট্রেন ভাড়া আর পূজার কয়দিনের বাড়ীর খরচ কোনো রকমে চলিতে পারে। বলরাম ম্যানেজারকে বহু অনুরোধ করিল, টাকাটা সে পূজার পরে দিবে। কিন্তু ম্যানেজার কোনো অনুরোধই শুনিল না। ঠাকুর-চাকরকে মাহিনা দিতে হইবে, একখানা করিয়া কাপড়ও দিতে হইবে। বাহার ছুটি পাইবে না, মেসেই থাকিবে, তাহাদের জন্তও ব্যবস্থা করিয়া যাইতে হইবে। অত্ন সময়ে তাহাকে অনুরোধ করিবার প্রয়োজন হইত না। কিন্তু এখন অনুরোধ শুনিবার উপায় নাই।

বলরাম রাগ করিয়াই তাহাকে টাকাটা দিয়া দিল। দুই-একটা প্রসাধনের দ্রব্য তখনও তাহার কিনিবার ছিল। সে চুলায় থাক, কয়েক বাঁক লাল-নীল কাঠির বিশেষ প্রয়োজন ছিল। কিন্তু তাহা আর হইবার নয়। বলরাম হিসাব করিয়া দেখিল ট্রেন ভাড়া বাদ দিয়া তাহার হাতে আর একটি টাকা মাত্র রহিল। তাহাতে পূজার কয়দিনের সংসার-খরচের কি হইবে, তাহাই এক চিন্তার বিষয়।

বলরাম যখন বাড়ী পৌছিল তখন অন্ধকার হইয়া আসিয়াছে।

এক মাসের উর্দ্ধকাল সে বাড়ী আসে নাই। কলিকাতার প্রশস্ত রাজপথ হইতে পল্লীর এই সঙ্কীর্ণ অন্ধকার পথে পা দিয়া তাহার মনে হইল, নীচু-নীচু খড়ের ঘরগুলি বুঝি এখনই তাহার উপর হুমড়ি খাইয়া পড়িবে। স্রাকরার দোকানে তখনও ঠুকঠুক করিয়া কাজ চলিতেছিল। গুড়ের ভিয়ানের গন্ধ বাতাসে ভাসিয়া আসিতেছে। বাঁশবনে জোনাকীর মেলা বসিয়াছে। চৌধুরীদের পূজার দালানের সাগনে একদল ছেলে হৈ হৈ করিয়া খেলা করিতেছিল। ভিতরে মালাকার নিবিষ্ট মনে ঠাকুর সাজাইতেছিল। গোটা চার-পাঁচ কুলীর মাথায় মোট চাপাইয়া বলরাম নিঃশব্দে গৃহে প্রবেশ করিল।

সঙ্গে সঙ্গে একটা কলরব উঠিল। বাবা আসিলেন, মা আসিলেন, ছেলেরা আসিল, পাড়া-প্রতিবেশী একটু-দুইটি করিয়া জুটিতে লাগিল, নিতান্ত নিস্পৃহভাবে গৃহিণীও একবার মোট-ঘাটের স্তূপের পাশ দিয়া চলিবার সময় গুণ্ডনের ফাঁক দিয়া অপাঙ্গে সেদিকে চাহিয়া গেল। কেবল বলরামের মুখে হাসি নাই।

—আহা! ট্রেনে বড় কষ্ট হয়েছে। যা পূজোর ভিড়!

বলরাম কথা কহিল না, শুধু কপালের ঘাম মুছিল।

—কত কাপড় এনেছিস? অত আনতে হ'ত না।

বলরাম বুনিল, মা ভিতরে ভিতরে গৌরবে ও আনন্দে কতখানি পুলকিত হইয়া উঠিয়াছে। গৃহিণীর চোখে এক সময়ে চোখ পড়িতেই দেখিল, কাপড়ের আনন্দে তাহারও চোখ ঝকমক করিতেছে।

—কই গো, ছেলে কি কাপড় আনলে দেখাও।

রূপায়ণ

শ্রীকুমুদরঞ্জন মল্লিক

পাঠক পাঠিকে মনে যেন শুধু রয়

ওমর-খৈয়াম তর্জমা এটা নয়।

টঙ্কা সাগর-কাঁকড়ার মত

কামড়াতে মোরে আসে

মোরে ভয় করে, আমি ভীত তার ভ্রাসে।

বাঁকা বাঁকা তার দাড়া ভীতিময়

বসুধার বসু আঁকড়িয়া রয়,

দূর হতে আমি সম্মুখে নগি

যারা তারে ভালবাসে।

২

কীর্তি তাহার বিশ্ব জুড়িয়া

অসীম শক্তিশালী,

যেকীতে খাঁটির গুরুত্ব দেয় চালি।

তাহার রূপালী তার গিলটিতে,

চিনি মোড়া তার বিষ পিন্‌টীতে,

ফাঁপা মস্তকে জড়োয়ার তাজ

মিথ্যার ফুলডালি।

বলরামের বুক পকেটে মনিব্যাগের মধ্যে বেতন ও বোনাসের ধবংসের শেষ একটিমাত্র রজত মুদ্রা থাকিয়া থাকিয়া কাঁটার মতো খচ্ খচ্ করিতেছে। পূজার কয়দিন কি করিয়া চলিবে সেই ছশ্চিন্তা কালো ধোয়ার মতো মাথার মধ্যে তাল পাকাইতেছে।

তবু তাঁহাকে উঠিতে হইল। সকলের সমস্ত্রম ও সপ্রশংস দৃষ্টির সম্মুখে এক একটা করিয়া পৌঁটলা খুলিয়া দেখাইতে হইল, মায়ের টকটকে লাল পাড় গরদের শাড়ী, গৃহিণী ও ছোট বোনের জর্জেট, ছোট খোকার ভেলভেটের স্মুট, দিদির চমৎকার দেশী শাড়ী, তাহার ছেলেমেয়েদের বিবিধ বর্ণের জামা-কাপড়, শান্তিপুয়ের ধুতি, আরও কত কি...

বলরাম উপস্থিত সকলের মুখের দিকে চাহিয়া দেখিল। তাহার মনে হইল, সমস্ত মুখ লেপিয়া একাকার হইয়া গিয়াছে।

রস-রসিকের ভাবের সাগরে

ভবের বাঁধানো ঘাটে,

এই কাঁকড়াই সূতা ও বড়শী কাটে।

ছিপ্‌ত ইহার পায় না নাগাল,

করে না ক কিছু করে উল্‌চাল,

শুধু তোড়জোড়ে দিবস ফুরায়

রবি ঘুরে বসে পাটে।

৪

নেত্র জুড়ানো এই যে উগ্র

কাঁকড়ার কাটলেট,

পাতালপুরীর নরাধিপ চায় ভেট।

ভক্তি এবং দিলে অহুরাগে,

শ্রামার পূজায় লাগিলেও লাগে,

নিরামিষাশীর পাতায় পড়িলে

করে তার মাথা হেঁট।

সর্পের শ্রবণশক্তি

ডাক্তার বারজেস্ বার্নেট্

Victoria Memorial Park
September 3rd., 1938.

Dear Dr. Kundu,

I have extended my letter about the hearing power of snakes into what I hope will oneday be part of a chapter on snakes in a Loo Book I have had on hand for some time.....here it is.

I doubt whether, with the war news, any editor will want to publish it at the present time, but please make any use of it you like. I must call it "first serial rights," however, so that I can use it myself later.

Yours sincerely,
Sd/ Burgess Barnett.

সর্পেরা শুনতে পায় কি-না, এই প্রশ্নের উত্তরে সংক্ষেপে 'হাঁ' বা 'না' বলা যায় না। যে সব স্পন্দনকে আমরা শব্দ নামে অভিহিত করি, তার কতকগুলি সাপেরা গ্রহণ করতে পারে কয়েকটি বিশেষ অবস্থায়। ঐ শব্দগ্রহণ যে শ্রবণেন্দ্রিয়ের সাহায্যে হয় এ মনে করা অসঙ্গত নয়।

আমি দেখেছি সাপেরা বায়ুবাহিত শব্দ (air-borne sound) অথবা হু'শো পঞ্চাশের অধিক স্পন্দনবেগসম্পন্ন পরিবাহিত শব্দ (conducted sound) শুনতে পায় না। আমি ছুটি ক্ষুদ্র নির্বিষ সাপকে একটি পিয়ানোর মাথার উপর রেখে পিয়ানো বাজাতে সুরু করলাম। যখন উঁচু পর্দায় আঙুল চলতে লাগল তখন সাপেরা বাজনা শুনতে পেরেছে বলে মনে হ'ল না, কিন্তু যেই আমি সি পর্দার নীচে বাজাতে সুরু করলাম অমনি সাপ দুটির মধ্যে পরিবর্তন লক্ষ্য করলাম। সাপ দুটি নড়াচড়া না ক'রে এক জায়গায় স্থির হয়ে রইল, আর মাথা উঁচু ক'রে চারিদিকে যেন অহুসন্ধিৎসুভাবে তাকাতে লাগল ও জিভটা ঘন ঘন বার করতে লাগল। আমার মনে হয়—যদিও এ সম্বন্ধে আমি নিশ্চিত নই—খাদের পর্দায় উচ্চতর শব্দে সাপেরা অস্বস্তি বোধ করে এবং মুছ গভীর শব্দে আনন্দিত হয়। শেষে আমি পিয়ানোর ছু-তিনটে চাবি একসঙ্গে টিপলাম এবং একটি সাপ আস্তে আস্তে এগিয়ে পিয়ানোর ভিতরকার

তারের মধ্যে ঢুকে পড়ল—যেন সে ঐ শব্দের কারণ অহুসন্ধান করতে উৎসুক! সেই সাপটিকে তারের ভিতর থেকে ছাড়িয়ে আনতে মিনিট কয়েক লাগল।

সাপ দুটিকে যখন কার্পেট-চাকা মেঝের উপর সরিয়ে রাখা হ'ল তখন আমার মনে হ'ল যে, পিয়ানোর শব্দ তারা আর মোটেই শুনতে পাচ্ছে না। দরজাটা জোরে বন্ধ করলে বা মেঝেতে জোরে পায়ের শব্দ হ'লে তারা চমকে ওঠে বটে, কিন্তু পিয়ানোর বাজনার দিকে তাদের আর খেয়াল নেই। বেহালার সাহায্যে অহুরূপ কয়েকটি পরীক্ষার পর আমি বুঝতে পারলাম, আমার সিদ্ধান্ত ভ্রান্ত নয়। মুছস্পন্দনবিশিষ্ট শব্দই সাপেরা শুনতে পায় এবং সেটা সম্ভব হয় যখন শব্দ ও সাপের মধ্যে একটি সুবিস্তৃত পরিবহন-ক্ষেত্র থাকে।

একবার এক বহু-বিজ্ঞাপিত বেতার সেটের প্রচার-বিভাগের কর্তা লণ্ডনের চিড়িয়াখানার সাপের ঘরে একটি চমকপ্রদ কোঁতুক (stunt) দেখাবার অহুমতি চাইলেন। ঘরের সিমেন্ট-করা মেঝের উপর একটি সূদৃশ বড় রেডিও গ্রামোফোন বসানো হ'ল, সাংবাদিক ও ক্যামেরাম্যানরা আমন্ত্রিত হ'লেন এবং যখন সমস্ত আয়োজন সম্পূর্ণ হ'ল তখন কয়েকটি কোব্রা এবং ছোট ছোট পাইথনকে সেটের কাছে রেখে এলাম। বেতার সেটওয়ালাদের উদ্দেশ্য ছিল তাদের যন্ত্রের উৎকর্ষ দেখানো—বাজনা শুনিয়ে সাপদের মুগ্ধ ক'রে। প্রথম বাজানো হ'ল একটি কনসার্ট—তারপর একজন ভারতীয় সাপুড়ের বাঁশীর রেকর্ড বাজতে সুরু করল। কোব্রা বা পাইথন বাঁশীর সুরে মোটেই আকৃষ্ট হ'ল না। মনে হ'ল যেন বাঁশীর শব্দ তাদের কানে আদৌ পৌঁছেছে না—খানিক পরে যখন একটি সাপকে উত্ত্যক্ত ক'রে ফণা ধরতে বাধ্য করা হ'ল তখনই কোনরকমে একখানি ফটো তোলা হ'ল সাধারণের সন্দেহ দূর করবার জন্ত। পরে যখন ঐ সাপগুলিকে একটি একটি ক'রে বেতার সেটের উপর রাখা হ'ল, তখন কিন্তু কয়েকটি বাজনার দিকে আকৃষ্ট হ'ল।

মাপ ধরবার সময় প্রায়ই আমি লক্ষ্য করেছি, খালি পায়ে গাইড্ সাপের যত নিকটে যেতে পারে, ভারী বৃত্ত পায়ে দিয়ে আমি তত নিকটে যেতে পারি না—অর্থাৎ সে বেশ চেষ্টা করে। আমার ডাক দিতে পারে সাপকে সচকিত না করে।

কিন্তু এটা কি ঠিক যে স্পন্দন (vibrations) সাপেরা শুনতে পার, অসাধারণ শক্তিসম্পন্ন কোন স্পর্শেদ্রিয় দ্বারা অনুভব করে না?

সম্পূর্ণ না হলেও প্রায় তাই বটে। সাপের স্পর্শানুভূতি ও স্নাতনাবোধ খুব কম এবং এ-কথা বলার কোন আবশ্যকতা নেই যে, শব্দতরঙ্গ (sound-waves) সে স্পর্শেদ্রিয় দ্বারা গ্রহণ করে, যখন বেশ বোঝা যায় তার দেহের অভ্যন্তরে এমন শ্রবণযন্ত্র (auditory mechanism) আছে যার শক্তি নিতান্ত কম নয়। এটা সত্য যে, বাইরে তার কোন কান নেই—স্পন্দন তার দেহের ভিতর দিয়ে তার ভিতরকার কানে (inner ear) গিয়ে পৌঁছয় আর তার দেহটা হচ্ছে একটি স্থিতিস্থাপকতাসম্পন্ন মাধ্যম (elastic medium) বিশেষ—যা উচ্চতর শব্দগ্রামকে মন্দীভূত করে।

সাপের পূর্বপুরুষদের অবশ্য দেহের বহির্ভাগেই শ্রবণেদ্রিয় ছিল এবং তারা শুনতে পেত অস্ত্র প্রাণীর মতো। যখন ও যে কারণে তারা পা হারিয়েছিল ঠিক সেই সময় ও সেই কারণেই তারা কান হারায়। অবস্থার চাপে তাদের মাটির নীচে আশ্রয় নিতে হয়—তাতে পা তাদের আবশ্যিক বোঝা হয়ে ওঠে আর কানের গহ্বর অনবরত বুজে যায়। বালি ও মাটিতে। সাপের চোখের উপরে যে একটা স্বচ্ছ আবরণ আছে তাও তার চোখকে ধূলা মাটি থেকে রক্ষা করার জন্য প্রকৃতির দান।

এ সমস্ত অনুমান মাত্র নয়। পেরুর মরুময় প্রদেশে ঐরকম অস্ত্রবিধার ফলে গিরগিটির দেহেও অদ্ভুত পরিবর্তন লক্ষ্য করেছিলাম। তার কানের গহ্বরের সামনে একটি ক্ষুদ্র দন্তবিশিষ্ট ঝালর (denticulated fringe) আছে এবং তার চোখের পাতায় ছোট ছোট স্বচ্ছ ছিদ্র আছে যাতে করে চোখ বুজলেও সে ঐ ছিদ্রগুলির ভিতর দিয়ে খানিকটা দেখতে পায়। শত্রুর হাত থেকে আত্মরক্ষা করার জন্য সে নরম বালির মধ্যে ঢুকে পড়ে এবং যতক্ষণ না শত্রু প্রস্থান করে ততক্ষণ সে লুকিয়ে থাকে বালির

ভিতরেই। আত্মরক্ষার এই কৌশল অবলম্বন করার ফলে তার চোখ ও কান বালুকণায় নষ্ট হয়ে যেত যদি প্রকৃতি তাকে সাহায্য না করতো ঐ ছোট ইন্দ্রিয়কে রক্ষা করতে। ওদের অন্তর্ধানের এই কৌশল জানবার আগে অনেক সময় আমি লক্ষ্য করেছি, ওরা হঠাৎ কোথায় অদৃশ্য হয়ে যায়, কিন্তু যখন এই কৌশল আমি টের পেলাম তখন গিরগিটির পায়ের ছাপ যেখানে মিলিয়ে গেছে সেইখানকার খানিকটা বালি তুলে ফেলে অন্যায়সে ঐ ক্ষুদ্র ঝালরকে ধরে ফেলেছি।

মারো মারো এমন কথাও অনেককে বলতে শুনেছি যে, সাপেরা শোনে জিভের সাহায্যে। কিন্তু এ-কথার তাৎপর্য তেমন বুঝি না। হয়তো একথার অর্থ এই যে, শব্দতরঙ্গ তাদের মস্তিষ্কে পৌঁছয় স্বাদগ্রাহী স্নায়ুর (nerves of taste) ভিতর দিয়ে—কান অথবা শ্রাবণী স্নায়ুর (auditory nerves) সাহায্যে নয়। অথবা তাঁরা হয়তো বলতে চান, সাপের জিভ স্পর্শানুভূতিসম্পন্ন ষ্টেথোস্কোপের মতো। কিন্তু আমার মনে হয়, সাপের জিভ শব্দ-পরিবহনের (sound conduction) বিশেষ উপযোগী নয় এবং যে-বোধ কানের সাহায্য ব্যতিরেকে শুধু জিভের দ্বারাই পরিবাহিত থাকে ‘শ্রবণ’ আখ্যা দেওয়া চলে না।

তথাপি জিভ সাপের কী প্রয়োজনে আসে—এ একটি সমস্যা এবং এ সম্বন্ধে পরীক্ষা করা আবশ্যিক।

প্রথমে সাপের খাঁচা থেকে তিন-চার গজ দূরে, আমি গোপনে ভ্যালেরিয়ান তৈলের একটি বোতলের ছিপি খুললাম এবং ফল কি হয় দেখবার জন্য অপেক্ষা করতে লাগলাম। এক মিনিটের মধ্যেই সাপটি সজাগ হয়ে উঠল এবং জিভ বার করতে শুরু করল। নতুন খাঁচায় সাপকে স্থানান্তরিত করলে সে অনবরত জিভ দিয়ে সব কিছু স্পর্শ করে তার নতুন পরিবেষ্টনীর সম্বন্ধে অভিজ্ঞতা সঞ্চয় করতে, কিন্তু এখন সে কিছুই স্পর্শ করলে না। নাসিকা তাকে যে খবর দিয়েছে সে হয়তো সেই খবরটা ভালো করে জানতে চায় জিভের সাহায্যে।

এর পর আমি সাপের জিভ পাতলা কয়েকটি খণ্ড বিভক্ত করে অণুবীক্ষণ যন্ত্রের সাহায্যে পরীক্ষা করে দেখলাম, ওর মধ্যে ক্ষুদ্র ক্ষুদ্র অর্গ্যান আছে যা দেখতে স্বাদ-কোরকের (taste-buds) মতো। ঐগুলি আমি দেখলাম আমার

এক সহকর্মীকে যিনি আমার চেয়ে দক্ষ হিস্টোলজিষ্ট (স্থলশারীরদর্শী)।

সহকর্মী বললেন, “হাঁ, ঐগুলি স্বাদ-কোরকই বটে।”

আমি তখন তাঁকে সঙ্গে করে সাপের ঘরে এনে ভোজনরত একটি সাপকে দেখালাম। সাপটি খাচ্ছে বটে, কিন্তু জিভ সে সময়ে লুকিয়ে রেখেছে একটি খাপের মধ্যে—খাবার সময় যাতে কোন অনিষ্ট না হয় জিভের। খাওয়ার সঙ্গে জিভের সংস্পর্শ ঘটছে না মোটেই এবং মনে হচ্ছে খাওয়ার তৃপ্তি পাওয়া দূরের কথা, সাপটি যেন একটা নিদারুণ যন্ত্রণা অনুভব করছে।

স্বাদ-কোরক তবে সাপের কী প্রয়োজনে আসে—এই মনে ভাবি।

সাপের ঘরে আটটি সাপের বাচ্চা ছিল। তারা নিমিত্ত আহার করত স্বচ্ছন্দে। আমি তাদের নিয়ে এলাম আমার পরীক্ষাগারে। চারটির মুখ আস্তে আস্তে ফাঁক করে কুইনিন অভ সালফেট ছিটিয়ে দিলাম, তারপর আমি আটটি সাপকেই তাদের সাপ্তাহিক খাদ্য—ব্যাঙ—পরিবেশন করলাম। আধ ঘণ্টার মধ্যেই প্রত্যেকটি সাপই আমার সমাপ্ত করলে। কুইনিনের তিক্ত আন্বাদ—যা চারটি সাপের উপলব্ধি করা উচিত ছিল—তাদের ক্ষুধা নষ্ট করতে পারেনি—এমন কি, তারা যে ঐ স্বাদটি পেয়েছিল তারও কোন লক্ষণ দেখা গেল না।

এক সপ্তাহ পরে, আমি পুনরায় ঐ পরীক্ষাটি করলাম, কিন্তু এবার কুইনিন না দিয়ে কয়েক ফোঁটা দারুচিনির জল (cinnamon water) প্রয়োগ করলাম। এবার যে সাপগুলিকে দারুচিনির জল দেওয়া হয় নি (এদের দূরে পৃথক একটি খাঁচায় রাখা হয়েছিল) তারা পূর্বের মতোই আহার করতে লাগল, কিন্তু যাদের মুখে দারুচিনির জল ছিটিয়ে দেওয়া হয়েছে তারা আর ব্যাঙ খেলে না—মারাদিন উপবাসী থাকার পরও।

কুইনিন—যার তিক্ত আন্বাদ আছে, কিন্তু গন্ধ নেই—সাপের অনুভূতির বাইরে, কিন্তু দারুচিনি—যার আন্বাদ ও গন্ধ দুই-ই আছে—সাপের আহারের স্পৃহাকে নষ্ট করে।

আর একবার একটি পরীক্ষায় সাপের শ্রবণশক্তির পরিচয় পেয়েছিলাম। চিড়িয়াখানার বড় বড় সাপগুলি

যাতে তাদের ঘরে সিমেন্ট-করা মেঝের উপরেই বাচ্চা পাড়তে পারে—সেজন্তে আমি শুকনো ব্র্যাকেন (এক জাতীয় ফার্ন) মেঝের উপর ছড়িয়ে দিতে বললাম। ব্র্যাকেন দেখতে খড়ের চেয়ে সুন্দর, কিন্তু এর একটা গন্ধ আছে, যদিও তা বিরক্তিকর নয়। এই নতুন গন্ধটি ঘরে ছড়িয়ে পড়ার পর কোনো সাপই ছয় সপ্তাহ আহার করলে না।

সাপের ইন্দ্রিয় সম্বন্ধে আমরা যা জেনেছি তার সংক্ষিপ্ত বিবরণ এই : মাটিতে অবস্থানকালে তাদের দৃষ্টির সীমা সক্ষীর্ণ, কারণ সামান্য একগাছি তৃণও তাদের দৃষ্টি ব্যাহত করে এবং খোলস ছাড়ার আগে কয়েকটি দিন তারা মোটেই দেখতে পায় না। তাদের শ্রবণশক্তি পরিবাহিত শব্দের একটি সক্ষীর্ণ সীমার মধ্যে আবদ্ধ—অবশ্য মাল্লখের কান যে স্তরের শব্দ শুনতে পায় তার চেয়ে নিম্নস্তরের শব্দ তারা শুনতে পায় না—এটা যদি ধরে নেওয়া যায়। স্বাদ-গ্রহণের শক্তি তাদের আছে কি-না জানা যায় না, তবে থাকলেও ঐ শক্তির ব্যবহার তারা সম্ভবত করে না। তাদের স্পর্শবোধ এত কম যে, তাদের গায়ে ইঁহর কামড়ালেও তারা বুঝতে পারে না। তাদের একমাত্র বিশিষ্ট ইন্দ্রিয় যার সম্বন্ধে আমরা কিছু জানি এবং যার শক্তি কতকটা উপলব্ধি করতে পারি, সেটি হচ্ছে তাদের স্পর্শেদ্রিয়।

এটা মনে করা অসঙ্গত নয় যে, সাপেদের অস্ত্র কোনো উপায় আছে যার সাহায্যে তারা বহির্জগতের পরিচয় পেতে পারে—কারণ এত কম শক্তিসামর্থ্য নিয়ে কোন জীবই বাঁচতে পারে না। যদি তাদের এমন কোন ইন্দ্রিয় থাকে বা আমাদের নেই, তবে তা কোন দিনই আমরা হয়তো বুঝতে পারব না—অন্ধ যেমন বুঝতে পারে না রঙের বৈচিত্র্য। তবু যখন আমরা সাপকে জিভ বার করতে দেখি তখন এটা বেশ বুঝতে পারি যে, সে নিশ্চয়ই আমাদের ভেঙে কাটছে না জিভ বার করে, অশিষ্ট ছেলেরা যেমন করে। এ চিন্তা স্বতই আমাদের মনে জাগে, ঐ জিভের মধ্যে নিশ্চয়ই কোন গোপন শক্তির রহস্য লুকানো আছে।

কখনো কখনো মনে প্রশ্ন জাগে, ওদের কি ভাঙিত শক্তিসম্পন্ন কোন ইন্দ্রিয় (electrical sense) আছে?

সেটা কি জিভের তীক্ষ্ণ অগ্রভাগ ছটিকে কেন্দ্রস্থল (focus) রূপে ব্যবহার করে অল্পভূত বস্তুর দূরত্ব নির্ণয়ে সাপকে সাহায্য করে ?

* অনুবাদক—শ্রীহৃদাংশুকুমার গুপ্ত, এম-এ।

শ্রীক্ষেত্রনাথ রায়ের সর্প প্রবন্ধের সর্পের শ্রবণশক্তি সম্বন্ধে বাদ-প্রতিবাদ হয়। প্রতিবাদের উত্তরে প্রবন্ধলেখক বিভিন্ন বৈজ্ঞানিক-দের লিখিত মত উল্লেখ করিয়া দেখান যে সর্প বুঝিতে পারে। বর্ষার হারকোট বাটলার ইনস্টিটিউটের অধ্যক্ষ ডাক্তার কামাখ্যাপ্রসাদ কুণ্ডু বিলাতের বিখ্যাত প্রাণীতত্ত্ববিদ ডাক্তার বার্জেস্ বার্নেটকে সর্প

কিন্তু এখানেই আমার নিরস্ত হওয়া উচিত। আশা করি, একদিন হয় তো আমার চেয়ে শক্তিশালী কোনো বৈজ্ঞানিক ঐ প্রশ্নের সমাধান করবেন।*

বধির কি-না ঐ বিষয়ে তাঁহার মতামত জানাইতে অনুরোধ করিয়া পত্র লেখেন। ডাক্তার কুণ্ডুরও ধারণা সর্পের বহির্ভাগে কোন শ্রবণযন্ত্র না থাকিলেও ইহাদের bony ear আছে। ডাক্তার বার্নেটের লিখিত প্রবন্ধের অনুবাদ প্রকাশ করিলাম। সর্প সম্বন্ধে ডাক্তার বার্নেটের অভিজ্ঞতা বিধিবিধ্যাত।

—সম্পাদক

বৈরাগ্য

শ্রীকালিদাস রায়

দেশে দেশে যুগে যুগে করেছেন ঘোষণা প্রচার
বৈরাগ্যের মহাবাণী,—বলেছেন ‘সংসার অসার’,
যত ধর্মগুরুগণ। সন্ন্যাসের মহিমা কীর্তন,
করিয়াছে কত শাস্ত্র। কত জন সমগ্র জীবন
বৈরাগ্যসাধনে রত। সাহিত্যেরও শেষ অর্থখানি
মহাপ্রস্থানের পথে ক’রে যায় বৈরাগ্যের বাণী ;—
শুনিয়াছি বহুবার। জরা আর্তি ব্যাধির চীৎকার,
মৃত্যুর হুঙ্কার-ধ্বনি—শোকাক্তের ক্ষুধা হাহাকার
শুনিয়াছি। মর্মে কই পাইনি ত বৈরাগ্যের সাড়া !
সংসার-সংগ্রামে ভীক, শক্তিহীন পলাতক যারা
তারাই বৈরাগী হয়,—বার বার হইয়াছে মনে।

দেহে মনে শক্তি যত ক’মে আসে আজি ক্ষণে ক্ষণে
মনে হয়—মিথ্যা নয়, ভ্রান্ত নয় বৈরাগ্যের বাণী,
বৈরাগ্য সহজ ধর্ম। আজি তারে মর্মে মর্মে জানি,
মানি তারে সত্য বলি’। বাহিরের কোন উদ্দীপনা,
প্রেরণা দেয়নি বলি’ নহে তাহা অলীক কল্পনা।
যে উৎসে জনমে রাগ সে উৎসেই বিরাগও জনমে,
সর্ব রস শাস্ত্ররসে পরিণত হয় ক্রমে ক্রমে
উষ্ণ বাষ্পে পরিণত গ্রীষ্মে যথা বাসন্ত স্বপ্ন,
ইহাই জীবন-ধর্ম। দাবানলে দগ্ধ যবে বন

বিহঙ্গ ত্যজিয়া নীড় উড়ে যায় দূর নীলাকাশে,
পাথারে ঘরের চাল নৌকা হ’য়ে দরিয়ায় ভাসে,
একান্ত স্বভাবধর্মের। দিন শেষ হ’য়ে আসে যত
দেখি এ মনের রঙ হইয়াছে গেরুয়ার মত,
দেহে মনে মিল নাই। মন মোর মাগিছে বিদায়
দেহ বলে ‘শিরে তুমি সাধ ক’রে নিয়েছ কি দায়
ভেবেছ তা ? সে দায়িত্ব ফেলে আজ কোথা
যাবে চ’লে ?’

মনে হয় এ সংসারে নিতান্তই খেলা পাতি ব’লে,
তবু তাহাতেই মাতি—মাঝে মাঝে পড়ে দীর্ঘশ্বাস,
স্বপ্ন ব’লে মনে হয় জীবনের উৎসব-উল্লাস।
টানিয়া চলিতে হয় নিত্য কর্মপদ্ধতির ধারা,
ভুল হয় পদে পদে, লুকাইয়া তপ্ত অশ্রুধারা
সকলি সাধিতে হয়, পদে পদে ঘটে অপরাধ,
তুচ্ছ নিয়ে মারামারি, কাড়াকাড়ি বাদ-বিসংবাদ
দেষ, দস্ত, স্ততি; নিন্দা—এ সকলে আজি হাসি পায়,
সকলের কাছে মন কুতাজলি যেন ক্ষমা চায়।

দেহ জীর্ণ হ’য়ে আসে তবু আজো সে ঘোর সংসারী,
গোপনে গোপনে মন গুটাইছে তার পাততাড়ি।
কড়িতে ভরিতে থলি দেহ মোর শ্রমে মুহমান,
নিভুতে পারের কড়ি মন মোর করিছে সন্ধান।

মহামহোপাধ্যায় শিবচন্দ্র সার্বভৌম

শ্রীহরপ্রসাদ ভট্টাচার্য

অপ্রিয় হইলেও ইহা অস্বীকার করা যায় না যে, ইংরেজী-শিক্ষিতগণ ব্রাহ্মণ-পণ্ডিত সম্প্রদায়কে কোন দিনই শ্রদ্ধার সহিত স্বীকার করেন নাই। অবশ্য ইহা সত্য যে, কোন কোন বিশিষ্ট ইংরেজী-শিক্ষিতও পণ্ডিত ব্রাহ্মণকে সম্মত ও শ্রদ্ধার অকুণ্ঠ-অকুপণ ভক্তি-অর্ঘ্য নিবেদন করিয়াছেন কিন্তু তাহা সর্বক্ষেত্রেই যেমন ব্যতিক্রম আছে—সেই ব্যতিক্রম মাত্র। এই কথা বিশেষ করিয়া মনে রাখিতে হইবে যে, এখানে আমরা ‘বামুনপণ্ডিত’-এর কথা বলিতেছি না, বন্ধিমচন্দ্রের ভাষায় “ব্রাহ্মণ এবং পণ্ডিত”এর কথাই বলিতেছি।

আমরা যে ইউরোপকে ডাকিয়া বলি—তোমরা যখন অসভ্য বর্বর অবস্থায় বনে বনে মৃগয়া করিয়া বেড়াইতে, তখন আমরা এই হিন্দুজাতি সভ্যতার আলোকে দশ দিক উদ্ভাসিত করিয়াছিলাম ; প্রমাণ—আমাদের বেদ, পুরাণ, উপনিষদ, মন্ত্র, যাজ্ঞবল্ক্য ও জ্যোতিষ ; প্রমাণ—আমাদের বৃহদর্শন, ব্যাকরণ, আয়ুর্বেদ, অর্থশাস্ত্র, কাব্য ও নাটক। কিন্তু আমাদের সভ্যতার প্রমাণ-নিদর্শনস্বরূপ এই সকল গ্রন্থের উল্লেখ করিবার সময় আমরা কি একবারও মনে করি, এই গ্রন্থসমুদয় কাহাদের চিন্তায় ও সাধনায় রচিত হইয়াছে ? শুধু রচনা নহে, সহস্র সহস্র বৎসর ধরিয়া অগণিত বৈদেশিক আক্রমণ এবং রাষ্ট্রবিপ্লবের মাঝেও কাহারা উহা রক্ষা করিয়া আসিয়াছে—কাহারা উহার চর্চা রাখিয়াছিল বলিয়া আজ আমরা উহার অর্থ অল্পধারন করিতে সমর্থ হইতেছি—জগৎসভায় আপনাদিগকে সভ্য বলিয়া পরিচয় দিতে পারিয়াছি !

আমেরিকার চিকাগো নগরীতে অল্পশ্রিত বিশ্ব-ধর্ম মহাসভায় অনাহৃত বিবেকানন্দ বেদিন হিন্দুধর্মের প্রতিনিধি রূপে উপস্থিত হইয়া তাঁহার সেধ-মজ্জিত কণ্ঠে হিন্দুধর্মের মর্মকথা বিবোধণা করিলেন এবং যাহা শুনিয়া খৃষ্টধর্মের প্রতিনিধিগণকে স্বীকার করিতে হইয়াছিল—“It is foolish to send missioneries in India.” বিবেকানন্দের সেই বাণী যে ভারতে পণ্ডিত ব্রাহ্মণেরই

জ্ঞান-তপশ্চাজাত বেদান্ত-দর্শনের মূল সূত্র মাত্র, একথা কি আমরা একবারও ভাবিয়া দেখিব না—এই ঐতিহাসিক সত্যকে একেবারে অস্বীকার করিব !

অন্য কিছুই জন্ম না হউক—সহস্র সহস্র বৎসরের পরপদানত জাতি আমরা, বাঁহাদের সাধনার উত্তরাধিকার-সূত্রে আজ বিশ্বের বিবুধ-সমাজে আপনাদিগকে সভ্য বলিয়া পরিচয় দিতে সমর্থ হইয়াছি, অন্তত তাহার জন্মও প্রাচীন হিন্দু-সভ্যতার স্রষ্টা, ধারক ও বাহক এই “ব্রাহ্মণ এবং পণ্ডিত”সম্প্রদায়ের প্রতি কৃতজ্ঞতার নিদর্শনস্বরূপ যদি শ্রদ্ধা প্রদর্শন করি তবে তাহা যে একটুও অহেতুকী হইবে না—ইহা নিঃসন্দেহে বলা যাইতে পারে।

এখানে আজ আমরা যে মহাপুরুষের প্রসঙ্গ আলোচনা করিব, সেই অদ্বিতীয় নৈয়ায়িক মহামহোপাধ্যায় শিবচন্দ্র সার্বভৌম বর্তমানযুগে প্রাচীন হিন্দু-সভ্যতার একজন শ্রেষ্ঠ ধারক ও বাহক, প্রকৃত “ব্রাহ্মণ এবং পণ্ডিত” ছিলেন।

১২৫৪ বঙ্গাব্দের ফাল্গুন মাসে মহামহোপাধ্যায় শিবচন্দ্র সার্বভৌম ভট্টপল্লীর প্রসিদ্ধ বশিষ্ঠ-ব্রাহ্মণবংশে জন্মগ্রহণ করেন। শিবরাত্রির দিন জন্ম বলিয়া তাঁহার নাম হইয়াছিল শিবচন্দ্র। শিবচন্দ্রকে সম্যক জানিতে হইলে যে বংশে তিনি জন্মগ্রহণ করিয়াছিলেন তাহার কিঞ্চিৎ পরিচয়ের আবশ্যক ; কারণ মানব-জীবনে বংশের প্রভাব (influence of heredity) বিজ্ঞান-স্বীকৃত অবিসংহাদিত সিদ্ধান্ত।

ভট্টপল্লীর যে বশিষ্ঠ-বংশে শিবচন্দ্র জন্মগ্রহণ করিয়া-ছিলেন, সেই বংশ অন্যান্য চারিশত বর্ষ ধরিয়া তাঁহাদের আচারনিষ্ঠাপূত ব্রাহ্মণ্যে, অত্যুজ্জ্বল পাণ্ডিত্য গৌরবে, অসাধারণ ত্যাগ, নিলোভতা ও তেজস্বিতায় সমগ্র বঙ্গের হিন্দু-সমাজে সর্বশ্রেষ্ঠ সম্মান ও শ্রদ্ধার আসন অধিকার করিয়া আছেন। এই বংশের সর্বতোমুখী অসামান্যতায় আকৃষ্ট ও মুগ্ধ হইয়া প্রায় অর্দ্ধবঙ্গের ব্রাহ্মণপরিবার (১)

(১) ভট্টপল্লীর পাশ্চাত্য-বৈদিকশ্রেণীর এই বশিষ্ঠ-ব্রাহ্মণবংশ অশুদ্ধপ্রতিগ্রাহী।

ভূম্মাগী ও রাজকুল ইহাদিগকে আপন দীক্ষা ও শিক্ষাগুরুরূপে বরণ করিয়া আসিতেছেন। অত্যাধি এই বংশে কুশাগ্রবুদ্ধি নৈয়ায়িক, ব্যাকরণবিদ, আলঙ্কারিক, কবি ও শাব্দিক, ধর্মশাস্ত্রাধ্যাপক, তন্ত্রশাস্ত্রপ্রবীণ, জ্যোতিষশাস্ত্রবিশারদ বহু মণীষী এবং কাব্য, নাটক ও ধর্মসংগ্রহাদি গ্রন্থের প্রণেতা সংস্কৃতভাবাবুৎপন্ন কেশরী বহুকোবিদ জন্মগ্রহণ করিয়াছেন। বঙ্গ সংস্কৃতশিক্ষার অপ্রতিদ্বন্দ্বী প্রাচীনতম কেন্দ্র নবদ্বীপকেও একদা এই ভট্টপল্লীর পাণ্ডিত্য-গৌরবদীপ্তির নিকট নিস্ত্রভ হইতে হইয়াছিল।

প্রসিদ্ধ বিদ্বান্ রমাবান্দি সমগ্র ভারতবর্ষ পরিভ্রমণ করিয়া একদিন এই ভট্টপল্লীতেই শাস্ত্রপ্রসঙ্গের সছতর পাইয়াছিলেন। প্রায় সত্তর বৎসর পূর্বে ৭দয়ানন্দ সরস্বতী যখন দিগ্বিজয়ী হইয়া পণ্ডিতগণকে শাস্ত্রবিচারে সর্বত্র অপ্রতিভ করিতেছিলেন, তখন একদিন বর্দ্ধমান-মহারাজাহুত বিচার-সভায় এই বংশের অন্ততম উজ্জলরত্ন ৩তারাচরণ তর্করত্নই (২) বিজয় পতাকা লইয়া বঙ্গের গৌরব বুদ্ধি করিয়াছিলেন। শুধু বর্দ্ধমানে নহে, চুঁচুড়ায় ৩ভূদেব মুখোপাধ্যায় মহাশয়ের উদ্যোগে ঐ দয়ানন্দ সরস্বতীর সহিত আবার একবার সাকার নিরাকার বিষয় লইয়া বিচার হয়, সেখানেও এই তারাচরণই জয়ী হইলেন; দয়ানন্দ নিরাকার সমর্থন করিতে পারেন নাই। ভট্টপল্লী হইতে এই বংশের প্রায় পঁচাত্তর জন সংস্কৃতবুৎপন্নকেশরী উক্ত বিচার-সভায় তারাচরণের সহিত গমন করেন।

শিবচন্দ্রের পিতা রঘুমণি বিদ্যাভূষণ একজন আজন্মশুদ্ধ পুতচরিত্র সর্বশাস্ত্রজ্ঞ ব্রাহ্মণ ছিলেন। জ্ঞানে কখন কোনও অত্যাগ করেন নাই ও মিথ্যা বলেন নাই বলিয়া ইহার এমনই সূদৃঢ় আত্মপ্রত্যয় ছিল যে, তাঁহার চান্দ্রায়ণ করাইবার সময় সংকল্পবাক্যে “জ্ঞানকৃত পাণ্ডক্যকাম” এই শব্দ উচ্চারণ করিতে তিনি দ্বিধাবোধ করিয়াছিলেন।


শিবচন্দ্রের খুল্লতা জয়রাম ঞায়ভূষণ একজন দেশ-প্রসিদ্ধ পণ্ডিত ছিলেন। তাঁহার সময়ে ভট্টপল্লীতে ব্যাকরণের চতুষ্পাঠি বিরল হওয়ায় স্বজনগণের অনুরোধে এই তীক্ষ্ণদী নৈয়ায়িক ব্যাকরণের অধ্যাপনায় আত্ম-নিয়োগ করেন। কাব্য ও অলঙ্কারশাস্ত্রেও ইহার বিশিষ্ট

(২) মহামহোপাধ্যায় শ্রীপ্রমথনাথ তর্কভূষণ মহাশয়ের পিতা।

বুৎপত্তি ছিল। ৩সঞ্জীবচন্দ্র চট্টোপাধ্যায়, সাহিত্য-সম্রাট বঙ্কিমচন্দ্র ও মহামহোপাধ্যায় হরপ্রসাদ শাস্ত্রী প্রমুখ মণীষিগণ এই ঞায়ভূষণ মহাশয়ের নিকট আসিয়াই ব্যাকরণ ও কাব্য অধ্যয়ন করিতেন। শিবচন্দ্রেরও প্রথম পাঠারম্ভ হয় তাঁহার খুল্লতা জয়রাম ঞায়ভূষণ মহাশয়ের চতুষ্পাঠিতে। উত্তরকালে শিবচন্দ্র যে একজন ভারত বিখ্যাত নৈয়ায়িক হইয়াছিলেন তাহার পূর্বাভাষ তাঁহার ছাত্রজীবনের স্মৃচনাতেই স্পষ্টবিকৃত হয়।

বাল্যকাল হইতেই ইহার অত্যন্ত মেধা ও তীক্ষ্ণবুদ্ধি অধ্যাপকবর্গকে বিস্মিত ও আকৃষ্ট করে। অতুলনীয় দার্শনিক প্রতিভার সহিত ইহার আজন্মসিদ্ধ কবি-প্রতিভা ছিল। মাত্র ষোড়শ বর্ষ বয়ঃক্রমকালে “পাণ্ডবচরিত” নামক ইনি এক অপূর্ব সংস্কৃত নাটক রচনা করেন। পরবর্ত্তীকালে এই “পাণ্ডবচরিত” নাটক মুদ্রিত হয় ও তাহা বিদ্ব-সমাজে বিশেষ খ্যাতি লাভ করে।

মাত্র আট-নয় বৎসর বয়স হইতেই মুখে মুখে স্মৃচনিত সংস্কৃত শ্লোক রচনায় ইহার অননুসাধারণ দক্ষতা স্পষ্টভাবে বিস্ময় সঞ্চার করে। কথিত আছে শিবচন্দ্রের বয়স ষোল্ল-দশ-এগার বৎসর তখন তিনি রথযাত্রা উপলক্ষে গিয়া সহিত সাহিত্য-সম্রাট বঙ্কিমচন্দ্রের পৈতৃক বাসভবনে উপস্থিত হইলে বঙ্কিমচন্দ্র বিদ্যাভূষণ মহাশয়কে প্রণামানন্তর শিবচন্দ্রের সম্বন্ধে প্রশ্ন করিয়া জানিতে পারেন যে, ছেলেটি বিদ্যাভূষণ মহাশয়ের দ্বিতীয় পুত্র এবং বিশেষ কবিত্বশক্তি সম্পন্ন বঙ্কিমচন্দ্রের অনুরোধে এবং বিদ্যাভূষণ মহাশয়ের আদেশে বালক শিবচন্দ্র সেইখানে দণ্ডায়মান অবস্থাতেই মুখে মুখে কতিপয় সংস্কৃত শ্লোক রচনা করিয়া বঙ্কিমচন্দ্রকে শুনিয়া ইহাতে বঙ্কিমচন্দ্র অপূর্ব বিস্ময় অনুভব করেন ও শিবচন্দ্রের ভূয়সী প্রশংসা করেন। অতঃপর বঙ্কিমচন্দ্র বিদ্যাভূষণ মহাশয়কে জিজ্ঞাসা করেন যে, ছেলেটিকে তিনি যে শাস্ত্র অধ্যয়ন করাইতে মনস্থ করিয়াছেন। বিদ্যাভূষণ মহাশয় শিবচন্দ্রকে ঞায়শাস্ত্র পড়াইবার ইচ্ছা প্রকাশ করিয়া উত্তরে বঙ্কিমচন্দ্র বলেন যে, ঞায়শাস্ত্রের নীরন্ধ স্মৃতির সহিত ছেলেটির কবি-প্রতিভা স্বাভাবিক বিকাশলাভে বাধা হইবে। বাহা হউক, উত্তরকালে যদিও শিবচন্দ্র ঞায়শাস্ত্রের অধ্যয়ন ও অধ্যাপনায় উৎসাহিত হইয়াছিলেন, তথাপি অবসর সময়ে তিনি যে



জন্ম—ফাল্গুন, ১২৫৪ সাল

মহামহোপাধ্যায় শিবচন্দ্র সার্বভৌম

মৃত্যু—২রা পৌষ, ১৩২৬ সাল

প্রতিভার পরিচয় দিয়া গিয়াছেন তাহাতে ইহা নিঃসন্দেহে বলা যাইতে পারে যে, শ্রায়শাস্ত্রের অধ্যয়ন ও অধ্যাপনা-রূপে অনবসর তাঁহার কাব্য-প্রণয়ন-পথের অন্তরায় হইবে অস্ত্রনিহিত তাঁহার কবি-প্রতিভাকে বিন্দুমাত্রও ক্রম করিতে পারে নাই।

সাক্ষর অধ্যয়ন সমাপ্ত করিয়া শিবচন্দ্র তাঁহার পিতা বিদ্যা-রূপ মহাশয়ের নিকট শ্রায়শাস্ত্র পড়িতে আরম্ভ করেন এবং পরে এই বংশেরই উজ্জ্বলতম রত্ন ভারতজয়ী পণ্ডিত মহামহোপাধ্যায় ৩রাখালদাস শ্রায়রত্নের নিকট সমগ্র শ্রায়শাস্ত্র অধ্যয়ন করেন।

ইহা পর আপন গৃহ-সংলগ্ন চণ্ডীমণ্ডপে শ্রায়ের চতুষ্পাঠী শ্রায়শাস্ত্র অধ্যাপনা আরম্ভ করিয়া দেন। ইতিমধ্যেই তাঁহার সাপ্তিক-খ্যাতি চতুর্দিকে পরিব্যাপ্ত হওয়ায় নানা শিষ্যের হইতে অসংখ্য ছাত্র আসিয়া তাঁহার চতুষ্পাঠিতে অধ্যয়ন করিতে লাগিল। শিবচন্দ্রও বিপুল উচ্চমে অধ্যাপনা করিতে লাগিলেন; কিন্তু দরিদ্র ব্রাহ্মণ-পণ্ডিত তিনি, এতগুলি ছাত্রের ভরণপোষণের চিন্তা তাঁহাকে একেবারে আকুল করিয়া তুলিল। এই সময় তাঁহার এমন অনেক দিন গিয়াছে যে গৃহে তথুলের কণামাত্র নাই, তখন নিরুপায় শিবচন্দ্র পণ্ডিত-বিদায়ের পিতল কাঁসার তৈজস বিক্রয় করিয়া ভরণপোষণের আহ্বারের ব্যবস্থা করিয়াছেন। মাঝে মাঝে এমনও হইত যে, ছাত্রগণের আহ্বারের পর কিছুই অবশিষ্ট থাকিত না, তখন সস্ত্রীক শিবচন্দ্র ভাতের ফেন জ্বালাইয়া করিয়াই দিন যাপন করিয়াছেন।

তাঁহার এইরূপ চরম ছরবছার দিনে প্রসিদ্ধ পণ্ডিত মহামহোপাধ্যায় শ্রায়রত্ন মহাশয় আসিয়া তাঁহাকে বলেন যে, শ্রায়শাস্ত্র সংস্কৃত কলেজে অধ্যাপকের পদ খালি হইয়াছে—আপনি আবেদন করুন। শিবচন্দ্র চাকুরী গ্রহণে তাঁহার অসম্মতি জানান; কিন্তু শ্রায়রত্নের ঐকান্তিক আগ্রহ অকমবেশে তিনি দ্বিধাগ্রস্তচিত্তে শ্রায়রত্ন মহাশয় লিখিত আবেদনপত্রের নিম্নে আপন নাম স্বাক্ষর করেন। কয়েক দিন পরে আবেদন-পত্র যখন নামঞ্জুর হইয়া ফিরিয়া আসিল তখন শিবচন্দ্র অত্যন্ত উল্লসিত চিত্তে গ্রামের সকলকে বিদ্যা ডাকিয়া তাহা দেখাইয়া বলিয়াছিলেন—“বাক্ কিয়া গিয়াছি—আমাকে চাকুরী করিতে হইবে না।” চাকুরী গ্রহণ তাঁহার নিকট এতই ক্ষোভের কারণ ছিল।

অবশ্য কয়েক বৎসর পরে তাঁহার চরমতম ছুদ্দিনে ঐ মূল্যজোড় কলেজেরই কর্তৃপক্ষগণ স্বতঃপ্রবৃত্ত হইয়া তাঁহাকে ঐ অধ্যাপকের পদ প্রদান করেন ও জীবনের শেষদিন পর্যন্ত শিবচন্দ্র সেই পদেই অধিষ্ঠিত ছিলেন।

বর্তমান যুগে তাঁহার মত ছাত্র-সম্পদ-সৌভাগ্য এই দেশের কোনও নৈয়ায়িক অধ্যাপকের ভাগ্যেই ঘটে নাই। এখনও বাঙ্গলা দেশে শ্রায়ের এমন চতুষ্পাঠী নাই বলিলেই চলে, যেখানে তাঁহার ছাত্র বা ছাত্রদ্বারা শ্রায়ের অধ্যাপনায় ব্রতী নহেন। শুধু বঙ্গদেশেই নহে, সূদূর উড়িষ্যা, মিথিলা, বৃন্দাবন ও পাঞ্জাব হইতেও বহু ছাত্র আসিয়া তাঁহার নিকট শ্রায়শাস্ত্র অধ্যয়ন করিয়া গিয়াছেন। ইহাদের মধ্যে বিশ্বনাথ ঝা, উমেশ মিশ্র প্রভৃতি পণ্ডিতগণের নাম বিশেষভাবে উল্লেখযোগ্য।

কেবলমাত্র সংখ্যাধিক্যই যে তাঁহার ছাত্র-সম্পদ-সৌভাগ্যকে বিশিষ্টতা দান করিয়াছিল তাহা নহে—অত কৃতী ছাত্রের অধ্যাপকতা-সৌভাগ্যও অপর কোন নৈয়ায়িকের জীবনে দেখা যায় নাই। তাঁহার কৃতী ছাত্রগণের মধ্যে—পূজ্যপাদ মহামহোপাধ্যায় শ্রীপঞ্চানন তর্করত্ন ও বর্তমানে এই বংশের সর্বোজ্জ্বল রত্ন মহামহোপাধ্যায় শ্রীপ্রমথনাথ তর্কভূষণ, মহামহোপাধ্যায় ৩শ্বরচরণ তর্কদর্শন-তীর্থ, মহামহোপাধ্যায় শ্রীপার্বতীচরণ তর্কতীর্থ, মহামহোপাধ্যায় শ্রীবীরেশ্বর তর্কতীর্থ, ভট্টপল্লীর ৩রামকৃষ্ণ তর্কতীর্থ, শ্রীনৃত্যগোপাল পঞ্চতীর্থ, মূল্যজোড় সংস্কৃত কলেজের অধ্যক্ষ শ্রীময়থনাথ পঞ্চতীর্থ, কলিকাতা রাজকীয় সংস্কৃত কলেজের শ্রায়শাস্ত্রাধ্যাপক শ্রীকালীপদ তর্কচার্য ও শ্রীভারাননাথ শ্রায়তর্কতীর্থ, কাশী কুইন্স কলেজের অধ্যাপক শ্রীচন্দ্রকিশোর তর্কতীর্থ, নবদ্বীপ পাকাটোলার অধ্যাপক শ্রীনিশিকান্ত তর্কতীর্থ, নোয়াখালীর রাজপণ্ডিত শ্রীনিশি-মোহন তর্কতীর্থ, দৌলতপুর কলেজের আচার্য্য শ্রীবাগিনীকান্ত তর্কতীর্থ, রাজসাহী সংস্কৃত কলেজের শ্রায়শাস্ত্রাধ্যাপক শ্রীরমেশ তর্কতীর্থ, বরিশার রাজপণ্ডিত শ্রীহর্যনাথ তর্কতীর্থ, ত্রিপুরার শ্রীনবীন তর্কতীর্থ, কুমিল্লার শ্রীকৈলাসচন্দ্র তর্কতীর্থ, শ্রীহট্ট রাজকীয় সংস্কৃত কলেজের শ্রায়শাস্ত্রাধ্যাপক শ্রীঅখিল-চন্দ্র তর্কতীর্থ, শ্রীচারুকৃষ্ণ তর্কতীর্থ, কলিকাতার খ্যাতনামা কবিরাঙ্গণ—শ্রীশৈলেন্দ্রনাথ তর্কতীর্থ, শ্রীসতীশচন্দ্র তর্কতীর্থ ও শ্রীবিমলানন্দ তর্কতীর্থের নামোল্লেখই যথেষ্ট।

ভারতবর্ষের বিভিন্ন প্রদেশ হইতে দিগ্বিজয়ী বহু পণ্ডিত শিবচন্দ্রের সহিত শাস্ত্রবিচার করিতে আসিতেন এবং তাঁহাদের অধিকাংশকেই শিবচন্দ্রের নিকট পরাভব স্বীকার করিতে হইয়াছে। এই বাঙ্গালী মণীষীর অতুলনীয় চরিত্র-মাধুর্য সর্বপ্রদেশের পণ্ডিতগণের অপূর্ণ আকাঙ্ক্ষা করিয়াছিল। শিবচন্দ্র “কুসুমাজনী”র এক নবীন টীকা রচনা করেন এবং তাহা এই বংশেরই অন্ততম উজ্জলরত্ন ৮শ্বীকেশ শাস্ত্রী সম্পাদিত “বিদ্যোদয়” নামক আন্তর্জাতিক প্যাতিসম্পন্ন সংস্কৃত মাসিক পত্রিকায় ধারাবাহিকভাবে প্রকাশিত হয়। ইনি বহু সংস্কৃত শ্লোক রচনা করিয়া গিয়াছেন—তাহা রক্ষার বন্ধ থাকিলে একখানি সুরহং পুস্তক হইতে পারিত। সম্রাট সমুদ্র এডওয়ার্ডের রাজত্বকালে ভারত গবর্নমেন্ট এই পণ্ডিত কুলতিলককে মহামহোপাধ্যায় উপাধি প্রদান করিয়া প্রকৃত গুণগ্রাহিতার পরিচয় দিয়াছিলেন।

বঙ্গগৌরব স্মার আশুতোষ, মহারাজা স্মার বতীন্দ্রমোহন ঠাকুর, বর্দ্ধমানের মহারাজাধিরাজ স্মার বিজয়চাঁদ মহাতব প্রমুখ বিশিষ্ট ব্যক্তিগণ শিবচন্দ্রকে দেবতুল্য সম্মান করিতেন।

এই অদ্বিতীয় সংস্কৃত পণ্ডিতের বঙ্গ-সাহিত্যের প্রতিও প্রবল অনুরাগ ছিল। আমার পরমারাধ্য পিতৃদেব পণ্ডিত শ্রীহরিরচন কাব্যরত্ন মহাশয় তাঁহার সমগ্র অবসর সময় শিবচন্দ্রের সহিত নানা শাস্ত্র-বিষয়ের আলোচনায় অতিবাহিত করিতেন। তাঁহার মুখে শুনিয়াছি, তিনি মাঝে মাঝে পিতৃদেবকে বলিতেন, “হরিরচন, আজ বঙ্কিমচন্দ্রের একখানি উপন্যাস তুমি পাঠ কর, আমি শুনি। আবার কখনও কখনও তিনি গিরিশচন্দ্রের ‘পাণ্ডব গৌরব’, ‘বুদ্ধদেব-চরিত’ প্রভৃতি নাটকও ঐকান্তিক আগ্রহের সহিত শ্রবণ করিতেন।

পারিবারিক জীবনে শিবচন্দ্রকে বহু শোক সহ্য করিতে হইয়াছে। যখন তাঁহার বয়স ৫৪ বৎসর হইবে তখন তাঁহার চির-সুখ-দুঃখভাগিনী সাধবী পত্নী ইহলোক ত্যাগ করেন। সর্বসমেত তাঁহার একুশটি সন্তান জন্মগ্রহণ করে, কিন্তু মৃত্যুকালে তিনি মাত্র দুই পুত্র ও একটি কন্যাকে জীবিত দেখিয়া যাইতে পারিয়াছেন। পুত্রদ্বয়ের মধ্যে প্রথমটি শ্রীচূর্ণাচরণ কাব্যতীর্থ একজন অবসরপ্রাপ্ত স্কুল-পণ্ডিত এবং দ্বিতীয়টি পণ্ডিত শ্রীহরিপদ বিদ্যারত্ন এম-এ বি-টি বর্তমানে কলিকাতা হিন্দু স্কুলে শিক্ষকতা করিতেছেন।

জীবনের অর্দ্ধেককাল চরমতম দারিদ্র্যের সহিত অবিরত

সংগ্রাম এবং সমগ্র জীবন ধরিয়া অগণিত ও অসহনীয় বিয়োগ-ব্যথার মাঝেও শিবচন্দ্রকে কেহ কোন দিন ধৈর্যহীন অথবা কর্তব্যচ্যুত হইতে দেখে নাই। মৃত্যুর কয়েক বৎসর মাত্র পূর্বে উন্মাদগ্রস্ত তাঁহার কনিষ্ঠ পুত্র যখন আত্মহত্যা করে, তখন সপ্ততিপন্ন বৃদ্ধ এই শিবচন্দ্র যে অপূর্ণ ধৈর্যের পরিচয় দিয়াছিলেন, তাহা তুলনাবিহীন। একদিন প্রত্যুষে উক্ত উন্মাদগ্রস্ত পুত্রটির কোনও সন্ধান না পাওয়ায় তাঁহার কতিপয় ছাত্র ও আত্মীয় তাহার সন্ধান করিতে গিয়া নিকটবর্তী রেল-লাইনের উপর তাহার বহু খণ্ডিত মৃতদেহ শোচনীয় অবস্থায় পতিত দেখিতে পায়। পুত্রের সংবাদ জানিবার নিমিত্ত শিবচন্দ্র তখন উৎকণ্ঠার সহিত ছাত্র ও আত্মীয়গণের আগমন প্রতীক্ষা করিতেছিলেন। অল্পকাল মধ্যেই তাহারা ফিরিয়া আসিল, কিন্তু পিতার নিকট সন্তানের এই শোচনীয় মৃত্যু-সংবাদ তাহারা কেমন করিয়া জানায় শিবচন্দ্র তাহাদের প্রতি একবার দৃষ্টিক্ষেপ করিয়া দেখিলেন যে সকলেই নীরব নতমস্তকে দণ্ডায়মান। তখন স্মারাদীশ এই মহাপ্রাজ্ঞ ছাত্র ও আত্মীয়গণের দিকে চাহিয়া ধীর অবিকম্পিত কণ্ঠস্বরে নিম্নলিখিত সংস্কৃত শ্লোকটি আবৃত্তি করেন—

“ক্রমসামুদ্রমতাং কিমন্তরং

বদি বায়ৌ দ্বিতয়েঃপি তে চলাঃ।”

অর্থাৎ :—বৃক্ষ এবং পর্বত উভয়েই যদি বায়ুপ্রবাহে আন্দোলিত হয়—তবে উভয়ের মধ্যে কি পার্থক্য রহিল!

ইহার পর উপস্থিত সকলকে লক্ষ্য করিয়া তিনি বলেন— “আমার ধৈর্য সম্বন্ধে তোমরা কেন আশ্বাহীন হইতেছ? পর্বত সদৃশই আমার সহনশীলতা। আঘাত বত উভয়েই হউক না কেন, সাধারণ জনের মত আমি যদি তাহাতে বিচলিত হই, তবে এই যে আজীবন আমি শাস্ত্রচর্চা করিয়া তাহার কি মূল্য রহিল? আমার নিমিত্ত তোমাদের কোনও চিন্তার কারণ নাই—যাও, তোমরা তাহার যথাবিহিত সংস্কারের ব্যবস্থা কর।” অপূর্ণ বিস্ময় ও শ্রদ্ধায় স্তব্ধ হইয়া সকলে এই লোকোত্তর-চরিত মহাপুরুষের দিকে চাহিয়া রহিল।

এক দিকে অতুল্য পাণ্ডিত্য যেমন ইঁহাকে বিবুধ-সমাগ্রে সুপ্রতিষ্ঠিত করিয়াছিল, অপর দিকে তেমনি উদার ও মধুর প্রকৃতি গুণে ইনি আপামরসাধারণের হৃদয়ে পরমাত্মীর

আগনে অধিষ্ঠিত হইয়াছিলেন। পরের দুঃখকষ্টে ইনি একেবারে গলিয়া পড়িতেন। কত ঋণগ্রস্তের বাস্তবতা যে ইনি রক্ষা করিয়াছেন, কত কন্যা দায়, মাতৃদায় ও পিতৃদায়গ্রস্তকে যে ইনি দায়-মুক্ত করিয়াছেন, তাহার ইয়াক নাই। তিনি নিজে ধনী ছিলেন না বটে, কিন্তু ধনী ভূস্বামী ও রাজস্ববর্গ ইঁহাকে দেবতুল্য সম্মান করিতেন এবং ইঁহার অনুরোধ তাঁহাদিগের নিকট দেব-নিবেদনের মতই ছিল। তাই যখনই শিবচন্দ্র দুর্গতদের সাহায্য করিবার অনুরোধ জানাইয়া তাঁহাদিগকে পত্র দিয়াছেন, তখনই তাঁহারা বিনা দ্বিধায় তাহা দেবাদেশের মতই মান করিয়াছেন।

শিবচন্দ্র আত্মস্থানিক ব্রাহ্মণ ছিলেন। প্রতিদিন স্নান-

আহিক ও গৃহ-দেবতার পূজা সমাপনান্তে তিনি অধ্যাপনায় বসিতেন। সাংসারিক-জীবনে সামান্য আর্থিক স্বচ্ছলতা দেখা দেওয়ার সঙ্গে সঙ্গেই তিনি দুর্গোৎসব আরম্ভ করেন এবং যতদিন জীবিত ছিলেন প্রতি বৎসরই সমারোহের সহিত তিনি দুর্গোৎসব করিয়া গিয়াছেন। স্বজন প্রতিপালন ও অতিথিকে নিত্য অন্নদান তাঁহার জীবনের অন্ততম ব্রত ছিল। কোন দিন কোনও অতিথি তাঁহার গৃহ হইতে অভুক্ত ফিরিয়াছে, এরূপ শুনা যায় না।

১৯২৬ বঙ্গাব্দের ২রা পৌষ এই নৈয়ায়িকশ্রেষ্ঠ লোকান্তরিত হন। তাঁহার অভাবে বঙ্গদেশ তথা ভারতবর্ষে স্মার-প্রচারের যে অপরিমেয় ক্ষতি হইয়াছে— তাহা অপূরণীয়।

চিরসুন্দর

শ্রীহরেন্দ্রনাথ দাশগুপ্ত এম-এ, পি এচ-ডি

কানের পটে হৃদয়ের তটে

ফেলেছ ফেলেছ তোমার ছায়া,

প্রভাত কাননে বিহগ কুজনে

শ্রবণে চেলেছ সুরের মায়া।

সে মায়া উষার গগনে গগনে

জ্বলেছে রূপের রঙিন শিখা,

কিশলয় দলে মালতীর ফুলে

রেখে যায় তার সবুজ লিখা ;

বানের শীষের সোনার বসনে

লীলায় দোলায় আঁচলখানি

বন্দ পবন ছন্দ চরণে

দূরের গন্ধ আনিছে টানি।

যে দিকে আমার নয়ন ফিরাই

সাগরে ভূধরে কানন মাঝে,

আমারে হেরিতে তোমাতে নেহারি

মরি যে আপনি গভীর লাঞ্জে।

ভরিয়া রেখেছ হৃদয় আমার

মধুর তোমার মোহন রূপে,

তোমার পরশে হরষ চেলেছ

জ্বলেছ গন্ধ পুণ্য ধূপে।

মোর অজানায় হৃদয় রেখায়

যে রূপ একেছে তোমার তুলি,

দিন বাগিনীর পাত্র ভরিয়া

যে সূধা চেলেছ, কেমনে ভুলি।

তব আননের ছন্দ রচেছে

নিয়ত যে মধু মঞ্জু শ্লোক,

তাই ত গড়েছে হৃদি কন্দরে

সুন্দরে ভরা অরূপ লোক।

তাইত সে ছবি বাহিরে আসিয়া

বলকি তোমার আননে হাসে,

সুন্দর বলি যা হেরি বাহিরে

সে আছে ভিতরে তোমার পাশে।

আমার সকল অন্তর ভরি,

জড়ায়ে রয়েছ নিয়ত তুমি,

তারি এক কণা ছড়ায়ে রয়েছ

ভূধর সাংগর কানন ভূমি।

খেতাব-বিভাট

শিল্পী শ্রীদেবীপ্রসাদ রায়চৌধুরী এম-বি-ই

কোন এক শুভ মুহূর্তে শহর হইতে বহু দূরে বাদবপুর গ্রামে তিনকড়িবাবু জন্মগ্রহণ করিয়াছিলেন। স্থানীয় গণ্যকার পঞ্চানন ঠাকুর বলিয়াছিলেন, এ-ছেলে বাঁচিয়া থাকিলে রাজা-উজির একটা কিছু না হইয়া যায় না। সে আজ প্রায় চার বৃৎ আগের কথা, তখন পিসিমা জীবিত। ঠাকুর মহাশয়ের ভবিষ্যৎ বাণীর উপর তাঁহার আন্তরিক শ্রদ্ধা ছিল।

পিতৃমাতৃহীন এই ক্ষণজন্মা শিশুটিকে মানুষ করিবার ভার পড়িয়াছিল পিসিমার উপর। ভবিষ্যৎ বাণীতে দৃঢ় বিশ্বাস থাকায় বালক তিনকড়িকে পরিপক্ব বয়স পর্যন্ত যাবতীয় মাছুলি, গাছের শিকড় এবং ফুল ভূষিত হইয়া আত্মরক্ষার জন্ত ব্যস্ত থাকিতে হইত। বিভিন্ন মাছুলির ক্ষমতা দৈবদুর্বিপাকের উপর বিভিন্নভাবে কার্য করে, সুতরাং কাহাকেও অবহেলা করিবার উপায় ছিল না। কোনটিকে প্রাতে ধোত করিলেই যথেষ্ট হইত, কোনটি তুলসীতলায় তিনবার স্পর্শ করাইলেই চলিত, কোনটিকে সামনে রাখিয়া চক্ষু মুদ্রিত করিয়া ইষ্টদেবতাকে স্মরণ করার ব্যবস্থা ছিল।

কাপ্তেন সাহেব কুচকাওয়াজে যেভাবে প্যারেড দেখেন পিসিমা প্রত্যহ প্রাতে তিনকড়িকে সামনে দাঁড় করাইয়া উক্ত সাধনায় নিযুক্ত করিয়া ছাড়িতেন। ফলে শাস্তিতে ভ্রাতৃপুত্রের বয়স বাড়িতেছিল। বিয়্য আসিল প্রাপ্ত বয়সে—অকস্মাৎ রায় বাহাদুর খেতাব-প্রাপ্তির সম্ভাবনায়।

রাজসম্মান আগতপ্রায় হইবার পূর্বে তিনকড়িবাবুর পুরাতন কথা কিছু জানা দরকার। তাঁহার পিতা সাতকড়ি বাঁড়ু জ্যেতে গ্রামের সকলেই বিশেষভাবে চিনিত। তাঁহার আর্থিক স্বচ্ছলতার উপর কাহারও ক্রুর কটাক্ষ যে একেবারে ছিল না একথা নিশ্চিতভাবে বলা চলে না—যদিও গ্রাম্য স্বচ্ছলতার অর্থে যাহাই হউক না কেন, চার-পাঁচটি গরু, মরাই ভরা ধান, একটি নিজস্ব স্ত্রী ও ঢেঁকি ছাড়া আর কিছু বুঝায় না; অধিকন্তু কিছু থাকিলে অবৈতনিক একটি

বিকলাঙ্গ চাকর যোগ দেওয়া চলিতে পারে। পিতা গত হইবার পর উক্ত সম্পত্তির মালিক হইয়াছিলেন পিসিমার ভ্রাতৃপুত্র। স্বচ্ছলতার প্রভাব ও পিসিমার নিত্য বাঁধা মানের প্রয়োজন উপযুক্ত সময় উভয়ের ক্ষম ভর করিল। স্থির হইল তিনকড়ির উচ্চ শিক্ষার প্রয়োজন আছে। অর্থাৎ—অন্তত একটা পাশ না করিলে ভবিষ্যৎ জীবন গাঢ় হইয়া যাইতে পারে। গ্রামে পাশ করা চলে এমন একটি পাঠশালা নাই, সুতরাং শহরে যাওয়া মাযান্ত হইল। চরিত্র নিষ্কলঙ্ক রাখিবার নিমিত্ত তিনকড়ি কৈশোর অবস্থাতেই পাণিগ্রহণ করিতে বাধ্য হইয়াছিলেন। শ্বশুর মহাশয়ের জমিদার মিঃ রেই আজীবন কলিকাতাবাসী। অফুরন্ত সম্ভোগ করিবার জন্ত নিত্য নব কৌশল আবিষ্কার করিয়া আসিতেছেন। বয়স পিসিমার নাগাল ধরিলেও বসামাজ্য ফলে তাহা আড়াল পড়িয়া গিয়াছে। মিঃ রেই আসিয়া বাঙালী হইলেও ধর্ম্মত স্বভাবটি সাহেবী। ইহার ভ্রাতৃপুত্র তাঁহার বিরাট সম্পত্তি ও ভগ্নাংশভাবে ইংরেজী শিক্ষা দায়ী হস্তবুদ হইতে সরকারী পেশকস দিয়া তাঁহার বাহা মুনাফা থাকিত তাহাতে তিনটি বিরাটকায় নামজাদা মোটর গাড়ী ও তদুপযুক্ত পারিপার্শ্বিক সব কিছু সাজাইয়া রাখিলে তাঁহার ইজ্জৎ হানি হইবার সম্ভাবনা ছিল। বাহা বাহির মহলে পদার্পণ করিলে খাস বিলাতী কোন লোকের প্রাসাদ বলিয়া ভ্রম হইত। ডাইনিং রুম, বিলিয়ার্ড রুম, ড্রইং রুম ছাড়া সীমার মধ্যে অসীম ধরণের নাচঘর— বাহাতে ফরাসের চিহ্নমাত্র নাই। কাঠের ফ্লোর কাঁচের মত মসৃণ, অনভ্যস্তের পা পড়িলে শ্যাওলার মত পিছলাইয়া যায়। কারণ অকারণে তাঁহার বাজীতে পাঁচ ও মজলিদ হইত। অধিকাংশ ক্ষেত্রেই নিমন্ত্রিতেরা সাহেবী মহল হইতে আসিতেন। এহেন মহাপুরুষের বিরাট অট্টালিকায় পিসিমা ভ্রাতৃপুত্র সহ বসবাস আরম্ভ করিয়া দিলেন কোন এক দূর আত্মীয়তার দাবী স্বত্রে।

স্নেহের আতিশয্যে পিসিমার দখল ছিল, বাহা

সময়োপযুক্ত প্রয়োগকে ফাইন আর্ট বলা চলে। এই আর্ট অতি অল্প সময়ের ভিতর মিঃ রেইকে এমন ভাবেই নিস্তেজ করিয়া আনিল যে, অন্তরমহলের সব কাজে পিসিমার তত্ত্বাবধান না থাকিলে সাহেবের মনস্তষ্টি হইত না। কানা-যুসা শুনা যায়, তিনি নাকি যথেষ্ট কারণ বর্তমান থাকণ সম্বন্ধে টেবিলের বিলাতী খানা ছাড়িয়া অন্তরমহলে খাঁটি পুঁইডাঁটা, শুক্কনির ঝোল ইত্যাদির আশ্বাদ লইতে আরম্ভ করিয়াছেন। কথাটা বিশ্বাস করিবার দুঃসাহসিকতা সকলের না থাকিলেও নূতন বাহাল করা ভীমান ঠাকুর সত্য বলিয়া জানিত।

সময় কাহারও অপেক্ষা রাখে না, সে তার চিরন্তন গতির ধর্ম্ম রক্ষা করিয়া চলিয়াছে। রেই সাহেব রাজা মহারাজা ইত্যাদি বড় বড় খেতাবের ধাপ উত্তীর্ণ হইয়া বার্লিনের নীমানায় আসিয়া উপস্থিত হইয়াছেন। নাচঘরে কচিং গাতি জলে, পাঁচি ও ভোজের ভিড় কমিয়া গিয়াছে, কারণ তাহাদের মুখ্য উদ্দেশ্য বাহা ছিল তাহা বর্তটা সম্ভব মহারাজা আদায় করিয়া ছাড়িয়াছেন, তদুপরি খেতাবের উপর খণ ভর করিলে বাহা হইয়া থাকে মহারাজা তাহার পীড়নের বাহিরে থাকিবার অবসর পান নাই, ফলে ধর্ম্ম চিন্তায় তাঁহার আশক্তি দেখা দিয়াছে। লোকের মুখ বন্ধ করা যায় না। তাহারা বলাবলি করিতেছে মহারাজা নাকি পিসিমার সহিত কাশীবাসী হইবেন ঠিক করিয়াছেন।

অত্মদিকে তিনকড়ি আর তিনকোড়ে নাই। মহারাজার সুপারিসে কোন প্রকারে এণ্ট্রান্স পাশ করার পরই সবডেপুটির পদে অধিষ্ঠিত হইয়াছেন (উপরওয়ালাকে কাশী রাখিবার টেকনিক তিনি পরম নিষ্ঠার সহিত আয়ত্ত করিয়াছিলেন সুতরাং ফাণ্ডামেন্টাল রুলস্-এর অনেক আইনপাশ কাটাইয়া তাঁহার ডেপুটি হইতে সময় লাগে নাই)। ডেপুটি খাঁটি হাকিম—সাধারণে তাঁহাকে জজ ও বোনার্জি সাহেবের আসনে উঠাইয়া দিয়াছে।

ডেপুটির পদপ্রাপ্তির পর হইতে তাঁহার সহজ জীবন-যাত্রার পরিবর্তন ঘটিল। একদিন প্রাতে অবধা সাহেবদের মত আর্ট সাঁট পোষাক পরিয়া মরণিং ওয়াকের প্রবল ইচ্ছা তাঁহাকে পাইয়া বসিল। হাঁটুর শর্ট তদুপরি বহু কষ্টে বেণ্ট

আঁটিয়া বাহির হইয়া পড়িলেন। হাঁটা অভ্যাস নাই অথচ হাঁটিতে পারিলে এবং দৈব সহায় থাকিলে উপর আলা



মিঃ বোনার্জি মরণিং ওয়াক করিতেছেন

কলেজের সাহেবের সহিত করমর্দন করিবার সুযোগ মিলিতে পারে। মনকে দৃঢ় করিয়া তিনি চলিতে লাগিলেন।

সুদর্শন না হইলেও মা-লক্ষ্মীর রূপায় তাঁহার ব্যক্তিত্বে আকর্ষণীয় শক্তি ও বৈশিষ্ট্য ছিল বাহা নিঃসন্দেহে আরাম ভোগের পরিচয় দিত, অর্থাৎ—উদরের পরিধি এমন একটি আকার ধারণ করিয়াছিল বাহার সঠিক মাপের কোন কিছুই বাজারে পাওয়া বাইত না। জামা-কাপড় ত দূরের কথা, ঈশ্বরদত্ত শরীরে যেটুকু সামঞ্জস্য ছিল তাহাও ভুলে পূর্ণ হইয়া উঠিয়াছে। এখন তিনি ইচ্ছা করিলেই করজোড়ে নমস্কার করিতে পারেন না, রীতিমত চেষ্টা করিলে অসুন্দরী প্রান্ত স্পর্শ করে মাত্র।

উক্ত দেহকে মরণিং ওয়াকে নিযুক্ত করা যে কি বিড়ম্বনা, ভুক্তভোগী মাত্রেই অনুমান করিতে পারেন। যক্ষ্মাক্ত কলেবরে তিনি চলিয়াছেন অথচ মনস্কামনা পূর্ণ হইবার কিছুমাত্র লক্ষণ দেখিতেছেন না। অবশেষে ছত্তোর বলিয়া মাঠের উপরই বসিয়া পড়িলেন। ক্লান্তি দূর হইবার পূর্বেই হৈ হৈ করিতে করিতে সওয়ার সহ বিরাটাকার এক ঘোটক—তঁাহার ঘাড়ে আসিয়া পড়ে আর কি।

যথাসম্ভব ক্ষিপ্ৰগতিতে পাশ কাটাইয়া হাঁটু জাহু ইত্যাদি অঙ্গে ভর করিয়া যখন প্রায় সোঁজা হইয়াছেন তখন সাহেবি সওয়ার ক্রুদ্ধ ভাষার অর্ধ-উচ্চারিত বিশেষণগুলি সংবত করিয়া বলিলেন, তুমি! তোমার জানা উচিত ছিল এটা টার্ক—যেখানে আমাদের বোড়া ছোট্টে, সেখানে আরাম করিতে যাও কোন্ সাহসে।

মস্তক উত্তোলন করিয়া যখন দেখিলেন, গিষ্টভাবী সাহেব স্বয়ং ভগবান কালেক্টার, তখন তাঁহার মাথা ঘুরিয়া গেল— ‘গুড মরণিং’ বলিবেন কি ক্ষণিকের বিশ্রামের জন্ত ক্রটি স্বীকার করিবেন, স্থির হইবার পূর্বেই সাহেব বোড়া ছুটাইয়া দিলেন।

ইতিমধ্যে আর একটি গোল বাধিয়াছে। কালেক্টারকে সম্মান দেখাইবার জন্ত ব্যস্ততার প্রয়োজন ছিল। তাড়াতাড়ি শরীরের গুরুভার উত্তোলন কানীন সাহেবী স্মার্ট (smart) ফিটিং তাঁহার বিপুল দেহের চাপ সহ করিতে পারে নাই। ইহা অত্যন্ত স্বাভাবিক, কারণ স্মার্ট ফিটিং লইয়া দেশীভাবে বসিবার কথা ছিল না। কুকার্য করিলে দণ্ডভোগ করিতে হয়। দুর্ভোগ কপালে বাহা ছিল তাহা ঘটিল। এমৎ অবস্থার রাস্তায় হাঁটা যায় কি ভাবে।

দ্বিতীয় শ্রেণীর বন্ধ গাড়ী সামনে থাকিলেও তাহাতে চুকিবার সাহস নাই কারণ অল্পদিন আগের অভিজ্ঞতার বাহির হইয়া আসিতে প্রাণান্ত হইয়াছিল; তাহার পর শপথ করিয়া দ্বিতীয় ও তৃতীয় শ্রেণীর গাড়ী চড়া ছাড়িয়া দিয়াছেন। একমাত্র উপায় গাড়োন্দী মনকে যদি কোন প্রকারে উদার করা যায় তাহা হইলে তাহার সাহায্যে একটি ট্যান্ডি জুটিতে পারে। এ চেষ্টাও বিপদসঙ্কুল। বেলা তখন প্রায় আট ঘটিকা, রাস্তার লোকের ভিড়ের সহিত দুই-একটি জ্যাঠা ছেলে চলিতে শুরু করিয়াছে। দুইশত গজ হাঁটিবার সময় পিছনে যে কোন জ্যাঠা ছেলের

আবির্ভাব কিছুমাত্র বিচিত্র নয়। আতঙ্কে তিনি আড়ষ্টভাবে বসিয়া চিন্তা করিতে লাগিলেন। ভক্তের জন্ত ভগবান ডারবি স্কুইপ পর্যন্ত জোগাইয়া থাকেন, এ বিপদ কি কিছুই নয়। হঠাৎ এক ছাতাওয়ালার দর্শন পাইলেন। বুদ্ধিও আসিল তৎক্ষণাৎ। সে যৎসামান্য দক্ষিণা লইয়া এমন একটি ব্যবস্থা করিয়া দিল যাহাতে পিছনে গেরা থাকিলেও দুর্গানাং করিয়া অগ্রসর হওয়া চলে। এ বার মিঃ বোনাজ্জী স্কুই দেহে বাড়ী ফিরিলেন।

শরতের হাওয়ায় পূজার আগমনী সুর বাঙলা সর্দর ছড়াইয়া পড়িয়াছে। বোনাজ্জী সাহেব এবার উৎসব যোগ দিবেন ঠিক করিয়াছেন। আর্থিক অবস্থা সহিত কিছুমাত্র মিল না থাকিলেও দীর্ঘকাল একত্র সমবায়ের ফলে মহারাজার অভিজাতসুলভ আচরণ ও ব্যবহারি বোনাজ্জী সাহেব সস্তায় ভোগ করিবার সুবিধা পাইয়া ছাড়িতেন না। তিনকোড়ে নামে বাঁহারা তাঁহার সখোঁক করিতেন তাহাদের উপর এযাবৎ-কাল মস্ত ভোগ পুষ্টি রাখিয়া ছিলেন। তাহারাই সর্বপ্রথমে চায়ের গিফট পত্র পাঠাইলেন। চায়ের জন্ত কখন কেহ নিমন্ত্রণ করে একথা অনেক প্রাচীনপন্থী জানেন না। তদুপরি এক স্মার্ট আর্থে ‘আর-এস-ভি-পি’-যুক্ত কার্ড আসিয়া উপস্থিত হইল আদালতের সমনজারীর মত হইয়া দাঁড়ায়। এতদিন ধরিয়া সামান্য চা খাইবার কথা মনে রাখা সর্বদা পোষায় না।

দেশী আচরণ মানিতে হইলে ইহা দোষীয়া মনে করি না, কারণ চা ত অতিথি হইলেই পাওয়া যায়, তাহা আবার দিন-ক্ষণ দেখিয়া খাইতে হইবে না কি?


নোটের উপর চায়ের পার্ট জমিয়াছিল ভাল। পরিচিত সাহেবী দোকানদার কেহ বাদ পড়েন নাই। ছোট্ট পার্ট মহল অন্তর্ভুক্ত রায়তদারও অনেক উপস্থিত ছিলেন।

আবহাওয়া (weather), ঘোড় দৌড় ও গাড়ির বাহির কলেঙ্কারীর কথা লইয়া চায়ের আসর জমিয়া উঠিয়াছে এমন সময় কে একজন টীংকার করিয়া উপস্থিত হইলেন— তিনকোড়ে—

সম্বোধনটা বজ্রবাতের মত কর্ণকুহরে প্রবেশ করিয়া কি সর্বনাশ, এ যে যাদবপুরের হরে খুড়োর গলা। লোকটি আঁকাট বুদ্ধি ও স্বভাবের কিছুমাত্র পরিবর্তন হয় নাই।



এবং সত্য, সাক্ষ্য তং মহাহুরম্
পাদেনাক্রম্যকর্থে চ শূলেনৈন মতাড়য়ৎ।



প্রকৃতির গান

শিল্পী—এস সি বন্দ্যোপাধ্যায়, পাটনা

সেই সবল দীর্ঘকায় ও ভীতিপ্রদ দেহটি এখনও ঠিক রাখিয়াছেন, হস্তেও সেই পুরাতন বাঁশের সোঁটা—যাহার ইতিহাস গ্রামে চিরস্মরণীয় হইয়া আছে।

ভদ্রাচারে দীক্ষিত মিঃ বোনার্জী মুখে সাহেবী কায়দায় অঙ্গুলী স্পর্শ করিয়া অত্যন্ত বিনীত ভাবে ইঙ্গিত করিলেন—স্বত্বকার করিও না। মার্জিত ইঙ্গিত হরে খুড়ো বুঝিলেন না। সোঁটা সহ জজ সাহেবের দিকে অগ্রসর হইতে লাগিলেন।

খুড়া মহাশয় পা টি র খ ব র জানিতেন না, তিনি কালীঘাটে আসিয়াছিলেন, তথা হইতে বাজীতে কিছু পুরাতন গম্বুজ স্মৃত ক্রয় করিয়া—জীবন্ত বস্তু দেখিয়া তিনকোড়ের বাজী উঠিয়াছেন—ইচ্ছাটা বাজী বাস এখানে সারিয়া লইলেন।

মুড়ীর প্রবেশ-পথে অর্ধদক্ষ সামান্য চামড়া দেখিয়া একটু ইতস্তত করিয়া ছিলেন কিন্তু সোঁটার প্রতি দৃষ্টি নিষ্ফল করিতেই আত্ম-দমন সর্বদে নিশ্চিত হইয়াছিল। বিনা আড়ম্বরে গামছা স্বয়ং কপালে সিন্দূরের ফোঁটা সহ একবারে

চামড়ার আসরে আসিয়া উপস্থিত। এক হস্তে মা-কালীর প্রদান, অত্র হস্তে সগুরুত সিগারেটের টিনে দোহুলমান পুরাতন গম্বুজ। বারংবার ওষ্ঠে অঙ্গুলী স্পর্শিত হইতেছে দেখিয়া খুড়া মহাশয় ঠিক করিয়া লইলেন বেচারী তিনকোড়ের সোঁটা কাটিয়াছে। বাল্যকাল হইতে খুড়া মহাশয় তিনকোড়েকে অত্যন্ত স্নেহের চক্ষে দেখিতেন। নিকটে

আসিয়াই তিনি জাপটাইয়া ধরিলেন—কতকালের পর দেখা, চক্ষে তাঁহার জল আসিয়া পড়িল।

জজ সাহেব লৌহভীম চূর্ণের অবস্থায় পড়িয়া গিয়াছেন। প্রাণপণ চেষ্টা করিয়াও বাছ বন্ধন হইতে নিজেকে মুক্ত করিতে পারিলেন না। খুড়া মহাশয়ের ঘণ্টে গলিত সিন্দূর বিন্দু ও তৎসহ চোখের জলে বোনার্জী সাহেবের দুঃখফেননিভ সাদা কলার রঙীন হইয়া উঠিল। ফ্যাসান বাঁহারা মানেন তাঁহারা বুঝিবেন ইহা কি দারুণ সঙ্কট অবস্থা। বিশেষ করিয়া লেডিজদের সামনে।

এইখানে দৃশ্যের পট পড়িলে রক্ষা হইত, কিন্তু খুড়া



সামান্য দক্ষিণা লইয়া ছাতাওয়ালার এমন একটু ব্যবস্থা করিয়া দিল

কালীঘাটের সিন্দূর জোর করিয়া কপালে এবং গব্য স্মৃত ওষ্ঠে মাখাইয়া দিলেন। বয়স বাড়িলে কি হয়, খুড়ার কাছে তিনকোড়ে তিনকোড়েই আছেন—এই ত সেদিনকার কথা—তিনিই ত সাতলতলার মাজুলি দিয়ে সেবার তিনকোড়ের প্রাণ বাঁচান।

স্মৃত ও সিন্দূর ভূষিত হইয়া যখন বোনার্জী সাহেব

দৃঢ় হস্তের বন্ধনমুক্ত হইলেন তখন তিনি জানিতে পারেন নাই—তাহার মুখশ্রীর কতখানি পরিবর্তন ঘটিয়াছে।

নব সাজে সজ্জিত হইয়া বোনার্জী সাহেব সমবেতদের আপ্যায়িত করিবার চেষ্টা করিতে লাগিলেন—হঠাৎ দেখা গেল, সময়ের আগে আধা-সাহেবদের দল কমিতে আরম্ভ করিয়াছে। আমাদের সাহেব তাহাতে বিচলিত হইলেন না, কারণ কাঁচা হাতের অনেক এপয়েন্টমেন্ট থাকিতে পারে। উঠিয়া যাওয়া ত খুব স্বাভাবিক—কিন্তু সত্যের গূঢ় রহস্য প্রকাশিত হইল বিদায়কালীন মেম সাহেবের সহিত গুড্ বাই করিতে গিয়া। মহিলাটির কি উগ্র মূর্তি—তিনি জোর দিয়া বলিলেন, তুমি খাঁটি হিন্দু আমি জানিতাম না, তোমাকে enlightened ভাবিয়াছিলাম—

সব কথা শেষ হইবার পূর্বেই যেমন উঠিতে যাইবেন, অমনি চায়ের তেপায়া টেবিলে যাহা কিছু ভক্ষণীয় ও অভক্ষণীয় ছিল সব আসিয়া পড়িল মিঃ বোনার্জীর পাংলুনের উপর। নিম্ন অঙ্গে আইসক্রীমের শেয়াংশ—চায়ের, জলের নিভুল চিল্ল ও উর্দাঙ্গে সিদ্ধুর ও গব্যাবৃতের মিশনে তিনি অস্থির সাজে সজ্জিত হইলেন।

তাহার পর যে সব ঘটনা ঘটিয়াছিল তাহা ভদ্র সমাজে বর্ণনা করিবার বাধা আছে।

উৎসব শেষ করিয়া জজ সাহেব এবার দেহ গন উৎসর্গ করিয়া পাবলিক ওয়ার্কসে লাগিয়া গিয়াছেন। কালেক্টর হুঙ্কার দিলেও প্রত্যহ প্রাতে তাঁহাকে ‘গুডমর্নিং’ না করিয়া জলগ্রহণ করিতেন না। অধ্যবসয়ে আন্তরিকতা থাকিলে সফল অবশ্যতাবী। যথাসময়ে বোনার্জী সাহেবের উপর বাজারের তত্ত্বাবধান হইতে মোটর গাড়ীর রক্ষণাবেক্ষণের ভার আসিয়া পড়িল।

দেখিতে দেখিতে পয়লা জানুয়ারি আগতপ্রায়। অথচ কালেক্টরের নিকট হইতে এখন পর্যন্ত খেতাবের কিছুমাত্র আভাষ পান নাই। খেতাবের হিসাব চিরকাল গোপনে হইলেও চালাক পিয়নদের ধরিতে পারিলে আসল খবর জানিয়া লওয়া যায়—কিন্তু বোনার্জী সাহেব এমন একটি আসনে অধিষ্ঠিত যে পিয়নদের সহিত প্রকাশ্যে ঘনিষ্ঠতা করিবার সাহস নাই। মনের তিতর তর্ক উঠিল—বড় বড়

সাহেবরা যখন সাগাঙ্গ সহিসদের নিকট ঘোড়দৌড়ের টিক লইতে পারে তখন তাহার খবরটা জানিয়া লওয়ায় কি দোষ থাকিতে পারে। কিন্তু সুবিধার অভাবে তিনি উৎকর্ষায় জর্জরিত হইয়া উঠিলেন। রায় বাহাদুর খেতাব প্রাপ্তির কথা সকলেই বলাবলি করিতেছে, অথচ নির্দিষ্ট স্বত্বটি ধরাইয়া দেয় না কেন। ইতিমধ্যে একদিন কালেক্টর সাহেব নিজের কামরায় ডাকাইয়া পৃষ্ঠে গৃহ আঘাত সংযোগে এমন একটি গোপন কথা জানাইয়া দিলেন, যাহার বলে গৃহদাহের পুরাপুরি ব্যবস্থা হইয়া গেল।

পিতৃদত্ত নাম ভুলাইতে দেশী খেতাব অপেক্ষা বড় উপায় আর কিছু আবিষ্কার হইয়াছে কি-না জানি না—মিঃ বোনার্জী নাম উচ্ছেদ অথবা ডুবাইবার জন্ম হইতে লাগিলেন।

আপিস হইতে ফিরিয়াই কালেক্টরের অহুকরণে রাগান্বিত গলায় ভৃত্য ভগাকে ডাকিলেন। ভগা গ্রাম হইতে আসিয়াছে এবং আজীবন কাল আমাদের সাহেবের সংসারেই ভৃত্য গিরি করিতেছে। কোন সময় হসন্ত যুক্ত নামে কেহ ডাকাকে ডাকে নাই। এই পরিবর্তনের গোড়ায় যাহাই থাকুক না, কোন অশুভ লক্ষণের সংকেত নিশ্চিত জানিয়া প্রভুর নামে আসিয়া দাঁড়াইল।

প্রভু—এতক্ষণ ধরে ডাকছি—করছিলি কি?

ভৃত্য—বাবু—

প্রভু—তালব্য শ—আমি বাবু!

কিছুদিন হইতে বাবু সম্বোধনে তাঁহার পতরণ আসিয়া পড়িয়াছিল। এত বড় অপমান সহ্য করিতে হইবে সাহেব ধারণা করিতে পারেন নাই। নিরীহ হসন্ত ভগকে অনেক কটুক্তি সহ্য করিতে হইল, তাহা পি দৈবুঝিল না তাহার নাম ভগা হইতে ভগ্ হইল কেন।

অদৃষ্টের উপর দোষারোপ করিয়া ভগ্ সোজা গিল্লিয়ার কাছে গিয়া উপস্থিত হইল। নালিশ করিবার সাহস না থাকিলেও দুঃখ জানাইবার ইচ্ছা দমন করিতে পারিল না।

এযাবৎকাল ভগার পৃষ্ঠপোষণ স্বয়ং সাহেব করিয়া আসিতেছিলেন, হঠাৎ সেই ভগা কর্তার বিরুদ্ধে কিছু বলিতে চায় দেখিয়া কর্তীঠাকুরাণী প্রসন্ন হইয়া উঠিলেন।

এই ভগা সম্বন্ধে কত নালিশ সাহেব অগ্রাহ করিয়াছেন, সাহেবের ভগা-প্রীতি এককালে এমনই ছিল যে তাঁহাকে স্বামীর ভালবাসা সম্বন্ধে সন্দেহ করিতে হইয়াছে। আজ সেই ভগাই কর্তার বিরুদ্ধে কিছু বলিতে চায়—তিনি ভগবানের বিরুদ্ধে বিচারকে সশ্রদ্ধে নমস্কার করিলেন।

বিবাহের পর হইতে স্বামীর সহিত পাল্লা দিয়া তিনি গল্পের টিক রাখিয়াছিলেন, স্ত্রতরাং উঠিতে বসিতে তাঁহার কাপড় গুছাইয়া না লইলে অস্থবিধায় পড়িতে হইত। তিনি



আবার উভয়ে বলপ্রয়োগ করিলেন

কামরার পল-গার্লের মত কাপড় আঁট করিয়া পরিয়া লইলেন। সোজা সাহেব যে ঘরে কাপড় ছাড়িতে-ছিল সেখানে আসিয়া উপস্থিত হইলেন এবং কিছুমাত্র আতঙ্ক না করিয়াই বলিলেন—ওগো, এ কি কাণ্ড, ভগাকে ছাড়তে তুমি সব কি বলেছ? এতদিনকার পুরাণ চাকর কি চলে যায় ত আমি তোমার সংসার চালাতে পারব না। আমার বাপু ভায়ের বাড়ী পাঠিয়ে দাও।

দিকে নিশ্চিতভাবে তাকাইবার সাহস ছিল না। কাপড় ছাড়িতে ছাড়িতে উত্তর করিলেন—অনেকক্ষণ ধরে ডাকছি, সাড়া দেয় নি—বোঝ না সমস্ত দিন কোর্টে কাজ করার পর জানাকাপড় না ছাড়তে পারলে কত কষ্ট হয়।

কর্তীঠাকুরাণী বাঙ্কার দিয়া উত্তর করিলেন—আহা কি জানাকাপড় ছাড়াই গো—এক বালিসের খোল ছেড়ে আর এক বালিসের খোলে ঢোকা। বাঙালীর ছেলে, বাঙালীর

ভিতর সাহেব সেজে থাকা কেন বাপু। কিছুদিন থেকে তোমার অনেক বিষয়ে মতিভ্রম দেখছি—এর আগে আমার কত কাছে এসে 'ওগো' বলতে, এখন...

আপিস-ফেরতা কেরাণীরাও স্বস্তির নিখাস ফেলতে পারলে বাঁচে—আর তুমি সব সময় গলায় ফাঁস না লাগিয়ে থাকতে পার না। গলায় ফাঁসটা কি?—কেন তোমরা টাই না কি বল—ও ত গলায় দড়ি দেবারই মত। এই ত সেদিন নারকেল নাড়ু ক'রে তোমাকে খাওয়াতে এলাম, কি-না তোমার হাঁটুর ভায়ে একটু ভর ক'রে দাঁড়িয়েছিলাম—তুমি একেবারে অগ্নিশর্মা চেহারা ক'রে চোঁচিয়ে উঠলে—ক্রীজ ক্রীজ—

ইংরেজীতে গালাগালি আমরা না হয় বুঝতে পারি না, তাই বলে ক্রীজ বলবে কেন?

সাহেব কপালে করাঘাত করিয়া বলিলেন—ক্রীজ মানে কাপড়ের ভাঁজ, গালাগালি নয়।

কর্তীঠাকুরাণী—হ্যাঁ ক্রীজ মানে কাপড়ের ভাঁজ—আমি কচি খুকি, কিছু বুঝি না—তোমাকে সোজা বলে দিছি—ক্রীজ আর ভগ্ চলবে না। তোমার কাজ ত কোর্টে যাওয়া এবং সেখান থেকে বাড়ী ফেরা—সংসার চালান কি জিনিস যদি বুঝতে তা হ'লে মেজাজ দেখাবার চেষ্টা করতে না।

সাহেব ছুরবস্থা হইতে পরিভ্রাণ পাইবার ফাঁক খুঁজিতেছিলেন, অথচ দরজা আগলাইয়া দাঁড়াইয়া আছেন শশরীরে মহিয়সী মহাশক্তি, এমৎ অবস্থায় একমাত্র দীনক্রান্ত ভগবান উদ্ধার করিতে পারেন, কিন্তু সে দিক দিয়াও ইনার ম্যান্ কোন সাড়া দিতেছে না। কি করিবেন, কিছু স্থির করিতে না পারিয়া চেয়ারে বসিয়া পড়িলেন। গৃহিণীর দিকে একবার গদগদভাবে তাকাইলে কি হয় ভাবিতেছিলেন, এমন সময় ভগা আসিয়া একটি ভিজিটিং কার্ড দিয়া গেল। গোদের উপর বিষ ফোড়া—বেচারী ভগা কয়লা ভাঙ্গিতে ভাঙ্গিতে কার্ডটি তাহার কর-কমলের অভ্যন্তরস্থিত করিয়াছিল—ফলে কার্ডের মালিকের নাম নিরাকার প্রাপ্ত হইয়াছে। জলে ভাসিয়াযাইবার সময় সামান্য তৃণও নাকি হতভাগ্যের আশ্রয় দেয়, তাই মনে করিয়া জজ সাহেবের কার্ড সহায় করিয়া ঘর হইতে বাহির হইবেন ঠিক করিয়াছেন, ইতিমধ্যে ভগা এক ফিরিঙ্গি মহিলাকে লইয়া

তথায় উপস্থিত। দেখিতে মন্দ নয়—তাহার উপর বয়স উত্তেজক, বেশভূষা মাদকতায় পূর্ণ। তাঁহাকে আসিতে দেখিয়া কর্তীঠাকুরাণী এমন একটি মুখভঙ্গী করিলেন, যাহার অর্থ ভুল করা যায় না; ভগা যে এতবড় বোকা ও পাষাণ হইবে জজ সাহেব অনুমান করিতে পারেন নাই। দুই-চার মিনিট পরে আনিলে মহাভারত কি অসুন্দ হইত। খেতাবপ্রাপ্তির সঙ্গে সঙ্গে একজন লেডি-স্টেনোগ্রাফার রাখিবেন ঠিক করিয়াছিলেন—আপিসের কাজ এত বেশী যে.....

সাহেবের বুঝিতে বাকি রহিল না, মহিলাটি বন্ধু প্রেরিত স্টেনোগ্রাফার। আকর্ষণের দিকে মুখ ফিরাইয়া এমার অভিনন্দন জ্ঞাপন করিবেন এমন সাহস নাই, অথচ সম সাহেবের বয়স কম বলে সাহেবের মন বিগড়াইয়া গেল। সাহেব কপাল মুছিবার ছলে নিজের দৃষ্টি আড়াল করিয়া মহিলাটিকে ভিতরে আসিতে ইঙ্গিত করিলেন। কর্তীঠাকুরাণী তখন সবে গা ধুইয়া আসিয়াছেন। মেম সাহেব নির্বিকার চিত্তে তাহার অঙ্গ স্পর্শ করিয়া ভিতরে ঢুকিবার পথ চাহিলেন। যেখানে বাঘে ভয়, সেইখানেই সন্ধ্যা হয়; এতটা গড়াইবে কে ভাবিয়াছিল। স্নেহজগ্ন স্পর্শ করায় অসংখ্যবার দুর্গানাম করিতে করিতে কর্তীঠাকুরাণী পুনরায় গামছা পরিয়া স্নানের ঘরে ঢুকিলেন। এই ঘটনায় ফলাফল কি হইল শুনিতে হইলে সদয়কে পাষণের মত কঠিন করিয়া লইতে হয়। এইটুকু বলিতে পারি—দুর্ভল মেম হিংস্র শার্দূল দ্বারা আক্রান্ত হইবার পূর্বে যে অবস্থায় থাকে—আমাদের জজ সাহেব তাহা অপেক্ষা কিছু মাত্র ভাল মনে ছিলেন না। এমার মহিলাটির সহিত বিজনেসের কথা ছাড়া আর কিছু কথা হইয়াছিল কি-না জানিবার সুযোগ ছিল না। মহিলাটি জজের স্টেনোগ্রাফার হইবার পর এক সপ্তাহ কাটিতে চলিল—কর্তী-গৃহিণীর বাক্যালাপ বন্ধ।

সাহেবেরও নানা রকম চাকল্য দেখা দিতে আরম্ভ করিয়াছে, অনেক বিষয়ে কেমন একটা কাঁচা কাঁচা ভাব দেখাইবার জন্ম অত্যধিক ব্যস্ততা দেখা দিল। হঠাৎ অনেক বৎসর পরে ড্রেসিং টেবিলের উপর করপী দেবীয় লেভেঙার আসিয়া হাজির। যাহারা তাঁহার সহিত ঘনিষ্ঠভাবে পরিচিত তাঁহারা এই সব লক্ষণ রহস্যময় মনে করিতে লাগিলেন। জজ সাহেবের

গেদিকে দৃকপাত নাই, তিনি নির্ভীকভাবে আনন্দকে ধারণ করিয়া লইয়াছেন এবং প্রত্যহ বিজনেসের জন্ম তাহাকে আদালতের ছুটির পরেও দীর্ঘকাল থাকিতে হইতেছে। আজকাল তিনি নিজে ফাইলের মর্ম বুঝাইয়া না হলে চলে না। ওদিকে পুঁটিকে (তৃতীয়া কন্ঠা) দেখিবার সময় বরকর্তারা নোটিশ পাঠাইয়াছেন—ওমুক দিন সন্ধ্যা অত উঠিবার সময় তাঁহারা মেয়ে যাচাই করিতে আসিবেন।

নির্দিষ্ট সময় বরকর্তারা জজ সাহেবের গৃহে উপস্থিত, অথচ অভ্যাগতদের অভ্যর্থনার কিছু মাত্র ব্যবস্থা নাই। সাহেব তখন কোর্টে স্টেনোগ্রাফারের সহিত জরুরী কাজে গিয়া। বাড়ী হইতে কর্তীঠাকুরাণী তাগিদে পর তাগিদে গড়াইতেছেন, কিন্তু খাস-আদালী কড়া হুকুম অমান্য করিয়া সাহেবের কামরায় ঢুকিতে সাহস পাইতেছে না। হঠাৎ সশব্দে সাহেবের ঘরের কবট খুলিয়া গেল। লক্ষ্য করিলে স্পষ্ট বুঝা যাইত, মেম সাহেবের চির-নৃত্যপরায়ণা মঙ্গল ভীতির সঙ্কেত দিতেছে—চলার গতিও বেশ ক্ষত—সাহেব তাঁহার পিছনে সমান বেগে আসিতেছেন। আদালীকে সামনে দেখিয়া নিজেকে সংযত করিলেন। দীর্ঘকালের অভিজ্ঞতায় সাহেব জানিতেন সব কাজে সাবধী রাখা বুদ্ধির পরিচায়ক নয়। স্থির করিলেন পরে নিশ্চিন্ত করিয়া লইবেন। জরুরী কাজ করিতে গিয়া উপস্থিত যে সব কাজ তিনি করিয়াছিলেন তাহা অত্যন্ত স্বাভাবিক, অর্থাৎ আনুমানিক যৌবনের তাড়া তিনি মানাইতে পারেন নাই—উপযুক্ত সময়ের আগেই মনের উচ্চাঙ্গ প্রকাশ করিয়া ফেলিয়াছিলেন।

আদালীর নিকট কর্তীঠাকুরাণীর-তাগাদার কথা শুনিয়া তিনি প্রথমটা রাগিয়া উঠিবার চেষ্টায় ছিলেন, তাহার পর মনে পড়িল আজ পুঁটিকে বরকর্তাদের দেখিতে আসার কথা তখন তাঁহার টনক নড়িল। এ বিষয়বস্তুর ত ফলা নাই—কি কুক্ষণেই তিনি বুড়া বয়সে স্টেনোগ্রাফার রাখিতে গিয়াছিলেন। স্টেনোগ্রাফারই বা রাখিতে যাইবেন কেন—কি না তাঁহার অনতিবিলম্বে রায় বাহাদুর হইবার সম্ভাবনা থাকিত? বত শীঘ্র পারিলেন বাড়ী ফিরিলেন। অভ্যাগতদের গভীর মুখ দেখিয়া নানাভাবে তাঁহাদের খুসী করিবার চেষ্টা করিতে লাগিলেন। ভাবি জামাতা একটি মল রত্ন। বিশ্ববিদ্যালয় তাঁহাকে স্মৃতি ত্রিলিয়াট স্কলার ছাপ

মারিয়া ছাড়িয়া দিয়াছেন। অবশেষে এমন ছেলে ফসকাইয়া বাইবে না ত? ভিতর-বাড়ীতে কি হইতেছে জানিবার উপায় নাই। বিপদে পড়িলে অনেকেই দার্শনিক হইয়া থাকেন—সাহেব বুঝিলেন, যথাস্থান হইতে ধূম নির্গত হইতেছে, স্ততরাং আগ্নেয়গিরির অস্তিত্ব সূনিশ্চিত। অগ্নির শিখা কতখানি জানিতে পারিলে সাবধানে অগ্রসর হইতে পারেন, কিন্তু উপদেশ দিতে পারে এমন কাহাকেও সামনে দেখিতেছেন না। ভগার পুস্তান নাম ধরিয়া ডাকিলে হয়ত সে প্রথমবারেই সাড়া দিতে পারে, কিন্তু তাহার টিকি দৃষ্টিগোচরের বাহিরে। বিপুল অরণ্যে দিশাহারা হইয়া পড়িলেন। একটু বসুন, আপনাদের বড় কষ্ট হয়েছে ইত্যাদি রসাল কথায় কতক্ষণ চিনি ভেজে! বরকর্তারা অতিষ্ঠ হইয়া পড়িয়াছেন। প্রথমত মেয়ে দেখাইবার নাম নাই, দ্বিতীয়ত তামাক পান সিগারেট কেহ দেয় নাই, তৃতীয়ত এখানে জলযোগ করিতে বাধ্য হইবেন জানিয়া সমস্ত বিকালটা নিজেদের অভুক্ত রাখিয়াছেন। শেষের প্রয়োজনীয়তা সকলেই মর্মে মর্মে অনুভব করিতেছিলেন, অথচ ও বিষয় কন্ঠাকর্তার ওদামীত্বই বেশী প্রকাশ পাইতেছে। সংক্ষেপে—ত্রয়োস্পর্শ যোগ ঘটিল। একজন ভদ্রতার আইন অগ্রাহ করিয়া বলিলেন—কি মশাই, আর কত দেবী?

জজ সাহেব নিজের প্রত্যুৎপন্নমতির উপর নির্ভর করিয়াও সঠিক উত্তর জোগাইতে পারিলেন না, বলিলেন—এ—এ—এই যে। বিদরীর কাজ করা রূপার ফরসি থাকা সত্ত্বেও ভগা দুই ছিলিম তামাক দুইটি নোংরা শ্রাদ্দের বেঁটে ছাঁকার উপর চড়াইয়া আনিল। স্বেচ্ছা এই কাণ্ড দেখিয়াও কিছু বলিতে পারিলেন না।

দরজার আড়ালে ভগাকে ডাকিয়া প্রথমেই একটি মুদ্রা বকশিস দিলেন, তাহার পর অত্যন্ত উৎকণ্ঠিত হইয়া জিজ্ঞাসা করিতে লাগিলেন—ওরে পুঁটির আসতে আর কত দেবী, বাবুদের জলখাবার দেওয়া হয়েছে ত? এঁনার অনেকক্ষণ এসেছেন বুঝি ইত্যাদি—মনের এই অপ্রত্যাশিত আবেগ দেখিয়া ভগা সাহেবের মানসিক স্বেচ্ছতা সম্বন্ধে সন্দেহান হইয়া পড়িল। কখনও ত সে এই রকম ব্যবহার বাবুর নিকট পায় নাই, তবে কি বাবুর কিছু হইল নাকি। বিমর্ষভাবে মা-ঠাকুরকে জানাইল—বাবুর কি হয়েছে?

দূর হইতে কর্তীঠাকুরাণী দেখিলেন, সাহেব অস্থিরভাবে

পাইচারি করিতেছেন এবং শীতকালের কনকনে ঠাণ্ডা হাওয়া সবেও ঘন ঘন কপালের ঘাম মুছিতেছেন। ব্যাপার কি অল্পমান করিতে তাঁহার বিলম্ব হইল না। চরিত্রদোষ ঘটিলে তাহার আত্মসঙ্গিক সব কিছুই পিছু লইবে তাহা আর বিচিত্র কি। এই রকম ঘটনা আগেও একবার ঘটয়াছিল, তখন মেমসাহেবের খবর জানিতেন না। বিলাতী খানার রাত্রের নিমন্ত্রণে কি সব ছাইভস্ম খাইয়া আসিয়াছিলেন। সে রাত্রে ঘরের সহিত টানাটোড়েন করিয়া বাঁচাইতে হইয়াছিল—চক্ষুর সে কি দৃষ্টি, রক্ত যেন ঠিকরাইয়া পড়িতেছিল—কথা বলার ভঙ্গিই বা কি চমৎকার। ঘটনার হুত্রগুলি বতই বাছিতে লাগিল, ততই পুরাতন বীভৎস দৃশ্যগুলি একের পর এক চাক্ষুষ করিতে লাগিলেন। অবশেষে বতক্ষণ না বেহুঁস অবস্থায় পড়িয়াছিলেন, আজও সেই দিনকার ব্যবস্থা করিতে হইবে নাকি—ছি ছি, কি কেলেঙ্কারীর কথা। পুঁটির বিবাহ কিছুতেই পণ্ড হইতে দিবেন না। পাশের বাড়ীর অরণের আসিতে দেবী হইতেছে দেখিয়া আবার তাহাকে ডাকিতে পাঠাইলেন। কর্তার আসিতে বিলম্ব দেখিয়া ঠিক করিয়াছিলেন, অরণকে দিয়া সব ব্যবস্থা করিয়া লইবেন। অরণ শহরের হাল-ক্যামানের ছেলে—বেশের পারিপাট্য তাহার কাছে একটা বড়দের কৃষ্টি—গায়ে ইকনমিক দেশী কোর্তা—গলার সামনে রুদ্রাক্ষের একটি বোতাম। দৃষ্টিভ্রমে কোর্তাটি খাট শার্ট ও ফতুয়ার মাঝামাঝি লাগে। সবলে রাখা রক্ষ কেশ, খান ধুতি কোঁচান, পায়ে রেশমি বোতামযুক্ত কাবুলী চটি। ভদ্রলোক হাসিতে হাসিতে আসিতেছিলেন, হঠাৎ পাতান-খুড়িমার মুখ দেখিয়া থমকিয়া দাঁড়াইয়া পড়িলেন। আগাগোড়া সমস্ত শুনিয়া মাথা চুলকাইতে লাগিলেন। খুড়িমা অস্থির হইয়া বলিলেন—এখন কি আর মাথা চুলকাবার সময় আছে বাবা—আর দুজনায় মিলে ভিতরে নিয়ে আসি ওখানে থাকতে দিলে শেষ পর্যন্ত একটা কেলেঙ্কারী না হয়ে যাবে না। অরণ প্রস্তুত, আগে আগে চলিল এবং নিকটে আসিয়াই বিনা বাক্যব্যয়ে সাহেবের হাত ধরিয়া টান মারিল। ততক্ষণে খুড়িমা আর একহাত ধরিয়াছেন। সাহেব হতভম্ব হইয়া জিজ্ঞাসা করিলেন—হয়েছে কি?

কর্তীঠাকুরাণী ওষ্ঠ চাপিয়া উত্তর করিলেন—চেষ্টামেচি করে না, দোহাই তোমার, ভিতর-বাড়ীতে এস, সব বলছি। সাহেব টানা-হেঁচড়ায় বিরক্ত হইয়া বলিলেন—এখন আবার ভাল লাগে না।

—বাবা অরণ, শুনলি ত বুড়া বয়সে কথার ভঙ্গী—এখন আর সন্দেহ আছে, ভিতরে নিয়ে চল বাবা, কেলেঙ্কারীর হাত থেকে বাঁচ।

তুই জনে আবার বলপ্রয়োগ করিলেন। প্রথমটা সাহেব বেকিয়া দাঁড়াইয়া ছিলেন কিন্তু হৃদরোগের কথা মনে পড়িতেই হাল ছাড়িয়া দিলেন। ইহার পর দম্পতির শুভমিলনে কি হইয়াছিল বর্ণনা করিব না, কারণ তাহা শুনিবার শক্তি আনিতে হইলে পাষণের মত হৃদয় শক্ত করিতে হয়।

পয়লা জানুয়ারী। ভোর হইবার পূর্বেই উপযুক্ত হুঁস হইতে অভিনন্দনসহ তার আসিল—তাঁহার রায়বাহার খেতাবপ্রাপ্তির বার্তা লইয়া। একই ছত্র বহবার পড়িলেন, তথাপি আশ মিটিতে চায় না। গৃহিনীকে খবরটা জানান দরকার, কিন্তু সংসার-ধর্মের বে সব বিরুদ্ধাচরণ করিয়া তঁহাতে খেতাব-সংবাদ ত তুচ্ছ, জড়োয়ার কাজসহ দুটি নিরেট সোনার অনন্ত ঘুস দিলেও কোপের উপশম হইবার সম্ভাবনা নাই। রাগ আসিয়া পড়িল পুঁটির উপর, তাহাকে দেখিতে না আসিলে এ বিপদে পড়িতে হইত না। একে স্তোক দিলেন, ছেলেটা এমন কি আহা মরি—ও রকম ছেলে অনেক জুটিবে। পুঁটি ওদিকে শত্রুর মুখে ছাই দিয়া বাড়ন্তের ডেঞ্জার জোন্-এ আসিয়া পড়িল; রং-এর জৌলস আবলুস কাঠ পাশে না রাখিলে কুঁড়ির উপায় নাই। এ ছাড়া আরও অনেক শুভলক্ষণ আছে—বাহা বিবাহের বাজারে মোটা টাকা নজর না দিলে মালিকানী স্বত্ব হস্তান্তর করা চলে না। রায় বাহাদুর সবই জানিতেন, তবু মনে বল পাইবার জন্ত তর্ক উঠাইতেছিলেন। অবশেষে পুঁটির ভবিষ্যৎ ভাবিয়া মাথায় হাত দিয়া বসিয়া পড়িলেন।

আজ মহাআনন্দের দিনে তিনি সবার মাঝে একটা গৃহলক্ষী আইন অগ্রাহ করিয়া তাঁহাকে ত্যাগ করিয়াছেন। পুত্রকন্টার এখনও বাবা বলিয়া ডাকে, স্ত্রী ওগো ছাড় আর কিছু বলিতে প্রস্তুত নন। স্বগৃহে রাজসম্মানের যদি এতটা আদর পান, ত বাছিরের লোক রায় বাহাদুরের জন্ত মাথা ঘামাইবে কেন। আজীবন অক্লান্ত পরিশ্রম—উপর-আলার নির্দয় অত্যাচার সবই সহ করিয়াছেন খেতাবপ্রাপ্তির আশায়, সেই খেতাব যখন তিনি পাইলেন তখন কেহই তাঁহার কামতায় উপযুক্ত মূল্য দিল না—রায় বাহাদুর টেলিগ্রামটি নাড়াচাড়া করিতে করিতে একটি দীর্ঘশ্বাস ফেলিলেন।

ব্রহ্মর্ষি শ্রী শ্রী সত্যদেব

শ্রী ভুবনমোহন দাশ

২৯০ সালে শ্রাবণমাসের শুক্লা দ্বিতীয়া তিথিতে বরিশাল জেলায় নবগ্রামে ব্রহ্মর্ষির জন্ম হয়।

তাঁহার পিতামাতার প্রদত্ত নাম ছিল শরৎচন্দ্র। তিনি স্কুলকালে গ্রাম্য পাঠশালায় ও পরে মধ্য-ইংরেজী বিদ্যালয়ে পড়াশোনা শেষ করিয়া অবশেষে সংস্কৃত শিক্ষালাভ মানসে ব্রহ্মর্ষি আসিয়া উপস্থিত হন। এখানে কাব্য, ব্যাকরণ ও বিভিন্ন দর্শন শাস্ত্রে উপাধি ও অভিজ্ঞতা অর্জন করিয়া ১৯০৬ সালে কলসকাঠী গ্রামে তত্রত্য উচ্চ ইংরেজী বিদ্যালয়ে প্রধান পণ্ডিতের পদে নিযুক্ত হন। শৈশব হইতেই তাঁহার মনপ্রাণ ভগবানে সমর্পিত ছিল। স্মৃতিধা হইলেই নির্জনে বসিয়া ভগবৎচিন্তায় বিভোর হইতেন এবং অল্পকালে বুক ভাসাইয়া দিতেন। হিন্দুর তথা ব্রাহ্মণদের প্রাচীন ধর্মগ্রন্থাণ্ডাল ও পূজা দেখিয়া তাঁহার গভীর দুঃখ হয়। এই কারণেই তথাকার ব্রাহ্মণ ও জমিদারগণের মত মতবৈধ হওয়ার কলসকাঠী গ্রাম ত্যাগ করেন। প্রাণের গভীর অধ্যাত্ম পিপাসা লইয়া তিনি সাধনায় নিমগ্ন হন, কিন্তু অনবস্থায়ের সমস্যা তাঁহাকে বিচলিত করিল। তিনি যুক্তিত যুক্তিতে কলিকাতা মহানগরীতে আসিয়া উপস্থিত হন।


একদিন শোভাবাজারের ডাঃ শ্রীযুক্ত তিনকড়ি ঘোষের সহিত তাঁহার সাক্ষাৎ হয়। তিনি তাঁহার সৌম্যমূর্তি দেখিয়া শ্রদ্ধাপরবশ হইয়া পড়েন এবং তাঁহাকে গৃহশিক্ষকের পদে নিযুক্ত করেন। এই সময় এক উচ্চ ইংরেজী বিদ্যালয়েও তাঁহার একটি শিক্ষকতার কর্ম জোটে। এই প্রকারে নামান্ন আয়ে তাঁহার পিতামাতার সংসার চলিয়া যাইতে লাগিল।

শরৎচন্দ্র প্রাণের তীব্র অধ্যাত্ম ক্ষুধা লইয়া হাওড়ায় থাকিয়া শ্রীমৎ বিজয়কৃষ্ণ চট্টোপাধ্যায়ের নিকট উপস্থিত হন এবং তাঁহার নিকট আত্মবিচার উপদেশ গ্রহণ করিয়া দিব্যচক্ষু লাভ করেন।

এইরূপে শরৎচন্দ্র তাঁহার কর্মময় জীবনের মধ্য দিয়া নামান্নার সিদ্ধপীঠে আসিয়া উপনীত হইলেন। এখানে আসিলে যোগযুক্ত ব্যক্তির বাহ্যকর্ম করিবার আর শক্তি

থাকে না; তিনিও বৈষয়িক কর্ম ত্যাগ করিতে বাধ্য হইলেন। তাঁহার তপস্যা প্রভাবে তাঁহার নিজেরও কোন অভাব হইল না এবং তাঁহার আশ্রিতজনও কোন অভাব অল্পভব করিলেন না। ভগবানই এই যোগযুক্ত তপস্বীর যোগক্ষেম বহন করিলেন। কাশীতে কঠোর তপস্বাবলে—বাহাকে জানিলে মানুষ্যের জানিবার ও পাইবার কিছু বাকী থাকে না, সমাধিবলে সেই সচ্চিদানন্দ স্বরূপের প্রত্যক্ষ অল্পভব করেন, তিনি সিদ্ধ হন।

তিনি খুবই প্রচ্ছন্নভাবে জীবনযাপন করিতেন। এমন কি তাঁহার প্রণীত কোনও গ্রন্থই তাঁহার নামের উল্লেখ থাকিত না। আত্মজ্ঞানলাভের পর ভক্তদের আগ্রহাতিশয্যে



ব্রহ্মর্ষি শ্রী শ্রী সত্যদেব

তাঁহাকে আবার কর্মক্ষেত্রে অবতরণ করিতে হয় এবং ধর্ম শ্রদ্ধাহীন জীবের তথা জগতের কল্যাণের নিমিত্ত উপদেশ দান ও পুস্তক প্রণয়নের দ্বারা অমূল্য ধর্মতত্ত্ব পরিবেশন করিতে আরম্ভ করেন।

তিনি বলিতেন—অবস্থার পরিবর্তন বা বেশভূষার পরিবর্তনের মধ্যে বা কৃচ্ছতার সঙ্গে আত্মজ্ঞান লাভের সম্বন্ধ খুবই কম। যে যে অবস্থায় অবস্থান করিতেছে সেই অবস্থা হইতেই সাধনা আরম্ভ কর, তোমার অল্পকূল অবস্থা তোমার সাধনা বলেই আসিবে। তোমাকে কিছুই ছাড়িতে হইবে না—গৃহ, সংসার, আহার, বিহার, তোমার

দৈনন্দিন কর্ম—কিছুই ত্যাগ করিতে হইবে না। যে যেমন অবস্থায় আছ এবং যে কোন বর্ণ, জাতি বা সমাজে থাক—সকলেরই মাকে ডাকিতে—ভগবানকে ডাকিতে সমান অধিকার আছে। সকলেই যে মায়ের সন্তান, সেখানে ছোট-বড় বিচার নাই, নীচ-উচ্চ প্রভেদ নাই।

ভগবান শঙ্করাচার্য্য বলিয়াছেন, সব ছাড়, সাধনচতুষ্টয়-সম্পন্ন হও—তবে বেদান্ত পাঠের বা আত্মজ্ঞান লাভের অধিকারী হইবে। ব্রহ্মর্ষি বলিতেন, কিছুই ছাড়িতে হইবে না—সে ত্যাগ বৈরাগ্য তোমাদের নাই; সাধনা কর—মাকে ডাক আন্তরিকভাবে কায়মনোবাক্যে। মা সন্তুষ্ট হইলে তোমায় তিনি আদর করিয়া বরণ করিবেন, গ্রহণ করিবেন—তাহা হইলেই মাকে পাওয়া হইবে—লক্ষ্য সিদ্ধ হইবে—তোমার পথের কণ্টক আপনা হইতেই দূর হইবে।

বহুর মধ্যে একের কিরূপে উপাসনা করা যাইতে পারে

এবং বাক্য ও মন্ত্রের সঙ্গে সঙ্গে দেবতা কিরূপে জাগ্রত হন তাহাই দেখাইবার জ্ঞান ব্রহ্মর্ষি বিশেষ করিয়া দেবার্চনা করিতেন। মুমুক্শু সাধকের মুক্তির পথও এই দৈবপূজা হইতেই নিষ্কটক হয়। গুরুশক্তিতে সঞ্জীবিত হইয়া মন-চৈতন্য পূর্বক দেবতাকে আহ্বান করিলে দেবতা আসেন—দেবতা পূজা গ্রহণ করেন ও আশীর্বাদ বর্ষণ করেন। যিনি যে জাতিভুক্ত হউন, যে বংশেই জন্মগ্রহণ করেন—এইরূপ শক্তিমান হইলে তিনি ব্রাহ্মণ পদবাচ্য। ব্রহ্মর্ষি একমুখে শিষ্যদের লইয়া বিভিন্ন দেবতাদিগের যে অলৌকিক পূজা করিতেন তাহা না দেখিলে হৃদয়ঙ্গম হয় না। শুধু মুক্তির জ্ঞান নয়, লাঞ্চিত ভারতের জ্ঞান, দেশের ক্লীবস্ব নাশের জ্ঞান, দেশের তামসিক মনোবৃত্তি দূর করিবার নিমিত্ত মায়ের পূজা করিতেন। এখনও হাওড়ায়, বরাহনগরে ও কলিকাতায় সেইরূপ অলৌকিক পূজা দেখা যায়।


তুমি আর আমি

শ্রীঅনুরাধা দেবী


এসো আজ এইখানে পাশাপাশি বসি ছুইজনে
আকাশে উঠেছে চাঁদ! কত কথা পড়ে আজ মনে।
মনে হয় তুমি আমি যুগে যুগে চলেছি এ-পথে;
মনে হয় কানাকানি কত খেলা ছেলেবেলা হ'তে—
করেছি পথের পাশে ওইখানে শিউলিতলায়,
তখন হয় নি রাঙা সরমের কোমল ছোঁয়ায়
আমার এ তনু-মন। তুমি ছিলে ছরস্তু চপল;
বারে বারে ছুটে এসে করি কোলাহল
ভেঙে দেছ খেলার ঘরখানি, মাননিকো মানা।
বই ফেলে চুপি চুপি চোরের মতন দিয়ে হানা
চমকে দিয়েছ এসে এমনি নিরালা রাতে একা;
আনমনে ছুইজনে চকিতের চোখে চোখে দেখা
হয়েছে শতক বার। তখন হয়নি মনে লাজ;
হয় ত ছিল না কথা, তবু কথা-বলা ছিল কাজ।
আজকে চাঁদের রাতে মুখপানে চেয়ে ভাবি তাই,
ছুনিয়ার কোনখানে তুমি ছাড়া নেই বুঝি ঠাই।
তোমার চোখের পাতা যখন সজল হবে দুখে,
নিবিড় বাঁধনে আমি জড়িয়ে ধরিব মোর বুকে।
তোমার আমার মাঝে রবে না কোি ব্যবধান কিছু,
তুমি যাবে আগে আগে, আমি ছায়া তব পিছু পিছু

চলিব অনন্তকাল সন্মুখের পথ বাহি ধীরে;
হয় ত কখনো ক্লান্তি নামিয়া আসিবে দুটি তীরে,
জীবনের পটভূমে সায়াহ্নের কালো ছায়া সম,
ঘনাবে বৈশাখী ঝড় নিষ্পন্দ আকাশে গাঢ়তম;
তবুও ছুজনে মোরা যাবো না কোি দুই পথে চলি,
এমনি ছাতিস তলে আঁধার বা আলোকে উজলি
বিশ্রাম করিব পাশাপাশি। তুমি রবে তন্দ্রাতুর,
আমার বুকের তলে বাজিয়া উঠিবে ভীকু সুর;
হয় ত বাতাস লাগি তালের শাখায় তরুশিরে
কাঁপিবে আঁধার ছায়া; বনের গহন বীথি বিরে
নামিবে শ্রাবণ মেঘ বলকিয়া চকিতে বিজরি,
আমি বধু ভীকুমনা ক্ষণে ক্ষণে উঠিব শিহরি'।
তোমার বুকের তলে আনমনে ঢেকে মুখখানি
জপিব প্রেমের মন্ত্র, শুনিব গোপন মনোবাণী
অফুরন্ত উল্লাসের রোমাঞ্চিত আবেশে মধুর,
বা কিছু কামনা মোর অপুষ্পিত বেদনা-বিধুর—
মঞ্জুরিত হবে প্রিয় ফুলে ফলে আনন্দ উল্লাসে;
মাতাল এ তনু মন প্রতিক্ষণে তব অঙ্গবাসে
গাঁথিবে স্মৃতির ফুলে স্বজনের নব নব মালা;
আমি নারী, সে-সৃষ্টির শতদলে ভরে' নেবো ডালা।

ভারতবর্ষ



ব্রহ্মপুত্রে মোহমির বিক্রম



রূপান্তর

শিল্পী—ভুলসী বন্দ্যোপাধ্যায়, দ্বারভাঙ্গা

প্রলয়ের সূচনা

শ্রীস্বধাংশুকুমার বসু

সম্রাজ্যের কালো ছায়া আজ বিদ্যুৎগতিতে সারা ইউরোপে পরিব্যাপ্ত হয়ে পড়েছে। রণদেবতার দামামা-ধ্বনি এতদিন ছিল মুহূ এবং ক্ষীণ, এবার কিন্তু তা অস্পষ্টতার আবরণ তিক্রম ক'রে গভীর নির্ঘোষে সারা জগৎকে উচ্চকিত ক'রে তুলেছে। হিংসার যে ছুরন্ত ধারা এতদিন লোক-লোচনের মধ্যখানে অন্তঃসলিলা ফল্গুনদীর মতো আত্মগোপন ক'রে ছিল তা অকস্মাৎ কুলহারী নদীর মতো বিপুলবেগে সমগ্র ইউরোপকে ভাসিয়ে নিয়ে যাবার উপক্রম করছে। 'বুদ্ধ বাবে কি বাধবে না' এই ভেবে আমাদের মন এতদিন যে সন্দেহ-দোলায় ভুলছিল এতদিনে তার অবসান ঘটেছে। এবার আর স্রু গর্জন নয়, রীতিমত বর্ষণ শুরু হয়েছে। অস্তিত্ব-বিক্রমে জার্মানী আক্রমণ করেছে পোল্যান্ডকে; জার্মান বিমান-বাহিনীর প্রচণ্ড আক্রমণে আজ পোল্যান্ডের রাজধানী ওয়ার্স বিধ্বস্ত। সেই শ্মশান-স্তূপের ওপর জার্মানী তার অস্তিত্ব-লাঞ্ছিত বৈজয়ন্তী উড়িয়েছে। এই হচ্ছে ক্যাপিটল শান্তির নমুনা। পোলিশ রাষ্ট্রের অস্তিত্ব আজ বিলুপ্ত—সেখানে আজ শান্তি প্রতিষ্ঠিত হয়েছে বটে, কিন্তু তা হচ্ছে মহাশ্মশানের স্তব্ধতা—প্রতাপুরীয় বিজন নীরবতা। কিন্তু স্বাধীনতা-প্রিয় পোলেরা তবুও তাতে কিছুমাত্র হতাশা; পূর্ণ-উৎসাহে তারা স্বদেশ-উদ্ধারের চেষ্টায় সমস্ত শক্তি নিয়োজিত করেছে। বৃটেন এবং ফ্রান্স এতদিন পরে তাদের ক্যাপিটল তোষণ-নীতি পরিহার ক'রে পোল্যান্ডের সহায়তা করার জগু সম্মুখ-সমরে এ'গয়ে এসেছে। ফলে, রণদেবতার চরণ-ক্ষেপে সমস্ত পৃথিবী উঠেছে কেঁপে—ইউরোপ মেতে উঠেছে এক মর্মহৃদয় মরণ-মহোৎসবে।

পঁচিশ বছর আগে সারাজিভোতে (Sarajevo) এক আততায়ীর গুলি যে দাবানল জ্বালিয়েছিল তা ইউরোপের প্রাচীন-পন্থী সমাজ-ব্যবহার অস্তিত্বদশার নির্দেশ করেছিল। সাম্রাজ্যবাদী রাষ্ট্রগুলির গভীর অন্তর্দ্বন্দ্ব পরিষ্কৃত হয়ে উঠেছিল সেই তীব্র সংঘাতে। ভের্সাই সন্ধির ফলে সেই অগ্নিশিখা সাময়িক ভাবে নির্বাপিত হয়েছিল মাত্র—তা সম্পূর্ণ তিরোহিত হয় নি। বিভিন্ন সাম্রাজ্যবাদী রাষ্ট্রের স্বার্থ

হচ্ছে পরস্পর-বিরোধী; এদের মধ্যে দ্বন্দ্ব এবং বিরোধ অবশ্যসম্ভাবী। এ সম্রাজ্যের স্রুশীমাংসা বিগত পঁচিশ বৎসরের মধ্যে সম্ভবপর হয়ে ওঠেনি; বরঞ্চ তাদের অসামঞ্জস্য ক্রমশ আরও সূত্রকট হয়ে উঠেছে। তার ওপর ক্যাপিটালিস্ট রাষ্ট্রগুলির মাঝখানে সাম্যবাদী রুশিয়ার আবির্ভাব সেই বিরোধকে আরও জটিলতর ক'রে তুলেছে।

বর্তমান যুগে সাম্রাজ্যবাদের প্রসার হয়েছে মুখ্যত অর্থ-নৈতিক কারণে। শিল্প-বিপ্লবের ফলে পশ্চিম ইউরোপের রাষ্ট্র-গুলির ধনোৎপাদনের ক্ষমতা বৃদ্ধি পায় দ্রুতগতিতে। তারা যে পরিমাণে ধন উৎপাদন করতে থাকে তা তাদের প্রয়োজনের অতিরিক্ত হয়ে দাঁড়ায়। এই অতিরিক্ত পণ্যসম্ভার নির্বিবাদে বিক্রয় করার জগু তারা সাম্রাজ্য স্থাপন করে বিভিন্ন দেশে—যেখানে তাদের উৎপন্ন বস্তুর চাহিদা রয়েছে। এই পদানত দেশগুলি স্রু যে তাদের পণ্যদ্রব্যই কিনবে তাই নয়—এরা যোগাবে সাম্রাজ্যবাদী রাষ্ট্রগুলির প্রয়োজনীয় কাঁচামাল এবং খাদ্য দ্রব্য। আবশ্যিক হলে এরা হবে প্রভু, রাষ্ট্রগুলির বাসিন্দাদের উপনিবেশ—তাদের বাড়তি অধিবাসীদের স্থায়ী আস্তান।

সাম্রাজ্যবাদের প্রথম দিকে এ ব্যবস্থা সূচরুভাবেই চলছিল। তখন মাত্র স্বল্প কয়েকটি রাষ্ট্র ছিল এই পথের পথিক। বৃটেনে শিল্প-বিপ্লবের উৎপত্তি; কাজেই নবযুগের সাম্রাজ্যবাদের অগ্রদূত হচ্ছে গ্রেট-বৃটেন। ফলে গ্রেট-বৃটেন এমন এক বিস্তারিত সাম্রাজ্য গড়ে তুলেছে যার তুলনা ইতিহাসে নেই। ফরাসী ওলন্দাজ দিনেখার পর্তুগীজ প্রভৃতি জাতিরও ইউরোপের বাইরে অধিকার কিছু কম নয়। পরস্পরের সঙ্গে একটা আপোষ ক'রে এরা সবাই যে যার অধিকার নির্বাণ্ডাতে ভোগ করছিল;—এসিয়া, আফ্রিকা, অস্ট্রেলিয়া এবং আমেরিকার বহু অঞ্চলেই এই সাম্রাজ্যবাদী বণিক সভ্যতার বিজয়-বৈজয়ন্তী প্রোথিত হয়েছিল এবং এর অগ্রগতি ছিল অপ্রতিহত।

কিন্তু গোল বাধূল জার্মানীর অভ্যুত্থানের সঙ্গে। বর্তমান জার্মানীর জন্মদাতা হচ্ছেন—অটো ফন বিসমার্ক।

তঁারই প্রতিভা প্রাণিয়ার নেতৃত্বে জার্মানিতে এনে দেয় জাতীয় ঐক্য; একটি অখণ্ড জার্মান রাষ্ট্র স্থাপনের কামনা রূপায়িত হয় তঁারই কল্পনালোকে। এই কূট-কৌশলী রাষ্ট্রনায়কের চেষ্টায় আফ্রিকায় জার্মান অধিকার স্থাপিত হোলো বহু অঞ্চলে। জার্মানী হোয়ে দাঁড়াল অশান্ত সাম্রাজ্যবাদী রাষ্ট্রের প্রবল প্রতিদ্বন্দী। এখানে জেগে উঠল এক তীব্র জাতীয়তা এবং তা চাইল জার্মানীকে পৃথিবীর প্রবলতম রাষ্ট্রে পরিণত করতে। যে কুহকে প্রলুব্ধ হয়ে মাসিডন-পতি আলেকজান্ডার ছুটে এসেছিলেন সুদূর পঞ্চনদের তীরে—যে মরীচিকা সীজারকে টেনে নিয়ে গিয়েছিল নীলনদের উপত্যকায়—যে আলেক্সান্ডার পিছনে ছুটে নেপোলিয়ন রাজ্যের পর রাজ্যে তঁার জয়-পতাকা উড়িয়েছেন—সেই পৃথিবী-ব্যাপী একচ্ছত্র সাম্রাজ্য গঠনের স্বপ্ন দেখল জার্মানী—কাইজার উইলহেল্মের অধিনায়কত্বে। ফলে রণছন্দুভি বেজে উঠল ইউরোপে এবং তার প্রাণকেন্দ্র হোলো জার্মানী। ১৯১৪ থেকে ১৯১৮ সাল পর্যন্ত চার বৎসর ধরে ইউরোপে যে নৃশংস নরমেধ যজ্ঞের অন্তর্ধান হোলো তার গোড়ার কথা হচ্ছে এই সাম্রাজ্যবাদী রাষ্ট্রতন্ত্রের অন্তর্নিহিত বিরোধ এবং তাতে ইন্ধন যুগিয়েছে জার্মানীর উৎকট জাতীয়তাবোধ।

জার্মানীর উচ্চাভিলাষের সমাধি হোলো ভের্সাইতে। মিত্রশক্তিপুঞ্জের হাতে পরাজয় বরণ ক'রে জার্মানী বাধ্য হোলো ভের্সাই-সন্ধির শৃঙ্খল পরতে। জার্মানীকে নখদন্তহীন নিরীহ জীবে পরিণত করতে চেষ্টার ক্রটি করেন-নি ভের্সাই-সন্ধির রচয়িতারা—বিশেষ ক'রে ফরাসী রাজনীতি-ধুরন্ধরেরা; চিরকালের মতোই জার্মানীর বিষদাঁত ভেঙে দেওয়াই ছিল তাঁদের উদ্দেশ্য। জার্মানীর উপনিবেশ হলো হস্তচ্যুত, সৈন্য-সংখ্যা হোলো নিয়ন্ত্রিত; তার বুকের ওপর চেপে বসলো এক অসহ ঋণের বোঝা এবং ক্ষতিপূরণের দাবী। এ ছাড়া জার্মান, অস্ট্রো-হাঙ্গেরিয়ান এবং রাশিয়ান সাম্রাজ্যের ভগ্নস্তুপের ওপর জেগে উঠল কয়েকটি নাতি-বৃহৎ স্বাধীন রাষ্ট্র। এদের অস্তিত্ব সম্ভবপর হোলো মিত্রশক্তিপুঞ্জের প্রচেষ্টায় এবং সহায়তায়। যদিও মিত্র-শক্তিবর্গ সোৎসাহে প্রচার করলেন যে, এতগুলি নতুন রাষ্ট্রের উদ্ভব হোলো সর্বজাতির আত্মকর্তৃত্ব-স্থাপন নীতির অঙ্গস্বরূপ করে (right of self-determination);—

কিন্তু বস্তুত এ পরাজিত জার্মানীর (এবং তার স্নহৃদবর্গের) ক্ষমতা হরণের প্রয়াস ব্যতীত কিছুই নয়। মহাসমরের অবসানে বুটেনের গোরব হোলো ঘরে-বাইরে সুপ্রতিষ্ঠিত; কন্টিনেন্টে ফরাসী প্রভাব হোলো অবিচলিত এবং সর্বজাতি-স্বীকৃত এবং জার্মান-মহিমা হোলো রাহুগ্রস্ত। পুরাতন সাম্রাজ্যবাদীদের প্রতাপ রইল অক্ষুণ্ণ।

সুদীর্ঘ পঁচিশ বৎসর পরে আবার পট পরিবর্তিত হয়েছে। জার্মানী আবার নববিক্রমে রাজ্য-বিস্তারে অগ্রসর হয়েছে। একথা অস্বীকার করা যায় না যে, ভের্সাই সন্ধির সর্তা সর্তা পিছনে ছিল সাম্রাজ্যবাদী মনোভাব এবং প্রতিশ্রুতি প্রবৃত্তি। জার্মানী তাকে কোনও দিনই সম্ভাবে মনে নিতে পারে-নি; কিন্তু তখন সে নিরুপায়। ক্ষমতা রোধে গজরান ছাড়া প্রতিকারের কোনো পছন্দ তার চোখে পড়ে-নি। কিন্তু এই পরাজয়ে কাইজারের প্রাণচ্যুত অবসান ঘটলেও জার্মানীর মনোবৃত্তির পরিবর্তন কিছুই হয়-নি। তার জাতীয় ঐক্য বরঞ্চ আরও দৃঢ় এবং গভীর হয়ে দাঁড়ায়। রাজকীয় শাসনতন্ত্রের (monarchy) অস্তিত্বদশা ঘনিয়ে এলেও সাম্রাজ্যবাদী আদর্শের বিলোপ ঘটবে-নি; যবনিকার অন্তরালে তার কামনার গগনস্পর্শী শিখা রইল সংগুপ্ত। সাম্রাজ্যবাদী মতবাদের কিছু প্রসার ঘটল, কিন্তু তা ক্ষণিক দীর্ঘ বিকীরণ ক'রে অচিরেই আত্মগোপন করলে। জার্মানীর উগ্র দেশাত্মবোধ, রণক্ষেত্রে ভাগ্য-বিপর্যয়-হেতু ক্ষুণ্ণ জাতীয় অহমিকা এবং সাম্যবাদী-পরিপক্বী-মনোভাব এই—ত্রিধি-শক্তির সমন্বয়ে জার্মানীতে এক নতুন আন্দোলন বিস্তার লাভ করলে যা মহায়ুদ্ধের পূর্বযুগের সাম্রাজ্যবাদের সংস্কৃত কালের রূপান্তর। নাৎসীবাদ বা National Socialism নামে এই মতবাদ সাম্প্রতিক কালে শাস্তির অহরণ হয়ে দাঁড়িয়েছে। হিটলারের পরিচালনায় নাৎসী জার্মানী আত্ম-গণতন্ত্রী বুটেন এবং ফ্রান্সকে দ্বন্দ্বযুদ্ধে আহ্বান করেছে পোল্যান্ডকে উপলক্ষ ক'রে।

নাৎসী জার্মানীর অভিধান ভের্সাই সন্ধির অবিচার পর করবার উদ্দেশ্য নিয়ে গড়ে উঠেছে এমন একটা ধারণা বর্তমান কালে বিস্তার লাভ করেছে। এ হচ্ছে নাৎসী প্রচারকার্যের সাফল্যের পরিচায়ক। নাৎসী-আন্দোলন সাফল্যলাভ করবার পরেই বুটেনের মনোভাব পরিবর্তিত

হয়েছিল জার্মানীর সম্বন্ধে। হিটলারের অভ্যুত্থানের আগেই জার্মানীর ঋণ-সম্পত্ত দাবী অনেক কিছুই মেটানো হয়েছে বিনা যুদ্ধে এবং বিনা লুক্কিতে। জার্মানীকে জাতি-মজ্বের সদস্য নির্বাচন (১৯২৬ সালে) মিত্রশক্তিপুঞ্জের জার্মানীর প্রতি পরিবর্তিত মনোভাবের ইঙ্গিত। এর আগে লোকার্নো চুক্তি (১৯২৫) এই মৈত্রীভাব প্রসারের সহায়তা করেছে। স্ট্রেসম্যানের আমলে (Stresemann) ১৯৩০-এ ইনল্যান্ড থেকে বৈদেশিক বাহিনী অপসারিত হয়। ব্রুনিং (Bruning) এবং ফন পাপন (Von Papen)-এর আমলে ক্ষতিপূরণের ভার তিরোহিত হ'ল। পাপন-স্লেইচারের (Papen-Schleicher) কালে মিত্রশক্তিবৃন্দ স্বীকার করল অশান্ত রাষ্ট্রের সঙ্গে জার্মানীর সামরিক ঐক্যের অধিকার।

হিটলার এলেম জার্মানীর নতুন ছুটি দাবী নিয়ে—মধ্য-ইউরোপে জার্মানীর অক্ষুণ্ণ অধিকার-বিস্তার এবং উপনিবেশের অধিকার। জার্মানীর এই অভিলাষ নিয়ে পূর্বেই 'ভারতবর্ষে' আলোচনা করেছি। (জৈষ্ঠ, ১৩৪৫—বর্তমান লেখকের 'ভারতবর্ষের কার পালা' প্রবন্ধ দ্রষ্টব্য।) নাৎসী জার্মানী ধূম্রা ধরেছে—তাদের চাই 'বঁচবার জায়গা' (living space)। 'Lebensraum' (লেবেন স্পাউম) বা living space হচ্ছে সাম্প্রতিক ইউরোপে স্খু নয়—সমগ্র সভ্য জগতের সমস্ত। ১৯৩৮ সালে অগ্‌সবার্গে হিটলার ঘোষণা করেছিলেন—“We must raise the demand for colonial living space. What people do not care to hear today they will be unable to ignore in a few years' time, and in four or five years they will have to take it into proper account.” [উপনিবেশে বঁচবার জায়গা আমরা চাইব-ই। আজ যা লোকে শুনে চাচ্ছে না কয়েক বৎসরের মধ্যে তা উপেক্ষা করা তাদের পক্ষে সম্ভব হবে না এবং চার-পাঁচ বছরের মধ্যে এ দাবী তাঁদের সম্মুখে চলতে হবে।] জার্মানীর এই আকাঙ্ক্ষাই প্রকাশিত হয়েছে ডক্টর লে'র রচনায় যখন তিনি বলছেন—As long as Germany is a nation without sufficient space, we are not free. While a small number of British and a small number of French rule over more people than their population numbers, we Germans, who with 80 million people are the largest racial

unit in Europe, have no colonial territory whatsoever; without colonies we are not free. The French and British have small population but large possessions. We have large populations and no possessions [জার্মানীর মুক্তি সম্পূর্ণ হবে না যতদিন পর্যন্ত না তার বখেষ্ট পরিসর জোটে। মুষ্টিমেয় ব্রিটিশ, এবং মুষ্টিমেয় ফরাসী, তাদের জাতির লোক-সংখ্যার চেয়েও অধিকসংখ্যক লোকের ওপর প্রভুত্ব বিস্তার করছে, অথচ ৮ কোটি জার্মান—আমরা হলো ইউরোপের গরিষ্ঠতম জাতি—আমাদের কোনই উপনিবেশ নেই। উপনিবেশ না হলে আমরা স্বাধীন নই। ফরাসী এবং ব্রুটেনের লোকসংখ্যা অল্প, অথচ তাদের আছে রিস্তীর্ণ উপনিবেশ। আমাদের লোকসংখ্যা প্রচুর—অথচ আমাদের রয়েছে উপনিবেশের অভাব।] ‘আরও স্থান চাই’—এই বলে জার্মানী তার প্রাকসামরিক কালের সীমান্ত রেখা ফিরিয়ে আনতে তো চায়ই—আরও চায়, জার্মান ভাষা-ভাষী সমস্ত ব্যক্তিকে একই রাষ্ট্রের অধীনতায় একমুত্রে গ্রথিত করতে। এ দাবী প্রায়ই ঋণসম্পত্ত নয়; এবং ইতিহাস বহুক্ষেত্রেই জার্মানীর বিপক্ষে সাফল্য দেয়।

এ বাবৎ হিটলার তাঁর অভীষ্ট সিদ্ধি করেছেন বিনা রক্তপাতে। রাষ্ট্রের পর রাষ্ট্র তাঁর কুক্ষিগত হয়েছে অথচ যুদ্ধের আগুন জলে ওঠে নি—এর প্রধান কারণ হচ্ছে বুটেনের উদাসীনতা। বুটেন নিষ্ক্রিয় থাকবে এই ভরসাতেই তিনি তাঁর নীতি নির্ধারিত ক'রে এসেছেন। জার্মানীর ভাগ্য-বিপর্যয়ের পর কন্টিনেন্টে ফ্রান্সের প্রভাব বিস্তার পায় অত্যন্ত বেধী; এটি বুটেনের বৈদেশিক-নীতি-বিরোধী ব্যবস্থা। কেন না, কোনও একটি ইউরোপীয় রাষ্ট্রের বিপুল শক্তি সঞ্চয় বুটেন চায় না। বুটেন চায় ব্যালান্স অফ পাওয়ার বজায় রাখতে—বিভিন্ন রাষ্ট্রের মধ্যে একটা সামঞ্জস্য সাধন করতে। তাই হিটলার লিপছেন তাঁর আত্মজীবনীতে—“However terrible have been and are the consequences for Germany of England's policy during the War, this must not blind us to the fact that today it is no longer in the interest of England to see that Germany is crushed. On the contrary, from year to year, English policy must be more and more directed to restricting the immo-

derate attempts of France to establish French hegemony over the Continent." [যুদ্ধের সময় অল্পস্থিত বৃটিশ নীতির ফল জার্মানীর পক্ষে বতাই বিঘ্ন হয়ে থাকুক না কেন, বর্তমানে জার্মানীর ধ্বংস বৃটেনের স্বার্থ-সম্মত নয়। বরঞ্চ, অদূর ভবিষ্যতে কটিনেটে ফরাসী প্রভুত্ব খর্ব করাতেই বৃটিশ প্রভাব নিয়োজিত হবে।] ১৯২৩-এ এরকম ধারণা পোষণ করতেন হিটলার এবং অনেকেই মনে করেন তা একেবারে ভ্রান্ত নয়। ফ্রান্সের অতিরিক্ত ক্ষমতাপ্রাপ্তি ছিল বৃটেনের অনভিপ্রেত; সুতরাং নাৎসীবাদের অভ্যুদয়ের প্রাথমিক কালে তাকে বাধা দেওয়ার প্রয়োজন বৃটেন অল্পত্ব করে নি। অথচ ১৯৩৬ সনের ৭ই মার্চ হিটলারের বাটিকা-বাহিনী যখন রাইনল্যান্ডে প্রবেশ করে তা বিবিধ সমরোপকরণে স্তম্ভিত করল তখন যদি বৃটেন বাধা দিত, তা হলে নাৎসী প্রভাব হয়ত অল্পেরই বিনষ্ট হত।

ফরাসী প্রভাব প্রশমিত করা ছাড়া আরও একটি কারণে বৃটেনের জার্মানীকে বাধা দেওয়া ঘটে ওঠে নি; এবং তা হচ্ছে সাম্যবাদ-নীতি। এক্ষেত্রে বৃটেন এবং ফ্রান্সের মধ্যে নীতির মিলন ঘটেছে। ফরাসী-বৃটিশ শাসক সম্প্রদায় নাৎসী জার্মানীর থেকে অনেক বেশী ভয় করে সাম্যবাদী রুশিয়াকে। এই ফ্যাসিস্ট মনোভাবাপন্ন শাসকবৃন্দ হিটলারকে [এবং কতকটা মুসোলিনীকেও] সাম্যবাদী ভাবধারা প্রসারের বিপক্ষে রক্ষাকবচ স্বরূপ গণ্য করে এসেছেন। কোমিণ্টার্ন-বিরোধী চুক্তিতে এদের ছিল অটল বিশ্বাস। সোভিয়েট-জার্মান চুক্তি হওয়ার পূর্বকাল পর্যন্ত বৃটেনের দৃঢ়ধারণা ছিল যে, সোভিয়েটের বিরুদ্ধে যুদ্ধ না করে জার্মানী কোনও দিন বৃটেন কি ফ্রান্সের বিরুদ্ধে অস্ত্র ধারণ করবে না। কাজেই, হিটলার যে ইউরোপে সমরানল প্রজ্জ্বলিত করবেন সোভিয়েটের সঙ্গে আপোষ করে তা এদের পক্ষে ছিল কল্পনাতীত; এবং এই ধারণার বশবর্তী হয়েই বৃটিশ প্রধান মন্ত্রী তাঁর ফ্যাসিস্ট-তোষণ নীতি অনুসরণ করে এসেছেন। শান্তি-সংহতি গঠন করার প্রচেষ্টা ব্যর্থতায় পর্যবসিত হয়েছে স্পষ্ট এই রুশিয়ার আতঙ্কে।

ফ্যাসিজমের ঔদ্ধত্যকে দমন করার একমাত্র বাস্তব উপায় ছিল শান্তিবাদী রাষ্ট্রগুলির মধ্যে একতা ও মিতালী-স্থাপন—প্রয়োজন ছিল গণতন্ত্রী ও সাম্যবাদী রাষ্ট্রগুলির

একটি স্ফুটনিত কর্মপন্থা অবলম্বন। কয়েক মাস আগে (১৫ই এপ্রিল) যখন বৃটিশ এবং রুশ সরকারের মধ্যে আপোষের আলোচনা সুরূপ হয় তখন যুদ্ধভীত জনমণ্ডলী উল্লসিত এবং আশাব্যিত হয়ে উঠল। কিন্তু তার অকাষণ দীর্ঘস্থত্রতা এ আলোচনার ব্যর্থতার দিকেই ইঙ্গিত করছিল। যখন আবার সামরিক কর্মচারিবৃন্দ এ আলাপনীতে যোগদান করতে আহূত হল তখন অস্তম্যান আশা-স্বর্ঘ আবার প্রদীপ্ত হয়ে উঠেছিল; কিন্তু অচিরেই প্রতিপন্ন হ'ল, এ নির্বাণোন্মুখ প্রদীপের শেষ রশ্মি মাত্র। নাটকীয় ক্ষিপ্ততার সঙ্গে রুশ-জার্মান অনাক্রমণ চুক্তি হলো নিম্ন—বৃটিশ-রুশ আলোচনা হ'ল ব্যর্থ (অগস্ট, ১৯৩৯)।

রুশ-বৃটেন-ফরাসী-মিতালী উপক্রমণিকা নিষ্ফল হওয়ার কারণ হচ্ছে বৃটেন এবং ফরাসীর সোভিয়েটকে অবিধ্বাস এবং এ সম্বন্ধে আন্তরিকতার অভাব। গণতন্ত্রী রাষ্ট্রগুলির প্রকৃত উদ্দেশ্য ছিল জার্মানীকে আতঙ্কিত করা। ছুদিক থেকে আক্রান্ত হলে জার্মানীর অবস্থা যে বিশেষ সঙ্কটাপন্ন হতো তা জার্মানী নিজেই সবচেয়ে ভাল জানে। কাজেই শান্তি-সংহতি-গঠনের প্রয়াসকে, জার্মানীকে ঘিরে যেসব আক্রমণ (policy of encirclement) দুশ্চেষ্টা বলে জার্মান সংবাদপত্রগুলি অভিহিত করেছে। মনে করা গিয়েছিল যে, সাম্মুখে আসন্ন রুশ-বৃটেন-চুক্তিরূপ খড়্গা দোচুলামান থাকলে জার্মানী তার দুর্মর্দ অভিযান সংবৃত করবে। কিন্তু অকস্মাৎ রুশিয়ার সঙ্গে চুক্তিবদ্ধ হয়ে জার্মানী বুর্জোয়া রাষ্ট্রনেত্রীদের করল হতভম্ব; পরিণামে জলে উঠল প্রণয়ের আগুন।

রুশ-জার্মান-চুক্তিকে ব্যঙ্গ করে কেউ কেউ বলছেন—সোভিয়েট এবার কোমিণ্টার্ন-বিরোধী চুক্তিতে যোগ দিয়েছে। কিন্তু এ কথা অস্বীকার করা যায় না যে, এর জন্ম কতকটা দায়ী ইঙ্গ-রুশ আলাপনীর বিফলতা। মনেটিক বলেছেন যে, এ আলোচনা যে ফলপ্রসূ হয়-নি তার কারণ এ চুক্তি সম্পাদনের অভিপ্রায় কোনও দিনই বৃটেনের ছিল না। ফলে অযোগ্য ব্যক্তির হাতে আলোচনার ভার দেওয়া হয়েছিল যার মধ্যস্থতায় এমন একটি গুরুতর কার্য সূত্রভাবে সম্পন্ন হওয়া অসম্ভব ছিল। তা ছাড়া সোভিয়েট চেয়েছিল বৈদেশিক অত্যাচার নিবারণে চুক্তিবদ্ধ জাতিদের দায়িত্ব হবে পারস্পরিক। বৃটেন এবং ফ্রান্স বা তাদের আশ্রিত কোনও রাষ্ট্র (যেমন পোল্যান্ড, গ্রীস কিংবা রুম্যানিয়া) যদি

আক্রান্ত হয় তা হলে যেমন সোভিয়েট তাদের সাহায্য করতে বাধ্য থাকবে, তেমনি সোভিয়েট বা তার সীমান্তবর্তী কোনও রাষ্ট্রের নিরাপত্তা বিপন্ন হ'লে ফ্রান্স এবং বৃটেনকে এদের সাহায্য করতে বৃত্তী হতে হবে। কিন্তু এই পারস্পরিক সাহায্যতা করতে বৃটিশ বা ফরাসী প্রতিনিধিরা ছিলেন সারাজ। তাঁরা চেয়েছিলেন জার্মানীর পক্ষে সোভিয়েটের সাহায্য; কিন্তু সোভিয়েটের সহায়তার সঙ্কল্প তাঁদের ছিল না। ফলে এই একদেশদর্শী চুক্তির প্রস্তাব গেল ভেঙে।

অপর পক্ষে রুশ-জার্মান অনাক্রমণ চুক্তি আকস্মিক ভাবে একেবারে অপ্রত্যাশিত ছিল না। সোভিয়েট রাষ্ট্রসচিব লিটাভিনফের পদত্যাগ রুশিয়ার বৈদেশিক-নীতির পরিবর্তন সূচিত করেছিল। সোভিয়েট একথা বার বার বলে এসেছে যে, কোমিণ্টার্ন-বিরোধী চুক্তি বাস্তবিক পক্ষে সাম্যবাদের বিরুদ্ধে উত্তম নয়, তা হচ্ছে বৃটেন-ফ্রান্স-মিতালী রাষ্ট্রগুলির সম্মিলন। এরা চায় বস্তুত বৃটেন ও ফ্রান্সের আধিপত্য বিলোপ এবং তাঁর জায়গায় আপনাদের আধিকার সুপ্রতিষ্ঠিত করতে। স্ট্যালিন তাঁর ১১ই মার্চের বক্তৃতা প্রসঙ্গে বলেছিলেন যে, মঙ্গোলিয়ার মরুভূমিতে, কি ম্যান্চুরিয়ার অরণ্যে বা মরক্কোর বনভূমিতে কিংবা ইথিওপিয়ায় প্রাপ্ত কোমিণ্টার্নের সন্ধানে অভিযান নিঃসন্দেহ হাঙ্গুলকর। বাস্তবিক, এই তথাকথিত সাম্যবাদী-বিরোধী রাষ্ট্রগুলির অভিযান হচ্ছে পুরাতন সাম্রাজ্যবাদী রাষ্ট্রগুলির বিপক্ষে। হিটলারের প্রধান উদ্দেশ্য হচ্ছে জার্মানীর একচ্ছত্র আধিকার বিস্তার। এ অভিলাষ পূর্ণ করতে গেলে সর্ব বিষয়ে এক বিশেষ নীতি অনুসরণ করা সব সময় সম্ভব না হতেও পারে। বরঞ্চ স্থানে স্থানের সঙ্গে আদর্শের, অভীষ্টের সঙ্গে নীতির বিরোধ ঘটে সেখানে কূটকৌশলী রাজনীতিবিদেরা আদর্শ এবং নীতিকে পরিহারই করে থাকেন। হিটলারও এই পন্থাই অবলম্বন করতে দ্বিধা বোধ করেন-নি। যে রুশিয়ার সঙ্গে জার্মানীর অহি-নকুল সন্ধ, তারই সঙ্গে আজ হিটলার মিতালী করেছেন তাঁর স্বার্থসিদ্ধির আশায়।

এই রুশ-জার্মান চুক্তি এবার ইউরোপের রাজনৈতিক পরিবেশকে বিশেষভাবে প্রভাবান্বিত করেছে। হিটলারের এবার লক্ষ্য ডানজিগের দিকে। এবং তা স্বল্প আয়াসেই তাঁর কবলে এসে পড়েছে। চেকোস্লোভাকিয়ার পর তাঁর শ্বেনদৃষ্টি যে এদিকেই পড়েছে তা বহুদিন আগেই জানা

গিয়েছে। সশস্ত্র বাহিনী প্রস্তুত, ডানজিগের অভ্যন্তরেও নাৎসী অল্পচরবৃন্দ উদগ্র আগ্রহে রাইখের বৃকে বাঁপিয়ে পড়তে চাইছে; অথচ এতদিন পর্যন্ত হিটলার অপেক্ষা করছিলেন কেন? এর প্রধান কারণ ছিল বৃটেনের মতি-গতি সম্বন্ধে হিটলার এবার স্থির-সিদ্ধান্তে আসতে পারেন-নি। আশা ছিল, এবারও হয়তো বা বিনা যুদ্ধে কাজ উদ্ধার হবে; হয়তো বা মিউনিক চুক্তির দ্বিতীয় পর্ব অনুষ্ঠিত হবে। কিন্তু এতদিনে বৃটেন এবং ফ্রান্স তাদের ফ্যাসিস্ট-তোষণ-নীতির ব্যর্থতা উপলব্ধি করতে পেরেছে। গণতন্ত্রী রাষ্ট্রনায়কেরা এবার বেশ বুঝেছেন যে, পোল্যান্ডকে সহায়তা করার যে প্রতিশ্রুতি দেওয়া হয়েছে—যদি তার মর্যাদা না রাখা হয় তবে নাৎসীবাদের বেড়া জালে ধরা পড়বে সারা মধ্য-ইউরোপ; ফ্রান্স হবে শক্তিশূন্য এবং নির্বাক বৃটেনের বিশাল সাম্রাজ্য অচিরেই কাহিনীতে পরিণত হবে। শেষ মুহূর্ত পর্যন্ত অনেকেরই আশা ছিল, হয়তো বা বৃটেন এবং ফ্রান্সের সঙ্কল্পের দৃঢ়তা দেখে হিটলার পিছিয়ে পড়বেন এবং অশান্তির অনল নির্বাপিত হবে।

কিন্তু বর্তমান অবস্থায় হিটলারের পক্ষে পিছিয়ে আসা অসম্ভব। ফ্যাসিস্ট শাসনযন্ত্র সামরিক মনোভাব নিয়ে রচিত। নাৎসী আমলে সারা জার্মানী একটা বিরাট সেনা-নিবাসে পরিণত হয়েছে। সমগ্র জাতি সৈনিক-স্বলভ কৃচ্ছ-সাধনে অভ্যস্ত হয়ে পড়েছে। সূচরু প্রচারকার্যের ফলে তাদের মনে জাগিয়ে দেওয়া হয়েছে তীব্র প্রতিহিংসা শ্রবৃতি—তাদের শিরায় শিরায় সঞ্চারিত হচ্ছে অদম্য রণোন্মাদনা। তারপর, গত চার বছরের ইতিহাস—জার্মানীর বিজয় অভিযান—তাদের সঙ্কল্পকে করেছে দৃঢ়তর। বিজয়ের নেশায় অভিভূত হয়ে তারা উদগ্রীব হয়ে চাইছে নব নব অভিযানের সূচনা করতে। এই পরিস্থিতিতে যুদ্ধ অনিবার্য। নাৎসী-নায়ক বা তাঁর তন্ত্রধারক কোনও জার্মান-নেতার আর ক্ষমতা ছিল না যে, এই রণ-পিপাসু নাৎসী-জার্মানীকে সংবৃত করতে পারেন—তাদের মহাসমরের পথ থেকে প্রতিনিবৃত্ত করাতে সমর্থ হন। তাঁরা যদি সে প্রচেষ্টা করতেন তবে তাঁদের আসন্ন উঠত টলে এবং তাঁদের ক্ষমতা হত অচিরে বিলুপ্ত। অতএব বিজয়-লক্ষ্মীর প্রসাদ অনিশ্চিত জেনেও হিটলারকে বাঁপিয়ে পড়তে হয়েছে সমর-সমুদ্রে।

এবার যে বাড় উঠবে পোল্যান্ডকে কেন্দ্র করে তা বোঝা গেল যখন হিটলার জার্মান-পোলিশ-চুক্তির অবসান ঘোষণা করলেন (মার্চ, ১৯৩৯)। পোল্যান্ডের একদিকে জার্মানী, আর একদিকে সোভিয়েট রুশিয়া। পোল-শাসক সম্প্রদায়ের কাছে এই দুইয়ের প্রভাবই অবাঞ্ছনীয়। তাঁরা না-ফ্যাসিস্ট—না-সাম্যবাদী। কাজেই যখন ১৯৩৪ সালে জার্মানী প্রস্তাব করলে দশ বছরের জন্ত অনাক্রমণ চুক্তি করতে তখন সে সুযোগের সদ্ব্যবহার করতে পোল্যান্ড বিন্দুমাত্র দ্বিধা করে-নি। একে একে যখন পোল্যান্ডের প্রতিবেশী রাষ্ট্রগুলির ওপর জার্মানীর খড়্গ পড়তে লাগল তখনও পোল্যান্ড এই চুক্তির সত্য স্বরণ ক'রে বিশেষ উদ্বিগ্ন হয়-নি। বরঞ্চ, দ্রুত পরিবর্তনশীল পরিস্থিতির সুযোগ নিয়ে পোল্যান্ড আপনার অবস্থার উন্নতির চেষ্টা দেখল। বিগত মহাসমরের অবসানে লিথুয়ানিয়ার ভিলনা শহরটি কেড়ে নেয় পোল্যান্ড (১৯২০) — ফলে বিশ বছর এই দুই রাষ্ট্রের সীমান্ত ছিল রুদ্ধ। কিন্তু এই দুইরোগে চরমপত্র দিয়ে পোল্যান্ড সেই পথ খুলতে বাধ্য করেছে লিথুয়ানিয়াকে (১৯৩৮)। তারপর চেক-বিভাগের সময় জার্মানীর পক্ষ অবলম্বন ক'রে পোল্যান্ড গ্রাস করল তেসেন (Teschen) প্রদেশ। কিন্তু এতে পোল্যান্ড হোলো জার্মানীর বিরাগ-ভাজন। কেন না, ঐ ভূতপূর্ব চেক প্রদেশের মধ্যে রয়েছে বোহেমিন রেলওয়ে জংশন। বলাকানে আক্রমণ চালাতে গেলে এটি জার্মানীর প্রয়োজন।

পোল্যান্ডের সঙ্গে যখন জার্মানী মিতালী করে তখনও নাৎসী-শাসন সুপ্রতিষ্ঠিত হয়-নি; চতুর্দিকে তখন জার্মান-বিরোধী সম্মিলন গড়ে উঠেছে। রুটেন, ফ্রান্স, ইতালী জার্মানীর বিপক্ষে মিলিত হয়েছে এবং ফরাসী-সোভিয়েট চুক্তি তখন আসন্ন। আত্মরক্ষার প্রয়াসে নির্বাকব জার্মানী বন্ধুতা স্থাপন করতে চাইল প্রতিবেশী পোল্যান্ডের সঙ্গে। মার্শাল পিলসুদস্কি তখন পোল্যান্ডের ভাগ্যবিধাতা। তিনি তৎক্ষণাৎ ইতস্তত না ক'রে এ চুক্তি সম্পন্ন করলেন।

আজ আর পোল্যান্ডের সম্প্রীতি জার্মানীর কাম্য নয়— কেন না, সে চায় তাকে পদানত করতে। পাঁচ বছর আগের দুর্বল জার্মানী আজ অমিত বলশালী—তুচ্ছ পোল্যান্ডের বন্ধুত্বের আর কি মূল্য? চারটি পোলিশ অঞ্চলে জার্মানী তার দাবী উত্থাপন করলে—স্বাধীন নগরী

ডান্জিগ, পোলিশ অলিন্দ (Polish Corridor), পোজেন প্রদেশ এবং আপার সাইলেশিয়া। এ চারটি অঞ্চলেই জার্মান ভাষা-ভাষী বাসিন্দার অভাব নেই এবং এককালে এরা জার্মানীর অন্তর্ভুক্ত ছিল, এটাও ঐতিহাসিক সত্য। তবুও সর্বক্ষেত্রে এদের ওপর জার্মানীর দাবী স্থায়সঙ্গত হ'লে বলা চলে না।

ডান্জিগ বন্দরটির অবস্থান ভিশ্চুলা নদীর মোহানায়। এর ওপরে জার্মান প্রভাব সুস্পষ্ট। বছবার ডান্জিগ হাত বদলেছে; কিন্তু মধ্যযুগের টিউটনিক সন্ন্যাসি-সম্প্রদায়ের ছাপ আজও তার ওপর থেকে মিলিয়ে যায়-নি। অথচ ঐ হোলো পোল্যান্ডের সমুদ্রের দ্বারপথ। এ দ্বার রুদ্ধ হওয়া মানে পোল্যান্ডের আত্মহত্যা বরণ করে নেওয়া। তাই গত যুদ্ধের অবশেষে এটিকে জাতি-সঙ্ঘের অধিকারভুক্ত দেওয়া হয়েছিল স্বাধীন নগরীর মর্যাদা। কিন্তু নাৎসীদের কল্যাণে ডান্জিগ হয়ে উঠল মনে-প্রাণে জার্মান। কয়েকটি বিশেষ অধিকার ছাড়া এখানে পোল্যান্ডের কোনই প্রাধিকার ছিল না; তবু ডান্জিগ চাইল তৃতীয় রাইখের বৃক্কে ঝাঁপিয়ে পড়তে। পোল্যান্ডকে দাবান ছাড়া ডান্জিগ নিয়ে জার্মানীর বিশেষ কোন লাভ হবে না—কিন্তু তবুও একেই কেন্দ্র ক'রে জার্মানী বিশ্বব্যাপী মহাসমরের অবতারণা করেছে।

ডান্জিগের সমস্ত পোল্যান্ড বহুদিন আগেই পুনর্দিক করেছিল। তাই এ সঙ্কট থেকে পরিত্রাণ পাবার জন্ত বিশ কোটি পাউণ্ড খরচ ক'রে পোল্যান্ড এক নতুন বন্দর গড়ে তুলেছিল পোলিশ অলিন্দে। 'ডিন্গেন' (Gdingen) বা গ্‌ডিনিয়া (Gdynia) এককালে ছিল একটি ছোট জেলাদের গ্রাম। আজ এটি একটি সমৃদ্ধ বন্দরে পরিণত হয়েছে পোল-সরকারের চেষ্টায়। 'পোলিশ অলিন্দ' বলে যে ভূভাগটির ওপর জার্মানী দাবী জানিয়েছিল তা একটা সঙ্কীর্ণ অপ্রশস্ত জন-বিরল বালুকাময় অঞ্চল। অর্থনৈতিক দিক থেকে তার প্রয়োজনীয়তা সামান্য—কিন্তু তা পূর্ব-প্রশিয়াকে বিচ্ছিন্ন করেছে জার্মানী থেকে। একটি অঞ্চল জার্মান রাষ্ট্র গঠনের সে অন্তরায়। হতে পারে দৈ বাপ্টিকের সঙ্গে পোল্যান্ডের যোগ-সুত্র—অতএব, তার প্রাণকেন্দ্রস্বরূপ। কিন্তু বলাবলি জার্মানীর কামনা—আত্মপ্রসার। কাজেই 'ডান্জিগ' এবং 'পোলিশ করিডর'

এ ছোট্ট উদ্ধার করবার জন্ত জার্মান বাহিনী ছুঁবার বেগে আক্রমণ করলে পোল্যান্ড এবং পৃথিবীতে স্থচনা করেছে এক মহাপ্রলয়ের।

জার্মানীর বিশাল-বাহিনীর আক্রমণের বিরুদ্ধে আত্মরক্ষা করতে পারে এমন ক্ষমতা ক্ষীণ-প্রাণ পোল্যান্ডের কোনও মনেই ছিল না। কিন্তু এবার তার সহায় রুটেন এবং ফ্রান্স। তাদের ভরসায় সোভিয়েটের সাহায্যের প্রস্তাব প্রত্যাখ্যান করে পোল্যান্ড তার সমস্ত শক্তি সংহত করল জার্মানীর অভিযান প্রতিহত করতে। পোল্যান্ডে সুরু হ'ল মৃত্যুর গুণ্ডামৃত্যু। জার্মানী এ কথা ঠিকই জানত যে গণতন্ত্রী রাষ্ট্রগুলির পক্ষে পোল্যান্ডকে প্রত্যক্ষভাবে সাহায্য করা উঠবে না। এই ভরসায় রুশের আক্রমণ-সম্বন্ধে সন্দেহ হয়েই ফ্যাসিস্ট জার্মানী অগ্রসর হলো পোল্যান্ডে আক্রমণ করতে। রুটেন এবং ফ্রান্স পোল্যান্ডের পক্ষ অবলম্বন করার সময়ে প্রবৃত্ত হলো জার্মানীর অভিযানের তীব্রতা কিছুমাত্র শিথিল হলো না। ক্ষিপ্রগতিতে জার্মান বিমান-বাহিনী এগিয়ে এলো পোল-রাজধানী ওয়ারসর মাথার ওপর—তাদের অবিরাম গোলা-বর্ষণে শহরটি অচিরেই পণ্ডিত হলো এক বিরাট ধ্বংস-স্তুপে। প্রায় তিন সপ্তাহ কাল আত্মরক্ষার তীব্র প্রয়াস ক'রে ওয়ারস আত্ম-সমর্পণ করতে বাধ্য হলো (২৮শে সেপ্টেম্বর, ১৯৩৯)। বিভিন্ন অঞ্চলে অর্ধ শোঁর্ষ দেখিয়ে জার্মান-বাহিনীকে বাধা দিলেও পোল্যান্ড শেষ পর্যন্ত শত্রুর গতি-রোধ করতে অক্ষম হলো। ফ্যাসিজমের যে দানবীয় রূপ দেখা গিয়েছিল স্পেনে—তারই পুনরাবির্ভাব ঘটলো পোল্যান্ডে। পোল সরকার দেশ ছেড়ে আশ্রয় নিলেন রুম্যানিয়ার সীমান্তে। পঁচিশ বছর পর পোল্যান্ডের অস্তিত্বের আবার অবসান হলো।

মিগাস্ত অপ্রত্যাশিতভাবে এবার জার্মানীর অগ্রগতি পোহো দাধা। পোল্যান্ডের পতনের সঙ্গে সঙ্গে ইউরোপের রহস্যময় আবিভূত হলো সোভিয়েট রুশিয়া। মহাসমরের অবসানে নব-গঠিত পোলিশ-রাষ্ট্রের যে সীমারেখা নির্ধারিত হয়েছিল রুশ-পোল্যান্ড বিরোধের (১৯২০) ফলে তা আরও বেড়ে যায়। পোল্যান্ড পূর্বাঞ্চলে তার অধিকার-সীমা

বিস্তৃত করে নেয় এবং হোয়াইট রুশিয়া এবং ইউক্রেনের কিছু অংশ এসেছিল তার কবলে। এই সংখ্যালঘু হোয়াইট-রাশিয়ান এবং ইউক্রেনিয়ানদের সাহায্য-কল্পে লাল-ফৌজ এলো পোল্যান্ডের সমর-ক্ষেত্রে। হিটলারের ঘটলো উভয় সঙ্কট। সোভিয়েটের মৈত্রীই এখন তাঁর কাম্য। কেন না, সোভিয়েট যদি তার নিরপেক্ষতা বর্জন ক'রে গণতন্ত্রী রাষ্ট্র দুটির সঙ্গে সম্মিলিত হয় তা হলে তার ফল জার্মানীর পক্ষে সাংঘাতিক হয়ে দাঁড়াতে পারে;— হয় ত ফ্যাসিজমের পতন হবে অনিবার্য। সুতরাং বার্ণার্ড শ'র ভাষায়, হিটলার পড়লেন স্ট্যালিনের মুঠোর মধ্যে। পোল্যান্ডের কয়েকটি প্রদেশ রুশিয়ার অন্তর্ভুক্ত হলো। তার বিপক্ষাচরণ করা জার্মানীর পক্ষে সম্ভব হলো না—তাকে মেনে নিতে হলো তার চির-বৈরী সোভিয়েটের দাবী। হিটলার এবং স্ট্যালিন এবার একযোগে এক নতুন পোল-রাষ্ট্র গঠনের প্রস্তাব করেছেন—তা হবে জার্মানী এবং সোভিয়েটের মধ্যবর্তী প্রহরী-স্বরূপ।

রুশিয়ার এই পররাষ্ট্রনীতি পরিবর্তন বস্তুত নাৎসী-বৈরাচ্যের তীব্রতা প্রশমিত করেছে। মধ্য-ইউরোপে জার্মানীর একচ্ছত্র আধিপত্য-বিস্তারের কল্পনা আপাতত আকাশ-কুসুমই রইল। রুম্যানিয়ার তৈলক্ষেত্রের দিকে নাৎসী-নারকের যে লোলুপ-দৃষ্টি ছিল তা তাঁকে ফেরাতে হয়েছে এবং পোল্যান্ডে রুশিয়া এসে পড়ায় সেখানকার তৈলখনির শতকরা ৮০ ভাগ গেল হাতছাড়া হয়ে। রুশিয়া যদি এ ভাবে রক্ষমঞ্চে অবতীর্ণ না হতো তা হলে সমগ্র পোল্যান্ড হতো জার্মানীর করতলগত—হয়তো বা রুম্যানিয়া এসে পড়ত তার কবলে। জার্মানীর সীমারেখা এসে মিলিত সোভিয়েটের সীমান্তে; তাতে সোভিয়েটের নিরাপত্তা হতো বিপন্ন এবং নাৎসী-প্রতাপ হতো স্তূড়ত। এস্থোনিয়া, ল্যাটভিয়া ও অস্ট্রা ব্যাল্টিক রাষ্ট্রে সোভিয়েটের প্রভাব-বিস্তারে আশঙ্কার কারণ জার্মানীরই সবচেয়ে বেশী—যে কোনও মুহূর্তে অগ্নিফুলিঙ্গ এসে দাবানল জালাতে পারে নাৎসী জার্মানীতে। তাতে অন্তর্বিপ্লব জেগে উঠবে সেখানে এবং নাৎসীর স্বেচ্ছাতন্ত্রের হবে অবসান।





স্বক ও কংগ্রেস—

ইউরোপের যুদ্ধ আরম্ভ হইবার অব্যবহিত পরেই ওয়ার্দায় ভারতের কর্তব্য নির্ধারণের জন্ত কংগ্রেস ওয়ার্কিং কমিটির অধিবেশন বসে। তৎপূর্বে বড়লাটের সহিত মহাত্মার সাক্ষাৎ হইয়াছিল। সাক্ষাৎ শেষে মহাত্মা যে বিবৃতি দেন, তাহাতে তাঁহার মনোভাব স্পষ্টই প্রকাশ পায়। তিনি নাৎসী ও ফাসিস্ত নীতির বিরোধী। গণতন্ত্রের পূজারী বুটেন ও ফ্রান্স যুদ্ধ ধ্বংস হইয়া যাইবে, বিশ্ব-সভ্যতার প্রতীক লণ্ডন ও প্যারিসের সৌধচূড়া শত্রু-পক্ষের বোমার আঘাতে ধূলায় লুটাইবে, ইহা কল্পনা করিতেও তাঁহার হৃদয় বিদীর্ণ হইয়া যায়।

কংগ্রেসের বর্তমান ওয়ার্কিং কমিটি তাঁহার একান্ত অল্পগত নেতৃত্বকে লইয়া গঠিত হইলেও কমিটি এক্ষেত্রে তাঁহার মনোভাবের অংশ গ্রহণ করিতে পারেন নাই। বৈঠকে ওয়ার্কিং কমিটির সদস্যগণ ছাড়াও অগ্রান্ত প্রভাব-শালী নেতৃবর্গ নিমন্ত্রিত হইয়া যোগদান করিয়াছিলেন। সম্ভবত তাঁহাদের মতামতও ওয়ার্কিং কমিটির উপর যথেষ্ট প্রভাব বিস্তার করিয়াছিল। তাহা ছাড়া, নিখিল-ভারত কংগ্রেস কমিটির সদস্যগণের এবং বৃহত্তর জনসমাজের কথাও কমিটিকে বিবেচনা করিতে হইয়াছিল।

কংগ্রেস ওয়ার্কিং কমিটি পোল্যান্ডের প্রতি সহানুভূতি জ্ঞাপন করিয়াছেন এবং যে নীতির উপর ভিত্তি করিয়া বুটেন এবং ফ্রান্স অস্ত্রধারণ করিয়াছে তাহারও প্রশংসা করিয়াছেন। কিন্তু এই যুদ্ধে ভারতের কর্তব্য কি সে সম্বন্ধে কোন স্থির সিদ্ধান্ত করেন নাই। বিপন্ন স্বাধীনতা ও ভারতের ভবিষ্যৎ সম্বন্ধে সেই বুটেনের স্বস্পষ্ট নীতি ঘোষণার উপর কংগ্রেসের সিদ্ধান্ত নির্ভর করিতেছে।

সম্প্রতি বড়লাট পুনরায় মহাত্মা গান্ধীকে সিমলায় আমন্ত্রণ করিয়াছিলেন। উভয়ের মধ্যে সাড়ে তিন ঘণ্টাকাল

আলোচনা হইয়াছে। এত দীর্ঘকাল আলোচনা উভয়ের মধ্যে আর কখনও হয় নাই। আলোচনার ফলাফল জানিবার উপায় নাই। রাষ্ট্রপতি রাজেন্দ্রপ্রসাদ এবং যুদ্ধ সাব-কমিটির সভাপতি পণ্ডিত জওহরলালকে ওরা অক্টোবর তারিখে তাঁহার সহিত সাক্ষাতের জন্ত বড়লাট আন্তরিক করিয়াছেন। মনে হইতেছে, এই সাক্ষাৎকারের পরেই কংগ্রেস বর্তমান যুদ্ধে ভারতের কর্তব্য সম্বন্ধে স্থাপিত নির্দেশ দিবেন।

নীপ ও বর্তমান যুদ্ধ—

কংগ্রেসের পশ্চাৎ পশ্চাৎ মুসলীম লীগও বারো শত শব্দ যুক্ত এক বিরাট প্রস্তাব গ্রহণ করিয়াছেন। জিন্না সাহেবের দুই হস্ত—স্মার সেকেন্দার হায়াৎ খাঁ এবং মৌলবী ফজলুল হক, ইতিপূর্বেই বিনাসর্তে বুটেনকে ধন ও জন দ্বারা সাহায্য করিবার সিদ্ধান্ত ঘোষণা করিয়াছিলেন। কিন্তু লীগের ওয়ার্কিং কমিটির দিল্লী বৈঠকে যে প্রস্তাব গৃহীত হইয়াছে, তাহার বিভিন্ন প্রকার অর্থ করা হইতেছে। মৌলবী ফজলুল হক ইহাকে বিনাসর্তে সাহায্যের আশ্বাস বলিয়া গ্রহণ করিয়াছেন। কেহ বা বলিতেছেন, বিভিন্ন প্রকার কাল্পনিক চুঃখের তালিকা ছাড়া ইহাতে আর কিছুই নাই। অথচ নিরপেক্ষ দৃষ্টিতে দেখিতে গেলে উহাতে দর-কষাকষি যে করা হইয়াছে, সে বিষয়ে সন্দেহের অবকাশ মাত্র থাকে না। ইহার সত্যকার অর্থ যে কি, তাহা একমাত্র জিন্না সাহেবই বলিতে পারেন। কিন্তু তিনি নিরব আছেন। এমন কি, বড়লাটের নিকট হইতে নিমন্ত্রণ পাইয়াও সিমলা যাইতে পারেন নাই।

স্মার সেকেন্দার ও নিঃস্ব জিন্না—

“সিভিল এণ্ড মিলিটারী গেজেটে” এক বিবৃতি প্রকাশ করিয়া স্মার সেকেন্দার হায়াৎ খাঁ মহাত্মাজি ও জিন্না সাহেবকে পরস্পর মিলিত হইয়া ভারতের বর্তমান সমস্যার সমাধানের চেষ্টা করিতে অনুরোধ করিয়াছেন। স্বরণ থাকিতে পারে,

ওয়ার্কিং কমিটির ওয়ার্দা বৈঠকে যোগদান করিবার জন্ত কংগ্রেসের পক্ষ হইতে জিন্না সাহেবকে সম্মানে নিমন্ত্রণ করা হইয়াছিল। জিন্না সাহেব সে নিমন্ত্রণ রক্ষা করিতে অক্ষমতা জ্ঞাপন করিয়াছিলেন। ইতিমধ্যে অবশ্য অনেক পরিবর্তন দেখা যাইতেছে। শুধু জাতীয়তাবাদী মুসলমান প্রতিষ্ঠানই নয়, চিন্তাশীল মুসলমান সমাজেই লীগ ওয়ার্কিং কমিটির দিল্লী বৈঠকের প্রস্তাবের প্রতিক্রিয়া দেখা যাইতেছে। ভারতের জাতীয়তার দিক দিয়া ইহা শুভ লক্ষণ সন্দেহ নাই।

লর্ড জেটল্যান্ডের বক্তৃতা—

লর্ড-সভায় ভারতীয় সমস্যা সম্বন্ধে আলোচনা প্রসঙ্গে লর্ড জেটল্যান্ড বলিয়াছেন, কংগ্রেসের নেতারা পূর্ণতর স্বাধীন শাসনের লক্ষ্য ঘোষণার জন্ত বর্তমান অবস্থার পক্ষে যোগ্য লইয়াছেন তাহা স্বাভাবিক হইলেও সময়োচিত হয় নাই। “আমাদের জীবন-মরণ সংগ্রামের সময় আমাদের বিরত করিবার উদ্দেশ্যে কিছু করিবার জন্ত বর্তমান সুযোগ বাছিয়া লওয়া হইয়া থাকে, তাহা হইলে আমরা ওই দাবীতে যতটা কর্ণপাত করিতে রাজি হইব, তাহার চেয়ে অনেক বেশী রাজি হইব যখন উপযুক্ত সময় আসিবে।” উপযুক্ত সময় বলিতে তিনি সম্ভবত যুদ্ধ শেষ হওয়ার পর্যন্ত ভারতবর্ষকে অপেক্ষা করিতে বলিয়াছেন। তিনি আরও বলিয়াছেন, “কোন বিশেষ সময়ে উচিত ও সম্মানজনক ব্যবহার বুটিশ জাতি স্বরণ করিয়া রাখে।”

এই প্রসঙ্গে কয়েকটি ঘটনা স্বরণ হইতেছে। গত মহাযুদ্ধের সময় ভারতবর্ষ বুটেনকে যথাসাধ্য সাহায্য করিয়াছিল। এই উচিত ও সম্মানজনক ব্যবহারের বিনিময়ে তদানীন্তন ভারত সচিব মর্টেণ্ড সাহেব যে প্রতিশ্রুতি দিয়াছিলেন এবং তদনুযায়ী যে মর্ট-ফোর্ড শাসন-সংস্কার প্রবর্তিত হইয়াছিল তাহা সন্তোষজনক হয় নাই। গোল টেবিল বৈঠকের প্রাক্কালে তদানীন্তন বড়লাট লর্ড আরউইন (বর্তমানে লর্ড হালিফাক্স) “ডোমিনিয়ন স্ট্যাটাসের” যে প্রতিশ্রুতি দিয়াছিলেন, ১৯৩৫ সালের ভারত-শাসন-আইনে তাহার উল্লেখ পর্যন্ত খুঁজিয়া পাওয়া যায় না।

ভারত সচিব লর্ড জেটল্যান্ড একটা ভুল করিয়াছেন। যুদ্ধে বুটেনকে বিপন্ন দেখিয়াই কংগ্রেস স্বায়ত্ত শাসনের দাবী জানায় নাই। লর্ড মেলও স্বীকার করিয়াছেন, “এই সব দাবী কিছু নূতন নয়। ইহা তাঁহাদের পুরাতন কর্মসূচীর একটা অংশবিশেষ। দাবীগুলি শুধু নূতন করিয়া বিবৃত করা হইয়াছে।” সুতরাং যুদ্ধের সুযোগ গ্রহণের কথা বলিতেই পারে না। পণ্ডিত জওহরলাল স্পষ্ট করিয়াই বলিয়াছেন, “দর-কষাকষির কোনো অভিপ্রায় আমাদের নাই। স্বাধীনতার দাবীর সহিত দর-কষাকষির সামঞ্জস্য বলিতে পারে না।”

আমরা জানি না, ভারতের আশা-আকাঙ্ক্ষা সম্বন্ধে

ভারত সচিব যে অভিমত ব্যক্ত করিয়াছেন, তাহাই বুটিশ জনসাধারণের অভিমত কি-না। বিলাতী সংবাদপত্রগুলিকে যতদূর সম্ভব ভারতের দাবীর প্রতি সহানুভূতি সম্পন্ন বলিয়াই মনে হয়। অক্সফোর্ড বিশ্ববিদ্যালয়ের ডক্টর লিওসেও বুটিশ গবর্নমেন্টের ‘নিগেটিভ গ্যাটিচিউড্’-এর বিরুদ্ধেই মত প্রকাশ করিয়া বিশ্বের নূতন রূপের অল্পবর্তী ধারায় চিন্তা করিতে সকলকে অনুরোধ করিয়াছেন।

মহাত্মার উত্তর—

লর্ড জেটল্যান্ডের বিবৃতির উত্তরে মহাত্মাজি এক বিবৃতি দিয়াছেন। তিনি তাঁহার স্বভাব-সিদ্ধ স্পষ্টতার সহিত বলিয়াছেন, “বুটেন সকলের স্বাধীনতার জন্তই যুদ্ধে অবতীর্ণ হইয়াছে, এ কথা সত্য হইলে তাহার প্রতিনিষিদের অতি সুস্পষ্টভাবে ঘোষণা করা আবশ্যিক যে, ভারতের স্বাধীনতাও ভারতীয়েরাই করিতে পারে।” কংগ্রেসের দাবীর বিরুদ্ধে লর্ড জেটল্যান্ড যে অভিযোগ আনিয়াছেন, তাহার উল্লেখ করিয়া মহাত্মাজি বলিয়াছেন, “আমার বক্তব্য এই যে, এইরূপ ঘোষণার দাবী করিয়া কংগ্রেস কোন অদ্ভুত বা অসম্মানজনক কাজ করে নাই। স্বাধীন ভারতের সহায়তারই মূল্য আছে। সুতরাং কংগ্রেস যাহাতে লোকের নিকট গিয়া বলিতে পারে যে, যুদ্ধের শেষে বুটেনের স্বাধীনতার যতটা নিশ্চয়তা থাকিবে, ভারতের স্বাধীনতার নিশ্চয়তা তদপেক্ষা কম থাকিবে না। বুটিশ জাতির বন্ধু হিসাবে আমি বুটিশ রাজনীতিকগণকে অনুরোধ করিতেছি যে, তাঁহারা তাঁহাদের পূর্বের ভাষা ভুলিয়া গিয়া নূতন অধ্যায়ের সূচনা করিবেন।”

মহাত্মার এই উক্তি অত্যন্ত স্পষ্ট। লর্ড জেটল্যান্ডের উক্তিতে পুরাতন সাম্রাজ্যবাদীর স্বরই ধ্বনিত হইয়াছে। যে সময় বড়লাট ভারতের নেতৃত্বের সহিত আলোচনার লিপ্ত, যে সময় সকলেরই চিত্ত বুটেনের প্রতি ধীরে ধীরে অল্পকূল হইয়া আসিতেছে, সেই সময় লর্ড জেটল্যান্ডের এই বক্তৃতা সময়োচিত হয় নাই।

পাটের মূল্য নিয়ন্ত্রণ—

সম্প্রতি বেঙ্গল শাসনাল চেম্বার অফ কমার্স বাঙলা গভর্নমেন্টকে পাটের নিয়ন্ত্রণ মূল্য আরও বৃদ্ধি করিবার জন্ত অনুরোধ করিয়াছেন। যুদ্ধের জন্ত পাটের রপ্তানি বন্ধ হইয়া যাওয়ায় মিল-ওয়ালারাই কাঁচা পাটের একমাত্র খরিদদার দাঁড়াইয়াছেন। নিজেদের মধ্যে চুক্তি করিয়া তাঁহারা পাটের উচ্চতম মূল্য ৭।০ টাকা নির্ধারিত করিয়াছেন। ফলে ফাটকা বাজারে পাটের দর চার-পাঁচ টাকায় নামিয়া গিয়াছে। কাঁচা পাটের খরিদদার না থাকিলেও চট্টের বস্তার চাহিদা ক্রমেই বাড়িতেছে। সুতরাং পাটের দর নামিয়া যাওয়া অশ্রয়! আমরা আশা করি,

বাঙলা সরকার এ বিষয়ে যথোপযুক্ত ব্যবস্থা অর্চিয়েই অবলম্বন করিবেন।

মূল্য নিয়ন্ত্রণ—

যুদ্ধ বোধধার সঙ্গে সঙ্গেই চাল-ডাল-ছুন-তেল হইতে আরম্ভ করিয়া ঔষধপত্র পর্যন্ত সমস্ত দ্রব্যের মূল্য কোথাও দ্বিগুণ, কোথাও বা তিন গুণ বাড়িয়া গিয়াছিল। কেহ কেহ অধিকতর লাভের আশায় মাল বিক্রয় বন্ধ করিয়া মজুত করিয়া রাখিতে আরম্ভ করিয়াছিল। সকল প্রদেশেই এই একই অবস্থার উদ্ভব হইয়াছিল। সকল প্রদেশের গবর্নমেন্টই অসাধারণ তৎপরতায় ইহাতে হস্তক্ষেপ করিয়া ব্যবসায়ীদের অন্তায় লোভ সংযত করিয়া দিয়াছেন। বাঙলা সরকার লোকের নিত্য প্রয়োজনীয় দ্রব্যের মূল্য বাড়াইতে পারা যাইবে না বলিয়া নির্দেশ দিয়াছেন। ফলে জিনিস-পত্রের দাম অসম্ভব রকম চড়িতে পায় নাই। নানা ভাবে সরকারের উদ্দেশ্য পূর্ণ করিবার চেষ্টা চলিতেছে। সম্প্রতি গবর্নমেন্ট একজন আই-সি-এসের সভাপতিত্বে বিভিন্ন ব্যবসায়ী প্রতিষ্ঠান, বিশ্ববিদ্যালয় ও বাহির হইতে বারোজন সদস্য লইয়া একটি মূল্য-নিয়ন্ত্রণ পরামর্শ কমিটি গঠন করিয়াছেন। অনেক ক্ষেত্রে ব্যবসায়ীরা ক্যাশমেমো দিতে চাহিতেছে না। ছুন, চাল প্রভৃতির ক্যাশমেমো পাওয়া যায় না। খরিদারের পক্ষে সর্বক্ষেত্রে অভিযোগ করাও সম্ভব নহে। সরকারের লোক নিয়ন্ত্রণ করিয়া বিশেষ সতর্ক দৃষ্টি দেওয়া কর্তব্য। ক্রমশই মূল্য বৃদ্ধি পাইতেছে। কাগজ প্রভৃতির মূল্য উত্তরোত্তর বৃদ্ধি হইতেছে। বড় বড় প্রতিষ্ঠান আর যেন মূল্য বৃদ্ধি করিতে ভীত নহে। বিশেষ তৎপরতার সঙ্গে গবর্নমেন্টের ইহা রোধ করার চেষ্টা করা উচিত।

হিন্দু নেতৃবর্গের প্রতি আশিষ্টতা—

উক্ত শ্রীমান প্রসাদ মুখোপাধ্যায়, ত্রীভুক্ত নির্মালচন্দ্র চট্টোপাধ্যায় প্রভৃতি বিশিষ্ট নেতৃবর্গ কুমিল্লায় শফরে গেলে একশ্রেণীর মুসলমান জনতা ছাত্রদের সহযোগে তাঁহাদের গাড়ী আক্রমণ করিয়া যে গুলিগণি করিয়াছিল, আমরা গুনিয়া স্তম্ভী হইলাম, যে সম্বন্ধে তদন্তের জ্ঞাত মৌলবী ফজলুল হক সাহেব স্বয়ং কুমিল্লা গিয়াছেন। মৌলবী ফজলুল হক সাহেব নিজেকে বাঙ্গলার মুসলমান সমাজের একচ্ছত্র নেতা বলিয়া মনে করেন। বাহারা কুমিল্লায় এই দুষ্কার্য করিয়াছে তাহারা যে রাজনৈতিক মতবাদের জ্ঞাতই করিয়াছে এরূপ সন্দেহ করা স্বাভাবিক। সূতরাং এই শোচনীয় ঘটনার অত্যন্ত পরেই স্বয়ং কুমিল্লা যাত্রা করিয়া হক সাহেব যে তাঁহার নেতৃত্বের মর্যাদা রক্ষায় বড়বান হইয়াছেন তাহা নিশ্চয়ই স্বীকার করিতে হইবে। আমরা আশী করি, তাঁহার চেষ্টায় এই ঘটনার যথোপযুক্ত তদন্ত ও প্রতিকার হইবে।

ভারতবর্ষ ও ব্রিটেন—

ভারতসচিব লর্ড জেটলাণ্ডের বিবৃতি প্রকাশিত হওয়ার ফলে ভারতের সর্বস্তরে একটা বিশেষ চাঞ্চল্যের সাজা পড়িয়া গিয়াছে। পণ্ডিত জওহরলাল নেহেরু ইহা ব্রিটেনের ভারত সম্বন্ধে সত্যকার অভিমত বলিয়া স্বীকার করেন নাই। ব্রিটিশ জনসাধারণের সত্যকার অভিমত কি আমরা জানি না। এ সম্বন্ধে বিলাতের দুইখানি পত্রিকায় যে অভিমত ব্যক্ত হইয়াছে তাহা বিশেষ উল্লেখযোগ্য।

“নিউ স্টেটসম্যান এণ্ড নেশন” বলিতেছেন:

“কংগ্রেস এখন আর দায়িত্বহীন বিরুদ্ধবাদী একটা দল নয়। আজ জগৎসমক্ষে ভারতবর্ষের নিকটে আমাদের এই প্রশ্নের উত্তর দিতে হইবে,—এই যুদ্ধ গণতান্ত্রিক স্বাধীনতার জ্ঞাত, না বর্তমান ব্যবস্থা ও সাম্রাজ্য কায়ম রাখিবার জ্ঞাত? ভারতবর্ষকে আপন ভাগ্যনিয়ন্তা জাতিরূপে প্রতিষ্ঠিত করিবার প্রতিশ্রুতি আমাদের যুদ্ধের উদ্দেশ্যাবলীর অন্তর্ভুক্ত কামতেই হইবে। পণ্ডিত জওহরলাল নেহেরুকে নামে না হোক, কার্যত ভারতীয় রাষ্ট্রের সভাপতি করিলে আমরা ভারতবর্ষকে স্বপক্ষে পাইব, এবং সভ্য জগৎ আমাদের আন্তরিকতা বিধায় করিবে। ওয়াশিংটন হইতে মস্কো পর্যন্ত সকলে জিজ্ঞাসা করিতেছে, আমরা কি জ্ঞাত যুদ্ধ করিতেছি? আমরা যদি ভারতকে স্বাধীনতা দান করি, তাহা হইলে একটা স্বাধীন জাতির নেতৃত্ব আমরা লাভ করিব। আর যদি আমরা ভারতকে দমিত রাখি, তাহা হইলে ইউরোপ বা আমেরিকায় কত কি ভুল করিয়াও ভাবিবে আমাদের গণতন্ত্রের সমর্থক?”

“ন্যাশ্যনালিস্ট গার্ডিয়ান” একটি প্রবন্ধে লিখিয়াছেন:

“ভারতের কংগ্রেস এই দাবী করিয়াছে যে, ব্রিটেন যদি এই যুদ্ধে গণতান্ত্রিক স্বাধীনতার অধিকারসমূহ রক্ষা করিবার জ্ঞাত ব্রতী হইয়া থাকে, তাহা হইলে ভারতের ব্যাপারে ব্রিটেনের ওই নীতি প্রয়োগ করিতে হইবে। ব্রিটিশ সরকার যদি মনে করেন যে, মহাত্মা গান্ধী এই দাবী উত্থাপনকারী কংগ্রেসের পাশ্বে দণ্ডায়মান হইবেন না, তাহা হইলে তাহারা গুরুতর হস্তে পতিত হইবেন। আমাদের সম্মুখে এক বিরাট সমস্যা উপস্থিত হইয়াছে। সরকারকে এই সমস্যা হই একথা স্পষ্ট বুঝাইয়া দিতে হইবে যে, যদি পারেন, তাহা হইলে ভারতের পূর্ণ ও অকুণ্ঠ সহযোগিতাই অর্জন করিতে চাহেন।

বিলাতের প্রগতিপন্থী সংবাদপত্রের স্বর এই প্রকার হইলেও বিরুদ্ধ স্বর গাছিবার পত্রিকারও অভাব নাই।



সিন্ধু স্পোর্টস্‌ম্যান্স ৪
মুসলিম—৩৭৯
হিন্দু—২০ ও ২০৪
হিন্দুদল ১ ইনিংস ও ৮৪ রানে পরাজিত হ'য়েছে।



নাওমল

আরোপ ৩৬। মুসলিম বোলারদের কৃতিত্ব অদ্ভুত; লাক্‌ডা মাত্র ১২ রানে ৪টে ও লানেওয়াল ২৮ রানে ৩টে উইকেট পেয়েছে।

মুসলিমরা ইনিংস শেষ ক'র লো ৩৭৯রানে। লাক্‌ডা ৮১ রান করে শেষ পর্যন্ত ৩৮ আউট হইলো; ব্যাট ও লে সে



প্যালেস্তাইন ফুটবল দল। ইহার অষ্টেলিয়া অভিনায়ের ফেরত পথে বোম্বাইয়ে কয়েকটি প্রদর্শনী খেলা খেলেছেন

সমান কৃতিত্ব দেখিয়েছে। আক্রাস খাঁ ৫৮ এবং দাউদ খাঁর ৪৬ রানও উল্লেখযোগ্য।

২৮৯ রান পিছিয়ে হিন্দুরা দ্বিতীয় ইনিংস আরম্ভ ক'রলো। আরম্ভ এবারও ভাল হ'ল না। ৩৫ রানে ৩টে উইকেট পড়ে গেল। দীপটাদ ও গোপাল দাস এসে খেলা একটু ঘোরালে। তাও বেশীক্ষণ স্থায়ী হয়নি। দীপটাদ ৫৯ ও গোপালদাস ৪১ রানে আউট হ'ল। হিন্দুদের দ্বিতীয় ইনিংস শেষ হ'ল ২০৪ রানে। হায়দার ৫২ রানে ৩টে উইকেট পেয়েছে।



গোপাল দাস

রঞ্জি ক্রিকেট প্রতিযোগিতা ৪

বর্তমান আন্তর্জাতিক পরিস্থিতির জ্ঞাত বাঙ্গলা থেকে আগামী বারের রঞ্জি ক্রিকেট প্রতিযোগিতা বন্ধ রাখিবার জ্ঞাত যে প্রস্তাব করা হয় তাতে বোম্বাই, মাদ্রাজ, ওয়েস্টার্ন ইণ্ডিয়া স্টেট, বরোদা,

দিল্লী, মহারাষ্ট্র, বিহার ইউনাইটেড প্রভিঞ্চ, নও-নগর ও হায়দ্রাবাদ প্রতিযোগিতা বন্ধ না করার পক্ষপাতী। মহীশূর ও এন, ডবলউ, এফসি বাঙ্গলাকে সমর্থন ক'রেছে।

জো'লুইয়ের সাফল্যঃ

পৃথিবীর হেভিওয়েট চ্যাম্পিয়ানসিপের আর এক উচ্চাকাঙ্ক্ষী বব পাষ্টোরকে পরাজিত করে জো'লুই স্বীয়




সম্মান অক্ষুণ্ন রেখেছেন। দর্শক সংখ্যা হুয়েছিল চল্লিশহাজার।

জেমস ব্রাডকে র কাছ থেকে চ্যাম্পিয়ানসিপ কেড়ে নেবার পর থেকে ছু'বছরে জো'কে এবার নিয়ে আট

বার নিজ সম্মান অক্ষুণ্ন রাখবার জন্ত লড়তে হুয়েছে। তার ফলে নাথান

ম্যান, হ্যারি টমাস, টমি ফার, ম্যাক্স স্মেলিং হেনরী-লুই, জ্যাকরপার ও টনি গ্যালেষ্টোকে ইতিপূর্বেই পরাজিত হুতে হুয়েছে। মুষ্টিযুদ্ধের ইতিহাসে এটি একটি নূতন রেকর্ড।

অনেকের মতে বব পাষ্টোরই নাকি জো'র সব থেকে বড় প্রতিদ্বন্দী। এগার রাউণ্ড লড়ে জো' তাঁকে হারতে সক্ষম হ'ন।



লাহোরের ইন্টার-আসানাল মল্লযুদ্ধে রত মিচেল গিল (ইংলণ্ড) ও নাজিম (ভারতবর্ষ) ;

তৃতীয় রাউণ্ডে মিচেল গিল পরাজয় স্বীকার করেছে।

জো' প্রথম থেকেই ভীষণভাবে লড়তে আরম্ভ করেন, ফলে ববকে অল্পক্ষণের জন্ত চারবার ভূতলশায়ী হুতে হয়।



ইণ্ডিয়ান স্কুল স্পোর্টস এসোসিয়েশনের সাধারণ বয়েজ স্বাউটসে ২০০ মিটার রীলে রেস বিজয়ী প্রথম-একাদশ ক্যালকাটা টপ ছবি—সি ব্রাদার্স এণ্ড কো

সপ্তম রাউণ্ডের পর থেকে জো'কে একটু ক্লান্ত মনে হুতে লাগলো। এই সময় বব প্রাণপণে লড়তে আরম্ভ করেন, এবং ৮ম, ৯ম ও ১০ম রাউণ্ডে চ্যাম্পিয়ান জো'কে বড়ই ব্যতি ব্যস্ত করেন। ১০ম রাউণ্ডে দর্শকরা দেখে বিস্মিত হুলো। যে বব লুইকে হারতে মারতে দড়ির ধারে নিয়ে গেছেন।

প্রতিশোধ তুলতে জো' পরের রাউণ্ডে এমন প্রচণ্ড আক্রমণ শুরু করলেন যে, ফলে ববকে ভূতলশায়ী হুতে হুলো।

লক্ষ্মীবিলাস

শীল্ডঃ

বি জি প্রেস ৩-১ গোলে বার্মাসেলকে হারিয়ে লক্ষ্মীবিলাস শীল্ড বিজয়ী হুয়েছে। বি জি প্রেসের পক্ষে চ্যাটার্জি ২ ও ডি ব্যানার্জি

১. এবং বার্মাসেলের পক্ষে কামিং ১ গোল করেন। বার্মাসেল পে না স্টি পেয়েও গোল দিতে পারেনি।

ভাসিটি বাচ

প্রতিযোগিতাঃ

বাচ প্রতিযোগিতার লীগ চ্যাম্পিয়ানসিপ ও নক্-আউট টুর্নামেন্টে বিজয়ী হুয়ে বিজাসাগর কলেজ বিশেষ কৃতিত্বের পরিচয় দিয়েছে। লীগে তারা প্রত্যেকটি খেলায়

জয় লাভ করে। টুর্নামেন্ট ফাইনালে তারা সেন্ট জেভিয়ার্সের কাছে অতি সহজে দেড় লেংখে বিজয়ী হয়।

বিজাসাগর

এ ব্যানার্জি

এন চ্যাটার্জি

পি সেন

এস মুখার্জি

এস মুখার্জি

'বো'

'কক্স'

সেন্ট জেভিয়ার্স

কৃষনান্

সি এস পাই


এস দে

এস চক্রবর্তী

জে এম কাউল

গভর্নরস শীল্ডঃ

হার্জারীবাগের প্রদর্শনী খেলায় মোহনবাগান ১৯৩৭ ও



ঢাকার বাচ-প্রতিযোগিতা বিজয়ী জগন্নাথ ইন্টার কলেজ

ইউনিভার্সিটি বাচ-প্রতিযোগিতার লীগ ও নক্-আউট বিজয়ী বিজাসাগর কলেজ দল, উভয় টুর্নামেন্টে

৩৮ সালের রোভাস' বিজয়ী বাঙ্গালোর মুসলিমকে ৪-০

গোলে পরাজিত করে গভর্নরস শীল্ড বিজয়ী হুয়েছে।

বাঙ্গালোর মুসলিম মোহনবাগানের কাছে দাঁড়াতেই পারে

নি। মোহনবাগানের পক্ষে গোল করেছেন এ রায়

চৌধুরী ২, জে যোষ ও এ দে। বিমল, প্রেমলাল ও এস মিত্র

খেলায় যোগদান করতে পারেন নি। বাঙ্গালোর মুসলিমের

পক্ষেও তাদের দু'জন নিয়মিত খেলোয়াড় খেলেনি।

লক্ষ্মীবিলাস কাপঃ

মোহনবাগান ১-০ গোলে ডালহৌসীকে পরাজিত করে

লক্ষ্মীবিলাস কাপ বিজয়ী হুয়েছে। এস মুখার্জি গোল দেয়।

ইউনিভার্সিটি

নক্ আউট

টুর্নামেন্ট ৪

ইউনিভার্সিটি নক্ আউট টুর্নামেন্টে রিপন কলেজ ৩-২ গোলে সিটি কলেজকে পরাজিত করে ডাক্তার হেরষ মৈত্র শীল্ড বিজয়ী হয়েছে। সিটি কলেজ ডাক্তার ইওয়ান কাপ পেয়েছে।



হেরষচন্দ্র মেমোরিয়াল শীল্ড বিজয়ী রিপন কলেজ ফুটবল দল

মহেন্দ্র কাপ ৪

দিল্লীর বিখ্যাত মহেন্দ্র কাপ প্রতিযোগিতার ফাইনালে ঢাকা ফান্সি ২-১ গোলে দিল্লী চ্যাম্পিয়ানকে পরাজিত করে বিজয়ী হয়েছে।

ঢাকার পক্ষে জলিল ছুটি গোল দেয়।

সরস্বতী কাপ ৪

কাষ্টমস রিক্রিয়েশন বেঙ্গল কেমিক্যালকে ১-০ গোলে পরাজিত করে বিজয়ী হয়েছে। বিজয়ী দলের পক্ষে সীম্যান গোল করেন।

ইউ এস এ টেনিস ৪


ইউ এস এ টেনিস প্রতিযোগিতায় ববি রিগস ও কুমারী এলিস মার্কেল যথাক্রমে পুরুষ



মার্কেল



রিগস



হেলন জ্যাকব

ইন্টার কলেজিয়েট সুইমিং ৪

এবার ইন্টার কলেজিয়েট সুইমিং প্রতিযোগিতায় তিনটি বিষয়ে নূতন রেকর্ড স্থাপিত হয়েছে।

বিছাসাগর কলেজের সন্তোষ চ্যাটার্জি ১/৪ মাইল ফ্রি ষ্টাইলে ৬ মিঃ ১৯ ১/২ সেকেন্ডে অতিক্রম করে নূতন রেকর্ড করেছেন। ১০০ মিটার ব্রেক স্ট্রোকে এইচ ব্যানার্জি ১ মিনিট ২৯ সেকেন্ডে অতিক্রম করে নূতন রেকর্ড করেছেন। ইনি এবার নিয়ে পর পর তিনবার উক্ত প্রতিযোগিতায় বিজয়ী হলেন।

রিপন কলেজ ৩x১০০ মিটার রীলে রেস ৪ মিঃ ২৯ সেকেন্ডে অতিক্রম করে নূতন রেকর্ড করেছে। টিম চ্যাম্পিয়ানসিপ পেয়েছে রিপন কলেজ।

ও মহিলাদের সিঙ্গেল বিজয়ী হয়ে উইম্বলডনের সম্মান অর্জন রেখেছেন। ববি রিগস ৬-১, ৬-২, ৬-৪ গেমের ভন্ হর্গকে পরাজিত করেছেন।

কুমারী এলিস মার্কেল ৬-০, ৮-১০ ও ৬-৪ গেমের কুমারী হেলেন জেকবকে পরাজিত করে বিজয়ী হয়েছেন।



তালতলা ইনষ্টিটিউট স্পোর্টসের এক লেংথ পিট সাতার (জুনিয়ার) বিজয়ী প্রতীপ মিত্র (-আসনাল); সময়—১ মিনিট ৭ ১/২ সেকেন্ড রেকর্ড) ছবি—সি ব্রাদার্স এণ্ড কোং

মেয়েদের বাস্কেট বল ৪

মেয়েদের ইন্টার কলেজিয়েট বাস্কেট বল লীগ প্রতিযোগিতায় ভিক্টোরিয়া ইনষ্টিটিউটসন বিজয়ী হয়েছে। প্রত্যবেও তারা বিজয়ী ছিল। লীগের সব খেলাতেই তারা জয়লাভ করেছে। বিছাসাগর কলেজের কাছে জিততে তাদের বিশেষ বেগ পেতে হয়েছিলো, ১৯-১৬ পয়েন্টে হেরে। মেডিক্যাল কলেজ একটিও পয়েন্ট না পেয়ে শেষ স্থান অধিকার করেছে।



ইন্টার-কলেজিয়েট বাস্কেট বল লীগ চ্যাম্পিয়ন ভিক্টোরিয়া ইনষ্টিটিউটসন ছবি—ডি রতন এণ্ড কোং

ব্রা ব্রোণ কাপ ৪

ব্রা ব্রোণ কাপ প্রতিযোগিতা চলছে। কিন্তু বিশেষ লোক সমাগম হচ্ছে না। মহামেডান স্পোর্টসিংয়ের খেলাতেও লোক নেই। প্রথম খেলা অপেক্ষা তাদের দ্বিতীয় খেলাতে কিছু ভিড় হয়েছিল, সভ্যদের গ্যালারীরও বহু অংশ খালি ছিল। সে উত্তেজনা, উল্লাস, চীৎকার কিছুই নেই। ছুটো করে খেলা এক দিনে এক মাঠে হয়েছে। কোন কোন দলকে পর-পর দু'দিনও খেলতে হয়েছে। আই এফ এর অধীনে খেলতে হলে এই নিয়েই কত গোলযোগের সৃষ্টি হতো। এতগুলি দল কোথায় লুকিয়ে ছিল। উত্তোক্তাদের বাহাদুরী আছে স্বীকার করতেই হবে, দেশ-বিদেশ থেকে এতগুলি (খ্যাত নাই হোক) দলকে সংগ্রহ করা সহজ কথা নহে।



স্বটিগাচার্চ কলেজ দল। মেয়েদের বাস্কেট বল লীগে দ্বিতীয় স্থান অধিকার করেছে

রেফারিং কি নিখুঁত হচ্ছে—উদ্যোক্তরা কি বলেন? আই এফ এর মতনই রেফারিংয়ে ক্রটি-বিচ্ছাতি হচ্ছে। হওয়াই সম্ভব, নিখুঁত রেফারিং বিলাতেও হয় না। খেলোয়াড় দণ্ডিত ও সতর্কীত হয়েছে। মহমেডান স্পোর্টিংয়ের মাসুদ অত্মদলের হয়ে খেলে রেফারি সিরাজীর সঙ্গে বাগবিতণ্ডা করায় মাঠ থেকে বহিস্কৃত হয়। সিংহল দল ব্যতীত নামজাদা একটি দলও আসেনি, বা এপর্যন্ত একটিও উৎকৃষ্ট বিশেষ প্রতিযোগিতা-মূলক খেলা হয় নাই। কেবল ভিজাগাপট্টম আগত মর্ফিং ষ্টার দলের খেলাটি দর্শনীয় হয়েছিল। তারা প্রথমার্ধে একগোলে অগ্রগামী থেকেও ৩-১ গোলে মহামেডানদের কাছে হেরে গেছে। রেফারির অবিবেচনায় তাদের বিপক্ষে পেনালটি দেওয়া হ'লে মহামেডানরা গোল শোধ করতে পারে। শেষার্ধে আত্মরক্ষা প্রণালী অবলম্বন করা তাদের ভুল হয়, তাতেই খেলার গতি ঘুরে যায়।

ইষ্টবেঙ্গল ৪-১ গোলে জয়ী হয়েও রেফারির অযোগ্য পরিচালনার জন্ত সিংহল একাদশের সঙ্গে পুনরায় খেলতে বাধ্য হয়েছে। পরিচালক প্রথমার্ধে ৫ মিনিট কম খেলিয়েছিল। ইষ্টবেঙ্গলের দ্বিতীয় গোলটি আউট থেকে বল মাঠে টেনে নিয়ে করা হয়। রেফারিং যথা পূর্বং তথা পরং—বিদ্রোহী দলরা কি আবার বিদ্রোহ করবেন? এ খেলাতেও লোক সমাগম আশানুরূপ হয় নি।

সাহিত্য-সংবাদ

নবপ্রকাশিত পুস্তকাবলী


- শ্রীপৃথ্বীশঙ্কর ভট্টাচার্য্য এম-এ প্রণীত "কার্টুন"—১।
 রেজাউল করীম প্রণীত "জাতীয়তার পথে"—২।
 শ্রীঅসমঞ্জ মুখোপাধ্যায় প্রণীত "চৌ চৌ"—২।
 শ্রীহরিপদ শাস্ত্রী প্রণীত "আমার ধর্ম"—১। ও "ছেলেদের গীতা"—১।
 সিং সি রবার্টস সম্পাদিত "What India Thinks"—৭।
 শ্রীগৌরগোপাল বিভাবিনোদ প্রণীত উপন্যাস "পরকীয়া"—১।
 শ্রীফাল্গুনী মুখোপাধ্যায় প্রণীত উপন্যাস "ভূহঁ মম জীবন"—২।
 শ্রীবিজয়কৃষ্ণ মুখোপাধ্যায় প্রণীত গীতাভিনয় "পুষ্প-সমাধি"—১।
 শ্রীসঞ্জিতকুমার চট্টোপাধ্যায় প্রণীত "অহি-নকুল কথা"—১।
 শ্রীবিধনাথ সাত্তাল প্রণীত "রক্ষণত শনি"—১।
 শ্রীরবীন্দ্রলাল রায় প্রণীত ছোটদের গল্প "বলি ত হাসব না"—১।
 শ্রীরামপদ মুখোপাধ্যায় প্রণীত উপন্যাস "রতন দীঘির জমিদার বধু"—২।
 শ্রীবিজয়রত্ন মজুমদার প্রণীত "প্লাবন"—২। ও "আবহাওয়া"—২।
 আবদুল কাবের প্রণীত "তুরস্কের ইতিহাস, ২য় খণ্ড"—২।
 শ্রীমতী দীপিকা দে প্রণীত উপন্যাস "কামরূপের মেয়ে"—২।
 শ্রীহরকুমার দে সরকার প্রণীত ছেলেদের "অরণ্য রহস্য"—১।
 শ্রীগোপাল ভৌমিক প্রণীত ছেলেদের গল্প "দেশী ও বিলাতী"—১।
 শ্রীদেবনারায়ণ গুপ্ত প্রণীত ছেলেদের গল্প "ময়দানবের বাতি"—১।

সম্পাদক

শ্রীফল্গুনী মুখোপাধ্যায় এম-এ

শ্রীস্বধাংশুশেখর চট্টোপাধ্যায়

Printed & Published by Gobindapada Bhattachariya for Messrs. Gurudas Chatterjea & Sons,
 at the Bharatvarsha Ptg. Works 203-1-1, Cornwallis Street, Calcutta



শিল্পী—শ্রীযুক্ত বাজেন্দ্র সাহা

দীপাঙ্কিতা

ভারতবর্ষ প্রিন্টিং ওয়াকস